

**DUE DATE SLIP****GOVT. COLLEGE, LIBRARY**

KOTA (Raj.)

Students can retain library books only for two weeks at the most.

BORROWER'S No.	DUE DTATE	SIGNATURE

# रवि ठाकुर की बातें

विश्ववन्द्य भारत की विभूति रवीन्द्रनाथ ठाकुर की बातों से राजस्थानी अनुवाद

१९६६

अनुवादिका

रानी लक्ष्मी कुमारी चंडावत



प्रकाशक

राजस्थान साहित्य अकादमी,  
उदयपुर

प्रकाशक

डॉ० मोतीलाल सेनारिया

संचालक

राजस्थान साहित्य अकादमी

उदयपुर ।

प्रथम संस्करण

१९६१

मूल्य

तीन रुपये पच्चीस नये पैसे

मुद्रक

जगन्नाथ यादव

अध्यक्ष

केशव आर्ट प्रिण्टर्स

अजमेर ।

## समर्पण

त्वदीय वस्तु गोविन्दे तुभ्यभिव समर्प्यते

# प्रकाशकोथ निवेदन

★

स्व० रवीन्द्रनाथ ठाकुर की कृतियाँ आज भारतीय वाङ्मय में ही नहीं, अपितु विश्व-साहित्य में समादरणीय हैं। विभिन्न भाषाओं में उनके अनुवाद हुए हैं। इतना ही नहीं, कई विद्या-व्यसनी तो रवीन्द्र, शरन् और बंकिम का साहित्य समझ पाने के लिये ही बंगला सीखते हुए देखे गये हैं।

साहित्यकार चाहे किसी भी भाषा में रचना करे, वह साहित्य मात्र उसी भाषा-भाषी क्षेत्र के लिये न होकर समूची मानवता के लिये होता है। इसीलिये उसकी आवाज को जन-जन तक पहुँचाने का दायित्व निभाया जाता है और इसीलिये भाषा और लिपि के एकीकरण की बात सोची जाती है।

राजस्थान साहित्य अकादमी ने रवीन्द्र-शताब्दी-समारोह के अवसर पर यह आवश्यक और उपयुक्त समझा कि विश्व-कवि की कुछ रचनाओं का राजस्थानी-अनुवाद प्रकाशित किया जाय। प्रस्तुत प्रकाशन उसी निश्चय की क्रियान्विति है। अनुवाद या रूपान्तर का काम वस्तुतः बड़ा कठिन है। भाषाओं का जन्म और विकास वैज्ञानिक और मनोवैज्ञानिक आवारों पर होता है। अतः एक भाषा की अभिव्यंजना किसी दूसरी भाषा में पूर्णरूपेण समाहित नहीं हो पाती। फिर भी श्रेष्ठ रचनाओं के अनुवाद किये जाने के महत्त्व ने असहमति प्रकट नहीं की जा सकती।

प्रस्तुत प्रकाशन अपने उद्देश्य में कितना सफल रहा है, इस मूल्यांकन की अपेक्षा हमसे नहीं, पाठकों से ही की जानी चाहिये।

डॉ० मोतीलाल मेनारिया

संचालक,

राजस्थान साहित्य अकादमी,

उदयपुर।

# सादर अभिवादन

बंग भूमि इस युग में हमारे सारे देश के लिए प्रेरणा स्रोत रही है। प्रारम्भ में पाश्चात्य शक्तियों का वर्षों तक अखाड़ा बना रहने के कारण पश्चिमी वातावरण का प्रभाव सर्वप्रथम बंगाल पर पड़ना स्वाभाविक ही था। अंग्रेजी राज्य में कलकत्ता वर्षों तक हमारे देश की राजधानी रहा। अंग्रेजी साहित्य तथा पाश्चात्य साहित्य का परिचय एवं प्रवेश हमारे यहाँ बंगभाषा के माध्यम से ही हुआ था। आज भी बंगाली हमारे देश की सर्वोच्च विकसित भाषा है।

बंगाल के क्रान्तिकारियों ने ही सर्वप्रथम हमारे देश में स्वतन्त्रता का शंखनाद किया था। हमारा प्रान्त राजस्थान तो बंगभूमि के मनीषी विद्वानों, साहित्यकारों और कलाकारों का सदा ही ऋणी रहेगा। राजस्थान को उसके वीरत्व का भान इस युग में बंगाल ने ही करवाया था। सारा बंग साहित्य राजस्थानी पराक्रम, त्याग और वलिदान से परिपूर्ण है। तीर्थयात्रा के लिए रवाना होने वाले बंगाली बन्धुओं के तीर्थों की सूची में चित्तौड़गढ़ और हल्दीघाटी भी अत्यन्त महत्त्वपूर्ण तीर्थ होते हैं, इसीलिए साल की साल सैकड़ों बंगवासी चित्तौड़गढ़ और हल्दीघाटी को अपनी श्रद्धाञ्जलि चढ़ाने आते हैं। वास्तव में राजस्थान का शौर्य और त्याग अंधकार में विलीन हो रहा था उसको बंगीय बन्धुओं ने प्रकाश पुंज से आलोकमय कर दिया। अपने विक्रम और वलिदान के कारण राजस्थान हमारे देश के लिए ही नहीं बल्कि विश्व भर के लिए आदर्श प्रतीक बन गया।

अपनी वृद्धावस्था में रविबाबू को राजस्थानी वीरकाव्य सुनने का अवसर मिला। वे मन्त्र-मुग्ध की तरह सुनते रहे फिर बोले, 'अपनी जवानी के दिनों में यदि यह राजस्थानी वीर काव्य मुझे सुनने को मिला होता तो मैं अपनी सारी जिन्दगी ही इसी काव्य के उद्धार और प्रचार में लगा देता'। रवि बाबू की इतनी उच्च धारणा थी राजस्थानी वीर काव्य के लिए।

राजस्थान और बंगाल के सम्बन्ध बड़े भावनापूर्ण रहे हैं। राजस्थानी वीरत्व और वलिदान बंगाली भाषा, साहित्य और संस्कृति के महत्त्वपूर्ण अंग बन गये हैं। बंग भाषा के खास खास साहित्यकारों की कृतियों का अनुवाद राजस्थानी भाषा और साहित्य के लिए अनिवार्य आवश्यकता है। इस दिशा में अपना कर्तव्य महसूस कर, विश्व-कवि रवीन्द्रनाथ ठाकुर की शताब्दी समारोह के शुभावसर पर उनकी २१ कहानियों का अनुवाद इस संग्रह में प्रस्तुत करते हुये विश्ववन्द्य महापुरुष की पवित्र स्मृति को तथा यशस्विनी बंग-भूमि को सादर अभिवादन करती हूँ।

अक्षय तृतीया सं० २०१८

लक्ष्मी निवास कॉटेज

बनी पार्क जयपुर

श्रीमती उर्मि कुमारी चंडावत

श्री

गणेश


स्तोत्र

व्याख्या

# सूची

१	आची रा अमला में	१
२	डाकवावू	१३
३	जासूत	१६
४	अणव्हेणी वात	२८
५	हुट्टी	३६
६	रासमणि रो वेटी	४३
७	सजा	७१
८	कावली	८१
९	बदलो	८६
१०	उद्धार	१०२
११	उलट फेर	१०६
१२	त्याग	११०
१३	वाळिया	११७
१४	संस्कार	१२७
१५	हारजीत	१३३
१६	भूखा पाखांग	१४३
१७	दुरासा	१५६
१८	देजलेज	१७०
१९	राजतिलक	१७७
२०	सुभ द्रष्टि	१८७
२१	संपूरण	१९४





गुरुदेव रवीन्द्रनाथ ठाकुर



## आधी रा अमला में

'डॉक्टर ! डॉक्टर !'

'जीव खाय गया, यो ई कोई सम है आवा रो आधी रात रा ।'

आंखियां उघाड़ी तो ठाकरसा दीखिया, दझिणाचरण वाबू । चमक ने उठियो । जूनी दूटोड़ी कुरसी खांच ने सरकाई, वांने विराजवा ने कियो । घंवरायोड़ो मूडां कानी नाळवा लागियो ।

घड़ी आडी ने नाळूं तो अट्टाई वजरिया ।

वांरो मूंडो घोळो फट्ट पड़रियो, आंखिया रा डोळा वारै निकळरिया जाणै छटक न नीचे आय पड़ेला । वे घंवरायोड़ा कँवण लागा, 'आज पाछो ऊधम व्हेण लागियो । डॉक्टर, थारी ओखद काई कार नीं करे ।'

महूं थोड़ोक रुकतो रुकतो बोलियो, 'आप दारू री छाकां क्युं वती लेवा लागिया हो ।' ठाकरसा बोळा ई वेराजी व्हिया । बोलिया, यो थारा मन रो भरम है भरम दारू नीं, आद सूं अंत ताईं थां विगत नीं सुणोला जतरे थारी समझ में ई नीं आवाने है के ई री जड़ काई है ।

आळ्या मांयने घासलेट रा तेल री चिमनी री वाती टमटम कर री ही, महें वीं वाती ने छनीक ऊंची कीधी । वाती थोड़ीक वती निकळगी, घूंवे निकळवा लागो । चीड़ री पेटी पै अखवार रो पात्रो बिछाय, डील पै घोवती रो पल्लो न्हाकर म्हुं वैठगियो ।

दक्षिणाचरण वावू कैवण ह्किया, 'म्हारी पैलोडी परणी जेडी घर गिरस्थी ने सांभगी लुगार्ड, दीवो ले'र हेरियां लावै । जां दिनां म्हूं छक्र जवानी में हो । थां जांगो वा आस्था ई एड़ी व्हे । जठी ने चोघो जठी ने रंग र रस ई रस दीवै । म्हारा जो घटता में पूरा व्हेवा ने कविता र ज्ञास्तर पडियोडा हा । म्हने रैय रैय काळीदासजी रो स्लोक चींता आवतो, 'गृहणी सचिवः सतीमिथः प्रियशिष्या ललिते कलाविधौ ।' और तो सो क्युं ठीक हो पण म्हारी परणी पै वीं ललित कलाविधि री कांई सीख नी चालती । म्हूं तो चवतो रात रिन्हावण, दिन वतलावण । म्हूं कदी रसरंग री वृतां करतो, हेताळू रो हिवडो चीर ने वताण लागतो तो वा दांत काडवा लाग जावती । गंगाजी री घारा में ज्युं इन्दर रो एरावत हैरानगत व्हेगियो हो, ज्युं वीं री हांवी सूं टकराय रस नूं भीज्योडा रंग नूं भीन्योडा म्हारा गीत, दूवा अर गल्लां, चूंध्यो चूंध्यो व्हे उड जावता । सांच कैवूं थांने, उणरी हांसी में गजव री तागत ही ।

पछै, आज चार वरस ज्हिया, म्हारे एक खोडीली मांदगी लागगी । पैलां तो होठां माथै जेरीलो गुमडो ज्हियो, पछै सन्निपात आयगियो । नरवा में कांई नीं घटियो । घरतियां उतार लीवो । डॉक्टरां ई ना कर दीघो । एक कोई विरमचारी आयोडो हो । म्हारे एक लागती रो वीं विरमचारी ने पकड़ लावो । वीं एक जड़ी गायरा घी सागै दीघो । जड़ी ने जस जावो के म्हारा दिन घटता जांने पूरा करणा हा । म्हूं ऊठ वैठियो ।

वीं मांदगीं में म्हारी परणी रातदिन ऊभी री ऊभी रैगी । एक पल वा नीं सूती । खावणो, पीवणो, सोवणो कि नीं । म्हारे सिवाय जगत में कांई ज नीं दीखतो वींने । अयाक चाकरो, पूरो परेम देय, रात दिन री दौडणां दौड, मां छाती रे बाळक ने चिपकाय न वचाव ज्युं म्हारा पराण ने वीं वचाय लीवा । यूं जाणजावो के वारणां पै ऊभा जम रा दूतां सूं वा लडनी री ।

छेवट में जमरा दूतां नै, हरियोडा न्हार री नांई म्हने छोड न जावणो पडियो । जावता थकां वे म्हारी परणी पै हायळ मारता गया ।

जां दिनां वा आसा सूं ही । मरियोडी वेटी व्ही । जद सूं ई भांत भांत रा रोग उण रै गैल पडगिया । पछै म्हूं उणरी चाकरी करतो । वा म्हने चाकरी करतो देख विचळाय जावती कैवा लागती, 'थो आप कांई करो । मिनख कांई कैवैला । यूं घडी घडी रा म्हारा ओवरा में मत आवो ।'

रात ने म्हूं म्हारा हाय में पंखी ले यूं भलतो के जाणे म्हूं म्हारे ई जवायरो कर रियो हूं । वा पंखी हाय मांयनूं खोस लेवती । म्हूं वीं रा कने वैठ जावतो, रोटी जीमवाने क्युंक जेज व्हे जाती तो वीं रो जीव दौरो व्हेवा लागतो । वा

जीमवा री मनवारां करवा लागती । थोड़ीक ई नयूं चाकरी कर लेवतो तो वा ओळमों देवा लाग जावती । वा कैवो करती, आदमियां ने या अतरी 'अति' नीं करणी चावै ।

म्हांको वो बराहनगर वाळी घर तो थारो देख्योडो होसी । घर रे मूंडागे ई ज बाग है, बाग रे मूंडागे गंगाजी बेगरिया है । म्हांका खास उठ बैठ रा कमरा नीचे ई दिखणांद कानी थोड़ीसीक जमीं यूं ई ज पड़ी है । वठे म्हारी परणी आपरा हाथ सूं म्हेंदी रा गोड रोप न, वारी आड कर न फूलवाद लगाय दीधी । आखा ई बाग में एक वा ई ज जायगा ही जात्रक आपणा देसी ढंग री । नुवां ढंग रा बागां री नाई, सुगंध री जायगा भांत भांत रा रंगां रा फूल, फूलां नाम ई पत्तां री मोकळायत, वी में नीं ही । वठे तो आपणी देसी फूलवाद जूही, गोगरा, केतकी, गुलाब रा ठाठ हा । एक मोटो पसरियोडो वीळसरी रो रूख हो । उण नीचे मकराणा रा भाटा रो चूंतरो हो । वा मांदी नीं पड़ी जठा पैलां, दिनऊंगां रा अर संभया रा, ऊभी रैय वीं नै धोवावती । ऊनाळा रा दिनां में सांझ रा कामधाम सूं निपट न बैठवा री मरजी री जायगा ही । वठा सूं गंगाजी तो दीखे, परण नावडां में स्हेल करवा वाळा ने वा बैठी थकी नीं दीखती ।

माचा पै वा घणां दिनां सूं पड़ी ही । एक दिन चैत म्हीनां री चांदणी रात में वीं कहियो, 'घर मांयने पड़ी-पड़ी म्हूं अमूजगी । म्हने वारे वगीची में तो ले चालो । थोड़ी ताळ वठे बैठूंला ।'

म्हूं सावचेती सूं हाथ सांभ न वींने वीळसरी नीचे लेय गियो । धीरेकरी चूंतरां माथै सोवाय दीधी । म्हूं तो म्हारी साथळ माथै ई वीं रो माथो मेल देवतो परण म्हूं जाणतो वींने या वात अनांखी लागेला । जो म्हें तकियो लाय सिरात्यां लगाय दीधी । एक दो एक-दो वीळसरी रा फूल झड रिया हा । पत्ता मायनूं चांदणी आय वींरा पीळा पडियोडा मूंडा पै पड़ री ही । चारूं कानी थिरता ही, सुगंध सूं गैह डंबर न्हियोडा अंधारा में वैठियो म्हूं वींरा मूंडा साम्हो चोघ रियो हो । कजाणां नयूं म्हारी आखिया जळजळायगी ।

म्हें धीरे धीरे म्हारा दोई हाथां सूं वींरो नवायो हाथ उठाय लीघो । वीं मना नीं कीघो । थोड़ी ताळ यूं ई वैठियो रियो । म्हारा हिवडा में हिलोळो सो उठचो, म्हारा मूंडा सूं अचाणचक निकळ गियो, 'थारी प्रीतडली म्हारा सूं भूलणी नीं आवेला ।' म्हूं उखीज वगत चमकियो, या वात कैवा री नीं परण कैवणी आयगी । म्हारी परणी मुळकी । उणरी मुळक में गरगली पड़ जावे जेड़ी लाज

ही, सुख हो, आरुंद हो अर क्यूं अरु भरोसा री लळक ई ही । व्यंग री तीखी वाढ व्हेतो ई अचरज नीं ।

म्हारी वात रा पडूतर में वीं चूंकारो नीं कीधो पण मुळक ने जताय दीधो के 'नीं भूलोला, या तो व्हेणी नीं । नीं म्हूं एडी आस ई करूं ।'

वीं मीठी, कंवळी पण कटारी जेडी तीखी मुळक सूं डरपते थके म्हें कदी प्रीत री वातडलियां, हिवडो खोल न नीं कीधी । उण री पूठ पाछै घणी प्रीतडली री वातडलियां मन में उकळती पर मूंडा पै नीं कंवणी आवती । छपा रा छपियोडा आखरां में जां वातां ने पढतां पढतां आंखियां सूं धारवा छूट जावे वां वातां नै मूंडा सूं कैवा में हंसणों क्यूं आय जावे । म्हारी समझ में यो भेद नीं आयो, अतरी औस्था लेय लीधी तोई ।

जीभ सूं कोई कैवे तो उण रो उत्तर पडूतर ई देवणी आवै । पण मुळकवा रो कोई काई जुवाव दे । ज्यूं ई ज वीं वगत म्हने चुप्प रैवणो पड़ियो । अठीने एक कोयलडी तो कूकू री झडी लगाय राखी । वींरी कूकाट सूं म्हारे हिवडा में हूल पडगी, बैठियो बैठियो सोचवा लागो एडी दूधां धोई रातडी में म्हारी कोयलडी रा कान क्यूं वैहरा व्हेगिया ।

घणां घणां इलाज कराया पण वो रोग तो कटियो नीं । डाक्टरां सल्ला दीधी, एक दांण बारै लेजाय हवा पाणी बदलाय दो, फरक पड़े तो पड़ जावै ।

म्हूं परणी नै लेय इलाहाबाद आयो ।

अठै आय न कैवता कैवता दक्षिणाचरणा बावू ठम गिया, चोज री निजर सूं म्हारा साम्हा जोवा लागो । पछै दोई हथेळियां में माथो लगाय कजाणां काई सोच में पड़ गिया । आळ्या में घासलेट री चिमनी टमटम कर री ही । कमरा में छांछर मांछर रो भणणाटो सुणीज रियो हो । एकणदम मून तोड़ वे बोलिया—

वठै डॉक्टर हारानचन्दर म्हारी परणी री दवा करवा लागो । घणां दिना इलाज चालियो पण फरक काई पड़ियो नीं । छेवट में थाक न म्हाने ई थकाय न डॉक्टर जुवाव देय दीधो । 'म्हूं जाण गियो या सूल व्हेण ने नीं, वा ई जांणगी के माचा पै ई वीं ने ऊमर काढणी है ।

एक दिन म्हारी परणी म्हने केय दीधो, 'मांदगी तो मिटवाने है नीं, नीं कोई झट कजा आवती दीखै । फेर थां कठा ताई अधमरी अधजीवी रे लारे थांरो जमारो विगाड़ो । दूजो वियाव करलो ।'

वीं इए वात ने अतरा सूचा पणां सूं कही जांए वा एक अकल री सल्ला देय री व्हे । कोई त्याग कररी व्हे के कोई बडापणो जताय री व्हे एड़ी कोई वात वींरी भावना ने भींटी ई नीं ही ।

अवै औसरो हो म्हारे मुळकवा रो । पण म्हारा में वसी मुळक मुळकवा री सगती कठै ? म्हूं तो उपन्यास रा खास लाडा ज्यूं ठावापणा सूं ऊंचा साद में बोलियो 'जब लग घट में सांस...' वीं वीच ई म्हारी वात काट दीवी, 'वस, वस रैवादो, बोल्या जोई घणां । धारी वातां सुण न तो म्हारो मरजावा रो जीव करै ।'

म्हूं तुरन्त हार मानवावाळो नीं हो, 'ई जमारा में तो कोई दूजी ने प्रीत करणी आवै नीं ।'

सुण ने म्हारी घण जोर सूं हंस दीवों । म्हने बोलतां ने रुकणो पड़ियो । कजांणा वां दिनां म्हूं मन में मानतो के नीं पण अवै म्हूं मानूं । उए री माचो छोड़वा री आस नीं री जो सेवा चाकरी करता, म्हने थकेलो दीखवा लागगियो, काम-चाकरी करवा रो म्हें आळखो कदी नीं लीवो, पण आखो जमारी मांदा रा माचा री ईस वए ने काढ़वा रो विचार काळजा में कांटा ज्यूं सालतो । चढ़ता जोवन में जदी म्हूं आगली आडी ने भाळतो तो म्हारी जिंदगी म्हने डेडाट करता फूलड़ा जेड़ी लागती जि मांयतूं सुगंध री डंबरां फूट री व्हेती । अवै म्हने म्हारी जिंदगी अयाग, विना छाया री मरुभौम जेड़ी लागी । म्हारी चाकरी रे नीचे लुकयोड़ा थकैला ने वीं देख लीघो दीखतो । म्हूं म्हने नीं समभियो पण वीं म्हने समझ लीघो । जिमें मित्योड़ा आखर नीं व्हे, एड़ी टावरा री पैली पोथी री नाई वीं म्हने वांच लीघो । म्हूं म्हारा उपन्यास रा लाडा री नाई कविता छांटवा लागतो तो वा एड़ी गैहरी प्रीत सूं, कौतक सूं मुळकती के म्हारा मूंडा सूं चूंकारो नीं निकळतो । म्हारा हिवड़ा मांयली वात ने, जि ने म्हूं नीं जाणतो वा अन्तरजामी री नाई जाण जावती । वे वातां ओजूं म्हने चीतां आवै तो कटार पेर ने मरजावा रो मन करै ।

डॉक्टर हारान म्हारी जात रा हा । वारे घरे म्हने जीमवा ने नूंतवो करतो । थोड़ा दिन आवतां जावतां ने व्हियां पछै वारी वेटी री म्हासूं वा सेंद-पिछाण कराय दीवी । वेटी कुंवारी ही । व्हेला वरस पनराक री । डॉक्टर कैवता हा के वारी मरजी माफग वर नीं मिलवा सूं वां हाल त्रियात्र नीं कीवो । पण बारळां सूं सुणी के लड़की रो कुळ उगणीस बीस है ।

ई दोस रे सिवाय लड़की में कांई ज सामी नीं ही । जेड़ी फूटरी ही वेड़ी गुणवंती । भणियोड़ी पढियोड़ी । देखण में, हालण चालण में, पेरण ओढण

में, मान मुलायजा में सब भांत सरावा जोग ही । कदी कदी म्हूं वीं रे लारे वृतातं करवा बैठ जावतो तो मोडो व्हे जावतो । परगी नै दवाई पावा रो टैम ई टळ जावतो । वा जाणती के म्हूं डॉक्टर रे घरे हूं पण कदैई वीं आंख रे फणकारे नीं जतायो के म्हूं मोडो क्यूं आयो ।

म्हूं जिंदगी रा मरुभूम में पाळी अगतिसणा देखवा लागियो । तिरस लाग री ही । आंखियां रे आंगै तीरां तांई भरियो तळाव उछाळा खाय रियो है । निरमळ सीळो जळ ल्हेराय रियो हो । म्हूं म्हारा मनड़ा री वाग ने खँचतो पण मन मतंग हाथा बारे भाग्यां जायरियो ।

मांदी लुगाई रो कमरो पैला सूं दूणो अणखावणो लागवा लागियो । रोज ई चाकरी में चूकां पड़वा लागी । ओखंद पावा में, खुवावा में खलल चालवा लागी ।

डॉक्टर हारान म्हने कैवो करता, 'जीं री माचो छोड़ावा री आस नीं, वीं री मरजावा में ई मुगती है । वारे जीवता रियां नीं वे सुखी रै नीं घरवाळा सुखी रै ।'

चालती वृतात में यूं कैय देवता जदी तो कोई वृतात नीं पण म्हारी परणी आड़ी इसारो करन नीं कैवणो चावतो । जीवा मरवा री वृतातं में डॉक्टरां रो मन भाटा री नाई करडो पड़ जावै । अतरो ठूठ व्हे जावे के वे समझे ई नीं के मांदा मिनख रा घरवाळां ने कस्यो अबखो लागतो व्हेला ।

एक दिन म्हें पागती वाळा कमरां में सुणियो, म्हारी परणी कैय री ही, 'डॉक्टर सा'ब, क्यूं दवायां पाय पाय हकनाक खरचो लगावो । मांदगी छूटवा वाळी तो है नीं क्यूं नीं म्हने एड़ी दवाय दो के जीव निकळ जावे । म्हारी मोखस व्हे जावे ।

'राम राम ! एड़ी वृतातं नीं करणी ।'

सुण न म्हारा काळजा में खटको पड़ियो, चित्त भंग व्हेगियो । डॉक्टर परा गिया तो ढोल्या री ईस पै जाय न बैठ गियो, परणी रे माथे हाथ फेरवा लागो । वीं कियो, 'अठे तो तपरियो है । थां वारै जावो । थांरै टैलवा ने जावा रो वगत व्हेगियो । थोड़ी देर टैल आवो तो भूख लागै तो क्यूं जींम चूंट लेवोला ।'

टैलवा ने जावा रो अरथ हो डॉक्टर रे घरे जावणो । म्हें ई ज वीं ने समझाय दीघो टैल न आया भूख खुल जावै । अबै म्हूं भरोसा रै साथै केवूं के वा म्हारा ई रोज रा आळखारो मरम समझती ! म्हूं ई ज अजांण हो जो वीं ने भोळीढाळी जाणतो ।'

अतरी वात कैय दक्षिणाचरण वावू हथेली पै माथो टेक न छाना माना बैठा रिया । पछै बोलिया, 'एक गिलास पाणी पावो, तिरस लागी है ।'

पाणी पी न कैवगो मांडियो,

एक दिन डॉक्टर री बेंटी मनोरमा म्हारी परगी मूं मिलवाने आवा रो कहियो । राम जाने क्यूं म्हारे वा वान मन नीं भाई । नटं जेड़ी वान ई कायती ही । एक दिन, दिन आंय्यां री वा म्हांके अठै आई । वीं दिन म्हारी अन्नी री ओर दिनां मूं मांदगी वस्ती ही । जिं दिन मांदगी जोर पै व्हेनी उण दिन वा घणीज मान रेवनी । बीचै बीचै मुट्टियां भींचाय जावनी, मूंडो लीनो पड़ जावनी । यां पेंहनाणा मूं ई कष्ट ने वेगे पड़नी । कठी ने ई कोई नवइवड़ाटो नीं हो । मूं माचा री ईम पै छानी मानो बैठयो हो । बीं दिन उण में अनरी आनंग नीं ही कै म्हनें टनवाने जावा ने कैवनी के कष्ट वनी होणे री वजै मूं मन में चावनी व्हेया के मूं कने बैठियो रेड़ । आंन में चनको नीं पड़ै ज्यूं लायटैण ने वारजा रे ओणे गल्ल दीयो हो । बनग में अंधारो हो, मुणमाग व्हेयरियो हो । बीचै बीचै पीड़ा ओठी पड़ियां वीं रो गैगे माम मुनीज जानो हो ।

ठीक वीं वेळा मनोरमा आय वाग्नां कने ऊनी री । पनवाड़े पड़िया लायटैण रो चाननो वींग मूंडा पै पड़ियो । वीं अंधारा रे मांयने कांई दीख्यो नीं जो वा ऊनी ऊनी अठीने-वठीने मांक नीं ही ।

म्हारी परगी चनकी । म्हारो हाय पच्छ न पृच्छो 'या कुण है ?' निवळ ई में एकदम अगजांग मिनव ने डेव न वा टरपणी । पावगे तो नीं बोननी आयगियो हो पन वो तीन दांग पृठियो ।

'या कुण ? या कुण ?'

म्हारा मूं एड़ी जवरदस्त मूल व्ही के म्हें भट वेणी री कैय दीयो, 'म्हूं तो नीं जाणूं ।' लरुज मूंडा वारे निवळिया ई हा के जाणै कोई मत पै लायटैण वाहो, दूजे ई पन म्हूं वोलियो, 'अरे ये तो आंनै डॉक्टर माचरी बेंटी दीखे ।'

म्हारी परगी एक वांग म्हांग मूंडा मान्ही विद्यान मूं झांकी । म्हारा मूं आंन उठाय ने बीरे सान्हो वेवनी नीं आयो । दूजे ई पन वा बीरे बीरे घर में आयोड़ी पावनी मूं बोनी, 'आओ मांयने आवो ।' म्हारा मूं बोनी, 'लायटैण तो ऊंची करो थोड़ी ।' मनोरमा मांयने आय न ठैठगी । वीं रे सांय वा धामे बीमे वानां करवा लागी । अनराक में डॉक्टर ई आयगिया । लारे वे आंनद री वो सीसीयां लेता आय हा । वां दोई सीसीयां ने म्हागे अन्नी ने झेलाय न कहियो, 'ई लीली सीसी में तो मसलदा री व्वाई है, ई दूजी सीसी में पीवा री



डॉक्टर पंप ले न आवे आवे जतरे तो पींजरो खाली पड़ियो हो ।'

दक्षिणाचरण एक दांण फेर पांणी पीधो, 'ओह, तपत धरणी ।' यूं केय वै वारै वरामडा में जाय थोड़ा टैल, ठंडा व्हेय न मांयने आया । परतख दीखरियो के वे कांई कैवणो नीं चावे पण कोई मांडाणी वां मू कैवाय रियो है ! वां पाछी वात मांडी ।

मनोरमा ने परण न म्हूं पाछो घरे कलकते आयो । मनोरमा वीं रा वाप रा कैवा सूं म्हनें परणी ही । पण जदी म्हूं वीं सूं लाड प्यार री वातां कर, वीं रो अर म्हारो हिवड़ो एक करणो चावतो तो नीं वा हँसती नीं मुळकती । ठावी ठावी बैठी रैवती । म्हनें कांई ठा पड़ती के वीं रा चित्त में कांई कांटो है ।

यां दिनां म्हें दारू पै घोड़ा उठाय दीघा । सरद रूत लागी ज ही, दिन आंधियां रा म्हूं मनोरमा रे लारे वराहनगर वाळा वाग में टैलरियो हो । अंधारो गँहरो व्हेतो जायरियो हो । पंखेरूवां रा पांखडा रा फड़फड़ाटा अरू धूंवाळा मांयनू नीं सुणीज रिया हा । आड़ापाड़ा रा रूंखा री डाळां वायरा सूं हाल री ही ।

टैलतां टैलतां थोड़ीक थाकगी जो मनोरमा वीं वौळसरी वाळा चूंतरा पे वांवटया रो सिरांणो लगाय न, डोडी व्हेगी । म्हूं ई भड़े जाय न बैठगियो ।

अंधारो छायगियो । वठां सूं तारां छायो आभो दीखरियो हो ।

वीं दिन सांझ रा म्हारी दारू री छाक लियोड़ी ही । आंख में कुछ रगत ही । रूंख री छाया नीचे, पीळा रंग री ओढणी ओढचां, डीळांग कांमणी री काया, म्हारा हिवड़ा ने उथल पुथल कर दीधो । म्हने लागियो, या वा छाया है जो कदी बांहां में नीं बांधणी आई म्हासूं ।

अतराक में रूंखा री छाया में वासदी रो गोळो दीखियो । अंधारा पख रो बूढो, पीळो चंदरमा पूंवासियो । धीरे धीरे चालतो वो रूंखा रे मथारे आयगियो । घोळा मकराणां रा भाटां पे सूती भांमण रा मूंडा पे किरणां पड़ीं । म्हारा सूं नीं रैवणी आयो । दोई हाथां सूं वीं रा हाथ पकड़ न वोलियो, 'मनोरमा, धूं म्हारा पे भरोसा नीं करे पण म्हूं थनें प्यार करूं । जीव सूं चावूं थनें । थारी प्रीतइली म्हारा सूं कदी भूलणी नीं आवेला ।'

मूंडा सूं ये लफज निकळतांई म्हूं चमक गियो । चीतां आयो, या ई ज वात म्हें एक दांण किने ई एक ने ओरने ई कही ही । वींज वेळा हा' हा हा' हा कर न कोई हँस्यो । वीं वौळसरी रा रूंख, ऊपरे व्हे, अंधारा पख रा पीळा खाडा चंदरमा रे नीचे व्हे, गंगाजी रा ई तट सूं लेय पैला तट तांई वा हँसी सण' हा

करती निकळगी । जांरो कोई ठट्टा लगाय न हंस्यो व्हे । राम जांरो वा काळजो चीरणी हंसी ही के आभो फाड़णी ही । म्हं तो भांफ खाय न चूंतारा सूं नीचे गुडक गियो । चेतो आयो तो कमरा में पड़ियो हो ।

मनोरमा पूछ्यो—‘थां रे अचाणचको व्हे कांई गियो ?’

म्हारे घूजणी छूटगी, कियो —‘थै सुणियो नीं ! हा.....हा .. हा.....हा करती एक हंसी आभा रे अडती आरपार निकळगी ।’

वा हंसवा लागी—‘वा हंसी थोड़ी ही । ओळमभोळ व्हिया सारसां री ओळ उडी ही । म्हें वारा पांखड़ा रो फड़फड़ाटो सुणियो हो । थां छनीसीक वात सूं ई डरप जावो ।’

दिन में तो म्हें ई पतियारो आयगियो के वा पंछियां रा उडबारी ज अवाज ही । ई रत में उत्तराव सूं कूंजा नंदी रा कांक रा चुगा ने आवो करै । पण ज्यूं ई दिन आंथमतो, म्हारो वो भरोसो परो जावतो । म्हारे तो मन में जमगी के चारूंकानी रा अंधारा में वा हंसी वळियोड़ी है, कजांगां कि वगत अंधारा न चीर आभ में वा हंसी गूजवा लाग जाय । म्हूं डरूं फरूं रैवतो । अठा तक के अंधारो व्हेतां ई मनोरमा सूं बोलवा री छाती नीं पडती ।

एक दिन, बागवाळी कोठी ने छोड़, मनोरमां रे लारे बोट में बैठ स्हेल करवा गियो । पोस रो म्हीनो हो । नंदी रा ऊरळा भुरळा वायरा में आय म्हारा मन रा डर भौ निकळ गिया । नराई दिन आगंद सूं निकळिया । चारूं पासे परकरती आप कलोळां कर री ही, परकरती ने खुलदस्त खेलतां खावतां देख मनोरमा ई आपरा हिवड़ा री खिड़कियां बारियां खोलवा लागी ।

बोट, गंगाजी र घारा ने छोड़ पदमा नंदी फंटी जठी ने जाय पूगियो । वा गजवण पदमा, हेमंत रत री बांबी में पड़ी नांगण ज्यूं, माड़ी, दुबळी व्हियोड़ी नोंद में मूती अळेटा खाय री ही । उत्तराव तट माथै रेतरेडो ई रेतरेडो पड़ियो हो । नीं तो तिगकलियो ई ऊभो दीवतो हो नीं मिनख रो जयो । दिखणांद रा तट पै, नान्हा नान्हा गांमा रा आंबा रा बाग वीं डाकग पदमा रे मूंडागे हाथ जोड़चां थर थर घूज रिया हा । पदमा री नोंदं टूटतांई जो ई पसवाडो फेरियो तो तटां री धरती धमाका करती ढस पडैला ।

टैनग घूमवा रो मजो ई अठै है । म्हें बोट रो वठै लंगर न्हाय दीवो । एक दिन म्हां दोई जणां घूमता टैलता नराई दूरा परागिया । देखतां देखतां सूरज बापजी अस्ताचल पवारगिया । चांदणां पख री रूपो उज्जळती चांदणी छटकगी ।

नजर पसरे जतरे धोळी धोळी रेत पै, चांदणी वीरा पूरा रूप अर जोवण ने ढाळ दीधी । म्हाने लागवो लागो, चन्द्रलोक रा सपना रा देस में म्हां दो ई दो विचर रिया हॉ । राता रंग रो दुसालो, मनोरमा रा माथा सूं खसक न मूंडा पै आय रियो हो । परली नीचां ताई लटक रियो हो । गैहरो सण्णाटो व्हेगियो, अणपार चारूं दसा में चांनणी सिवाय काई नीं दीख रियो हो । मनोरमा दुसाला वारे हाथ काढ़ न धीरेकरो म्हारा हाथ न मसकाय दीधो । म्हारा सूं अड़ न ऊभी रेंगी, तन, मन, जीवन, जोवन रो सैग भार म्हें सूप न ऊभी रेंगी । म्हूं आणंद सूं उछळता मन में सोचरियो, घर रा वाड़ा में जडिया थका ई कोई मन भर प्रेम करणी आवं काई । चौड़ा चौगान अणंत आभा रे सिवाय दो प्रीत छकियोडा मनडा रे मावा री जायणा ई दूजी कसी है ? लागवो लागियो, म्हांके घर नीं वार नीं, पाछो कठे ई जावणो ई नीं । घूं हाथ में हाथ लीचां, वरावर चलियां जावणो है । कठे ? खबर नीं । वस चलियां चालणो है । चालतां चालतां पांणी रा एक खाडा कनें पूग गियां, चारूं पासे रेत रा टीव्रा बीच में पांणी । पदमा सरक गी ही, घोड़ी दूरी वैवा लागी जो पाणी अठे भराय गियो हो ।

रेत रा टीव्रा बीच विर तळाई रा पाणी पै चानणी री एक लांबी ओळ अचेत नोंदा में पड़ी सूती ही । अठे आय न म्हां दोई ऊभा रेंगिया । मनोरमा कजाणां काई सोच म्हारा मूंडा कानी झांकी । वीं रा माथा परळो दुसालो खसक गियो । चांदणी सूं चमकता चांद जेडा मूंडा ने पकड़ र ज्यूं ई म्हें होठ अड़ायो न वीं निरजण मरुभौम में एकसदम कोई तीन आवाज लगाई 'या कूण, या कूण, या कूण ?'

म्हूं चमक गियो, मनोरमा धूजगी । पण दूजे ई पळ म्हें दोई जाणगिया के या मिनख री बोली नीं, पंछी री है । नंदी रा रेत में विहार करणिया जळ रा पंछी कुरळाय है । रात रा सूना में अणचीत्या मिनखा ने देख वे चमक गिया है ।

म्हां चमक न, डरप न, आगता आगता वोट कानी पाछा फिर गिया । रात घणो परी गी ही । वोट में आवता ई म्हूं विछाणा पै जाय पड़ियो, पड़ताई नोंद आयगी । मनोरमा ई थाकगी जो पड़ताई सोयगी व्हेला ।

आधी रा अमला में अंधारा में कजांणा कुण मच्छरदानी कने आय ऊभी री । लांबी, पातळी, लोही मांस रो नाम नीं, कोरी हाडकी री एक आंगळी सूती थकी मनोरमा कानी कर म्हारा कान रे कनें आय छाने छाने घडी घडी री पूछवा लागी, 'या कूण ? या कूण ? या कूण ?'

भटदेणी रे ऊठतां ई म्है दीवासळाई वाळ दीवो सळगायो । दीवो वाळता ई गायव । म्हने लाग्यो म्हारी मच्छरदानी घूजावती, बोट ने हलावती, पसीना सूं भीज्योड़ी म्हारी देही रा लोहिया ने जमावती, हाःहाःहाःहाः हंसती, संपट्ट भागगी । पैला वा पदमा रै पार व्ही, पछै रेता ने पार कीधो, पछै आखा देस रा गामा ने, सहरां ने, परवतां ने, चौगानां ने पार करती गी । देस देसान्तर, लोक परलोक ने पार करती भीणीं झीणीं व्हेती उड़ती गी । म्हने लागियो वा जीवण मिरतु रा देसां ने ई पार करगी । वीरी अवाज झीणीं व्हेती गी, व्हेती गी । अतरी भीणीं अवाज म्हें कदी नीं सुणी नीं सोची । म्हारा माथा में जाणो वा अवाज भरगी । वा अवाज झीणीं झीणीं व्हे कठ री कठ परी गी, पण म्हारा माथा ने छोड़ियो नी । छेवट में कायो व्हेगियो, नींद आई ज नीं तो सोची दीवो बुझाय र सोवूं तो आंख लाग जावै । दीवो बुझाय न सूतो न वा मच्छरदानी कने आय ऊभी रेंगी । रुंध्या कंठ सूं म्हारा कान रे कने आय बोली, 'या कुण ? या कुण ? या कुण ?' म्हारी देही रो रुम रुम वीं ताळ पै ताळ लगाय बोलवा लागियो, 'या कुण, या कुण, या कुण ?'

वीं सूनी राट में जाणो म्हारी घड़ी सरजीवत व्हेगी, वा ई वींरा कांटा ने मनोरमा री आडी ने कर ताळ पे ताळ देवती बोलवा लागी, 'या कुण, या कुण, या कुण ?'

कैवतां कैवतां दक्षिणाचरण वावू रो मूंडो पीळो पड़गियो, कंठ रुभ गियो । म्हें वां रा डील रै हाथ अडायन कहियो, 'पाणी पीलो ।'

अतराक में म्हारी चिमनी दप दप करन बुभगी । निजर बारै पड़ी तो सन्दूरी फूटरी, कागला बोलरिया, तूती सीट्टी देयरी । घर आगली सड़क माथे भैसागाडी रा पेड़ा खड़ खड़ कररिया । उजाळा में देखिया तो दक्षिणाचरण वावू रा मूंडा रा भाव बदलियोड़ा दीख्या डर रा के कोई संका रा अहेनाण मूंडा पै नीं हा । रात रा माया जाळ में, वंम री घुत्त में जो वां अतरी वातां कैय दीधी ही जो मन में उणां न ओलज आय री ही । मन में वेराजी व्हेरिया दीखता जो सिस्टाचार री काई वात नीं कीधी । ऊठ ने परा गिया ।

दूजे दिन कोई आय न आधी रा अमला में म्हारो आडो भड़भडायो, 'डॉक्टर, डॉक्टर !'

## डाक बाबू

नीकरी लागतां ई डाक-बाबू ने ओलापुर गांम में आवणो पड़ियो । छोटोसो क गांमड़ियो । कने ई ज नील री एक कोठी ही । उण कोठी रे सा'व घणी कोसीसां कर कराय वठे डाकखानो खोलायो ।

डाक बाबू नान्हापणां सूं ई कलकत्ता में मोटा ब्हिया । पाणी री माछळी ने किनारा पे न्हाक दे र उणारी दसा व्हे वा दसा ई गांमड़िया में आय डाक बाबू री व्ही । एक अंधारी ओवरी में दफतर हो । कनेई सूगला पाणी रो नाडो भरियो हो अर चारू पासे कांकड़ । नीलरी कोठी में जो अलकार गुमास्ता वगैरा काम करवा वाळा हा उणां ने वगत ई कठे के बैठै-ऊठै, वात करे । उणां ने भला आदमी मिलवा जुलवा काविल ई नीं समझे । खासकर कलकत्ता में मोटा ब्हियोड़ा छोरा तो ऊठवा बैठवा वात करवा में समझे ई नीं । अणजांणी जगा में जाय क तो वे बांडा वावळा चालवा लाग जावे के अणमणां मूंडो चढाया बैठै रै । ई ज वजे सूं गांव रा लोगां साये डाक बाबू री ऊठ बैठ नीं व्ही । उण रे कने काम-काज ई कोई घणो नीं हो जो उण में लागियो रेंवे । कदी कदी कविता लिखणे री कोसिसां करतो तो बस यूं जसातो के जांणै रूखड़ा रा हालता पानड़ा देखवा में, आभा री वादळियां ने देखवा में ई ज सुख है । रात्यूं रात जै कोई कैणी मांयलो दैत आय वां ओळवार लागियोड़ा रूखड़ा नै काट मोटी सड़क वणाय देतो, वीं सड़क रै दोई आडोने मोटा मोटा पाक्या घर चुण जावतो तो सांच कैवू डाक बाबू ने जांणे नवो जनम मिलजावे ।

डाक वावू री तनखा घणी थोड़ी । हायां सूं पोय न खावे । गांम री एक मां वाप वायरी छोरी आय हायहीडो कर जावे । वीं ने ई दो रोटी देय देवे ।

छोरी रो नाम रतन, बारा तेराक वरसां री व्हेला । व्याव रो कोई सतूनो दीखतो नीं ।

सांभ री वेळा गुवाळियां रा घरां सूं गॅरो गॅरो घूंवो निकळतो, चारुंकानी भींभरी ऋगकारा नेग लागती, गांव रे वारे गौरमां में नसो कोवां छोरां री टोळी डोल मंजीरा वजाय गावा लागती अंधारी ओवरी में वैठा अक्रेला डाकवावू रा जीव में ई झोला खाता लंखड़ा ने देख ताड़तातोड़ी लागती तो घर रा कूणां में दीवो बाळ डाक वावू हेलो पाड़तो, 'रतन' ।

रतन वारणा आगे वैठी बुलावा री वाट नाळती रेती । पण एक दांण हेलो पाड़ियां मांयने नीं जावती, पूछती 'कांई है वावूजी, क्यूं बुलावो ?'

डाक वावू कैवतो, 'थूं कांई कर री है ।'

रतन कैवती, 'चूल्हो वाळवा जाळूं रसोड़ा में ।'

डाकवावू कैवतो 'रोटी पछे करजे, जा पैला हुक्को भर लाय दे ।'

थोड़ी देर मे दांई गाल फूलाय चिलम पै फूंक देती रतन मांयने आवती ।

हाय मांयने मूं हुक्को ले डाक वावू झटदेणी रो पूछती 'है, रतन, थर्ने थारी मां याद आवे ?'

उण री मां री कै'णी घणी लांबी है । थोड़ी घणी याद है थोड़ी घणी चित्तां उतरणी । मां त्रिचै ई वाप उणरो वत्तो लाड राखतो । वाप री थोड़ी थोड़ी वीं ने याद है । मजूरी कर दिन आधियां रा वाप घरे आवतो, वां मांयली कोई सी क संभ्या उणरा मन पै तसवीर ज्यूं मंडियोड़ी है । कै'णी सुणाती सुणाती रतन डाक वावू रा पगां कने आंगणै वैठ जावती वीं ने याद आवती, वीं रे एक छोटो भाई हो । घणां दिनां री वात है, चोमासा रा दिनां में तळाई माथे दोई भाई वैन मिल न हाळी रो मच्छी पकड़वारो कांटो वणाय अन्याम'या रा माच्छळ् पकड़ वारी रममत रमता । घणी सारी मोटी मोटी वातां में सूं एक या खास वात वीं ने घणी याद आवे । यूं ई वातां करतां करतां कदैई घणी रात परी जाती तो डाक वावू रोटी वणावा रा आळगस कर जातो । सुवै री जो वासी दाळ साग वची रवती, रतन चूल्हो सुलगाय दो चार रोटी पोय ले आती, दोय जणां पेट वीं सूं भर लेता ।

कदै ई कदै ई संभ्या रा ओवरी रा कूणां में दफतर रा पाटा पै वैठ डाक वावू ई आपरा घर री वृतां करतो, छोटो भायां री, मां री, वैन री, पराया गाम में अक्रेला घर में पड़िया लगाने जिणा री याद आवती उणांरी वृतां करतो । जो वातांरैय रैय मन में आवती, जां वातां न नील कोठी रा गुमास्तां सूं, लोगां सूं ई नीं

कंवणी आवती । वां ई ज वातां ने छोटीसीक अणभणी छोरी नै कंवणो खोटो नीं लागतो । अठा तक व्हेगी के वातां करती वेळा छोरी डाक वावू रा घरवाळा ने मां, जीजी, भायो, कैवा लागगी, उण रा छोटा सा मन रा पाठा पै वीं कल्पना सूं उणांरी तसवीरां मांड लीवी ।

एक दिन चौमासा रा दिनां में वादळा नीं हा, साफ दुपैरी ही, नवायो नवायो सुवावणो वायरो वाज रियो हो । वनसपती मांयनू सोरम आय री ही । यूं लागरियो हो जाणो घरती रो छोड़ी लगी ऊनी ऊनी सांस डील रे आय अड़ री है । एक वादीली चिड़कली भरी दुपैरी में, कुदरत रा दरवार में आपरी सारी सिकायतां री गळगळी व्हे घड़ी घड़ी फरियाद कर री ही । डाक वावू कनं कोई काम नीं हो । मेह सूं धुपियोड़ा रुंखड़ा वरखड़ा, हालता कंवळा कंवळा पानड़ा, म्हेल माळिया जेड़ा घोळा घोळा वादळा तावड़ा में चमकता घणा फूटरा लाग रिया । देखवा लायक हा । डाक वावू उणां ने देखता जाय रिया हा अर मन में सोचता जाय रिया हा 'जै इग वगत म्हारी ई कोई म्हारा कनै व्हेती । हिवड़ा में हेत भरियोड़ी कोई जीवती जागती फूनळी व्हेती ।' सोचतां-सोचतां उग नै लागियो जाणो चिड़कलो या ई ज वात कैय री है, सुनमान दुपैरी में पानड़ा ई या ई ज वात कैयरिया है । किने ई भरोसो तो नीं आवै, किने ई खवर ई नीं पड़ै पण सुणसाण दुपैरी में छुट्टी रे दिन, गांमड़िया गांम रा छोटी सी तनखावाळा डाक वावू रो मन एड़ाई भंवर जाळ में भंमतो रैवतो ।

डाक वावू एक नीसकारो न्हाक हेलो पाड़ियो, 'रतन ।'

रतन जामफल रा गोड नीचे बैठी काचा जामफल खायरी ही । हेलो सुणियो तो भागी आई, सांस भरियोड़ी बोली, 'वावूजी, म्हने बुलाई कै ?'

डाक वावू कियो 'थने भणावू चाल ।' पछे आखी दुपैरी उण ने अ, आ, इ, ई भणावतो रैवतो । थोड़ा दिनां में मिल्योड़ा आखर भणाय दीवा ।

सावण रो म्हीनो, वरखा विलूव री । तळाव, नाळ, खाडानाडा, वाळा खाळा पाणी सूं थबोळा खाय रिया । रात दिन मींडका री डरडर, वरखा री रमरुम सुणीजती रैवती । गांव रा गेला में आवणो जावणो रुक गियो । नावड़िया पै चढ हाटां पै सौदो लागने जावणो पड़तो ।

सुवै सूं ई घटाटोप वादळा व्हेय रिया डाक वावू री सिष्या कदरी वारणा आगे बैठी बुलावा री वाट नाळ री । आज सदामत री नाई हेलो नीं पड़ियो, छेवट में वा विना बुलायां हाय में पोयी लै धीमी धीमी मांयने गी । देखियो, डाक वावू माचा पै पड़ियो है वीं जाणी वावूजी सूता है, धीरेकरी पाछी वारै

निकळवा लागी । अतराक में हेलो सुणियो 'रतन !'

झट पूठी फिर न बोली 'बाबूजी, आप तो सोय रिया हा नीं ?'

डाक बाबू वोलियो. उणरा सुर में गरीबाई ही, 'म्हारो जीव सोरो कोयनी, रतन । देख तो म्हारा माथा पै हाथ तो मेल ।'

जठे कोई मां न मां रो जायो देस ई परायो । दूर दिसावर में । घनघोर बरसती बरखा में नाचाक सरीर थोड़ीसीक चाकरी तो चावै ई ज । बळता थका माथा पै चूड़ावाळा कंवळा हाथ रो परस याद आय ई जावै । मांदा मिनख रो जीव करै नेह भरी नारी रा सरूप में मां के बैन कने बैठी व्हे । परदेसी रा मन री अभिलाखा अहेळी नीं गी । टाबरी रतन अबै टाबरी नीं री । उणीज पळ वीं मां रो पाट लेय लीघो । वेद ने बुलाय लाई, ठोक वगत पै ओखद देय दीघो । आखी रात सिराणै बैठी जागती री । खावा ने बिना कहियां बगाय ले आई । पल पल पै पूछती री, 'बाबूजी, कांई फरक दीखे ?'

डाक बाबू मांदगी सूं उठियो तो पण निवळाई घणी व्हेगी । मन में धार लीघी "बस, अबै अठा सूं आपणी बदली कराय ईज लेवणी । अठै साजो मांदो रैवूं अठा रौ पांणी सदे नीं एडा एडा वायना मांड बदली री अरजी अफसर कने कलकत्ते भेज दीघो ।

मरीज री टैल चाकरी सूं फारग व्हे रतन पाछी बारणा रे वारै आपरी जायगां आय बैठी । अबै उणने पैलारी नाई हेलो नी पड़तो । बीचै बीचै वा भांक र मांयने झांकती, डाक बाबू अणमणो थको पाटा पै बैठियो दीखतो के खाट पै पड़ियो दीखतो ।

रतन बुलावा री वाट नाळती जदी वो ऊकळते काळजे अरजी रा जुवाव री वाट जोवतो रैवतो । टाबरी बारणा वारे बैठी बैठी आपरा पाठ ने एक दांग नीं हजार दांग घोख न्हाकियो । वा डरपती कठे ई अचाणचक रो हेलो पाड़ लीघो अर वा मिल्योडा आखरां ने बीसरणी तो ?

छेवट में एक अठवाड़ा पळे एक दिन संझ्यारा हेलो पड़ियो । घबरायोडी रतन मांयने गी, पूछियो, 'बाबूजी, म्हने बुलाई कांई ?'

'रतन, म्हूं काले जाय रियो हूं ।'

'कठे जावोला, बाबूजी ?'

'घरे जावूंला ।'

'पाझा कद आवोला ?'

'अवै नीं आवूं पाछो ।'

रतन आगे कांई नीं पूछियो ।



डाक-बाबू आगे बह्यन बोलियो, “मैं बदली कराणे रो अरजी दीची ही, अरजी मंजूर नीं व्ही । काम छोड़ घरे जायरियो हूं ।”

नरी देर तांई दोई छाना रिया । एक कूंगां में दीवो टमटम करतो वळ रियो हो । एक जगां घर री जूनी छात सूं पाणी टक्क रियो, गारा रा सरवा में टक्कटक्क टक्का पड़ रिया ।

थोड़ी देर पछे रतन ऊठी; चूल्हो दाळ रोटी पोवा लागी, और दिनां जेड़ी चांपर आज उण में नीं ही, बीचे बीचे क्यूं चिता आय वळोट री ।

डाक बाबू खाय न उठियो तो अचाणचक टावरी पूछियो, ‘बाबूजी म्हने थारे घरे ले चालोला ?’

डाक बाबू हंस न बोलियो ‘किया हुवे ।’ वजै कांई है वां समझाणे री जहरत नीं समजो । आखी रात सपना में कांई र जागता कांई टावरी रा कानां में डाक बाबू रा हंसता लगां रो सुर सूंजतो रियो, ‘किया हुवे ।’

दिन ऊगां ऊठ न डाक बाबू देखियो न्हाण ने पाणी त्यार है । कलकत्ता री बांगू रे माफ्फा वे बालटी में पाणी भर ने न्हावता । रतन उणां ने पूछियो नीं हो के वे किण वगत जावेला । कठईं झांझरके परा जावे यो धियान रात्र पी फाटियां पैलां ई रतन नदी सूं पाणी भर न लाय मेल दीघो ।

न्हाय बोय रतन ने हेलो पाड़ियो । रतन छानी मानी घर में गी हुकम री वाट में एक दांग मालिक रा सूंडा साम्ही नाळी । डाक बाबू बोलियो, ‘रतन, म्हारी जायगां पै जो बाबू आवेना उणां ने म्हूं भळामगू देवूला जो थनें आच्छी तरे राखेला । म्हूं जाय रियो हूं इणरो सोच मत कर ।’

ये वातां वां घणां अपगायत अर मोह सूं कही ही । पर लुगाई रा मन ने कुण समझे । रतन घणी दांग मालिक रा हेला चुपचाप खम लीवा पण आज री ये मीठी मीठी वातां उण सूं नीं खमणी आई । वा एकणदम डनूका भर भर ने रोवा लागी, बोली, ‘नीं नीं, थां किणने ई म्हारी भळामग मत देवजो । म्हारे तो रैवणो ई नीं ।’

डाक बाबू रतन रो यो हाल कदैई नीं देखियो जो हैरान व्हे गियो । नवो डाक बाबू आयो । उगनें सारो चार्ज देय जूनो डाक बाबू व्हीर व्हेवा लागो ।

व्हीर व्हीने वेळा रतन ने बुनाय न कियो ‘रतन, म्हारा सूं थनें कदैई कांई नीं देवगो आयो । आज जावती दांग थनें कांई देय ने जावूं । इण सूं थोड़ा दिन थारो काम चाखेला ।’

गैला खरच साहं रिपिया राख न बाकी रा तनखा मिली वे रिपिया खुलिया मांय नूं काड देवा लागी ।

रतन तो आंगणो घूळा में लोटगी, पग पकड़ ने बोली, 'बाबूजी, थारे पगां पडूं, पगां पडूं। म्हने काई मत दो। थारे पगां पडूं। म्हारे साहू किणी ने ई काई मत कंवजो।' यूं कैय रतन तो भागनी।

जूनो डाकबाबू एक गैरो नीसासो भर हाथ में वैग लटकाय, कांवा पे छतरी मेलै, मजूर रे माथे लीला रंग री अर घोळा रंग री पटड़ियां वाळी पेटी मेलाय धीरे धीरे घाट कानी चालियो। नावड़ा पै चड़ियो, नावड़ो चालियो। बरखा रा पाणी सूं चौड़े पाट पड़ी नंदी, धरती रा आंसू री नाई चमकवा लागी तो डाकबाबू रा मन में ऊंडी पीड़ा सी व्हेवा लागी। गांव री एक छोरी रो कल्ला भरियो मूंडो, उण सूं ई इधक आंसू भरियोडा नैण, मरम री पीड़ा वण उणरा काळजा में सालवा लाग। एक दाण तो मन में आई चालो पाछा चालां, संसार री खोळा सूं छटक पड़ियोड़ी टावरी ने साथे लेता चालां। पर जतरे नाव रा पाल में हवा भरणी आयगी। नदी जोर सूं बैय री ही। नाव गांम सूं आगे निकळगी। नंदी रै किनारा परळो मसाणं दीख रियो हो। नंदी री धारा में बैवता थका मुसाफिर रा पसतावता मनड़ा में विचार हलोळा लेवा लाग, "जिंदगी में कजाणा कतराई विजोग, कतरी मीतां आवती रैवेला, पाछा जावा सूं काई लाभ। संसार में कुण किण रो व्हियो है?"

पण रतन रा मनड़ा में कोई एड़ो विचार नीं आयो। वा डाकखाना रे एड़े छेड़े आंसूड़ा टळकावती फिर री ही। उणरा मन में टमटमाती आसा अबै ई ही के कदाच बाबूजी पाछा आय जावै।

हाय रे, विना बुद्धि रा मानव हिड़दा, थारी भरांति कदै ई मिटे ई ज कोयनी। युक्ति सास्तर रो कायदो घणो दोरो थारी समझ में बैठै। सरासरी थूं आंख्यां सूं देखे उण माथे ई थनें भरोसो नीं आवे। भूठी आसा ने दोई हाथां सूं वांघ छाती रै चैठाय राखे। छेवट में एक दिन वा आसा, नस नस ने काट, छाती रो लोही पीय ने लोप व्हे जावे, जदी चेतो आवै। मोटो अचंभो तो यो है के एक जाळ सूं निकळ तुरंत ई दूजा भरांति रा जाळ में फंसवा ने मन आगतो व्हे जावै।

## जासूस

महं पुलिस रो जासूस हं । महं दो वात जाणूं एक म्हारी लुगाई नें दूजा म्हारा रजक ने । पैलां म्हांको पूरो परवार भेले रेवतो, जि भेले महं ई हो । म्हारी परणी री वठै वेकदरी व्हेती देखी तो महं भाई सूं लड़ भगड़ न्यारो व्हे गियो । भाई सांव ही कमाय कजाय म्हां लोगां रो पेट भरता हा, ई वास्ते लुगाई ने ले न्यारो व्हेणो छाती रो काम हो ।

पण म्हने म्हारा पै बीसवा बीस भरोसो हो । महं जाणतो हो के जस्यां म्हे म्हारी पदमण लुगाई नें वस में कीधी ज्यूं ई लिछमी ने ई कर लेवूं । यो वंदो महिमचंद्र, दुनियां में किरासूं ई पाछे रेवणियो नीं हैं ।

पुलिस में वळियो तो मामूली ढंग सूं हो पण जासूस रा दरजा पै पूगतां देर नीं लगाई ।

दीवा री ऊजळी ली सूं काळो काजळ निकळै ज्यान म्हारी परणी रा सुभाव सूं ईसको अर वैम निकळतो । पण उण सूं म्हारा काम में आड़ नीं पड़ती । खुफियागीरी रा काम में जगां जगां जावणो पड़तो, समै कुसमै रो विचार करवा लागो तो काम ई नीं चालै । खरी वात तो या है के समै री जगां कुसमै, स्थान री जगा कुस्थान नें वत्तो वापरणो पड़ै । म्हारी परणी जनम री वैमी सुभाव री ही । उण रो वैम बघतो ई जातो । वा म्हने डरपावा ने कैवो करती, 'थां तो दांय पड़ै जदी मन में आवै जठै रेय जावो, म्हारा सूं कदी कदी मिलो तो थाने म्दारा पै वैम नीं आवै काई ?'

म्हूं पड्डतर देतो, 'वैम करणो म्हारो धंधो नीं । घर में तो म्हूं वैम ने वळवा ई नीं दूं ।'

परणी कैवती, 'वैम करणो म्हारो ई धंधो कोयनी, यो तो म्हारो सुभाव है । म्हें जो राई रा दाणां जतरो ई थारां पै वैम रो कारण मिल जावूं तो म्हूं तो सैग थोक करवा नें त्यार व्हे जावूं ।'

डिटेक्टिव लैण में म्हूं सब सूं ऊंची तरक्की करूंला, नाम. कमावूंला यो म्हें प्रण कर राखियो हो । ई लैण रे बारे में जतरी पोथियां म्हने मिली म्हें वांच लीधी । जतरा उपन्यास हाथे लागा सगळा ने पड्डिया । ज्यूं पढतो ज्यूं मन रो संतोख व्हीर व्हेतो जातो. धीरज छूटतो जातो । क्यूं के आंपणां देस रा गुन्हैगार कम हीमत अर नासमझ है । वे कसूर करे जां में कोई तत ई नीं, मामूली सा गुन्हा । पेचीला, गांठ गंठायला तो वे व्हेवे ई नीं के म्हारा जेड़ा ऊरमावाळां जासूसां ने किं काम कर न नाम करवा रो चानस तो मिले । आदमी रो खून करवा री जोरदार उत्तेजणा तो आपारा देस रा खूनियां सूं दवावणी नीं आवे । जाळ रचणिया जाळ फैलावे उण में वे आप ई फंस जावे । गुन्हा कर न वां सूं भाग छूटवा री चतराई नाम री चीज तो वांने आवे ई नीं । एडा देस में जठे मडदपणो ई कोयनी, छाती चल्ला मिनख ई नीं वठे खुफियागीरी करवा में नीं मजो ई आवे नीं आंजसणो ई ।

कलकत्ता रा मारवाड़ी जुवां रमणियां ने चटकी बजावतां पकड़ लेवतो तो मन में कैवतो, 'गुन्हैगार कुळ रा कळंका, दूजा रो जड़ा मूळ सूं नास करणो तो चतर चोरां रो काम है । थां जेड़ा बोदा ढांढां ने भगमा पैर लेवणा चावै ।' हत्यारां ने पकड़तो तो ई म्हारो मन यूं ई कैवतो 'नाजोगां, अंगरेज सरकार री फांसी रो तखतो थां जेड़ा आंजस बायरा मिनखा साळूं है कांई । थां रा में नीं तो सोचवा री तागत है नीं मन पै थांरो करडो कावू है । नालायकां, किं ऊरमां पै थां हत्या करवा री गलती कीधी ।'

म्हूं सपना देखतो लंदन अर पेरिस रा मिनखां सूं भरियोडा, चौड़ा चौड़ा मारगां रा । जां मारगां रे दोई पसवाड़े सियाळा रा सी सूं ठरियोडा, आभा रे माथो आड़ायोडा, ओळवार मोटा-मोटा धर ऊभा है । म्हारा रूंगटा ऊभा व्हे जाता । सोचवा लागतो, थां डीगा डीगा म्हेलां जेड़ा घरां में, सड़कां में, मिनखा रा रेला, काम रा रेला अर उच्छवां रा रेला रात-दिन बैवता रैवे । जां में वट्टपाड़, धाड़ा-पाड़, धरपाड़ नामी नामी चोर कळा रा जाणकार बैठा है । खून अर काळख जेड़ा काळा पापां रा रेला ई थां रे नीचे नीचे बैवता जायरिया है । वीं रे भड्डे ई

विलायती समाज रा सिस्टाचार, नाच गांगां, हंसी, खेल, आणांद मंगळ रा उच्छ्रव रंग राग उडरिया है। एक है आपणो सहर कलकतो। जि में सडकां में घर गळियां में काई व्हे ? घरां में रोटी साग, घर रो काम घंघो के पढाई रा इमतिहान। तास चौपड रमलो के घणी लुगाई भचेडा खायलो। घणो करे तो भाई भाई झोड कर मुकदमा लड ले। बस ई सूं सिवाय काई है ई नीं।

म्हूं सडकां में र गळियां कूंच्यां में फिरता बटाऊआं रे लारे पड जावतो वां रा मूंडा ने गौर कर न देखतो, हाली चाली देखतो। भांकवा में बोलवां में थोडोक ई वैम पड जावतो तो वारे लारे लारे जावतो, खबर लगावतो, काई नाम. कठे रैवे। छेवट में निरास व्हे केवणो पडतो, कुछ नीं, दागीला कोयनी ये, भला आदमी निकळिया। और तो और वांरा लागती रा भाईवंद ई काई दोस नीं लगावे वांरे माथं। गैलारयुवां में जीं पै सब सूं ज्यादा वैम बदमास व्हेवा रो व्हेतो, देखतां ई पक्को भरोसो आय जावतो के यो सखस अवाहूं अवाहूं कि रो ई खून कर, भेख बदल न खुफिया पुलिस रो आंखियां में काजळ घाल रियो है, वीं रे लारे लागतो तो आखर खबर पडती के यो तो धरमादा रा स्कूल रो मास्टर है। छोरां ने भणाय घरे जायरियो है। पछे सोवतो, जो ये ई ज कि दूजा देस में जनम लेवता तो नामी चोर धाडायत निकळता। खाली आपणो ई ज देस एडो भागहीण है जठे हींमत अर मडदपणो नी व्हेवां मूं पंडताई करतां ई ये जमारो काड देय, पेन्सन खावतां मर जाय। म्है अतरी कोसिसां अर छांग वीण कीधी न वो निकळियो धरमादा स्कूल रो मास्टर। म्हारा मन में उण साहं अतरीक लघा ई नीं रो जतरीक वापडा गरीव थाळी लोटियो चोरणियां चोर साहं व्हेती।

एक दिन रो वात है, रात रा कोई साढाक आठ बजिया व्हेला, म्हें म्हारा घर कनें देखियो, विजळी रा थांवा हेटे एक आदमी ऊभो। वीचै वीचै आगतो व्हे, एक ई जगा अठी नूं वठीने गरडका मार रियो। वीने देख म्हने पतियारो आय गियो के वो की न की छाना रा पडपंच में है जरूर। अंधारा में लुक न वीरो उणियारो म्हें खूब आछी तरह सूं देखियो। औस्या छोट्टी, दीखण में गत रो, रूपा लो। म्हें मन में कियो, साजस करवा रो ऊमर ई या है, उणियारो ई एडो ई ज है। घणी देर ताई तो म्हें मनोमन सरायो वींनें। पछै जीव कैवा लागो, 'भगवान ईं ने जो सिफत बखसी है वीं ने काम में लेवे जदी तो तारीफ है नीं तो काई।'।

म्हूं अंधारा सूं वारे आय, वीं रा मोर थेपड न पूछियो, 'कौ, राजी तो हो? वो चमकियो जोर सूं, मूंडो पडगियो घोळो फट्ट। म्हें कियो, 'भाफी दीजो। गलती व्हेगी, म्हें जाणियो।'।

म्हें गलती कांई नीं कीधी, जि ने जाणियो वो ई ज हो वो । पण अतरो चमकणो ठीक नीं हो वीं रो । म्हने क्यूंक अफसोच व्हियो । वीं ने उण रा सरीर पै कावू रखणो चाईजतो । असल वात या है के वड़ापणां रो पूरो नमूनो गुन्हेगारां में ई दौरा लावे । चोर ने ई नामी चोर बणावाने सिफता वखसवा में कुदरत कंजूसी कर जावे ।

म्हूं पाछो आंखियां सूं दूरो व्हे गियो । देख्यो वो विजळी रो थांवा छोड़न परो गियो । म्हूं ई लार लागो । देख्यो चालतो चालतो वो गोलदिग्धी रा वाग में परो गियो, तळाव री पाळ पै दोव माथै जाय न चित्त पड़गियो । म्हें विचारी, कोई तरकीबां विचारवा ने जगा ठळे तो एड़ी जगा ठळे । कठै तो विजळी रा थांवा नीचली पगडंडी, कठै वाग रा तळाव रा पाळ री वा वृण सेज । कोई वैम ई करे तो वत्ता सूं वत्तो अतरोक ई ज करै के जुवानडो काळा आभा में प्यारी रो मुखचन्दर मांड न अंधारा पख री रात रा तोडा ने पूरी कर रियो है । चाहे जो कैवो, लड़का री कानी म्हारो मन बघवा लागियो ।

घण्टी खोज खबर कर न वीं रा रैवास रो पत्तो लगायो । होस्टल में रेवे, नाम मनमथकुमार, कॉलेज में भगो । इमतिहान में फेल व्हेन ऊनाळा री छुट्टियां में अठ्ठीने वठीने फिर रियो । होस्टल रा रैवासी दूजा लड़का सैंग ई आप आपरे घरे परा गिया । ऊनाळा री लांबी छुट्टियां में होस्टल छोड़ न लड़का घरे भाग जावे पण इण लड़का पाछे कुणसो कुणह पड़ रियो है जो छुट्टी नी जाण दे । म्हें धार लीघो के वीं खोड़ीला ग्रेह ने हेर न छोड़ला

म्हूं ई पढवा वाळो लड़को वण होस्टल में जाय बैठो । पैलपोत जदी वो म्हारा मूंडा साम्हो नाळियो, जद वीं री निजर में कांई हो जो म्हारी समझ में नीं आयो । यूं लागियो जाणो वो अचम्भा में डूव गियो व्हे अर म्हारा हिवड़ा मांयली वात रो वैरो पड़ गियो व्हे । म्हूं जाणगियो सिकार है तो सिकारी रे जोग । सूघो सूघो पकड़ में आवे जेड़ो यो नीं । म्हूं वीं ने प्रीत री राई सूं वांधवा री सोची, वो तो झट बंधणी में आय गियो । म्हूं जाण गियो यो ई म्हने तीखी निजर सूं देखे है म्हने परखणो चावै । मिनख ने पिछ्छाणदां में यो अतरो सावचेत रे, ये एहनाण तो गुरूवां रा है । ई ओछी औस्था में या अतरी भीणी चतराई देख म्हूं मन में राजी व्हियो ।

मन में विचारी एक लुगाई ने दीचे लावणी जरूरी है । लुगाई विना ई चंट छोरा रा मन री गांठा खोलणी दोरी व्हेला ।

एक दिन गळगळे व्हेन म्हें वीं ने कियो, 'वेळीड़ा, आज मनडा री वातडली कीघां विना हिवड़ो नीं मान रियो है । म्हारो जीवडो एक पदमण में

लाग रियो है पण वा तो म्हारी साम्ही झांके ई नीं ।’

पैलां तो वो चमकियो पछे म्हां आडी ने नाळ ने मुळकियो, या कोई अणव्हेणी वात तो है नीं । ईं तरै रा तमासा देखवा ने ई तो कौतकी बिरमा अस्त्री पुरुष न्यारा न्यारा सिरजिया है ।

‘म्हने सल्ला ई दे अर मदद ई दे ।’

वो राजी व्हेगियो ।

म्हें भूठी जोड़ न पूरी ह्यात घणाय लीधी । वो घणा चाव सूं सुणतो रियो, पण घणो बोलियो नी । म्हारी तो धारणा है के कोई संगीड़ा साथीड़ा ने प्रीत री वात, खास कर न एड़ी खोटी प्रीत री वात कैवो तो दोसती गैरी व्हे जावे । मित्तरता भट गाढीं व्हेवती दीखे । पण अवार तांई एड़ा कोई ऐहनाण नीं दिखिया । मनमथ पैलां नाम ई वत्तो थोड़बोलो व्हे गियो । यूं ई लागियो के म्हारी सैंग वातां ने गांठ बांध न राख लीधी व्हे । मोटधारड़ा पै म्हारी सधा बधगी ।

अठी ने मनमथ रोजीना आडो अड़काय न मायने कांई कांई पड़पंच रचे, कठाक तांई वीरा पड़पंच आगे बध रिया है जिरी म्हनें कांई ठा नीं लागी । पण ईं में कोई संका नीं के वे आगे तो जरूर ई बधरिया है । वीरो मूंडो देखतांई दरपण ज्यूं दीख जावतो के वो किं न किं ऊंडा मामला में गरक है, अर वो मामलो बस पाकियो ई जाणो । म्हें पड़कूंची बणाय वीं री डेस्क ने खोली । मांय ने एक तो घणी ज अबखी कवितां री कापी, कालेज रा लेकचरां रा नोट, घरवाळां रा मामूली कागद पत्तर, बस और कांई नीं लाधियो । घर रा कागदां सूं अतरीक ई ठा पड़ी के घर वाळां तो घरे आवा ने कैयरिया है अर वो जाय नीं रियो है । पण क्यूं ? जरूर कोई खास बजै व्हेला । । जै वो सांचो व्हेतो तो आपसरी रा वाद में कदी न कदी तो पड़दो अळगो व्हेतोई । ई मोटियारड़ा रो हाल चाल, बिवरण जाणवा ने म्हूं अतरो इच्छुक व्हे गियो के जिरो लेखो नीं ।

छेवट में म्हने वातां री नी सरीर वाळी अस्त्री ने परगटावणी पड़ी । पुलिस में नोकर हरमती म्हारी मदद पै आई । मनमथ ने म्हें केय दीधो, ईं हरमती रो म्हूं करमहीण प्रेमी हूं । वीं रे सागै गोलदिग्धी जाय जाय तळाव री पाळ पै दोब में बैठ, हरमती रो नाम लेय लेय म्हूं गळगळा कण्ठां सूं कविता बोलवो करतो, ‘चांद थूं है, चांदणी थूं है ।’ हरमती क्यूंक तो मांयला अर क्यूंक बारळा मन सूं वतावती के वीं रो हिवड़ो मनमथ चोर लीवो है । पण आसा ही जेड़ो कोई फळ नी मिलियो । मनमथ दूरा सूं ई, माया मोह में बिलमिया बिनां तमासो देखतो रैवतो ।

एक दिन दुपैरी रा म्हें देख्यो के वीं रा कमरा रा कूणां में एक फाटियोड़ी पत्तरी पड़ी है। म्हें फाटियोड़ी चगथियां ने जमाय न वांचवा री चेस्टा कीधी। परा अतरी सी क अघूरी ओळ वांचणी आई, 'आज संभचा रा सात बजियां लुक न थारे अठै' बस घणी माथा फोड़ी कीधी परा आगै जुड़ियो नीं।

म्हारी आतमा परफुल्ल व्हेगी। जूना जमाना रा दुस्लभ पराणी रो हाडकियो लाधवा सूं जीवतत्व री सोध करणियो पिंडत आणंद सूं उच्छळ जावे वा ई गत म्हारी व्ही।

म्हूं जाणतो के आज रात रा दस बज्यां रा हरमती रे आपरो अठै आवा री है। बीचै ई यो सात बजियां वाळो मामलो कठा सूं आय रियो है। जुवानडा री अकल री र छाती री तारीफ करणी होसी। कोई छाना रो काम करणो व्हे तो वो ई ज आसर आच्छो रे जि दिन घर में भाड़ भीड़ व्हे। पैलो फायदो तो यो व्हे के वीं दिन सगळां रो धियान खास काम पै व्हे। दूजो फायदो यो कै जि दिन कोई खास काम व्हेतो व्हे वीं दिन कोई छाना रो काम करैला, ईं पै किरौ ई वैम नीं जावै।

एकणदम म्हारा मन में एक नुवो वैम उठियो। म्हारली मितरता अर हरमती रे सागे प्रीत री रम्मत ने, ईं तो आपरो काम काढवा रो गेलो बगाय लीधो है। जदी ज तो नीं तो वो आपां ने भेळा राखे नीं अळगा ईं करे। वो जाणो के म्हांका ये ढंग ढाळा वीरा छाना रा काम पै पड़दो न्हाकता रे, दूजा जणां याई ज सोचता रैय जावे के मनमथ तो यां लोगां रे लारै ईं ज लागियो रै। वो ईं भरम ने बणाया राखणो चावै।

बारसूं भगवाने आयोडो, घरवाळां री हाथाजोड़ी पै ईं, छुटिटयां में घरे नीं जावै। होस्टेल में अकेलो पड़ियो रै। ईं रो मतलब के वो एकांत चावै। म्हूं उणरा कमरा में रैय वीरा एकमाड़ा पणा में भांगो न्हाक रियो हूं। बत्ते खाते एक लुगाई ने लाय एक नुवो छत्रीकूटो जीव ने लगायो है पण वो जाबक बेराजी नीं। या ई सांच है के हरमती माथे उणरो कोई लाग लगाव नीं, नीं म्हारी वातां में ई कोई इणरो खास मन रमें। म्हूं तो मनो मन खूब सोच समझ न ईं नतीजा पै पूग्यो के मनमथ री म्हां दोवां सारू घिरणा ईं बधी ही।

ईं रो तो एक ईं अरथ निकळियो के मिनखां ने तो जतावतो रैवै के यो एकलो नीं रैवै, ईं रे सागै अोर ईं कोई है। राखे आपणा कनै म्हारा जैडा नुवा आदमी ने जो जियादा कांई जाणो ईं नीं। वीं ने ईं कोई लुगाई सूं लगायां राखे। कि ने ईं एकमन व्हे कठी ने ईं लगाय देवणो व्हेतो लुगाई सूं बत्ती कोई चीज नीं।



मनमय री चाल हाल, पैलां फोकट अर वम करावाणी ही, पण म्हांके आयां पछे वा वात नीं री । अतरी आगळी वात विचार लेणो कोई छोटी वात नीं हे, उण रो ई विलच्छण बुद्धि पै म्हां तो फिदा व्हेगियो । सोचवा लागो, आपंरा मुलक में ई एडा दूर री सोचणिया, तुरत बुद्धि वाळक जनम तो ले । कोड सूं हिवडो भरीज गियो । मनमय मन में कि नीं विचारतो तो म्हां वीं नें पकड़ न छाती रे लगाय लेतो ।

उगु दिन मनमय सुं मिलतां ई म्हां बोलियो 'आज सांज री सात वजियां होटल पै जं मवा चालां ।' मुगु न वो चमकियो, पछे सावचेत व्हेय न बोलियो, 'आज तो भाई, पेट मांयने जायगा ई कोयनी ।'

होटल रो खाणो खावा ने मनमय कदी नीं नटतो, आज कांई वात है ? भांप गियो म्हां आज मनडो कठी ने ई उळज रियो है ।

यूं तो म्हां संज्या री वेळा होस्टल में नीं रैवतो पण आज तो वृतां रो एडो छप्पर वांघियो के उठवाई ज नीं दीवो । मनमय रो मन मांयनूं विचळाय रियो । जो म्हां कैवतो उण वात पै ई हुंकारा भरतो जायरियो आगे व्हेन कोई हरफ नीं बोलियो ।

छेवट में कायो व्हे न घड़ी देख न बोलियो, 'हरमती ने लेवाने नीं जावणो है कांई ?'

म्हां चमक न बोलियो, 'अरे हां, वीसर ई गियो । एक काम करो, थां खाणो वांणो वणाय न त्यार राखजो, म्हां एन साढा दस वजियां वीं रे सागै अठे आय ऊभो रैवूंला ।' यूं कैय चालतो व्हियो ।

म्हां उमगाय गियो, म्हारी नस-नस में खुसी री ल्हैर ल्हैरावा लागी । सांज रा सात वज्यां ने मनमय उडीक रियो हो, उण मूं कम उडीक म्हारे थोडी ही । म्हां होस्टल रे कने एक जायगा लुक गियो । खिण खिण घड़ी देख रियो । विजोगी प्रेमी अभिसारका रो उछळते काळजे गैलो देखे ज्यूं म्हां देख रियो हो । गवळी वेळा आई, अंधारो गैरो व्हेतो जाय रियो । सडक परळा दीवा जुप गिया । देख्यो, एक पालकी, बंद पालकी होस्टल रा वारणा में बळी । ई पाळकी में व्हेला कांई ? घूंघटा में लुकियोडो छिपियो पाप ! उडिसा देस रा उडिया भोयां रा कांवा पै चडियोडी, कॉलेज रा होस्टल में यूं एडी सोरी सोरी वळ जाय, यूं विचारतां म्हारा तो रुंगटा ऊभा व्हे गिया । सागै ई डील में खुसी री फरफरी आयगी । म्हारा सूं रैवणो नीं आयो । वगत ने गमायो नीं । होस्टल में फटकारियो, धीरे धीरे पडी चढ़ न ऊपरे गियो । मन में तो ही के लुक न देखूंला पण काम पार नीं

पड़ियो । मनमथ नाळ रे मूंडागला कमरा में ई ज साम्हो साम्ह बैठियो । दूजे पासे बैठी घूँघटा वाळी लुगाई । दोई मीठा मीठा धीरे धीरे वात कर रिया । म्हें देखियो के मनमथ म्हनै देख लीघो तो चट देणी रो कमरा में वळ न बोलियो 'मेज साथे घड़ी भूल गियो हो लेवा ने आयो हूं ।'

मनमथ तो बाको फाड़ियां हो ज्यूं रो ज्यूं रैगियो । यूं लाग्यो के यो भांप खाय न हेटो जाय पड़ी । खुसी सूं म्हारी कळी कळी खुल री । म्हें आगते व्हैय न पूछी, 'अरे, यो कांई व्हैगियो, जीव तो सोरो है ?'

उण रो तो चूँकारो नीं निकळियो ।

पछे म्हूं पूतळी री नांई थिर बैठियोड़ी लुगाई कानी फिर न धियान सूं देख न पूछियो, 'आप मनमथ रे कांई लागो ?'

कि पडूत्तर नीं । पण देखियो के मनमथ रे तो वा कांई नीं लागे । म्हारै लागे । म्हारी ज परणी है ।

पछे कांई व्हियो जि रो अंदाजो तो सेंग ई लगाय लेय ।

या है म्हारी जासूसी जीवणी री पैलोड़ी तारीफ !

घणां दिनां पछे म्हारै एक साथी जो ई खुफिया हो म्हने कियो, 'मनमथ रे सागे थां री लुगाई रो खोटो ताल्लुक नीं व्है तो ई अचरज नीं ।'

म्हें कियो, 'थां सांच कैवो ।' म्हें हेर हेराय परणी री पेटी मायजूं एक कागद काडियो हो जो वीं रा हाथ में दीघो । कागद यूं हो—

'सुचरिता,

करमहीण मनमथ ने तो थां भूल गया व्होला । वाळपणा में म्हूं नानेरे काजीवाड़ी जावतो जदी थां रे घरे आवो करतो, आपां भेळा खेलता रमता । आपणो वो खेलवा रमवा रो ताल्लुक खतम व्हे गियो । थां जाणो कं नीं, पण म्हें लाज सरम छोड़, काण कायदो छोड़ नै थांसू परणाय देवारी अरदास घरवाळां ने कीधी ही । पण थांरा घर रा अर म्हारा घर रा दाना बूढा नट गिया के दोई एक औस्था रा है ।

पछे थांरो वियाव व्हे गियो । चार पांच बरसां तांई तो म्हने कीं ठा नीं लागी के थां कठे हो । अवे बेरो पड़ियो के थां रो खांबंद पुलिस में काम करे, पांच महिना व्हे गिया, थांरी बदली अठे कलकत्ता में ई ज व्ही है । म्हे थांरा घर रो पतो लगाय लीघो ।

थां सूं मिलण री अणूंतो आस तो राखूं ई नीं । वो अन्तरजामी जाणै, म्हूं थांरी भली चंगी गिरस्थी में पण देवणो ई नीं चावूं, थांरा घर ने भांगवा री वांछा म्हारा मन रे अड न नीं निकळी है ।

संभया री वगत म्हूं थांरा घर आगला फुटपाय पै विजळी रा थांवा नीचे, सूरज भगवान रा दरसणारथी री नाई ऊभो रेवूं । सात साढा सात वजियां दिखणादू कमरा में थां रोज दीवाणियां में तेल घाल, वात्ती संजोय, वठे वारी रे मूंङागै राखवा ने आवो । उण वगत एक पुळ साहूं, दीवा रा चानणा में थांरा दरसण कर लेवो कहूं । समभो तो बस म्हारो यो ई कसूर है ।

या दिनां में संजोग सूं थांरा परणियोडा रे अर म्हारे ओळखांण व्हेगी । वांरो चलण म्हें देखियो उण सूं म्हें सतूनो लगाय लीधो के थां सुखी कोयनी हो । था पे म्हारो कोई जोर नीं । पण जिं वैमाता आंक लिखिया के थांरे पूछइ म्हूं ई दुख देखूं, वीज वैमाता थांरो दुख दूरो करवा रो भार ई म्हारे माथे न्हाकियो है ।


म्हारा गुन्हा पै धियान मत देवजो पण सुकरवार ने संभया रा सात वजियां थां छानेकरा एक दांण पालकी में बैठ न अठे आय जावजो । म्हूं थांने थांरा परणिया री छाना री वातां वताऊं । जो थां रो म्हारा पै पतियारो नीं व्हे तो म्हूं थां ने आंखियां देखाय देवूं । सागै ई थांने कीं सल्ला ई देवूंला । म्हूं भगवान पै भरोसो कर न कैवूं के वीं सल्ला पै चालियां थांरो दुख ओछो पड़ेला ।

म्हारो कोई लोभ लालच नीं है जो वात नीं है । म्हूं म्हारी आंखियां सूं थांने देख लूंला, थांरी बोली सुणूंला, थांरा चरणां रा परस सूं म्हारी या अंधारी ओवरी पवित्तर व्हे जाय । वस, या अतरी सीक ऊणायत है मनडां में । जो थांने म्हारा पै एतवार नीं है, अतरोक सुख ई नीं देवणो चावो तो थांरीं मरजी । पाछो लिख दीजो । म्हूं सेंग हकीगत लिख भेजूंला । जो म्हने थां कागद रो जुबाव देवा जोगो ई नीं समझो तो थांरा परणिया ने या पत्तरी बंचाय देवजो । पछै जो म्हने कैवणो सुणणो है वां ने ई कैवूंला सुणूंला ।

थांरो

सदा भलो चावणियो

मनमथकुमार मजूमदार



## अणव्हेणी व्रात

एक हो राजा ।

बस, जां दिनां इण सूं बेसी जाणवा री जरूरत ई कठं ही ? कठा रो राजा, कांई नाम, ये सेंग सवाल पूछ पूछ जमती कैणी रो रस कोई नीं विगाड़तो । राजा रो नाम सिलादीत हो के साळीवाहन, राजा कासीजी रो हो के कनौज रो, अंगदेस रो हो के बंगदेस रो के कलिंगदेस रो हो । तवारीख, भूगोल अर तरक ने जां दिनां कोई खास अमियत नीं देवता । असली व्रात तो वा व्रात ही के जिण ने सुण रस रा गुटकळिया भरणी आय जावे, व्रात सुणवा ने मन भागियो जावे, हाथे नीं रैवे । वा व्रात ही 'एक हो राजा ।'

आजकाल रा सुणवावाळा तो कमर कस न सवाल पूछण ने अड़ जावे । कैणी सरू नीं करो जठा पैलां ई मान लेवे कैणी मन री जोड़ियोड़ी है । आप बड़ा ठावा बण न मूंडो मचकाय न पूछे, 'थां कैणी केयरिया हो 'एक हो राजा' री ।' या बतावो वो राजा हो कुण ?'

कैणी कैवणिया ई चतर व्हे गिया आजकाले । वे ई तवारीखां रा मोटा जाणकार री नांई मूंडा ने चौगणो चौड़ो कर न बोले, 'एक हो राजा, वीं रो नाम हो अजातसत्रु ।' सुणवावाळा आंख मींच न चट देणी रो पूछ ले, 'अजातसत्रु ? अच्छा सा, बतावो, कस्यो अजातसत्रु ?'

कैणी कैवणियो वस्यान ई मूंडो छीदो कर न थिरता सूं कंवतो जावे, 'अजातसत्रु न्हिया है तीन । एक तो ईसा सूं तीन हजार बरस पैलां जनमिया, दो

वरस आठ म्हीनां री उमर में सुरग सिवार गया । बड़ा अफसोच री वात है के वां री जीवणी री पूरी हकीगत कोई पोयी में नीं लाघे । पछे दूजा अजातसत्रु री दस ह्यातां लिखणिया रा नांम गिणावै । वां री जुदा जुदा दस राय माये आपरी राय जाहिर करे पछे तीजा अजातसत्रु री हकीगत पै आवै । सुणवावाळा मन ई मन में दाद दीवा विना नीं रैवे, गजब रो पिंडत है ! एक कंणी मांयने कतरी सीखवा जोग वातां वताई । एड़ो आदमी जो कवे वो सांच ई कवे । पछे पूछे, अच्छा सा, वीं रे पछे कांई व्हियो ?'

आदमी ठगावणो चावै, ठगावणो आछो समझे । पण कठे ई कोई मूरख नीं समझले यो संको ई मन में वैठियो रे । ई वास्ते वो चित्त मन सूं चतर व्हेवा री कोसिस करै । फळ कांई मिले, छेवट में वो ठगीजे अर बड़ी डोफर सूं ठगीजे अंगरेजी में एक कैणावत है, 'सवाल मती करो नीं तो भूठो पडूतर सुणणो पडूसी ।' टावर तो समझे इण वात रो मरम । वो कदै ई कोई सवाल नीं पूछे । ई वास्ते जूनी कैणियां रो रूपाळो भूठ टावर रे आगे साफ है, सांच जेड़ो सहल है, शरता भरणां री नाई निरमळ है । आजकाल री चतराई रो भूठ पडवा मांयलो भूठ है । जे कठे ई राई रा दाणा जितरो ई छेकलो रैय जावै तो मांयलो भांडो फूट जावे । सुणवावाळा मूंडो फेर दे, कैवावाळा ने भाग छूटवा ने ई गेलो नीं लाघे ।

टावरपणां में म्हां संचीला रस रा रसिया हा । जद कदी कैणी सुणवा ने बैठता तो ग्यान सीखवा रो मन में तिल मत्तार ई भाव नीं रैवतो । अण भरिणयो, सूघो सरल मन वीं कंणी रो मरम समझ जावतो के ई में सार काई है । आजकाले तो अतररी नवरी विना काम री वातां भसणी पड़े के थक जावां । छेवट में आय न ऊभो रैणो पड़े वींज असल मुद्दा पे 'एक हो राजा' । म्हने चोखी तरं याद आवै वीं दिन सांझ पड़िया झूज आय री, मेह वरस रियो । यूं लागरियो कलकत्तो पांणी में बैय जाय । सैरिया में गौडां-गोडां तांई पांणी भर रिहो । म्हने पूरो नैहचो हो के आज मास्टरजी आवा ने नीं । पण तोई वारे आवा री वगत व्ही जतरे धड़कते काळजे तिवारा में वैठचो गैला साम्हो नाळतो रियो ।

वरखा थोड़ी रुकती दीखती न तो म्हां चित्तमन सूं भगवान ने सुमरवा लागतो, हे ठाकुरजी बापजी, थोड़ी देर और सात साढा सात बज्यां तांई तो वरसतो रीजो ।' म्हने यूं लागरियो हो के नगर रा कूंगां में रेवणिया ई एक आकळ वाकळ टावर री भूत जेड़ा भैकर मास्टर रा हाथ सूं रिच्छा करवा रे अलावा मेह री संसार में कांई जरूरत ई नीं । एकदांग जूना जुगां में देस भदर व्हियोड़ो एक यक्ष ई या ई जाणतो के असाढ रा वादळा रे कने कोई मोटो काम त है नीं । रामगिरि रा दूचका माथे वैठचोड़ा विजोगी रो सनेसो दुनियां रे पैले

छेडे अन्नकापुरी रा म्हेलां रा झरोखा झांकती विजोगण कने लेजावणो कोई दौरा काम थोडो ई है । दौरा व्हे जेडो काम ई कांडी गैजो केडोक रळियावणो है ।

टावर री अरदास सूं तो नीं पण पवन रे पांण बरखा बरसती री, रुकी नीं । बरखा नीं रुकी पण मास्टरजी रो आवाणो ई नीं रुक्यो । गळी रा कूणा में, ठीक टैम पै जाणी पिछायणी छतरी निजर आई । सारी आसावां एक छिया में घूळा भेजे मिलगी । म्हारो काळजो मूंडो रे आय अड़ियो । पराई आतमा ने संतापणो पाप है । पाप रो फळ भुगतावगियो कोई व्हे तो ईं रो एक ई ज डंड है वो डंड है आगला जनम में म्हूं मास्टरजी बणूं अर मास्टरजी म्हांमूं पढवावाळा ।

छतरी देखतो ई म्हूं तो भागियो वठा सूं । मांयने मां अर नानी दीवा रे उजाळे तास रम री । हूं तो छानोमानो एक आडी ने पड़ गियो । मां पूछियो, 'काई व्हियो ?'

म्हूं मूंडो तोबड़ा जेडो करन बोल्यो 'म्हारी आसंग कोयनी, म्हूं आज भणूंला नीं ।' मांदो बणगियो ।

आसा तो है के कोई अघकड़ आदमी म्हारी या कैणी वांचेगा नीं, अर नी कोई मदरसा री पोथी में ई ईंने घालेगा । क्यूं म्हें जो काम कीघो कायदा रे खिलाफ हो, जिरो म्हेने कोई डंड नीं मिलियो । साम्हो म्हारो मनचाह्यो व्हे गियो । मां नौकर ने केय दीघो, 'आज रेवादे । मास्टरजी ने कैदे जो परा जावे ।'

मां नचींती व्हियां तास रम री, मां ने मन में हंसणो तो आयो व्हेला के बेटे मांदा व्हेवा रा छैन केडाक कीघा । म्हूंई तकिया में मूंडो घाल घणो हंसियो । म्हां दोवां रो ई मन दोवां सूं ई छानो नीं रियो ।

ईं तरे रा रोग ने मिनख सूं घणी देर तांई निभावणी नीं आवै । थोड़ी देर पछे ई ज म्हूं तो नानी रे लारे पड़ गियो 'नानी, कैणी कै' नाने, कैणी कै । दो दांण चार दांण कियो जतरे तो कोई सुणार्ई व्ही नीं । मां बोली, 'उतावळ मत कर, बाजी खतम व्हेवा दे ।'

म्हें कियो, 'नीं मां, बाजी काले खतम करजो, अबाहं तो नानी ने कैणी कैवा दे ।'

मां तास रा पत्ता फेंक न बोली, 'जाओ, काकी, कुण ईं रे लारे मायो पोलो करे ।' जरूर मन में वीं योई ज सोची व्हेला, 'आपां रे तो काले-मास्टर नीं आवे, आपां तो काले ई तास खेल लेवां ।'

म्हूं नानी रो बांवटयो खैच्यां खैच्यां बिछावगा पे लेग्यो र पैला तो तकिया रे चिपट न, पगां ने पछाट न, बिछावगा पे लोट न मन री खुसी दबावतो रियो,

पड्डे बोलियो, 'नानी कैणी कैवो नीं ।

वारै भ्रमाझम भ्रमाभ्रम छांटा पड रिया । नानी मिसरी घोळती बोली, 'एक हो राजा, वीं रे ही एक राणी—

ओह, याई चोखी व्ही नी तो एक मानैतण अर कुमानैतण राणी रो नाम भावतां ई छाती घडका करवा लागं । पैलां ई जाण जातो वापडी कुमानैतण राणी पै दुख आवा वाळो है । जीव जाणवा ने आगतो व्हे जावे देखां कांई व्हे, कांई दुख आवे ।

जदी सुणियो के अवे कांई दुख री वात नीं । राजा रे कोई वेदो नीं हो जो राजा घणां दुखी रैवता, दान कीघा, वरत कीघा, जप कीघा, अवं तप करवा रो ओसरो आयो । वन में तपस्या करवा ने चालिया । अवं जाय न जीव सोरो व्हियो । मारी समभ्र में वेदा रो नीं व्हेणो तो कांइ एडी दुख री वात नीं । हां, अतरोक जरूर जाणतो के वन में जावा री जरूरत आय पडे तो वस मास्टरजी सूं पिंड छुडावा ने भलांई आवो ।

राजा, राणी ने अर एक छोटी सी वेटी ने छोड वन में तप करवा चालिया । एक वरस व्हियो, दो वरस व्हिया, यूं करतां वारा वरस व्हेय गिया । राजा नीं आया ।

अठी ने कंवरी सोळां वरसां री जोधजवान व्हेगी । परणवा री ओस्था आई । परण राजा तो नीं आया ।

वेटी ने देख देख राणी तो अन्न पाणी छोड 'दीघा म्हारी एडी सरव सुलखणी कन्या कुंवारी ज जमारो काढेला कांई ? हे भगवान, म्हारा परालवध में कांई लिखियो है ।'

छेवट में राणी राजा ने हाथ जोड न कंवायो, 'म्हने राजपाट, अन्नघन्न कांई नीं चावे । आप एकदांण म्हेलां पघार म्हारे अठे जीमलो ।'

राजा हांमळ भरी 'आच्छो ।'

राजा आया । राणी तो वीं दिन घणी चतराई सूं तेरा तीवण छपन भोजन वणाया । कंचन रा थाळ, रतन कटोरिया में जीमण परुण्यो । चंदण रो पाटो ढाळियो । कंवरी ने हाथ में चंवर दे ऊभी कर दीघो । राजा आज वारां वरसां सूं म्हेलां में पग दीघो । कंवरी रा रूप सूं म्हेल जगमग कर रियो । राजा कन्यां रो मूंडो देखता रैगिया, जीमणो भूलगिया । राजा पूछियो 'राणी, या सरव अंग सोना री साट जेडी किरा री कन्या है ।'

राणी बोली, 'राजा, या तो थारी कन्या है ।'

राजा अचंभा गत व्हेगिया, 'अरे, सांची ! म्हूं अतरीक छोटी ने मेलगियो,

दूजे दिन वामण रे बेटे पौसाळ सूं आवताई पूछ्यो, 'वता, थूं म्हारे कांई लागे ।'

कंवरी बोली, 'आज संझ्या रा थां जीम न पोढोला जदी बताऊं ।' वामण कियो, 'वा ।' अबै बैठो वो घडियां गिणै कदी दिन आंथे कदी बतावे ।'

राजा री कंवरी सोना रा हिंगळाट पै, घोळा फूलांरी सेज बिछाई, सोना रा दीवा में तेल भर न संजोयो, माथो सूंधियो, केसरिया कसूमल पंर, सोळा सिणगार कर बाट नाळे कदी दिन आंथमे ।'

रात पड़ी वामण रो बेटो जीम न सूपैट री ओवरी में आयो । हिंगळाट पै भाय ने सूतो । मन में सोचिरियो, 'आज बैरो पड़ेला ई नौ खंडिया म्हेल री रूपवंती नार म्हारे कांई लागै ।'

राजा री कंवरी पति रा परसाद रो थाळ खाय वठै आई । आगे देखे तो वामण रो बेटो मरियो पड़ियो । फूलां मांयतूं सांप निकळ वीने डस लीघो जो मरगियो । मृत देह सोना रा हिंगळाट पै फूलां री सेज पै पड़ी । सुणतां ई म्हारो काळजो घड़कतो थको, जाणै ठम गियो ।

रुम्ह्या गळा सूं उदास व्हेन पूछ्यो, 'पछै कांई वि्हयो ? नानी कंवा लागी । पण अबै उण री जरुरत कांई है, वा तो ओर ई अणव्हेणी वृत है । कैणी जिण रे गैल ही वो तो सांप रा डसवा सूं मर गियो । फेर ई 'फेर' ? जां दिनां म्हूं टाबर हो, जाणतो ई नीं, के मरयां पाछै ई कोई 'फेर' व्हे । वीं 'फेर' रो जुबाव तो नानी कांई नानी री नानी आय जावती तो ई नीं देवणी आवतो ! विस्वास रा जोर माथे सांवत्री, जमराज रो लारो कीघो । टाबर रो विस्वास ई मजबूत व्हे । ई वास्ते वो ई मरियोड़ा नायक ने पाछो जीवावणो चावे । नींठ नींठ तो या रात आई जिमे मास्टर सूं पिंड छूटियो । उण रे समझ में ई नीं आवे के अतरा सौक हूं कैवाई कैणी अचाणक सांप रा डस जावा सूं खतम व्हे जावे । जदी तो नानी ने कैणी पाछी मोड़ ने लावणी पड़े । कैणी ने अर कैणी रा नायक ने सरजीवत करणी पड़े ।

पण वो काम अतरो आपे आप व्हे जावे के भमझम करती वरखा री रात में टम टम करता दीवला री जोत में वा कजा ई डरावणी नीं रै वे । अबै कजा कजा कठै री । कैणी रो नायक जीवतो व्हे जियो । कैणी आगे चालणी, सुणता सुणता टावरिया री आंखडलियां में नीदड़ळी घुळणी । नानी रा लाड़ला, परियां रा दैस रा सपना देखता सोयगिया । पछै परभात री सीळी लैहरां हुलराय हुलराय जगाय दे ।



## अण्वहेली बात •

टावर पनां में सात समंदर पार जाय, काळ ने जीत ने जठै कंणी सतम  
व्हेदी वठे मीठा मुर में सुगता हा,

इत्ती कांणी, बोदी राणी ।

इन्त वृम्बकड, वृल्हा में लक्कड ।

वृन्हा वृल्हा मायै चकटी ।

नान्हा री सासू तकटी ।

अत्रे आंर वात व्हेगी । अत्रे कंणी रे वीचां वीच कोई करडो कठोर कंठ  
मुर मुगीं ।

वस, इतनी ही कहानी, लेखक की नानी ।

लेख निक्ककड, मायै पै लक्कड ।

मायै पै चकटी, लेखक की.....

वस, भाई ! अत्रे आगे नीं कैवां । कजाणां कोई आप रे लपरे वात  
घटाव ले तो ?



# छुट्टी

गाँव रा छोरां रा सरगणा फटिकचन्द्र ने एकणदम एक नुवी कुलंग सूझी । नंदी रे तीर माथे सांखू रा रूख रो एक मोटो लट्टो पड़ियो । नावड़ा रे मस्तूल बणावण खातर राख मेलियो हो । छोरां सोची ईं ने नंदी में बैवाय दां ।

काम पड़ेला जदी घर घणी ने लट्टो अठे नीं लाधेला जदे उए ने केड़ोक अचंभो आवेला, केड़ीक रीस आवेला वीं वगत रा मजा रो मजो लेवतां छोरां ने फटिक री व्रात आसे आयगी । कमरां बांध, पट्टा उच्छाव सूं काम करण ने त्यार व्हेगिया । अतराक में फटिक रो भाई माखणलाल, ठावो मूंडो कर लट्टा पे जाय न बैठ गियो । वीं ने रंग में भंग करतां देख दूजा छोरा दबक गिया ।

एक छोरे धीरे धीरे वीं रे कने जाय धक्को दे दीघो पण माखण हात्यो नीं । चारू कानी छोरां वळावळी ने परो ऊठवा ने कैयरिया पण वो यूं रो यूं खैर रा खूँटा री नाई बैठयो रियो । कीं री आसंग नीं पड़ी के उठाय दे ।

छेवट में फटिक डोल काढ न बोलियो, 'देख, ऊठ जाव नीं तो मार खाय ।'

माखण और ई बत्तो जम न काठो बैठियो ।

अबै फटिक रो घरम व्हेगियो के डंड देवे । फौज रे मूंडागे, फौज रा मांझी रो सिपाई हुकम टाळ दे तो पछै राज किया चाले । गालड़ा पे थप्पड़ मारणे री फटिक विचारी पण छाती नीं पड़ी । वीं एड़ो मूंडो बणायो जाणे, वीं रो मन व्हे तो अवारू माखण रा हाड़किया भांग राळे पण चाह्य कर न भांग

नीं रियो है, वीं ने दूजी एक अछूती रम्मत सूझी है जो वा रमां । वीं अछूती रम्मत बताई के मांखण सूधी लट्टा ने नंदी में गुड़काय दां ।

माखण जांगियो, ईं में तो वीं रो ओर ईं मड़दपणां है । पण वीं ने या नीं सूझी के ईं मड़दपणां रे लारे लारे नंदी में पवार जावा री जोखम ईं है ।

छोरां तो वांच कमरां न गुड़कावा लागा, 'हां, मड़दा, थोड़ी ओर, सावास मोटचारां ।' लट्टे गुड़दो नीं खाघो जठां पैली माखण ऊंवे मूंडे धम्म ।

रम्मत सलू व्हेतां ईं कस्योक मजो आयो, छोरा राजी व्हिया । फटिक थोड़ोक धवरायो । माखण तो पड़ियो पछे उठियो पैला, फदकतां ईं फटिक रे भूम गियो । हायां मारे दांतां खावे, गालड़ा लवूर लीचा । रोवतो रोवतो घर रो गैलो लीघो रम्मत खतम व्हेयगी ।

फटिक थोड़ीक कांस उपाड़ ले आयो । एक नाव आधीक पांणी में डूव री जिरी कोर पै वैठ गियो, कांस चाववा लागो ।

अतराक में दूजा गाम रो एक नावड़ो आय घाटे लाग्यो । वीं माय सूं एक अक्कड़ आदमी उतरियो, मूँछ्यां काळी, मायो घोळो हो । वीं फटिक ने पूछ्यो, 'अक्कर्वतियां रो घर कठीने है रे, छोरा ? कांस चावते चावते वीं कियो, 'वो रियो ।', पण वीं कठीने बतायो जिरी ठा नीं पड़ी ।'

वीं पाछो पूछियो, 'कठीने है ?'

पडूतर मिलियो, 'म्हनें खबर नीं ।' पाछी कांस चाववा लाग गियो ।

गैलारथु वापड़े और कि दूजा ने पूछ ठिकारो पूगियो ।

थोड़ीक ताळ व्ही न, घर सूं चाकर आय न बोलियो, 'फटिक ! मां बुलाय रिया है ।'

फटिक बोलियो, 'नीं, आवूं, जा ।'

पण वाघो पूरो बाव हो, वीं जीभ री लापालोळ नीं कीवी, पकड़तां ईं बांवटिया, खोळ्यां में लटकाय, चालतो व्हियो । फटिक रीस कर हाथ पग पछांटतो ईं रैगियो ।

फटिक ने देखतांई मां रीस करवा लागी, 'फेर घे माखण ने ठोकियो ?'

फटिक बोलियो, 'म्हें नीं ठोकियो ।'

'फेर झूठ बोले ।'

'म्हें नीं मारियो-। पूछलो वीं ने ।'

'माखण ने पूछियो तो वीं पैला वाळी सिकायत दुसराई 'हां, मारियो ।'

अत्रे फटिक सूं नीं रैवणी आयो । मलफ न माखण रा गालड़ा माये खैच न पक रेपट री मारी, 'फेर कूड़ बोलरियो ।'

मां, माखण रो पुखस लीघो फटिक ने जोर सूं झंझेड़ न्हाकियो दो र तीन चंरगटां मूंडा पै मारी तो फटिक मां ने पाछो घक्को देय दूरी कर दीघी ।

मां बरळाई, 'हैं, थूं मां रे साम्हो हाथ करे ।'

अतराक में वो आदमी आय पूगो जो नावड़ा सूं उतर फटिक ने चक्रवर्तियां रा घर रो गँलो पूछियो हो । घर में वळता ई पूछियो, 'हैं, यो कांई व्हेय रियो है ?'

फटिक री मां अचंभा सूं अर आणंद में भर न बोली 'अरे ये तो भाई आय गिया, कदी आया भाई ?' भाई रे हाथ जोड़िया ।

घणां दिनां पैलां फटिक री मां रा भाई पच्छम कानी वारै चाकरी पै गिया हा । पाछा तूं फटिक री मां रे छोरा ई व्हेगिया न मोटा ई व्हेगिया । पाछलो छोरो व्हियो न थोड़ा दिनां पछे वीं में दुख आय पड़ियो । विधवा बैन सूं मिलण ने एकदांण ई भाई नीं आया हा ।

आज वरसां सूं छुट्टी लेय, विसंभर बावू बैन सूं मिलण ने आया । थोडा दिन रिया, आळछोल में निकळ गिया । जावा लागा जदी विसंभर बावू बैन ने छोरां री भणाई पढाई सांळ पूछियो तो ठा पड़ी के फटिक तो घणो नसरड़ो, जी भायलो व्हेगियो । भएँ न पढै । नान्हकियो माखण स्याणो, सूघो है । आखर वांचवा में ई जीव लागै वीं रो तो ।

बैन बोली, 'फटिक तो म्हारा काळजा वाळ न्हाकिया ।' सुण न विसंभर कियो, 'फटिक ने म्हूं म्हारे लारे लेय जावूं वठै कलकत्ते ई भणावूं ।'

वा भटदेणी री राजी व्हेयगी, फटिक ने पूछियो 'क्यूं रे फटिक, मामाजी सागे कलकत्ते जाय ?'

फटिक तो फदकवा लागी 'हां जावूं ।'

यूं तो फटिक री मां ने कलकत्ते भेजण में अक्काई जेड़ी बात नीं ही । वीं रा मन में संका बैठघोड़ी हीं के कठई यो फटिक, माखण ने किं दिन नंदी में नीं घक्को दे दे । कठ ई माथो नीं फोड़ दे. कै कोई और कुचमाद नीं कर दे । परण तो ई कळकत्ते जाएँ रा नाम सूं वीं रो मन भारी व्हैयो । वठी ने फटिक 'मामाजी कदी चालो, मामाजी कदी चालो' पूछते पूछते मामाजी ने 'काया कर दीघा, एड़ो हरख चढियो के नोंद नीं आवती ।

कलकत्ते नानेरै पूगतांई फटिक ने मामाजी मिल्या । परवार में आगे यूंई तीन छोरा हा । घटता में पुरो व्हेवा ने यो एक और वधियो, मामाजी ने यूं लागो । वां री गिरस्थी लीक लीक पै चाल री ही, बीचे एक तेराक वरस रा छोरा ने ले आवणो घर में घोड़ो बांघणो है, छोरो ई गामड़िया गाम रो, अण

भणियो । विसंभर अतरी ऊमर लेय लीधी पण लखण नीं आया ।

सांच पूछो तो तेरा चवदा बरस रा टावर सूं बत्ती कोई आफत नीं । या ऊमर ई एड़ी व्हे के नीं तो उए सूं कोई सोभा ई व्हे नीं कोई वो काम रो व्हे । नीं तो वीं रा लाड ई आवे, नीं वींरे सार्गे कोई वातां चीतां रो ई मजो आवे । जो वो थोड़ो तोतळाय न वोले तो लागे इतराय रियो है । जो गैहरा साद सूं ठावी वात करे तो लागे बडां वूडां री देखादेखी कर रियो है । उएरो बोलणो ई बकवाद करणो है । बोलवा में ई काई, गावा छीतरा री आडी नूँ ई वो गोभियो है । पैइसा काट न गावा सींवावो, वो लडाक देणी रो लांवा वघे एकणदम, गावो आवे ई नीं । टावर रा मूंडा पे भोळापरणो रैवे जो तो खतम व्हे जावे, कएठ भारी पड़ जावे जो लोगां ने कजाणां कस्यो रो कस्यो लागे । बाळपणां री अर जवानी री तो कतरी खोड़ां ने माफी बखस दीधी जावे पण ई उमर वाळा री मामूली खामी, मोटी व्हे न दीखे ।

देखवा वाळो ई ज नीं खुद ई उमर रो टावर ई मन में अणमणो रैवे के वो कठे ई ठीक जंचे ई नीं । नीं टावरां में नीं बडां में । मन में आपरी हस्ती पे वो सीटावो करे । एक गोभयो और है, ईं औस्था में बाळक रा मन में घणी ऊणायत रैवे के कोई वीं रा लाड राखे । जो कोई भलो मिनख वीं ने हेजाय लेवे लाड करे तो वो हुकम रो तावेदार वण जावे । पण व्हेवो काई करे के कोई वीं रा लाड प्यार करे नीं, यूं जाणे के ईं औस्था में लाड लडावणो तो माथे चढावणो है । व्हे काई के बाळक आपने विना घणी घोरी रो गळी रो गंडकड़ो समझवा लाग जावे ।

एड़ी हालत में, मां रा घर री जगां ने छोड़ न दूजी जायगा तो नरक जेड़ी व्हे जावे । कठी ने सूं ई वीं ने मोह नी मिले जो काळजा में करोतां चालती रै । इए औस्था वाळा ने लुगाई जात, सुरग लोक री परी अमोलक बसत दीखे । ईं वास्ते जै कोई लुगाई उण रो अणादर कर दे तो घणो ई ज दुख व्हे ।

मामी रा नेणा में फटिक साहं कोई अणणायत नीं ही, वो तो खारो लागतो । फटिक ने ईं ज वात री अबकाई घणी आवती । कदी मामी हेलो पाड़ न कोई काम भळाय देवती तो फटिक री छाती चौड़ी व्हे जाती । हरख ई हरख में हूणो काम कर देतो । पण मामी वीं रा हरख ने ठगडो कर देवती, 'वा घणो, वा घणो, रैवा दो, जावो, पढो ।' फटिक ने लागतो, मामी रो यो जुलम है ।

घर रे मांयने तो आव आदर हो ई नीं, भाग सूं वारे ई कोई जगा एड़ी नीं जठे दो घड़ी मन ने भोळावे । और नीं तो दो घड़ी जीव भर न चाळो ई करले । घर री भींतां रा जेळखाना में रैवतां रैवतां वीं ने आपणो गांम चींतां आयो । वीं गांम ने चींतारतो रैवतो जिमें अमूळ न, घणा कोड सूं सहर में

आयो । वठा रो वो लांबो चौडो चौगान जठे आखो दिन किन्नियां उडवो करती । नंदी रा किनारा, जठे वांसरी रा सुर वाजता रैवता । मन में आयो न पांणी में धम्म देणी रा गण्ठा बीडता । तिरवा री कोई रोक नीं । संगीडा साथीडा चीतां आवता जारे लारे मारघाड, कूटापीटी चालवो करती । सेंगा सूं ऊपरां चीतां आवती वा रातदिन घाकलती रैवणी मां, कूटणी मां । वीं रो मन तो मां कानी भागतो रैवतो ।

ई लांबा पातळा कोभा छोरा रो भंवरो भटकतो रैवतो; कोई वी ने लाड सूं वतळाय ले, कोई हेत भरी आंखियां सूं वीने देख ले । जिनावर माथे हाथ फेरावा ने हेताळ ने सूं घवा ने आकळ वाकळ व्हे जावे ज्यूं ईं वाळंक रो मन ई आकळ वाकळ व्हेय रियो । गधूळी वेळा में मरी मां रो बाछ्छ डीडावे ज्यूं ईं रो मन मां मां कर डाडां मारवा लागतो ।

आखा स्कूल मे उण सरीखो भोगो अर आळखातक दूजो छोरो नीं हो । कांई पूछता तो बाको फाडियां ऊभो रैवतो । मास्टरजी ठोकणो मांडता तो गदेडा री नांई मार खायां जावतो, खायां जावतो । लडका ने रमवा री छुट्टी व्हेती जद यो रोई कने ऊभो ऊभो घरां ने देखवो करतो । दुपैरी रा तावडा में, घर री चानणी पै एक दो छोरा छोरी रमतां दीख जावता तो ईं रो चित्त विचळाय जावतो ।

एक दिन मन में काठो मत्तो कर मामा ने पूछियो, 'मामाजी, म्हूं मां कने गांम कदी जावूंला ?'

मामा बोलिया, 'स्कूल री छुट्टी व्हियां ।'

आसोज में नौरतां री छुट्टी व्हेला, हाल तांई तो घणांई दिन आडा पडिया है ।

एक दिन कांई व्हियो । स्कूल री पोथियां फटिक गमाय दीधी । एक ईं या ईं पाठ याद कोनी व्हेतो, रैता में पूरो व्हेवा ने पोथियां गमगी । कांई करे बापडो अबे । मास्टर जी तो दिन ऊगां ठोके, अर मांजनो बखाणे । स्कूल में एडी गत व्ही के मामा रा वेटां ने वीने आप री लागती रो बतावतां ओलज आवती । फटिक रा मांजना बखाणीजता तो दूजा लडकां सूं ये बत्ता राजी व्हेता ।

बरदास्त सूं वारें व्हेगियो जदी फटिक मामी कनें जाय, मोटा गुन्हैगार री नांई बोलियो, 'म्हारी पोथियां गमगी ।'

मामी होठां री कोरां पै रोस री लीकां खांच न बोली, 'भलो कीधो । म्हारा सूं पांतरे पोथियां नीं मोलावणी आवे ।'

फटिक छानो मानो पाछो फिरगियो । वो मन में पछतावा लागो, परायो

पंटसो वगाड़ रियो है वो । वीं ने मां वाप पै गुमान ई आयो न रीस ई आई । आप री दसा पै वो लजाय गियो ।

स्कूल सूं आवतां ई फटिक रो मायो दूखवा लागो, मांय नूं जीव अमूजवा लागो । वी ने लागियो ताव आय रियो है । मन में यो ई सोच आयो के मांदो पड़गियो तो मामी रा जीव ने घोलियो व्हे जाय । वीं री मांदगी, मामीजी रा जीव ने कसी सानेला जो वो जाणतो हो । मांदगी में उण जेड़ा फटोळ, मूरख, नवरा छोरा री चाकरी, मां सिवा दूजी जणी कुण करे । दूजी जणी सूं चाकरी करावा जोगो वो है ई कठे ।

दूजे दिन फटिक तो भाग गियो । एड़े मेड़े पाड़ पांडोस रा घरां में खबर कं घी, कठे ई नीं लाघियो ।

उण दिन, रात री वरखा वरस री ही, ओजूं वार खांडी नीं व्ही । सावण भादवा रा मेह री नाई जम न वरस रियो । वीं ने हेरतां मिनख भींज्या, हकनाक ई हैरान व्हिया । कठे ई नीं लायो तो छेवट में विसंभरवावू जाय थांणा में रपट कर दीवी ।

आवो दिन यूं ई निकलियो । सांझ रा एक गाडी विसंभरवावू रे घर रे वारणे आय न ठमी । वरखा यूं री यूं वरस री ही, गोडां गोडां ताई गैला में पाणी भरियो हो ।

दो सिपाया भेळा व्हे न फटिक ने उतारियो, चोटी सूं लगाय ने एड़ी ताई पांणी सूं भोज रियो हो, आखो डील कादा सूं लयपय व्हेय रियो मूंडो र आंखियां लाल चट्ट व्हेरिया । सी सूं थरयर घूजरियो । विसंभरवावू दोई हाथां में तोक न म्हांयने लैय गिया ।

मामी देखना ई फुगकारो कीवो, 'क्यूं पराया टावर ने राख दुख मोल लेयरिया हो । भेज दो परो ई ने ईं रे गांम ।'

विसंभर आखो ई दिन चिंता फिकर करता रिया, कांई खावो पीवो नी, भाल में आय वारा टावरां पै चिड़ता रिया ।

फटिक रोवते थके कियो, 'मूं तो मां कने जायरियो हो । ये घींगाणी म्हें पकड़ न ले आया अठे ।'

ओचवोच ताव में पड़यो रियो, आखी रात सीतांगी वातां करतो रियो । विसंभरवावू डॉक्टर ने बुलाय लाया ।

फटिक एकर राती राती आंखियां खोल, न छात साम्हो टकटकी लगाय न पूछियो, 'मामाजी, म्हारो छुट्टी व्हेगी कांई ?' विसंभरवावू अंगोळा सूं आंनू पूंछ न, ताव में बळता बाळक रा नवळा हाय हेत सूं गोद में राख न बैठिया रिया ।

फटिक वळे वडवडावा लागी, 'मां, म्हने मार मती म्हें कांई नीं कीघो ।'  
दूजे दिन, थोडो दिन चढियां, थोडीक ताळ सारूं फटिक ने चेतो आयो, कजांणा  
कि ने देखवा री उम्मेदवारी में घर रा कूणां कूणां ने आखियां फाड़ न देखवा  
लागियो । नफाफड़ व्हे, आस छोड़ भीत आडी ने मूंडो फेर न सूयगियो ।

विसंभर वावू वीं रा मन री वृत्त ने अटकळी, कान रे भडे मूंडो लेजाय न  
धीरेकरा, मिठास सूं बोलिया, 'फटिक वेटा' धारी मां ने बुलाई है, आती व्हेला ।'

दूजो दिन ई यूं ई निकळ गियो । डॉक्टर उदास व्हेय, फिकर करतो  
बोलियो, 'हंग ढोळ कोझा है ।'

विसंभरवावू टमटम करता दिवला रा चानणा में, माचा रे कर्ने वैठ  
फटिक री मां रे आवा री वाट देखरिया ।

फटिक जहाज रा खलासियां री नाई वारी राग में वडवडाय रियो, एक  
वांव मिला नीं, दूजा वांव मि-ला-आ-आ-नीं । कलकत्ता आवती वळं थोडी  
दूर वो स्टीमर में चढियो हो । स्टीमर रा खलासी पांणी में राड्डी न्हाक गावा  
री राग में पाणी मापे । सन्निपात में पडियो फटिक ई खलासियां री नाई, करूणा  
भरिया सुर में पाणी माप रियो हो । जि अथाग समंदर में वीं रो जीवण जहाज,  
हव रियो हो, वीं समंदर में वीं ने थागो नीं मिल रिया हो । हूंजरा वायरा री  
नाई फटिक री मां घर में वळी । गळो फाड़ कूकाई । विसंभर घणी दोरी वीं ने  
डाडां मारती ने रोकी । लाडला लाल रा माचा माथे भांप खाय न पडगी, रोय  
रोय हेला मारवा लागी, 'फटिक रे, म्हारा लाल रे, म्हारा सूवा रे ।'

फटिक जांरो घरो सोरे ई हेला रो जुवाव दीवो, 'हैं ?'

मां पाछो कियो, 'फटिक रे, वेटा, म्हूं आयगी ।'

फटिक धीरे धीरे पागती फेरी, किरा ई साम्हा झांकिया विना, धीमे धीमे,  
दवियोडा कंठ सूं बोलियो, 'मां अबै म्हनें छुट्टी व्हेगी । मां, अबै म्हूं घरे  
आवूं, मां ।'





## रासमणि री बेटी

रासमणि, काळीचरण री ही तो माँ, पण माँ ई वा ही बाप ई वा ही । माप रा पळटा नूँ वीं ने बाप री जायगां ई लेवणी पड़ी । जठे माँ रा अर बाप रा, दो ई पद माँ ने संभाळगां पड़ै वठै टावर दोरा ई चुवरे । रासमणि रा परणिया भवानी चरण नूँ वेदा पै आंत राखणी नीं आवती । कोई वां ने पूछयो के थां वेदा ने लाड में क्यूँ इतरवो, भवानीचरण पाछो जो जुवाव दीवो, वीं जुवाव ने समझवा ने वां रा घर री जूनी ख्यात नूँ वाकव व्हें जागो चावे ।

शानवाड़ी रा मोटा, मातवर, आछा रजक वाला घर में भवानीचरण-जदमिया हा, भवानीचरण रा बाप अर्भचरण री पैलोड़ी परणियोड़ी रा वेदा-श्यामाचरण है । दूहापा में लुगाई मरियां अर्भचरणजी दूजो बियाव करवा रो मतो कीचो तो वेटी रे बाप, पैलां ई ज वेटी रे नाम गांम लिखाय लीवा । आलन्दी रो इलाको लिखाय वेटी ने डोकरा ने परगाई । जवाईजी री औस्या रो मन में हिमाव लगाय लीवो । वेटी रांड व्हें जाय तो ये गानड़िया गुजारो करवाने घनां, सौक रा वेटां रो मूँडो नीं देखयो पड़ै । वेटी रे बाप, परणायां पैला जो धारियो वो आवो तो फळगियो । दोयता भवानीचरण रे जनम रे थोड़ा दिनां पाछे जमाईजी तो चालता रिया । वेटी रे नाम गानड़िया कडाया वे वींरा कवजा में आय गिया । वेटी ने जागीर पै घनियाणी व्हेंती आप री आंत सूं देस बाप रो ई सौरो सौरो जीव मुगत व्हियो ।

सौकीलो वेटी श्यामाचरण जां दिनां मोठ्यार जुवान हो । श्यामाचरण

रो मोटो बेटो, भवानीचरण सूँ एक बरस मोटो हो । काका भतीजा रे बारा म्हीनां री लौड़ बडाई ही, श्यामाचरण आप रा बेटा रे लारे माई मां रा भवानी-चरण ने ई मोटो करवा लागा । श्यामाचरण माई मां रा गुजारा रा पैसा ने नीं भींटतो । बराबर धिगालिया धिगालिया रो हिसाब बताय, पैसा सूँप, मां रा हाथ री रसीद लेय लेवता । जणों जणो वां रा भलापणां रा सरांवणां करतो ।

सांची पूछो तो घणां जणां ईं भलापणां ने भोळापणो समभता । वां री जाण में फोकट ही या सफाई । वाप दादां री कदीमी जागीर रो हिस्सो एक दूजी लुगाई रा हाथ में सूँपणो, गामवाळां रा मन में नीं भावतो । जै सफाई रो हाथ-बताय श्यामाचरण वीं लिखापढी ने उड़ाय देता तो सांचाणी वांरी तारीफ करता आड़ोसी पाड़ोसी । एडां भला काम में सल्ला देवणियां रो ईं टोटी थोड़ो ईं पडजातो । परण श्यामाचरण आप रा कदीमी हक हकूकां ने छोड़, माई मां रा गुजारा री जागीर ने कायम राखी ।

किं तो ईं भलापणां सूँ अर किं माई मां रो सुभाव ईं भलो हो । माई मां ब्रजसुंदरी, श्यामाचरण पै पूरो भरोसो राखती, बेटा ज्यू जाणतो । टका टका रो हिसाब देवा लागतो जद कदै ईं कदै ईं वा ताराज व्हेय न ओळमो देवा लाग जावती, 'यो थारो म्हारो कांई है बेटा अतरो ? म्हूं कसी जागीर ने लारे वांघ न ले जावूं । है जो थारो ईज है ।' पण श्यामाचरण तो हिसाब देवा में र रसीद लेवा में कदी ढील नीं कीधी ।

श्यामाचरण आप रा बेटां पै पूरो आंख राखतो । परण भवानी ने आंख रे सणकारे कदी कांई नीं कियो । मिनख कैवता, देवो, है तो माई मां रो परण आपरे पूतां सूँ सवायो लाड़ राखे । ईं रो फळ यो निकळियो के भवानीजी ठोठ रै गिया, 'काम काज कांई आयो नीं, पराया सारै जमारो बीतावा जोगा रै गिया । लैण देण, जागीर रा काम रे तो वां हाथ ईं नीं अड़ायो । बारा म्हीनां में दो चार दांण रसीदां पै दसगत करणां पड़ता जो दसगत कर न फारिग व्हे जाता । दसगत क्यूं करणां पड़ै ? आप कदी ईं वात पै सोचियो ईं नीं । सोचता ईं खरी तो समझ में तो आपरे आवा ने हो ।

'अठी श्यामाचरण रो मोवी पूत तारापद वाप रे लारे काम काज करतो जो पूरो फरवट व्हे गियो काम में । श्यामाचरण रे फौत व्हेतां ईं तारापद भवानी ने जाय कियो, 'काकाजी, अब आंपांरो भेल्लो रेवणो ठीक नीं । कूण जांणे कदी कोई वात पै भोड़ पड़ जावे । आपसरी में डंलडां भगडां तो भूंडा लागां । घर खळविखळ व्हे जावे । थारो म्हारो रूपाळो ईं में ईज है के राजी राजी, भरिये भरम न्यारा व्हे जावां ।' भवानी तो सात भव में ईं नीं सोचियो के बीने न्यारो

भलाई रो काम भेल राखियो । दूजां रो उपगार व्हो र मत व्हो आप रो कर ई रिया हा ।

बगलाचरणजी राय दीधी, 'वसीयतनामो लाघो र मत लाघो । बाप दादां रा माल में दोई भायां री बरोबर पांती व्हे ई में पूछणो ई कांई ।'

तारापद कर्ने एक वसीयतनामो निकळियो । जिमें भवानी री पांती में कांई हो ई नीं । सगळी जमीं जायदाद पोता रे नाम कर राखी ही ।

मुकदमा रा समंदर में बगलाचरण रे भरोसे भवानी नाव छोड़ दीधी । जमीन जायदाद, धन संपत्ति रो खेंगाळ व्हे गियो । 'भवानी मुकदमा में नांगा व्हे गिया, आलंदी री घणी खरी जमीन तो मुकदमा रा खरचा खाता में बाणियां रे घरे पूगी । थोड़ी घणी री जिसू दाळ रोटी भलां ई चालो । जूनो घर रेग्यो जो ई भवानी जाण्यो भलो भाग । ई ने मोटी जीत जांणी । तारापद कबीला ने ले सहर रा मकान में रैवा लागगियो । दोई कडूंब रो आवण जावण खतम व्हेगियो ।

[ २ ]

श्यामाचरण रो यो धरमहार पणों ब्रजसुन्दरी रा हिवड़ा ने सालतो रैवतो । बाप रा वसीयतनामा री चोरी कर भाई रे लारे धोखाबाजी तो कीधी ज पण बाप रे लारे ई विस्वासघात कीधो । जीवती री जतरे डोकरी निसासा भर भर कैवती री 'भगवान पूगेला' । भवानी ने ई दिलासा देती रैती, 'कानून न कचैड़ियां तो म्हूं जाणूं नीं पर देख लीजै एक दिन थनें थारो वसीयतनामो मिलेला ।'

मां रा मूंडा सूं घड़ी घड़ी री आसा भरियोड़ी दिलासा सुण भवानी ने ई भरोसो आय गियो वसीयतनामो जावै कठे । आपणो है तो एक न एक दिन आपां तीरे आयां रैवेला । आसा भरी दिलासा ई घणी ही तसल्ली करवाने । मां सती ही, सती री वाक्या फळेला ई ज, हक री चीज हकदार ने मिले ई, पक्को नेहचो हो भवानी ने । मां रे मरियां पछे तो यो नेहचो और पक्को व्हेगियो । मरियोड़ी मां रो पुत्र अर तेज चौगरणो व्हेय न उण ने दीसवा लागो । तंगांतगी अर फोड़ा तो घणां पड़तां पण भवानी हियापौ नीं लीवो । कैवो करता या हाथ री तंगी, लेण देण री खैचतांण सदामद थोड़े ई रैवेला, दो दिन रा फोड़ा है निकळ जाय । पाछा आपणां ई दिन पावरा आय जद पाछा सैग थोक व्हेला ।

जूनी पुराणी ढाका री धोवतियां फाटगी, अवे रेजा री जाडी धोवतियां मोलावणी पड़ी, पूजा रा उच्छ्रव में ई सदामद वाळो । खरचो कठा सूं आवतो, कंकू लच्छो चढाय पूजा रा दस्तूर कीधा । कारू कमीण, आया गिया पांवणा पीर

## रासमणियाँ रो बेटो •

नीसासा भर छूना जुग री वृतां चलाई तो भवानी हंस दीधो । सोचवा लागियो वो ई छूतो जुग पाद्यो आय, यां ने काई खबर के यो दो दिन रो खेल है । एड़ा घूम घड़ाका मूं पछे पूजा रो उच्छव मनाऊंला के देखवावाळा देखता रेंय जाय । आगे आवणिया जमाना रा घूम घड़ाका ने वे एड़ा परतख देखता के आज रा हाल जमाना री तंगातंगी पे वारी निजर ई नीं पड़ती ।

यां सपना देखवा में पक्को साथी हो वां रो खास हाजरियो नटवर । ठाकर : चाकर गरीबी गुजारता सलाह मसविरो करता के दिन पावरं आयां पूजा रा उच्छव में काई काई खुसियां करांला । किने नूंतं देवां किने नीं देवां । कलकत्ता मूं नाटक मण्डली बुलावांला के नीं, यां मुद्दा पे जोर रो आपसरी में भोड़ व्हे जातो । नटवर आपरी क्रियण आदत सूं लाचार उच्छव रा खरचा में काटापीटी करतो, भवानी चिरड़ जावता । नाराज व्हे रीस रोस व्हेवा लाग जावतां । एड़ी घरचावां चालती रैती ।

घन दौलत, जमीं जायदाद रो कोई एड़ो खास हेजको नीं हो भवानी रे । हां, मन में एक अणख जहर आवती के पछे वीं जमीं जायदाद ने भोगेला कुण । अछी रो पेट फाटियो नीं । परणावा जोग टावरियां रा वाप, भवानी कर्ने भलो चावणियां वण न आवता, दूजो वियाव करवा री सल्ला देवता तो मन हालवा लागतो । नुवीं लाडी रो खास कोड व्हे जेड़ी बात तो नीं ही पण जूनी रीत रे मुजव अन्न, वस्त्र अर चाकर री नाई अछी ने ई रईसी रा अहनाण मानता । रईसी तो घरे आवा री आसा अर टावर नीं व्हियो तो ? आवावाळी जमीं जायदाद ने दिलसवावाळा री चावना जरूर ही ।

भगवान भली कीची, बेटा रो मूं डो देखियो । जो देखो वोई कैवे, घर रा भाग पलट गया जाणजो । बड़ा ठाकर सा अभैचरणजी पाछा आया है । वे री ने मीटी मोटी आखियां । वो ई ज ललाट । टावर री जनमपत्री देख जोसी कियो 'बुण्डली में गेहां रो एड़ो संजोग बैठियो के गयोड़ो राज पाद्यो घरे आयां विना रेंवे ई नीं ।' बेटो व्हियां पछे भवानी रो सुनाव बदलवा लागियो । अवार ताई तो वे टोटा नफा ने माया रो खेल केय मन ने भोळाय देवता पण अवे मन भोळावणी नीं आवतो । शानवाड़ी रा नामदार, ठाकरां रा ठिकाणा में बुभुता कुळ रा दीवा, नामीं नखतरां में जलमियोद्रः सारू पैईसो चावे के नीं ? ओजूं ताई वरावर पीडियां सूं ईं घर में न्दा जनमिया वांरा लाडकोड वीं ज ठाठ बाट सूं व्हेता रिया । यो ई ज पूत एड़ो जनमियो जिण रा लाडकोड करणे री ठाकरां में सामुरय कोयनी, आपरी या मजबूरी ठाकरां ने मांयनूं खावती रै । म्हारा खानदान री आइ मुरजाद लायक बेटा सारू कीं नीं कीची । ठाकरां ने लागे जाणे

मोटो कसूरवार हूँ ईं टावर रो। आपरी संमरथ सूँ सवाय लाड कोड करे। भवानी री परणी रासमणि दूजा ईं सांचा री ढळियोड़ी ही। वों रा मन में भवानी री कुळ रा मोटापा ने लेय कोई आंजस के चिंता के दुख जेड़ी वात कदै ईं नों आई। भवानी जाणता हा, मन में मूंडो बिगाड़ न कैवो करता, 'रासमणि तो माफी री हकदार है। वा बापड़ी कांई जाणे कुळ री मोट मरजाद। घर गुवाड़ी वाळां रे जनमियोड़ी घरवट्ट, कुळवट्ट री रीतां कांई समझे? राजव्यां री रीत रो राजवी जाणे।

रासमणि उरळा मन सूँ मान जावती के 'मूँ घर गुवाड़ी वाळां री बेटी, मोट मुरजाद सूँ म्हारो कांई लेणो देणो। म्हारो काळीचरण जीवतो री।' गमियोड़ो वसीयत नामो पाछो लाधेला, घर री संपदा रो सूखियोड़ो तळाव पाछो डाकवा लागेला यां वातां ने वा ईं कान सूँ सुणती दूजा सूँ काढ देवती। अठीने बालमजी रा ये हाल के कोई मिनख गाम में एडो नों जिण सूँ वसीयतनामा रो जिकर नों कीधो व्हे। ईं री चरचा नों करता तो खाली आपरी लुगाईं सूँ। एक दो दांण वात चलाई पण वात करवा रो मजो नों आयो जो मन मार न रैगिया। रासमणि नों तो पाछलां दिनां री मैहमा सुण न राजी व्हेती, नों आगे आवणिया भेला दिनां री वात में ईं रस लेवती। आज रा टोटा रा टापरा में कांय कांय करतां जमारो काढ री ही। दिन ऊगतां ईं लाव लाव तेल लूण, लाकड़ी री लागती। लिछमी तो सौरी सौरी घर छोड न पधार जावे पण जावती लगी अतरो भार छोड न जावे के पाछलां री बोभो उठावतां टाट पोली पड़ जावे। आजीवका रो आसरो तो टूट जावे पण आसरे पड़ियोड़ा पिंड नों छोड़े। भवानीचरण सुभाव रो एडो के टोटो फांसी आप भोग ले पण मूंडा रो जुबाव नों दे। बोझा सूँ लदियोड़ा भरियोड़ा गिरस्थी रा गाडा ने खैचणो पड़े रासमणि ने। मदद नांम री चीज तो कोई वीं ने दे नों। आच्छा दिनां में तो हाली नवाली मजा ठोकता, आळस में पड़िया रैवता। अबं दौरा व्हेतां मोत आवे। काम करवा रो कैवो तो लागे जाणे माथा पे भाटा री ठोकी। चूल्हो सुलगावणो पड़े तो माथो दुखाय ले, पांच पांवडा चालवा ने कैवो तो गोडा बाव सूँ जुड़ जावे। ईं उपरे एक तुरो और है, भवानी कैवे, आसरे पड़ियोड़ा ने रोटी देय एवज में काम करणो और ईं भूंडो। बदला में काम लीधो न आसरो देवा रो महात्म गियो। आपणां ठिकाणां में कदै ईं यूँ नों चिहियो।' जो काम करो बापड़ी रासमणि करो। सैग बोभो उण पै लदै। रात दिन, आस्थी पाछली कर घर रो दावो ढावे। काठामाठा, खैचातांणी कर आपरो ईं पेट भरे न दूजा रो ईं पेट भरे। ईं हालत में मिनख में कंबळाई कींकर रैवे, रसोवडा में जाय खाली रोटी भाणो।

## रासमणि रो बेटो •

ज करणी व्हे जदी तो कांई वात नीं पण तेल लूण रो उपाय करवारो काम ई रासमणि रो । ऊपरे छोगो यो के, रोटा खाय न पड़्या रैवण्या नंदा करै वां रोटियां री अर रोटियां रा देवाळ री ।

रासमणि ने कोरा घर रो ई काम नीं करणो पड़ै । थोड़ा घणा खेत; वाड़ है जां रो लेणो देणो, उगाही, हिसात्र कितात्र ई करणो पड़ै । लेवा देवा में आजकाले कसाकसी है जेड़ी कदी नीं ही । भवानी रो पैसो ठीक अभिमन्यु री उलटी विद्या जांणतो । वीं ने कढणो ई आवतो घसणो नीं आवतो वां मांगवा रो तकाजो करणो, उगाई करणी तो सीख्यो नीं । पण, रासमणि उगाही रा मामला में एक ढुदाम छोड़वावाळी नीं । करसा आपसरी में बैठ रासमणि री खोटी खाता, काम करणिया कामती साखावादो करता के छोटा घर री है, देखे वापरे जो करे आपरे । कदी कदी तो घर रो घणी बेराजी व्हे जावतो के यां ओछापणां सूं म्हारा ठिकाणां री आच्छी नीं लागै । पण यां नंदा अर नाराजगियां ने रासमणि गनारती नीं । आपरा ढंग सूं आपरो काम निवेडती रेवती सैंग वातां रा दोस माथा पे झेलती, मूंडा सूं मंजूर करती, 'भाई, म्हूं तो री छोटा घर री बेटी, ये राजव्यां री रीतां आपा तो जांणां नीं ।' घरां वाळां रे वारळां रे भलाईं आंख में खटको । कमर रे खकोल ओढगा रो छेवड़ो ने लाग जावती काम रे लारे । छाती किए री जो मूंडा पे आय न कांई कैवे ।

खावंद ने कदी कोई काम सारं कैवती नीं, कैवणो तो कठै ई रियो वीं ने तो साम्हो सोच लागियो रैवतो के कठै ई वीचे आय न काम काज में आप री डोड पंचायत नीं करवा लागे । यूं ई वो उद्दमी आदमी नीं हो फेर रासमणि कैवती रैवती, 'यां रेवादो, म्हूं सैंग काम निवेड़ लेवूं ।'

खावंदजी जलमरा ई परायो मूंडो जोवाणिया हा लुगाई ने घणों कैवणो नीं पड़तो । रासमणि रो घणां वरसां तांई पेट नीं मंडियो जो, भोळा सुभाव रा पराई खाटी खावणियां खावंद सूं उण री दोई तरै री भूख, मां पणां री अर लुगाई पणां री भूख, तिरपत व्हेती रैती । भवानी ने वो एक मोटो टावर समझती । सानु रे मरिया पछे घर री लुगाई वा ही अर घणियाणी वा ही ।

भवानी लुगाई रा हुकम में चालतो रियो ओजूं तांई । पर अब वेटा काळीचरण रा मामला में, हुकम में चालणो दोरो व्हेगियो । रासमणि भवानी री निजर सूं आप रा वेटा ने नीं देखती । भवानी रो तो वा हर तरै सूं विचार राखती । काम काज रे अड़ाया ई नीं तो यां विचारा रो कांई दोस मोटा घर में जनम लीघो काम कठा सूं सीखता । ई वास्ते वा वियान राखती के यांने कोई भांत रा फोड़ा नीं पड़ै । घर में मोकळी तंगी व्हे पण वांरे चावती

चीज ज्यूं त्यूं कर न लावती । वां ने कोई वात रो फोडो नीं पडवा-देवती । पण बेटा री अर वाप री बरावरी थोडी है । वा तो वीं रा पेट री आलाद ही । वीं रे रईसी किया निर्भला । उण ने तो हाथ पग हलाय पेट भरणो है, कमाई करणी है । सोलियाळ व्हे जाय वो जमारो बिगड़ जावेला । अबाहं दौरो व्हेला तो पछे भेनत मजूरी कर पेट सोरो भरेला । वीं री आदतां एडी नीं पटकूं के यो चावै न वो चावें । काळीचरण ने खावा पीवा ने ई घर में हो जेडो ई देवती । कलेवा में गुड़ धाणीं । सियाळा में ओढवा ने दुलाई, उण सूं डील ई ढंक जावै, माथो अर कान ई ढांकणी आय जावै । पौसाळ रा पिंडतजी ने बुलाय न भळावण देय दीधी, 'टावर ने कस न पढावजो, निगै राखजो । अणूंतो मुलाहिजो राखवा री जरूरत नीं ।'

बस अठै ई ज आय मुस्कल पडी । भोळा सुभाव रा भवानी में ई कदी कदी ऊफाण आय जावतो, 'रासमणि देखियो अणदेखियो कर जावती । भवानी री तो आदत ही लूंठा आगै हमेसां नीचो माथो घालवा री । माथो तो नीचे अबके ई घाल दीधो पण मन नीं भुकियो जो नीं भुकियो । ई ठिकाणा रो छोरं दुलाई ओढे न गुड़ धाणी खावें । एडी वात तो कदी पीढया में ई नीं व्ही ।

दुरगा पूजा रा दिन वां ने याद है । बाप दादा रा वगत में केड़ाक बैमोला नुवा नुवा गाबा पैर न केड़ाक उच्छाह सूं वे उच्छव में जावता । आज रासमणि काळीचरण साहं एडा सूं घा कपडा मंगावे जेडा तो वां दिनां चाकरां ने देता तो ई परा फैकता । रासमणि एकदांण नीं पचास दांण समझाया के काळीचरण वां वातां सूं वाकंब ई नीं है, जो मिल रियो है उण में राजी है पछे क्यूं वातां कैयकैय ई रा मन में दुख उपजावो ।' पण भवानीचरण सूं भूलणी नीं आवतो के काळीचरण आपरी घरवट्ट जाणै ई ज कोयनी जदी ज तो वो ठगीज रियो है । भवानी ने सबसूं ज्यादा अबको लागतो, वां रा बेटा रे कठा सूं ई कोई तोहफा में रमकडो आवतो अर वो रमकडा ने लैय राजी व्हेतो उच्छळतो कूदतो वां ने देखावाने आवतो जदी ।

वां सूं देखणी कोनी आवतो मूंडो फेर घठा सूं ऊठ जावता ।

भवानी रो सुकदमो चालियो जद सूं ई पिरोतजी रे घरै लिछमी पांवणी व्हेगी । यां दिनां तो पूजा रा दिनां में पिरोतजी रा बेटा बगलाचरण, कलकत्ता सूं लाद विलायती रमकडा री दुकान खोल दे । भांत भांत री सौक री चीजां देख गांस रा मिनखा रो मोलावा ने जीव विचळाय जावै । कलकत्ता रा बाबू लोगां रा घरां में यां रो चाळो सुण गामरा मिनख ई आपरी आसंग सूं सवायो खरच कर मोलाय लेवे ।

एक दांण वगलाचरण एड़ी अजव गजव री मेम लायो, जिमें चावी भर दे तो वा कुरसो सूं ऊठ पंखो झलवा लाग जावै । ई पंखो झलती मेम ने देख काळीचरण रो जीव वस में नीं रियो, वीं रो मन ईं रमकड़ा ने लेवाने आकळ वाकळ व्हेगियो । जागतो मां ने कहियां कांई व्हेला, सूवो वाप कर्ने गियो, वाप ने मनड़ा री वातड़ली बताई । वाप वड़ा उरळा मन सूं हामळ भरी मेमड़ी ने लाय देवा री । दाम नुणियां तो मूंडो उतर गियो ।

रिपिया पैइसा री ऊगाई करणो ई रासमणि रा हाथ में है, खरचो करणो ई वीं रा हाथ में । भवानी मंगता री नांई दाता रा दुवार पै गिया । पैला तो अठीली वठीली, फोकट री वातां कीवी, पछे भट आपरा मन मांयली कैय दीवी । रासमणि मूंडो देख न बोली, 'मगज फिरतो नीं गियो है ?'

भवानी सोच विचार न बोलिया, 'देखो, रोटी रे लारे म्हनें थां घी अर खीर देवो उण री कांई जरूरत है ?'

'है वतू नीं जरूरत ।'

'वैदजी कैवे हा यां सूं तो पित्त वघे ।'

जोर नूं मायो हिलाय रासमणि बोली, 'थारा वैदजी तो संग जाणै ।'

'म्हूं तो कैवूं हूं, रात रा परामठा री जगा भात दे देवो करो । परामठा सूं में भाटो तो पड़ जावो ।'

'आज ई पेट में भाटो पड़ गियो है कांई ? उमर तो बीतगी है रात ने परामठा खावतां ।'

भवानी तो कैवो जो त्यागवा ने त्यार हा पण परणी एड़ी करड़ी री के चुप्प व्हेणो पड़ियो । घी मूंघो व्हेतो जायरियो पण रासमणि भवानी सारूं पूड़ी परामठा वणावती ज । परभाते रा जीमण में दही अर खीर वणतीज । ई घर में सदीप सूं ये तीवण वणता जो वणताई ज यां में फेरफार नीं व्हियो । भून्यां चून्यां कदीक दही नीं व्हेतो वो रासमणि ने या चूक चुभती रैवती । भवानीचरण रे घी, दही, खीर, पूड़ी री तिल मात्रर कमी कर न वां मेम सांव री घर में पवारावणी नीं व्ही ।

भवानी एक दिन पिरोतजी रे घरे पूग्या, बतायो यूं के जाणो घूमता टैलता आय निकळिया है । अठीली वठीली वातां कर न वीं हूली-रो पूदियो । या तो जाणता हा के वगलाचरण उणां री माली हालत सूं वाकव ईं पण लाजां भरतां जमीं में घस्या जायरिया हा के यो कांई जाणोला के एक मामूली तो गुड़ी, वेटा सारूं कोनी मोलावणी आय री है । संकता संकता-धीरेकरो दुपट्टा नीचे सूं गावा में पळेटियोडो, घणमोलो कस्मीरी दुसालो काढयो ।



भरियोडा गळा सूं बोलिया, 'दिनमान एडा ई है । हाथ में रोकड़ तो हा नीं, सोचियो दुसालो धारे अठे गैणो राख टावर रे गुड्डी ले लूं ।'

दुसालो एडो कीमती नीं व्हेतो तो बगलाचरण ने कांई एतराज नीं हो । पण वो जाणतो ईं ने पचावणो दोरो है । आखो गाम कूकवा लागेला । रासमणि रा सुणावणां ने झेलणा दोरा पडैला । दुसाला ने पळैट न भवानी ने पाछो लावणो पडियो ।

काळीचरण रोजीना बाप ने पूछ लेवतो, 'बापजी, भेम रो कांई ज्हियो ?'

बापजी रोज हंस न कंवता, 'पूजा आवा दे बेटा, ओजूंतो घणां ई दिन आडा है ।'

रोज रा रोज धींगाणी मुळक'न टावर ने कूडी दिलास देवणो दोरो व्हेगियो । आज चौथ तो व्हेगी । सातम आडा दिन तीन रिया । भवानी कांई न कांई मिस कर न मांयने गिया । वात करता करता एकणदम बोलिया, 'है, म्हूं देखरियो हूं काळीचरण माडो व्हेतो जाय रियो है ।'

'धूंको, मूंडा सूं । मोडो क्यूं व्हेण लागियो ।'

'देखो कोनी, मुरभायोडो सो बैठियो रै । रमे न खेले छानो मानो रै ।'

घडी एक ई-छानो मानो रैवतो व्हे तो चावै कांई । उदमाद तो करतो रै ।'

गढ़ री अठीली भींत ई नींवण निकळी । भाटा पै गोळा रो सेनांण ई नीं मंडियो । गैरो सांस लेय, माथा पै हाथ फेरता भवानी बारै आय गिया । अक्रेला चौकी पै बैठ न चिलम रो लांबो सटकारो खंच्यो ।

पांचम रे दिन धाळी में खीर ने दही यूं रो यूं पडियो रियो । रात ने एक पेडो खाय न ऊठ गिया । पूड़ी रे नख ई नीं अड़ायो । अतराक ई ज बोलिया, 'भूख कोयनी ।'

अवकाळे गढ़ री भींत में मोटी बगारो पडियो । छठ रे दिन काळीचरण ने रासमणि एकमाडी लेजाय लाड सूं बतळायो, 'मंटू, धां मोटा व्हे गिया बेटा, धां चीजां मांगवा ने जिद्द करो ओजूं ई, माडी वात । जाणो जो चीज मिले नीं वीं रो लाळव करणो आधी चोरी है । जाणो नीं ?'

काळीचरण रीं रीं करवा लागियो, 'म्हूं कांई कहूं । बापजी कहियो, लाय देवूं ।'

रासमणि ईं लाय देवूं रो अरय अरथावा लागी के यां दो लफजां में कतरो लाड है, कतरो प्यार है अर कतरो दुख है । वां रा ला-थ- दूंला में आपणां गरीब घर री कतरी हाण है । रासमणि आजलग कदै ई यूं टावर ने नीं समझायो हो जो कंवणो व्हेतो बस हुकम देय देती । आज जो विस्तार सूं समझायो तो

सातम रे दिन काळीचरण री आसा फळी ही, पंखो झळणी मेम हाये लागी । आखो ई दिन मेम तीरूं पंखो झलाय झलाय दूजां छोरां ने बतावतो रियो । देख देख छोरां रा मन में ईसको आवतो रियो । यूं मोल लियोडी व्हेती तो आखो दिन कदाच नीं देखतो । देखतां देखतां औरणी आय जावतो पण आठम रे दिन मेम पाळी आपरे घरे परी जावेला ज्यूं देखवा रो मन चालतो रियो । रासमणि पिरोतजी रा बेटा ने दो रिपिया रोकडा देय एक दिन वेई गुडडी ने भाडे ले आई ही । आठम रे दिन लांबो सांस लेय, डिब्बा में घाल न काळीचरण जाय बगलाचरण ने पाळी सूंपियायो । उण एक दिन री मीठी याद आवती री । वीं रा कळपना जगत में तो ओजूं तांई पंखो झाल ई री व्हेला । अबै काळी मां रो सल्ला में सलाहकार व्हेगियो । अबै भवानीचरण आवते बरस पूजा में एडा एडा घणमोला रमतिया, तोहफा में देवा लागा के उणा ने आपने अचम्भो आवतो । संसार में दाम दीघां बिना कांईज नीं मिले । अर चो दाम कतरा दुख देखियां मिले, ईं सार ने काळीचरण समझवा लाग गियो । घर गिरस्थी ने ढावणी है, बोझो वधावणो नीं है, या सीख किणी दीघी कोयनी पण काळीचरण समझ गियो । सीख सरीरां ऊपजै दीघां लागं डाम ।

अबै घर रो बोभो माथे ओढवा ने त्यार व्हेणो है । या वात हिया में उतार भणवा पढवा में लाग गियो । पास व्हियो, वजीफो मिलण लागियो तो भवानीचरण कैवा लागिया, 'घणोई भण पढ गियो, अबै घर रो काम संभाळ ।'

काळीचरण मां ने कियो, 'मां कलकते जाय न आगै री भणार्ई नीं करूंला तो म्हूं जोगो कियां बरगूंला ?

'हां बेटा, कलकते तो जाणो ई होसी ।'

काळीचरण कियो, 'म्हारे माथे पईसी लगाणो नीं पड़ेला, वजीफो मिले ई है, काम विकाय लेवूंला, नीं व्हेला तो छोरा भणाय कांई उपाय कर ई लेवूं ।'

घणा दोरा भवानीचरण ने राजी कीघो । घर में 'जमींदारी-रो एडो काम ई कांई है जो अबेरे, तो यूं कैतो तो भवानीचरण रो जीव दुख पावतो । रासमणि बोली, 'भण पढ न काळी ने जोगो तो वणणो है नीं ?' पण पीढ्यां में ओजूं तांई कोई वारै गियो नीं जो ई इण घर रा तो सैग एक एक सूं एक जोगा व्हिया है । भवानी ने तो दिसावर ने जमपुरी बरोबर लागती । वां रे या ई समझ में नीं आई के काळीचरण जेडा बेटा ने वारै भेजवा री वात सोचणी ई कियां आवं । और तो और गांम भर रो ठावो भिनख, अकल रे उजीर बगलाचरण री वा ई ज राय व्ही जो रासमणि री राय ही । वीं वगत री वात की, 'यां ने कलकते भेज दो, एक दिन वकील वण न ये वीं गमियोडा बसीयतनामा ने हेर न पाछो लावेला, वैमाता

रा लिखियोड़ा आंक कदेई टळे ? कळकरो जावतां ने रोक ई नीं सके कोई !

वात खट्ट देणी रो आसे बैठगी, भवानी ने घणी तसल्ली मिली । जूना कागद पानड़ा काढ न काळीचरण सूं वसीयतनामा रो चोरी रो रात केवा लागिया । काळीचरण रा मन में, हायां वारे गयोड़ी जनीं जायदाद रो कोई खास कसक तो ही नीं । वाप कैवतो गियो दो हूँकारा भरतो गियो । भवानीचरण बेटा ने कलकत्ता भेजवा रो तयारी करवा लागी । जाणे रामचन्द्रजी लंका रा गढ़ पे जात्रा रो तयारी कर रिया व्हे । या जात्रा कोई असी वसी जात्रा पढवा रो के पास करवा रो जात्रा थोड़ी ही । या जात्रा तो गियोड़ा राजपाट ने पाछी घरे लावा रो जात्रा ही ।

कलकत्ते जात्रा रा मोरत रे एक दिन पैलां रासमणि काळीचरण रा गळा में ताव्रीज दांव न पचास रिपिया रो नोट हाय में पकड़ायो, 'ई' नोट ने संभाळ ने मेल दीजे, अदखी वैळा चावै जदी काढजे ।'

पेट काट काट न घणां दोरो संचियो थको यो पचास रो नोट हो । काळीचरण ई' नोट ने माथे चढ़ायो, मन में संकळप लीवो के मां रो या सैनाणी है । दोरी कमाई रा यां रिपिया ने, अदर न गाढा कर न राखूला ।'

भवानीचरण अत्रे आजकाले वसीयतनामा रो घणी वात नीं करे । आजकाले तो काळीचरण रो जं वातां करता रे । वीं रो वात करवा ने आला वास में फिर ले । कागद आदता ईं घरे जाय न वांचे । नाक नीचे चस्मो उतारता ई ज नीं । पीढयां में कदी कोई कलकत्त गियो ई ज नीं, दां रो बेटो कलकत्ते पढे, आजस सूं छाती सवा हाय चौड़ी व्हे जाती । 'म्हारो बेटो कलकत्ते पढे, बटा रो कोई वात उण सूं छानी नीं । हुगली कने गंगाजी पे एक पुळ और वण रियो है । एड़ी एड़ी खदरां तो उणां रा घर रो खदरां व्हेगी । 'सुगिद्यो के, गंगाजी पे एक मोटो पुळ वण रियो है, आज ई काळीचरण रो कागद आयो, कागद में सब खदरां लिखी है ।' यूं कैवता थकां चट देणी रो चस्मो काढता न पूंछता । पछे कागद ने वांच न सुगावता । 'हूँ देखो कांई जमानो बदलियो है । कुग जाणे अगाड़ी ओढूँ कांई' व्हेला । अत्रे हूँ, गंडकड़ा, मिनकिया सैंग ई गंगा ने पार करेला । कळजुग आय गियो कळजुग ।'

जिए सूं ई बे मिलता मायो हलाय न कैवता ई ज, 'कैवूँ हूँ' नी के अत्रे गंगाजी घना दिना ठेरवाने नीं ।' मन में वांते या आसा ई ही के गंगाजी जावा लागेला जदी वा खदर ई सब सूं पैला काळीचरण रा कागद में आवेला ।

कलकत्ता में काळीचरण, सांझ सुवै कठ ई खाता लिखतो, दादरां ने भणावतो न आप रो गुंजरान अदको दोरो करतो । घणी मुस्किल प्रवेशिका रो

इमतिहान पास कीधी । वंजीफो मिलण लागियो । भवानीचरण साहू तो या वात तवारीख में सोना रा हरफां में मंडणी चावे । मन मेंआई सारा गांम ने ईं खुसी में गोठ देवा री । नाव तो अबे किनारे लागवा ई ज वाळी है । क्यूं नीं अबे वीरे भरोसे मन खोल खरचो खातो करूं । रासमणि रो तौर देख न गोठ रकगी ।

काळीचरण ने अबकाळे कालेज रे कने एक मेस में जाययां हाथे लागगी । मेस रे दरोगे नीघला खण्ड में एक काम नीं आवती वा ओवरी रेवा ने देय दीधी । कालीचरण वींरा टाबरां ने पढावतो, दोई वगत वो रोटी खावा ने देय देतो । मेस री ओवरी में रेवतो जी में संद आवती जो कंदी कंदी वासती । वीं ओवरी में एक साता ही दूजो कोई भेळे नी रेवतो । अकेलो काळीचरण हो जो पढाई में भांगों नीं पडतो । काळीचरण री आसंग ई नीं के आराम री चीजां पोसावे तो पछे वो यां दातां ने सोचवा रा फोडा ई क्यूं देखतो ।

वीं मेस में भाडो देय न रेवणिया हा, खास कर न वे ऊपरळा खण्ड में रेवता, वारे लारे काळीचरण री सेंघ बेंध नीं ही तोई छातीकूटो व्हेणो लिखियो व्हे तो परो व्हे । मेस रा ऊपरला खण्ड में एक बडा आदमी रो बेटो रेवतो । कॉलेज में पढती वगत मेस में रेवा सूं उण ने कोई लाभ नीं हो पण वीं ने मेस में रेवणो सुवांवतो । वीं रा घरवाळा तो घणी दांण कंवायो के भाडा पै घर लेले । मोटो परवार है दो चार घर रा आदमी लुगाई वठे रेवो करां । पण शैलेन्दर आळखो लेय लीघो के घर में रेवा सूं भणवा पढवा में भांगो पडे । वात दूजी ही शैलेन्दर ने दोस्तां रे लारे हा हू करणी, धाम घडाको करणो सुवांवतो आड आडावण घर वाळा आय जावं तो ये सैंग बन्द व्हे जावं । यां रे तो ताळो लागं जो लागं, आंगछ में रेवणो पडे जो सिवायखाते । 'यो करो, यो मत करो, यूं करियां खोटी लागं ।' सूता बैठ्यां यो दुख वो मोल क्यूं ले । आजादी रे साथे मेस में रे । आपरी नांद सूवे, आपरी नांद जागे । यूं आदमी मेस में तो घणाई रे, पण ई किरी जिम्मेदारी किरे ई माथे नीं मते आवे मते जावं । नंदी रा वेवता पाणी री नाई वेवता जावे पण छेकलो कटे ई नीं छोड न जावे ।

शैलेन्दर सुभाव रो खरचीलो आदमी हो । उण रा मन में दया ई ही । दूजां री मदद करवा ने ई वो ताखडो रेवतो । ताखडो अतरो रेवतो के दूजो वीं रो सरणो नीं लेवतो तो वो वीं ने दुख देवा ने ई ताखडो व्हे जातो । उण री दया जदी निर्दयी बणती तो वा पछे जलाल बण जावती ।

मेस में रेवणियां ने सिनेमा बतावणो, होटल में खुवावणो, रिपिया उधारा देवणो, अर देय न भूल जावणो उण रा गुण हा । नुवां परणियोडो जुवान पूजा में धरे जावा लागतो । दाबा रा पेईसा चुकामां पछे आंट में काई नीं रेवतो

तो एड़ी वेळा में शैलेन्द्र चीता आवतो, 'भाई घरे जाय रियो हूं, घरे लेजावाने सामान खरीदाय देवो ।' शैले दर साथे जाय असी सौक री चीजां री हाट वतावतो । एड़ी दुकान पे जाय सूं घी, रही चीजां मोलावतां देव शैलेन्द्र सूं रेवणी नीं आवतो, 'धन चीज री पैचाण ई नीं, हट, म्हूं छांट हूं ।' शैलेन्द्र आच्छी, बढिया वसत टाळवा लागतो, दुकानदार कंवतो, 'चीजां री पैचाण तो यां वावूजी ने है ।' छांटियोड़ी चीजां री दाम सुण मोलावणियां रो चालतो सांस हव जावतो । शैलेन्द्र रो हाय बटवा माये जावतो । अगलो आदमी नटा नटी करतो जतरे शैलेन्द्र रिपिया गिगतो निजर आवतो ।

शैलेन रे आड़े पाड़े जतरा जणा हा सगळा शैलेन री बगसीसां माये चढाय राखी ही । लोगां ने देवा रो उग ने अतरो सौक हो के कोई लेवतो नीं तो दुस्मण री गरज पालतो ।

बापड़ो विचारो काळीचरण, नीचे अंवारी ओवरी में सुगली चटाई पे बैठ, फाटियोड़ो बरियान पर, पोथी रा पान्नां मे आंखियां अड़ायन, पाठ याद करतो रेवतो । बजोफो नेणो जो वीं ने ।

कलकरो आती वेळां, मां उगने आंण देवाय दीधी के वड़ा मिनखां रा वेटां लारे सैल तमासा में कदी मत जावजे ।

वो ई मोटा मिनखां सूं नीं मिलतो । वो जांगतो हो के वे गरीब है, घर में नातवानी है, मोटा आदमियां रा वेटां सागे रेवणो नीं पोसावे । वो शैलेन रे भड़े व्हेंय नीं निकळियो । जागतो वो जरूर हो के जो शैलेन रो मन मनावणी आय जावे तो वीं रा रोज रोज रा घणां कळेस कट जावे । फोड़ा देखतो, दुख पावतो पण शैलेन रो मरजीदान बगवा री मन में नीं आई ।

शैलेन ने या अकड़ लागी । काळीचरण अतरो गरीब हो के वीं री गरीबी शैलेन ने अणखावणी लागती । पगय्या उतरतां चढतां, गावा गोदड़ा पे शैलेन री निजर पड़ जावती यो वीं ने काळीचरण रो कमूर दीखतो । गळा में तावीज हालवो करतो, दोई वेळा पूजा पाठ करतो । ऊरली पाळटीवाळा खूब हंसता ई रा गंवार पणां पे । शैलेन री पाळटी रा दो लड़का वीं री ओवरी में आवा जावा लाग, जाणवां ने के यो एकलखोरो लड़को करे काई है । थोड़वोला काळीचरण रा मूंडा सूं कोई बात नीं कवावणी नीं आई । ओवरी एड़ी कठे के जिमें घणी देर वैठणी आवे, वंगा ई भागिया वे ।

बां सोचियो एक दिन आंपा रे नूंतो देवां, विचारो निहाल व्हे जाय । दुलावो मेज्यो । काळीचरण कियो म्हूं तो पारटियां में खावूं नीं, अर म्हारी आदत

ई कोयनी । काळीचरण गियो नीं तो शैलेन अर शैलेन री पाळटी लाल पीळी पडगी ।

ऊपरळा कमरा में, वीं री ओवरी रा माथा पै थोड़ा दिनां अतरो ऊघम मचायो के काळीचरण रो भणणो पढणो मुस्कल व्हेगियो । विचारो दिन में तो एक रूखड़ा रे नीचे बैठ न पढतो, रात ने पौ नीं फाटती जठा पैली ऊठ जावतो भणवाने । खावा पीवा ने तो पूरो मिलतो नीं । मँनत करतो रात दिन, काळीचरण रे तो माथो दूखवा रो रोग लाग गियो । कदी कदी तो दो दो चार चार दिन माचा पै पड़ियो रैवतो । बाप ने मांदगी रा समीचार नीं लिखिया । वो जाणतो के बाप ने ठा पड़गी तो भागिया आवेला । भवानीचरण तो जाणता के काळीचरण कलकतो घणो सुख में है । वे तो ई खयाल में हा के रोई में ज्यूं घास पात, रूखड़ो विरखड़ो, मते ई ऊग जावै ज्यूं कलकता में आराम रो सामान हाथ पग हलायां बिना, आंपणे आप मिल जावै । काळीचरण आप रा बाप ने इणी ज वंम में रैवा देवणो चावतो ।

मांदो व्हे न माचा पै पड़ियो तोई घरे राजी खुशी रा समीचार लिखतो रैवतो । एड़ी हालत में ऊपरै माथा पै शैलेन री पाळटी वाळा उघम मचावता जदी तो वो महादुखी व्हे जावतो । ज्यूं ज्यूं वो नातवानी, वेइजती अर दुख देखतो ज्यूं ज्यूं वीं रा मन रो संकळप और ई गाढो व्हेतो जावतो के ई दुख सूं मां बाप ने वारै काढणां ई ज है ।

काळीचरण आपने बिलकुल लोगां री निजर सूं दूरो राख एकमाड़े रैवा री कौसीस कीधी । परा माथा रे ऊपरै ऊघम चालतो ई रियो ।

एक दिन कांई देखे के उण रा जूना जोड़ा में सूं एक पगरखी गायब, उण री जगां एक जाबक नवो, बढिया जूतो पड़ियो । ईया दो भांत री परग-खियां पैर न कॉलेज तो जावणी आवे नीं । किसूई सिकायत करै तो ई कांई सार निकळे बिचारे मोची रा अठा सूं जूनी जोड़ी लाय काम काडियो ।

एक दिन एक लड़के अचांणचक रो ओवरी में वळ न पूडियो, 'म्हारी सिगरेट री डावी थां ऊपरां सूं लाया कांई ? लाध नीं री है ।'

काळीचरण भंभेड़ो खाय न बोलियो, 'म्हें थां लोगां रा कमरा में पग ई नीं दीघो ।'

'यो रियो, अठै ई तो पड़ियो है ।' यूं केय दो पांवड़ा भर खूणां में पड़िया मूंधा मोल रा सिगरेट केस ने ले ऊपरे परो गियो ।

कालीचरण धार लीदी, अबै अठे नीं रैवणो । अबकाळे, एफ. ए. में वंजोफो मिल जावे तो कठै ई ओरठे जाय न रैवूं ।'

## रासमणि रो वेदो •

मेस रा सैग लड़का मिल घूम घड़ाका सूं नुरसती री पूजा करवो करता हा। खास खरवो तो शैलेन रो ई ज लागतो हो पण चंदो घोड़ो घणो सगळा लड़का देवता। अबकाठे खाली तंग करवाने, लड़कां चन्दा रो पांनो लाय काळीचरण रे मूंडाने मेलियो। जां लोगां सूं काळीचरण कदै ई कोई तरे री मदद नीं मांगी, जां रो बुलावो आवतो तो ई वो नीं जावतो, वां लड़कां आय न चंदो मांगियो तो कजांणा काई सोव काळीचरण पांच रिपिया देय दीषा। शैलेन ने आज ताई कोई पाळटी रे लड़के पांच रिपिया नीं दीषा हा। काळीचरण री गरीबी अर कजूसी री वे हंनो उडावता रेवता पण आज उण रा पांच रिपिया रा दान सूं वळगिया 'जांणां हा घर री र डोल री दसा है जो, या अतरी अकड़ किग पे है। आंया पे मान जमावणो चावे।'

नुरसती जी री पूजा खूब ठाठ सूं व्ही। काळीचरण रा पांच रिपिया सूं काई फरक पड़णो हो। पण काळीचरण रे तो पांच रिपिया सूं भगो फरक पड़ियो। पराये घरे रोटी खावतो, वगत पे मिलती नीं मिलती। रसोड़दार ने काई कंवणी थोड़ो ई आवे मोड़ो वेगो व्हे तां, दो पैसा आट में व्हे तो पेट ने तो भाड़ो देवे। वीं री पूजा या पांच रिपिया ही जो नुरसतीदेवी रे चरणां में भेट व्हेगी।

काळीचरण रा माया रो रोग जोर पकड़गियो। चावं जतरो पडणी नीं आयो। फेज तो नीं व्हियो पण वजीफो ई नीं मिज्यो। काई करतो, पड़ाई रा वगत में कमी कर एक जगां और टयूसन करणी पड़ी। ऊपरळा कमरा में माया पे घमाघम व्हे तो तो ई वा ओवरी छोड़णी नीं आई क्यूं के वीं रो भाड़ो नीं लागतो। ऊपरळा खंडवाळा जांगता के अबकाळी छुट्टी पछे काळीचरण पाछो मेस में नीं आवेला। पण वगत माये ओवरी रो ताळो छुळ गियो। मामूलीसीक घोवती न वो ई जूतो कोट पैरियां काळीचरण आपरा घूंसाळा में वळियो। कुली रा माया सूं मैनी कुचैली गांठड़ी उतारी दीन री पेटो उतारी, पैसा दीषा। गांठड़ी में नरी सारी हांडिया ही, जांमें केरी रो अयांणो, बोरां रो अयांणो अर नरी ई तरे रा अयांगा वणाय वीं री मां सांगे घाल दीषा। काळीचरण जांणतो हो के वो मांयने वारणै व्हे जदी पाछा सूं भेद लेवप्यां छोरा ओवरी मांयने आय जावे। ओर तो कोई बात रो उगने एड़ो सोच नीं हो पण वीं ने या बात नीं खटती के मां रा हाय री कोई चीज रे वे हाय अड़ावे। वीं री मां जो आप रा हाय नू वणाय न चीजां घाली है वे तो अमरत सूं सवाई लागती वीं ने। पण वां चीजां रो महातम नाम रा गरीब छोरा ई समझे, सहर रा चंट लड़का काई कदर कर जांणे। अयांगा जीं तरे रा वरतनां में हा वां में सेहरीपणां

रो वैभव कठे ।- वां हांडियां ने देख वे दांत काढेला, रौळ करेला । ये सहरी छोरा लारै लारे वीं री कौगत करेला जो वीं ने खटेगा नीं । उणां री रोळां सैलडा ज्यूं चुभती वीं रै । पैलके पाटा रे नीचे अखवारां रा पानडा सूं छिपाय वीं एडी वसतां ने राखी ही, अबकाळे वो ताळा में जड न राखतो । वारणै जावतो तो ओवरी रे ताळो लगाय न जावतो । उण रो ताळो लगाणो वीं चंडाळ चौकडी ने अबखो लागो । शैलेन बोल्यो, 'घर में तो ऊंदरा उपवास करै, ताळा जड पाव पांचेक रा । जाणो राज रो खजानो अठै ई ज लाय न मेल्यो है । वंम व्हेला मन में के वां रो नुंवा कोट कोई ले नीं लेवे । भाई, राघा, एक नवो कोट ई ने देवाय ई देवो । जामियो जि दिन सूं वो एक ई ज कोट पैर रियो है ।'

शैलेन ओजूं ताई वीं काळी ओवरी में पग नीं मेल्यो हो । पगथ्या उतरतो न उण री नजर पंड जावती तो वीं ने उबकाई आणी हूक जाती । रात री वेळा, बिना बारी री ओवरी में, दीवो मूंडागै मेल उघाडो डील कर, काळी-चरण कॉलेज री भणाई करवा ने बैठतो तो देख न शैलेन रा तो हंगटा ऊभा व्हे जाता ।

शैलेन वीं रा साथीडा सूं बोलियो, 'भायलां, ठा तो पाडो अबकाळे कठा रो खजानो लेन आयो है जो एक पुळ ताळो खुलियो नीं रै ।'

काळीचरण री ओवरी रो बोदो सो ताळो हो । कोई पडकूंची लगायां उघड जावतो । एक दिन काळीचरण तो पढाण ने गियोडो हो । दो तीन कुचमादा छोरा लालटेण लेय ओवरी में गया, जोवा लागिया, पाटा रा नीचा सूं अथाणा, सकरपारा हेर वारै काढिया । ये चीजां वाने कोई लुकावा जेडी नीं लागी ।

हेरतां हेरतां तकिया रे नीचे कडी सूधी कूंची लाधगी । कूंची सूं टीन री पेटी री ताळो खोलियो । मांयने मैला गावा, पोथियां, कतरणी, चकू, कलम, जेडो सामान पड़ियो । पेटी जडवा वाळां ई ज हा के हेटे ई हेटे रुमाल में वंधियोडी कोई चीज दीखी । खोली तो मायने पुडकी, पुडकी खोली तो कागज, कागज मांयने कागज, कतराई कागज उघेडियां मांयने पचास रिपियां रो नोट निकळियो ।

वीं नोट ने देख न सैग जणां ठड्डा लगाय लगाय दांत काढवा लाग । अबै समझिया वे के इरा नोट बेई घडी घडी रो ताळो जडीजतो । शैलेन ने घणो अबम्भो आयो ईं छोरा री कंजूसी पै अर वैमीपणा पै । अतराक में काळीचरण री खांसी सुणीजी । ताळो जडतां ई भाग न चढ गया सैग जणां । भागते थके एक जण ओवरी जड दीघी । शैलेन घणो हंसियो उण नोट ने देख देख न ।



## रामनरि रो बेटो •

पवाल रिगिया मीनेन री निजरां में ना कुछ हा, पग काळीचरण कने अनरा पैडमा व्हेला कोई अटकलियो ई नीं। काळीचरण अनरो सावचन रं, देवांग चोरी व्हियां पछे यो काई करै। यो तमासो देवण ने चंडाळ चौकड़ी आगती व्हेयगी।

दावरां ने पडाय रात री तो बजियां काळीचरण पाटो आयो तो अनरो यकियोडो हां के कठीने झांकती नीं आयो। मायो फाट रियो। यो तो सोच कर रियो के या पीडा ओडूं वेगी ती मिटवा वाळी नीं है।

दूजे दिन रावा पैरवा लागो, पाटा रा मोचा नूं पेटी काडी तो पेटी खुली। वो मोच्छद तो नीं रावे पर नाटो बडगो मून गियो व्हेला। चोर आवती तो ओदरी रो नाटो जड़ियो योडो ई लागती।

पेटी खोली तो मानान उयन पुयन व्हियोडो। धानी बड़कती। आगता आगता मानान काड न दमान जेयो तो मां रो वियाडो नोट नीं। काळीचरण कनरो बाग एक एक रावा ने काड ने झडकायो, चारं काली हाय फेर फेर न देवियो, नोट नीं। ऊरला वण्ड रा छोर एकवार नाळ उतरे न चडे, ओदरी साम्हा नाळता जावे। काळीचरण री पळ नळ री तवरं ऊरे पूग री। खानाडर कैणी गिनवार मुगाई बाय री। मीनेन आनरी परवे मूषो व्हा मार रियो. ताळ्यां रा फटाका बाज रिया।

नोट मिलणे रो आस नीं री। माया ने पीड नूं, पाटो पेटी में मेलवा री आसंग नीं रो तो वा गोवड़ा में जाय ऊंचे मूडे पड गियो। वीं ने मां कतरा फोडा वेड न, पेड काट न यां रिगिया ने अवेर न मेळा कौवा हा। मां रा अयाग नेह रो सागर मंयन व्हियो, वीं मंयन मांय नूं जो अनम चीज निकळी ही वो हो यो नोट। वीं अनम चीज री चोरी व्हेगी, काळीचरण ने लाग रियो के घनो अमुन व्हियो, यो मोटा सरान ज्यूं साळीण वीं ने। नाळ में वीं चौकड़ी रे आवा बावा रा पग बाज रिया हा। वां तो फेरी लगाय रावती। गाम में लाय लागती व्हे, सब बळ बळ न रातोडो व्हेय गियो व्हे न पसवाडे नंदी बळबळ करती, तमासो देवती देवती व्हे, एडो हाय कर रावियो। ऊरला खंड में व्हा मुग न काळीचरण ने धियान आयो। या तो चोरी वोगी नीं. वीं री कागत करवा ने चंडाल चौकड़ी नोट ने रफा कीचो है। चोर नैय गिया व्हेता तो उग ने अनगी वेदना नीं व्हेती। वीं ने लागियो, वन जोवन नूं आवा यां छोरं म्हारी मां साम्हा हाय ऊंचायो है। अतरा दिन व्हेगिया वीं ने मेस में रैकतां ने पग वीं पगाय्या पै पग नीं दीचो हो। वीं रे तो झाळ उठी जो मनफियो ऊपरे, डील पै फाटियोडो बरियात, पग में पगरळी नीं। माया री पीड नूं मूंडो लाल व्हेयगियो।

दोतवार रो दिन। कालेज जावा रो रणडो नीं। वारै बरामडा में कुस्ती,

मूंडा पै वैठिया रीळां कर रिया । काळीचरण री छाती में सांस नावड नीं रियो, रीस सूं कांपते गळे, बोलियो, 'लावो, म्हारो नोट लावो ।'

जो वो अरदास री अवाज में कैवतो तो फळ चोखो मिलतो पण गैला री नाई कूकावतां देख शैलेन ने एकदम रीस आयगी ।

अवारू जो घर रो चाकर अठे व्हेतो तो कान पकडाय ईं गंवार ने वारे कढाय देवतो । शैलेन री आंख में ललाई देख पूरी परंघे एकदम ऊभी व्हेगी, डक्कर न पूछियो, 'कस्यो नोट ? कांई कियो ?'

'म्हारी पेटी मांयतू थां नोट काढ लीघो ।'

'ओछे मूंडे ऊंची वृात । म्हानें चोरटा समभ्या कांई !'

काळीचरण रा हाथ में अवार जै कांई व्हेतो तो माया फोड देतो । वींरो डंग ढालो देख दो चार जणां हाथ पकड लीघा । पींजडा में पडिया हार री नाई वो डक्करवा लागो । ईं जुल्म रो बदलो लेणे री नीं ताकत वीं में है, नीं सबूत है । सैग जणां उण रा वैम ने गैलपणो बताय हांसी करैला । जां छोरां या अमोघ शगती काळीचरण पै वाही ही वै तो ओर ई नाचा कूदी कर रिया ।

वीं दिन काळीचरण री रात किया निकळी, कोई नीं जांणे । शैलेन सौ रिपिया रो एक नोट काढ न दीघो, 'जावो, वीं गधेडा ने दे आवो ।' वेळीडा बोलिया, 'वा गजब करो थां, उण रा मगज री गरमी तो उतरवा दो । लिख न माफी मांगै, पळे सोचां वीं री अरजी पै ।'

सब्र जणां जाय सोयगिया ।

दिनूगां काळीचरण री घात ई भूलणी में पडगी । नाळ उतरतां नीचे ओवरी में भगकारो सुणिजियो, जाणियो, वकील ने बुलाय सल्ला कर रियो व्हेला । आडो मांयतू अडकाय राखियो । वारणू कान लगायो तो कानून जेडो कोई हरफ ई नीं । गैली गैली वृतां बक रियो । ऊपरै जाय न शैलेन ने कियो । शैलेन नीचो आयो वारणा कनें ऊभो रियो । काळीचरण तो अंड बंड कांई रो कांई वकतो जाय रियो । रैय रैय न 'वापू वापू' बरळाय रियो ।

शैलेन रा मन में भै वैठ गियो । नोट रा धक्का सूं यो तो वैडो व्हेयगियो । वारणू दो तीन दांण हेला पाडिया, 'काळीचरण वावू, काळीचरण ।' पण मांयतां सूं कोई बोलियो ई नीं । मांयने वडवडाय रियो । शैलेन जोर सूं हेलो मार न कियो, 'काळीचरण वावू, आडो खोलो, थां रो नोट लाघ गियो ।'

शैलेन सोचियो ई नीं के वृात अठां तांई पूग जावेला । शैलेन मूंडा सूं तो कांई नीं कियो पण तन में पळतावण रा सागर में डूब गियो ।

वीं कियो, 'कुंवाडिया तोड न्हाको ।' एक आघे जणे सल्ला दीघी, 'पुलिस

## रासमणि रो बेटो •

ने बुलाय न तोड़ां । सांचे ई वंडो व्हेगियो तो कजाणा कांई करे, काले केड़ोक नपक लपक ने आय रियो हो ।

शैलेन कियो, 'नीं, नीं, भाग न आपणां डॉक्टर ने ले आवो ।' डॉक्टर कने ई र्वता, थोड़ीक ताळ में आय गया ।

कुंवाडां रे कान लगाय न बोलिया, 'बेहोसी में वक रियो है ।' कुंवाटिया तोड़ न मांयने बळिया, पाटा परळो विद्यणो विखर रियो, आधोक धरती सूं अड़रियो । काळीचरण आंगणे बेहोस पड़ियो । हायां पगां ने पछांट रियो, आंन्यां रा डोळ छटवया पड़रिया । यूं लानरियो जाणै मूंडा सूं लोही अवाहू पडवा लाग जाय ।

डॉक्टर कने बैठ न आच्छी तरै देखियो, देख न शैलेन न पूछी 'ईं रा घर रो कोई मिनख है कांई ?'

शैलेन रा मूंडा रो रंग उतर गियो । 'क्यूं ?'

डॉक्टर ठिमरास सूं बोलियो 'समचो देवाय दो, अ्रेहनान्ण चोखा नीं है । शैलेन कियो, म्हांरी कोई सास ओळखाण तो है नीं । घर रा मिनख कठे रै, कांई ठा नीं । पण अवाहू करणो जो तो करो ।'

डॉक्टर बोलियो, 'ईं ओवरी मांयतू पैला काडो ईं ने । हवावाळी जगा ले चालो । रात र दिन साहू नरस राखणी पड़ेला ।'

शैलेन, आप रा कमरा में तोकाय न लायो, संगीड़ा, बैळीड़ा ने सीख दीधी के भीड़ रेणी ठीक नीं । वरफ री पोटळी काळीचरण रे माये मेल न पवन घालवा लागो ।

काळीचरण मां वाप रो नाम पतो किण ने ईं वतावतो नीं, वो डरपतो के ये छोरा मसखरियां करेला, कुलंगा करेला । डाकखाने जाय कागद गेर आवतो । घर रा कागद डाकखाना रा पता सूं मंगावतो जो वठै जाय ले आवतो ।

काळीचरण रा घरवाळां रो पतो ठिकाणो जाणवाने एकदांण ओजूं पेटी खोलणी पड़ी । पेटी में कागदां रा दो वंडल लाया । दोई वंडल घणां जतत्र सूं फीता में बंधियोड़ा । एक वंडल में मां रा कागद, दूजा में वाप रा । मां रा कागद तो थोड़ाक हा, वाप रा वत्ता हा ।

कागदां ने हाय में लेय शैलेन आडो अड़काय दीधो, काळीचरण रे सिरांतियां बैठ न कागद बांचवा लागो । कागदा में घर रो पता देखतां ईं चमक गियो शैलेन । शानवाड़ी, चौवरियां री हवेली, भवानीचरण चौधरी । कागदां ने मेल वो तो सणगाटा में आंया काळीचरण रो मूंडो देखवा लागियो । थोड़ा दिनां पैलां उण रे एक वेळीड़े कियो हो के काळीचरण सूं शैलेन रो थोड़ी थोड़ी

उणियारो मिले । वेळीडा री वात में सार निजर आयो । उण रा दादां दो भाई हा, श्यामाचरण अर भवानीचरण, या जाणतो हो वो । ईं रे पछे काई व्हियो जिरी चरचा वीं सुणी नीं घर में । भवानीचरण रे कोई वेटो ई है अर उण रो नाम काळीचरण है, या नीं जाणतो वो । तो यो काळीचरण उण रो काको है ।

शैलेन ने अत्रे याद आवा लागो, वीं री दादी जीवती री जतरे भवानीचरण रो नाम घणां मोह मूं लेवो करती । भवानीचरण रो नाम लेवती जद वीं री आंखियां जळजळाय जावती । यूं तो भवानीचरण वां रा देवर हा, पण श्रीस्था में वेटा सूं ई छोटेो हा पेट रा वेटा री नाई वीं पाळ न मोटा कीघा हा । जर जमीन रो झगडो व्हे न्यारा व्हेगिया, जठा पछे भवानीचरण रा समीचार जाणवा ने वीं रो मन तरंसतो रियो । वे तो आपरा टावरां ने कैवो करता, 'भवानीचरण जावक भोटो ढाटो, सूधो आदमी है, थां जरूर उण ने ठगियो व्हेला । सुसराजी रो तो अतरो लाड हो वां पै । म्हारी तो मानणी में ईं नीं आव के सुसराजी वां ने यूं नांगा भूखा छोड़िया व्हे ।'

उणां री ये वातां वेटा ने अबखी लागती । पछे शैलेन ने चीतां आयो; वो ई दादी मूं नाराज व्हे जावतो । दादी भवानी रो पुक्स अतरो करती ज्यूं वीं ने ई भवानीचरण पै रीस आय जावती । आज वीं ने बेरो पड़ियो के भवानीचरण केड़ीक नातवानी रा दिन काट रियो है । काळीचरण हजार भांत रा दुख देख लीघा पण शैलेन रो हजूरी वण हाजरियां नीं दीधी । शैलेन रो मन काळीचरण पै आजस गियो । जै काळीचरण हाजरियां भरगियो वण जावतो तो शैलेन ने मन में ओलज आवती । शैलेन री पाळटीवाळा काळीचरण रा ठठ्ठा लगावता रिया ईं वांस्ते शैलेन काका ने वीं घर में राखणो वाजब नीं समझियो । डाक्टर री सल्ला ले, घणां ऐतियात सूं काळीचरण ने एक दूजा आच्छा घर में ले गियो ।

भवानीचरण, शैलेन रो कागद वांचता ई, दूटते काळजे कलकत्ते भागियां आया । आवा लागो तो रांसमणि, अवेरियोडो पैईसा टका ने परणिया रे हाथ में देय दीघो, 'देखजो, हें, काई तरे री कमी मत राखजो । काई देखो तो म्हें समीचार घाल दीजो । म्हूं आय जावूं ।' चौवरी खानदान री वीनणी रो कलकत्ते जावणो अतरो अणव्हेणो हो के पैली खबर पै किया जावे । काळी माता रे हाथ जोड़ बोलमा कीधी, डाकोत ने बुलाय ग्रेह सांति कराई ।

भवानीचरण काळीचरण ने देखियो तो पगां नीचली धरती खसकणी । काळीचरण ने ओजूं होस नीं आयो । वे वां ने मास्टर सांव कैय न हेलो पाइतो जीं वेळा वां रो काळणो फाटवा लागतो । काळीचरण बीचे बीचे 'बापजी, बापजी; कैय न बड़बड़ावतो, वे हाथ पकड़, मूं डाकनें मूं डो ले जाय जोर जोर सूं कैवता,

‘भूँ हूँ नीं बेटा, थारा कनै बेटयो हूँ नीं ।’ पण बेटा में बाप ने ओळखवा रा कोई ऐहनाण नीं दीख्या ।

डॉक्टर कियो, ‘ताव उतरियो है, अबै कदांच ठीक व्हेला ।’ भवानीचरण तो सोच ई नीं सकता के काळीचरण ठीक नीं व्हेला । बां रे तो निस्चै धारणा ही के यो मोटो व्हय वंस रो भागीरथ बगेलाला, ईं री हस्ती ने कोई मिटावणियो ईं नीं । ईं वास्ते डॉक्टर बां ने थोड़ोसोक फरक बतावतो तो यां ने घणो फरक दीखतो । घरे रासमणि ने कागद लिखता जि में तो कोई चिंता जेड़ी बात ईं नीं रेवती ।

शैलेन्द्र रा भेला पणां सूं भवानीचरण ने घणो अचंभो व्हेतो । कुण कैवै के यो आंपणो, नजीक रो नीं है । कलकत्ता जेड़ा सहर रो भणियो पढ़ियो लड़को व्हे न बां ने अतरो मान दे अबव राखे के जिण हद् नीं । बां सोची, कलकत्ता रा लड़कां री सायद रैणी एड़ी व्हेती व्हेला । मन में कैवता, कलकत्ता रा लड़का में एड़ा गुण नीं व्हे तो किण में व्हे । आपारै गांमां रा छोरां में नीं तो पढ़ाई, नीं कोई लखण । यां री होड़ वे कांई करे ।

काळीचरण रो ताव कम पड़वा लागो, धीरे धीरे होस आवण लागो । बाप ने ढोल्या कनें देख चमक गियो । मन में एकणदम विचार आयो के कलकत्ता में भूँ केड़ी हालत में रेवूँ जो अबै यां सूं छानी रैणी नीं । ईं सूं बत्तो सोच यो लाग्यो के म्हारो गामडिया गाम रो रैवणियो बाप यां सहरी छाकटा छोरां री कौगत री चांदमारी बण जाय । चारुं आडी ने झांकियो पण कांई समझ ईं नीं रियो के बां कठे है । सपनो सपनो लाग रियो वीं ने । उण वेळा वीं में बत्तो सोचवा री तागत ईं नीं ही वीं जाणियो मांदगी रा समीचार सुण बाप भागिया आया है अर वीं सूगली जगां सूं कठे ईं औरटे ले आया है । कियां लाया, कठा सूं पईसो लाया, माथा रो चुकावती वेळा केड़ीक मुसीबत भोगणी पड़ैला, निवळाई रे कारण कांई नीं सोचणी आयो । वो तो एक बात सोचरियो हो के, चावे जो वो उएने भी जीवणो है, जीवा सारुं दुनियां री हर चीज पे उएरो हक है ।

भवानीचरण कमरा में नीं हा । शैलेन एक तासली में थोड़ीक रसाळ लेन काळीचरण कनें आयो । काळीचरण तो बाको फाड़ियां मूंडो देखवा लागियो । मन में या ईं ज आई के इण में ईं कोई मसखरी तो नीं है । पछे सोचवा लागियो के बाप नै ईं रा हाथ सूं कस्यां छुड़ावूं ? शैलेन तासली ने मेज पे मेल काळीचरण सूं मुजरो कर ने बोलियो, ‘भूँ मोटी गलतियां कीवो, म्हुने माफ करो ।’

काळीचरण ने तो ओर ईं अचंभो आयो । पण वीं रो मूंडो देख नें पतियारो आय गियो के छळ तो कोयनी मन में । पैली पोत जदी वीं जीवन में

छकिया शैलेन रों दपंदप करतो मूंडो देखियो तो मन मिलवा ने उमगायो हो पण आप रा दाळिदर सून लाज्यां मरतो नके नीं गियो । उण रो घर ई शैलेन रा जोड़ा-तोड़ा रो व्हेतो तो बरोवरिया री नाई उण रे सागे ऊठ बैठ ने हरखावतो ई ज । अतरा नजीक रैतां थका बीचे जो एक भीत ऊभी ही वीं ने उलांघवा रो कोई गेलो नीं हो । नाळ चढतां उतरतां शैलेन रा झीणा दुपट्टा सून सुगंध री एड़ी डंबरां निकळती के काळीचरण री अंधारी ओवरी गरणाय जावती । उण वेळा पोथी ने थोड़ी अळगी कर, मुळकता मुखड़ा रा, हगामी जीवड़ा रा शैलेन ने देखवा ने काळीचरण रो जीव चाल जावतो । पळे शैलेन रा आंवा जोवन रो घक्को खाय काळीचरण माचो-पकड़ियो ई ज हो । आज शैलेन रसाळ री तासळी लैय ढोल्या कने आय उभो रियो तो एक गैरो नीसासो लेय वीं रा मूंडा साम्हों चोधियो पण माफी री वात मूंडा सून निकळी नीं । धीरेक सी रसाळ उठाय खावा लागियो । इण भांत वीं ने केवणो जो केय दीधो ।

काळीचरण रोज अचंभा सून देखतो रियो के गामडैल वाप रे लारे शैलेन खूब हसतो बोलतो । शैलेन वां ने वावा कैवतो, खूब घुळ-घुळ न वातां करता आपंसरी में । ई हंसी मसखरी री परवाई सून भवानीचरण रा मन में जवानी री याद दास्तियां याद आयगी । दादी स हाथ रा बणायोड़ा अथाणा, चटणियां ने शैलेन चोर चोर न कियां खावतो, वा वात आज शैलेन निलज्जो बण न सुणाई । काळीचरण ने घणो आणंद आयो ई वात रो । आपरी मां री हाथ री बणायोड़ी चीजां, वो आखा जगत ने बुलाय ने खुवावा ने राजी है, पण जै कोई इण री कदर करतो व्हे तो । मांदगी रो माचो काळीचरण रै खुसी री मैफिल व्हेगी, एड़ा सुख रा पुळ कदाच वीं देखिया ई कोनी हा । पल पल में मां री याद आय री; अवाल जो वा ई अठे व्हेती तो, हगामी जीव रा, ई फूटरमल रा केड़ाक कोड़ करती वा ।

हूं, एक वात रो जिकरो चाल जावतो वो काळीचरण रा सुख री घारा में आड़ व्हे जातो । काळीचरण ने आपरी नातवानी रो ई गळर हो । कोई समय में उणा रो घर झंझ; घन, लिछमी सून भरियोडो हो, इण रो घमंड करवा में ई उण ने लाज आवती । 'महां गरीब हां, इण सांच ने वो कोई भांत रा पड़दा सून डांकवा ने राजी नीं हो । भवानीचरण ई वां चंगा दिनां री वातां घमंड जतावा ने नीं करता । वां ने आप रा सुख रा दिन, जवानी रा दिन चीतां आय जावता जो वात करता रैवता । वीं जमाना रो जिकरो चालियो नीं न फिर फांद न वसीयतनामा रो नाम आयां सरतो । वसीयतनामा रो नाम आवतां ई तो वो दगो आंद आवतो, दगो याद आवतांई भवानीचरण रो लोही ऊकळवा लागतो ।'

## रासमण रो बेटों •

काळीचरण रो मन कुरणावा लागतो, वीं ने बाप रो रथ्य वैडावणो लागतो । वो अर वीं री मां तो ई थंयकूट ने राजी राजी खमता रिया पण शीलन हे मूंडगे बाप री या आदत वीं ने अगखावणी लागती । कतरी दाण बाप ने वरजियो, कनरी दाण समझायो के वो मन रो झूठो वैम है । पर ज्यूं समझावतो के झूठो वैम है ज्यूं ज्यूं वे आपरी वात रे बत्ती जोर लगावता । पछे रोकरणो काळीचरण रे हाथ नीं रैवतो ।

धणी तो काळीचरण ने अबखाई यूं आवती के शैलेन नें वो जिकरो सुणणो ई ज नीं नुवावतो । वो नो तातो व्ह्य भवानी री वाता ने, भात भात री जुगतियां नूं काटवा लागतो । टूंजी सैग वाता में तो भवानी सगळा री राय मानवा ने ताखड़ा रैवता पनं ई मामला में तो वां कदै ई किरण ने ई पूठ नीं बताई । वां री मां भगिणवोड़ा पडिधोड़ा न्याणा लुगाई हा, वां वारां हाय सूं कलमदान में वसीयतनामो अर जागीर रो पट्टो राखियो । पछे कलमदान खोलियो तो वसीयतनामा रो बड़वड़ो ई नीं । यां चोरी नीं तो कांई साउकारी है । काळीचरण रोस पै सीळी छांटो न्हांकतो, 'वारं तो कठै ई गियो है नीं । जमी भोग रिया है जो ई तो थारा टावर ई ज । थां ने तो ई में ई राजी रैणो चाव के पैसो टेको घर में ई ज रियो ।'

शैलेन ने खटती नीं ये वातां । वो ऊठ न परो जावातो । काळीचरण रो मन पाकिया दुखणा री नाई दूखतो, 'शैलेन कांई जाणतो व्हेला के ई रो बाप पैसा रो लोभी है । शैलेन ने किया समभावूं के म्हारा बाप जावक सूवा है. पैसा रो लोभ तो वां रे अड़न ई नीं निकळियो ।

अतरा दिनां में शैलेन आपरी ओळखाण भवानी ने अर काळी ने जरूर कराय देवतो पण ई वसीयतनामा री चोरी री चरचा सूं वो रक गियो । वीं रा बाप दादा वसीयतनामा री चोरी कीवी, या वात कि हालन में वीं रा गळी नीचे नीं उतरती पण लारं रो लारं जीवडो कैवतो के थां ने बाप दादा री पीढ्या रो माल नीं मिल्यो, उण री कांई एड़ीज वजे तो व्हेणी चावै । पछे वीं उण मसला पै वाद करगो ई ज छोड़ दीवो ।

ओजूं ई सांभ पड्यां काळीचरण रो जीव सीरो नीं रैवतो । मायो दूखवा लागतो, ऊन ई चढ़ जावती । पण वो ई मांद ने मांद ई नीं मानतो । पढ़वा ने वीं री मन आगतो व्हेगियो । एक र ई वजीफो हाथां वारं पगेगियो, अबकाळे ई नीं मिलियो तो गजब व्हे जाय । शैलेन रे छाने छाने भगवा लागियो । डॉक्टर तो पूरी मनां कर राखी हीं । पण वो धारतो ई नीं ।

बाप ने कियो एक दिन, 'बापजी, थां घरे परा जावो, मां एकली हूं,

महूँ तो अबै साउ व्हेयगियो, सोच जेड़ी कोई वात नीं ।' शैलेन ई बोलियो, 'हां, अबै एड़ी कोई वात नीं, निबळाई है जो सावळ व्हे जाय । म्हां हां ई पडै ।'

भवानी कहियो, 'हां, जो तो है ई, काळीचरण सारु' म्हनें कीं सोच फिकर कोयनीं । म्हूँ नीं आवतो तो ई थां सँग थोक करता ई ज । पण जीव नीं मानियो फेर थांरी दादा रो फुरमाण कियां टाळतो म्हूँ ।'

शैलेन हंसते थके कियो, 'बाबा, थां ई तो लाड लड़ाय वां ने माथे चढाय दीघा ।' भवानी दांत काढिया, 'देखां, घर में नुवी वीनणी आय जद देखां थां कतरीक आंकन में राखो जो ।'

भवानीचरण तो जमारो ई काढियो हो लुगाई रा हाथ री सेवा चाकरी करावतां, घरियावड़ा हा । कलकत्ता में आराम रा सँग थोक व्हेतां थकां ई वां ने घर री मन में आवती । रासमणि रा हाथ री चाकरी चीतां आय जावती । घरे जावा री घणी मनवार नीं करणी पड़ी सुबै अमवाव बांध वूंध न जावा ने त्यार बैठिया हा । काळीचरण ने जाय देखियो तो आंखियां लाल वूंद, लोही रा टोपा जेड़ी व्हेय री ही, डील वळरियो वासदी ज्यूं । राते मभयान रात तांई 'लौजिक' घोखतो रियो, पछै करूँटा फेरतां रात काटी, नींद नीं आई ।

काळीचरण में निबळाई घणी ही, मांदगी पांछो पळटो खायगी । डॉक्टर ने ई भारी चिंता व्हेगी, 'शैलेन ने एकमाड़ो ले जाय न कियो, 'मांदगी उल्टे गैले पड़गी है अबकाळे ।'

शैलेन, भवानीचरण ने कियो, 'बाबाजी, थांने ई फोड़ा पड़ै न काळीचरण री चाकरी आपा सूं सावळ कोनी व्हे । दादीजी ने बुलाय लां तो चाकरी चोखी तरै सूं व्हे ।'

शैलेन वात तो घणी फेरफार न कीधी पण भवानी रा काळजा में डबको पड़ गियो । वम अर भै बैठगियो छाती घड़ घड़ करवा लागी । हाथ पगां रे धूजणी छूटगी ।

रासमणि ने कागद भेजियो, वा तुरंत बगलाचरण ने लारे लै भागी आई ।

कलकत्ता आय न दो चार घड़ी ज वेटा रे भेळी री । सांसा निकळगी । सन्निपात में मां ने हेला पाड़तो रियो । वीं रा वे हेला मां रा काळजा आखी ऊमर सालता रिया । भवानीचरण ई धक्का ने किया झेलेला, पिराण नीं छूट जावै कठै ई । या विचार वा गाढी री । वेटो आयो र पाछो परो गियो है जो बस अबै खांवद है, या मान वजर री छाती कर भवानीचरण री चाकरी में लागगी पिराण रोय रिया के यो दुख अबै नीं सेवणी आवे रे । पण पापी पिराण निकळिया नीं ।



## रासमणि रो बेटो •

घणी रात परीगी । दुख रा सागर में डूबियोड़ी रासमणि री दो पलक साहू आंख भपकी, आंख क्यांरी भपकी मूरछा सी आयगी । भवानीचरण री आंख में नीद रो वट्ट नी, कलूटा फेरता रिया करता रिया । गैरो नीसकारो न्हाकियो, 'हे दयामै, भगवान ।' ऊठिया, घूजता हाथ में दीवो लेय वीं ओवरी में गिया, जि ओवरी में टाबरपणां में काळीचरण पढ़तो । वीं सूनी ओवरी में पाटा माथे रासमणि रा हाथ री सीवियोडी, वूटा वाळी गदली बिछी ही । जायगां नायगां स्याई रा दागा ओजूं लागरिया । मैली भीतां पै कोयला रा मांडणा मंडरिया, पाटा रा एक कूंगा पै मैला मैला रंग री कोंपियां पड़ी, 'रोयल लीडर' भ्रखवार रा फाटोड़ा पान्ना पड़िया । हाय, हाय, उण रा बाळपणा रा नान्हाक पग री एक छोटोसीक पगरखी पड़ी । जि साम्हो आज ताई कोई झांकियो ई नीं पण आज वा ई ज घणी मोटी व्हे न दीख री । दुनियां में आज एड़ी कोई मोटी चीज नीं जो ई नान्हीसीक पगरखी ने आपरी आड में लुकाय, बाप री नजर सूं ओले राख दे ।

टीण री एक पेटी पै दीवो मेल न भवानीचरण पाटा पै बैठ गिया । वां री फटियोड़ी आंखियां में आंसू तो नीं हा पण वां रो काळजो हुबकाय रियो, सांस नीं लेवणी आय रियो ।

वे ऊगमणी दसा री वारी खोल, लोह री तांगी पकड़ वारै भांकवा लागा ।

काळी रात, छांटो छड़को व्हेय रियो । डंडा रे बारणो गैरी रोई ही । वीं ओवरी रे बारणो ई ज मूंडागे काळीचरण वगीचो लगायो वीं रा हाथ री बायोड़ी बेलड़ी पसर री फूलड़ा सूं लडालूव व्हेयरी । वीं टाबर रा हाथ रा लगायोड़ा गोडां ने देख भवानीचरण रा पिराण कंठा ताई आय रूकगिया । अबे जाणो कोई काम ई नीं है दुनियां में करवा जोगो । पूजा री छुट्टियां आवेला, पण वो तो अबे नीं आवे, यो गरीब घर तो वीं रो सोग ई करतो रैय ।

'अरे, म्हारा लाल' केय न डाड मार दीधी । भवानीचरण वठे आंगरो बैठ गिया । काळीचरण कलकत्ते गियो आप रा बाप ने नातवानी सूं वारै काढ़वाने । भाग री वात, नातवांन बाप ने बिलकुल ई नातवान कर परो गियो ।

वरखा रो दरड़को जोर रो आयो ।

अंधारा में, चारा में, पानड़ा में किरा ई पग वाजिया । भवानीचरण री छाती धड़कवा लागी । जो अणव्हेणी वात ही वी री आस जागी, काळीचरण आपरा वगीचा ने देखवाने आयो । पण जोर री वरखा व्हेयरी है वो भीज जाय । अणव्हेणी सरमणा सूं वां रो मन सरणाय गियो । वां ने लागियो जांरो वारी

रे मूंडागै कोई ऊभो, धोळो पछेत्रडो ओढ्यां थका । उणियारो ओलखणी नों आवे, पण डील रो लांक काळीचरण रो पडै ।

भवानीचरण एकदम पगां पै ऊभा व्हेगिया 'आय गियो वेटा' कवता थका झाडो खोल न बारै भागिया, जठै अवाह् अवाह् वीरो वेटो ऊभो हो, बारी रे मूंडागै । वठै तो कोई नी । वरसती वरखा में वा आखी वगीची रो गरडकों लगाय दीघो । कोई तो नी । अंधारी काळी सूनी रात में भरियोडा सास सूँ हेलो मारियो, 'वेटा, काळीचरण ।'

कोई पडूत्तर नी । वा रो हेलो सुण न भागियोडो आयो वो हो वां रो चाकर नटवर । वो वां ने सांभ न मांय ने लेय गियो ।

दूजे दिन नटवर, कचरो बुहारो करवाने वी ओवरी में गियो तो वी ने बारी कनें एक पोटळी पड़ी दीखी । वीं पोटळी ने ले भवानीचरण कनें गियो । भवानीचरण वीं पोटळी ने खोले तो मायने जूना कागद । चस्मो लगाय न वांचिया । वांचता ई भागियोडा रासमणि कनें गिया ।

कागजां ने हाथ में लेवती रासमणि पूछियो, 'काई है ?'

'वो ई ज जूनो वसीयतनामो ।'

'कृण दीघो ।'

'राते काळीचरण आयो जो देय-न गियो ।'

रासमणि बोली, 'अबै आंपा रे काई करणो ईं रो ।'

'अबै आंपा रे काई काम रो', यूँ कैय भवानीचरण फाड़ न चूथो चूथो कर न बगाय दीघो ।

आखा गांम में हाको व्हेगियो । बगलाचरण घमंड सू माथो हिलाय न कियो, 'म्हें पैलाई कियो के काळीचरण रा हाथ सूँ वसीयतनामो पाछो आवेला ।'

रामचरण मोदी कियो, 'काले रात री गाडी सूँ एक गोरोसीक छोरे आय म्हनें चौघरियां री हवेली रो गेलो पूछियो । म्हे उण ने गेलो बताय दीघो, उण रे हाथ में एक छोटीसीक पोटळी ही ।'

'फजूल री बात, कैय न बगलाचरण उण री बात ने काट दीघी ।'

## सजा

दोई भाई दुक्खी र छदामी कोळी दिन ऊगां हाथ में दांतळी र गंडासी सैय न काम पै निकळिया जठा पैलां तो देराणी जेठाणी भचेड़ा खाय चुकी ही । पाड़ावाळा रे तो या कोई नुवीं वात नी । उणां री तो आदत पड़गी है, कुदरत रा अतरा कारखाना रोज चालता रे वां मांयलो यो ई एक व्हेगियो । लुगायां रा कंठा सूं गाळ्यां रा बरड़ाटा सुणता ई आपसरी में मिनख केय देता, 'लो व्हेगियो सरू ।' जाणे यो तो दिन री ऊगाळी व्हियां ई सरै । परभात रा सूरज ऊगे जदी कोई नीं पूछे के यो क्यूं ऊगो । ज्यूं ई कोळियां रा घर में देराणी जेठाणी लडती जदी किण रे ई मन में वजे जाणवा री रती मात्र इच्छा नीं व्हेती ।

यो रोज रो राडो पड़ोसियां सूं बत्तो दोघां रा मोटियारां ने जहर अबखो लागनो पण असी कोई खास अबखाई जसी वात नी । वां रो मन तो एडो व्हेगियो के जाणे दोई भाई संसार री मुसाफरी एक गाडा में लारे बैठा कर रिया है । गाडा रा विना आंगियोडा दोई पैड़ा खरड़ खरड़ करता जाय रिया है । पण वो खरड़ाटो तो उण सफर रो एक अंग है, हिस्सो है । सांची तो या के घर में जिण दिन कोई रोळो खदो, हाको हूल्लो नी व्हेतो, चारू पासे सणणाटो रैतो तो साम्ढो भे लागतो, कजाणां काई विजोग आय पड़े ।

हां, तो उण दिन दोई भाई दिन आंयमतां आकापचिया घरे आया तो आंगे घर में सणण सण । वारै ई अमूजो घल रियो हो । दुपेरां रा बरखा रो पीर रो दरइका पड़ियो अबै ई बादळा घुमड़ायो रिया । वायरा रो नाम नीं, पानडो

नीं हाल रियो । घर रे ऐरे मेरे चारू आडी ने भाङ्किया बघरिया, पाणी में पटसण रा खेत हूव रिया जां मायतू भूँडी वासना आय री । पाखती वाळा नाड़ा मांयने डेडरा डेहक रिया । संभया रा मूना में भीभरी रा झगणाटा सूं आभो भरीज गियो । नुर्वीं नुर्वीं वादळियां आभा ने ढांक राखियो । कने ई वरसाळु नंदी पदमा ठेवा खाय री, ढावां पूर मन रे मत्ते वैय री । घणां खरा खेतां ने वैवावती घरां कने आयगी । दो चारेक आंबा, कटहळ रा रूखड़ा ने जड़ामूळ सूं उपाड़ फेंकिया । उणा री जडां पाणी वारे दीख री जांणे आभा रो छेल्लो भडो पकड़वा ने आंगळियां पसारी व्हे ।

दुक्खी र छदामी उण-दिन गांम रा ठाकर रे अठे वेगार में गिया हा । नंदी रे पैली पार खेतां में साळ पाकगी । नंदी आय री, पाणी में साळ नीं हूवे जठा पैळे काट लेवा ने करसा मजूर मारोमार लाग रिया हा । कोई खेत में साळ काट रियो कोई पटसण काट रियो । यां दोई भायां ने राज रो सैणो वेगार में पकड़ लेगियो । ठाकरां री कचेडी में जगां जगां पाणी टवूक रियो । आखो दिन ये केलू सारता रिया, छान वांवता रिया । रोटी खाणे री वेळा ई नीं मिली के घरे आय राबडी रेडो कर आता । ठिकाणा री आडी तूं भूंगड़ा मिलिया जो चात्र लीघा, वीचे वीचे छांटां में कतरी दाण भीजिया ई हा । दूजी जगा जावता तो हक री मजूरी तो मिलती, वा ई आज नीं मिली । गाळियां मिली जो सिवायखाते ।

कादा कीच, पाणी में व्हेय न दोई भाई सांभ रा घरे आया । आगे छोटकडी वीनणी चंदा तो ओढणी रो पल्लो विछाय आंगणा में ऊंधी पड़ी । दुपैरां री वादळी रे लारे लारे आज वा ई नैणा सूं धारवा न्हांक सांभ ताई छानी व्हे न पड़ी ही । अबै वारे अमूजो घल रियो जेडो अमूजो उण रा मन में ई घल रियो । मोटोडी वीनणी राघा मूंडो सूजाय वारणा में बैठी, कने डोडक वरस रो छोरो रोय रियो । दोई भायां घर में पग मेलता ई देखियो के छोरो उंघाड़ पुघाड़ो आंगणां में चित्त पड़ियो ।

भूखां मरतो दुक्खी घर में वळतां ई वोलियो, 'ला रोटी दे ।'

मोटोडी तो भभकी, जांणे सोर पे वत्ती मेली, 'खावा ने है कठे जो दू ? वान मेल्ह गियो हो के ? म्हूं जावती के कमावाने ?'

आखा दिन रो थाकियोडो, गाळियां खावो थको, घर में आवतां ई यो कज्रेस । भूखा मरतां ने लुगाई रा ये बोल, खास कर न पाछला बोल रो गूढ अरथ, काळजा रे आरपार न्हेगियो । डोको लगायोडा न्हार री नाई डकरियो, 'कांई कियो ।' दुक्खी तो आघ देखियो न थाघ । हाथ मायली दांतळी लुगाई

रे माथे भाटक दीधी । राधा दोराणी कने जावती पड़ी । पडताई सांस निकळ गियो । चंदा रा गावा लोहियां सूं ललंबर व्हेगिया । 'हाय म्हारी मां' कैय न वा बरळाई । छदामी दीड़ न उण रो मूंडो भींच लीवो । दुक्खी हाय मांयली दांतळी अळगी फैंक, ओगतायोडो माया रे हाथ देय न बैठ गियो, छोरो जाग गियो, डरप न कूकाय कूकाय रोवा लागो ।

वारै पूरी सांती ही । अहीरा रा छोरा गायां भेंस्यां चराय पाछा गांम में आय रिया हा । नंदी रे पैले पार साळ काटवाने मिनख गयोड़ा हा, वां मांयला पांच पांच, सात सात जणां हूंडा में बैठ पाछा आय रिया हा । मैनत मजूरी में मिलियोड़ा दो चार साळ रा पूळा माथा पै मेल राख्या हा । सब ई जणां आप आप रे घरे आय गिया हा ।

रामलोचन काका डाकखाना में कागद गेर न घरे आया हा, निचंत व्हिया चिलम पी रिया हा । अचांगचक चीतां आई दुक्खी ने वांटा पै खेत दे राखियो, हांसल रा रिपिया बाकी है । आज देवा री वो कैन गियो हो । अबे घरे आय गियो व्हेला । रामलोचन कांघा पै टुपट्टो न्हाक, छतरी हाथ में उठाय चालिया ।

दुक्खी रे घर में वळता ई उणां रा तो रूंगटा उभा व्हेगिया । घर में दीवो न वात्ती । आंगणा में अंधारो गप्प । अंधारा में दो चारेक जणां छाया ज्यूं दीखै । तिवारा रा कूणां में रैय रैय दव्योड़ा साद सूं कोई रोय रियो । छोरो 'मां मां' कर न हेलो पाड़णो चावे ज्यूं ज्यूं छदामी वीं रो मूंडो भींचे । रामलोचन संकते संकते पूछियो, 'दुक्खी है कांई ?' दुक्खी ओजूं ताई पखांण री मूरती व्हियोडो वैठो हो । वीं रो नाम लैय हेलो पाड़ताई तो वो टावरां री नाई डाड मार न रोवा लाग गियो । छदामी भट देणी सूं तिवारा सूं उतर रामलोचन कने आंगणा में आयो । रामलोचन पूछियो, 'लुगायां लड़ न मूंडा सूजाय राखिया व्हेला, ज्यूं ई ज अंधारो है कांई ? आज आखो दिन भुसती री ।'

छदामी ने ओजूं ताई सूझियो नीं के कांई कैवे । भांत भांत री वृत्तां उण रा माथा में गरोळा खाय री ही । अवार ताई तो वीं या ई ज विचारी के रात पड़ियां लास ने कुवा वावड़ी कर दूला अतराक में तो चौधरी काका आय गिया । जांरी सपना में ई नीं सोची ही आवारी । आगत में वीं ने कोई चोखो जवाव नीं उकळियो, कैवणी आय गियो 'हां, आज घणी लड़ी ।' चौधरीजी तिवारा कानी चढ़ता बोलिया, 'पण दुक्खी क्यूं रोय रियो है ?'

छदामी देखियो अबे रासो दिगड़ियो, मूंडा वारै निळगी, 'लड़तां छोटोड़ी, मोटोड़ी रे माथे दांतळी री मार दीधी ।' मिनख आयोड़ी विपदा ने ई मोटी समझे । या एक दम वीं ने सूझेई नीं के दूजी विपदा ई आय सके । छदामी

तो उण वेला या सोच रियो हो के इण वेळा कस्यां ई बच जावूं । भूठ उण सूं ई मोटी विपदा ले आय या वात उण रे मगज में ई नीं आई । रामलोचन रे पूछता ई उण ने यो जवाब उकळियो अर वीं ज वगत केय दीधो ।

रामलोचन चमक न पूछियो, 'हैं ! कांई कियो । मरी तो नीं ?'

छदामी बोलियो, 'भरगी ।' वो पगां में पड़ गियो ।

चौधरी विचार में पड़ गियो, सोचवा लागिया, 'राम राम, कवेळी वेळा कठे आय फंसियो । कचैडियां में गवाहियां देवतां देवतां जीव नीसर जाय ।'

छदामी तो पग ई ज नीं छोड़िया, केवा लागियो, 'चौधरी काका, अब्रै लुगाई ने कियां वचावूं ?'

मामला मुकदमा री सल्ला देवा में रामलोचन आखा गांम में अडवल हो । थोडो सोच न कियो, 'देख, एक काम कर, थांणा में भाग जा । जाय न कैवजे, म्हारो मोटोडे भाई दुकखी सांभ रा घरे आयो जदी रोटी मांगी । रोटी नीं ही जो लुगाई माथा पे दांतळी री देपाड़ी जो वा मरगी । यूं जाय न कैवजे जो थारी लुगाई छूट जाय ।' छदामी रो गळो सूख गियो, उठो व्हे न बोलियो, 'चौधरी काका, लुगाई तो दूजी ले आवूं पण भाई फांसी पे चढ़गियो तो दूजो जमण जायो कठा सूं लावूं !'

लुगाई रे माथे यो भूठो दोस लगायो हो जीं वेळा वीं नें ये वाता नीं सूझी ही, ओगत नीं बंधी ही र मूंडा वारे निकळगी । अब्रै आप रा मन ने तसल्ली देवा ने ये जुगतियां भेळी कर रियो हो ।

काके ई उरारी वात ने वाजब मानी, बोलिया, 'तो पछे जो बात बीती वा कैय दीजै । चारूं कानी तो वचाव भाया व्हे कोयनीं ।' यूं कैय रामलोचन आगा पांवडां दीधा । वात री वात में आखा गांम में हाको व्हेगियो 'कोळियां रा घरां में लडती लडती चंदा रीस में आय जेठाणी रो दांतळी सूं माथो फाड़ दीधो ।' पाळ फूटतां ई पाणी री बाढ आवे ज्यूं पुलिस गांम में आय ऊभी री । कांई कसूरवार न कांई वेकसूर सगळा घबड़ाय गिया ।

( २ )

छदामी विचारी जो गैलो पकड़ लीधो वीं पे चालणो ई ज ठीक । रामलोचन रे आगे जो वात वीं रा मूंडा सूं निकळगी वा वात आखो गांम जाण गियो है । अब्रै जै दूजी वात कैवे है कजाणां कांई नतीजो निकळे, कुण जाणे कांई रो कांई व्हेजावे । वीं री अकल चकरायगी । भली भांत समझ गियो जो पैला वीं वात केय दीधी है, उणां में पांच चार अठीली वठीली और जोडियां तोडियां छोटीडी छूटे तो छूट जावे । दूजो कोई अब्रै गैलो नीं ।

छदामी आपरी लुगाई चंदा ने अरदास कीयी के यो दोस यूं थारे माये ले ले । सुगताई चंदा तो उछळी । छदामी वीं ने ऊंची नीची लीची, समझाई 'यूं भरोसो राख, मूं धनें केयरियो हूं । म्हा छूड़ाय ले आवां ।' भरोसो देवा ने तो दीव्रो पण वीं री जीम मूखरी, मूंडो घोळो फट्ट पड़रियो ।

चंदा वरम सतरा अट्टाराक सूं वती नीं ही । भरमा गोळ मूंडो, नीं घणी लांदी नीं ठेगणी, आच्छी, विचला रास री । दौलडा हाड री कसियोडो डील, हालती चालती, फिरती घिरती रे कोई अंग अडौळो नीं लागतो । नवी वणियोडी नाव री नाई छोटी र आच्छा डौळ री, सोरी सोरी सिरक जावे, कठा रो ई संव डौलो नीं । दुनियां रा सँग बंधा देखणे रो जाणणे रो सोक है उण ने । सैरी में दूजां रे घरे बैठ गप्पोडा मारणा आच्छा लागै, पणघट पै पागी भरवा जावे तो में कमर पै घडो मेल, दो आंगळियां सूं घूषटा रो काणकोलियो कर अचपळा नेणां सूं झांकती चाले । जो देखण जोग वसत व्हे उण ने काळा काळा नेणां सूं जरूर देखे ।

मोटोडी वीनणी विलकुल इण री उलटी ही । करगसा, ओ'दवायरी, माथा रो ओढणो अवेरणी आवतो न कांख मांयलो छोरो । घर रो काम तो उण ने करणो आवतो ई नीं । वा केगावत फवती, करवा ने हाथ में काम नीं ऊभो रैरो री फुरसत नीं । छोटीडी केवती सुणती घणो नीं ही । तीखा दांत गड़ाय देती, बटको भर लेती पछे वा हाथ, हूय करती, गाळियां भुसती, यूं वास ने माये ऊंचाय लेवती । आखो वास कायो व्हे जातो ।

यां दोई घणी लुगाई ने भगवान एक सा घड़ियां । दुक्खी डील रो लांबो चौडो, हट्टो कट्टो, चाटो नाक, आंखियां एड़ी जाणे वे दुनियां ने समझे ई नीं अर नीं काई पूअणो ई चावे । भोळो ढाळो पण खतरनाक, जोरदार पण गरीबडो, एडा आदमी, हेरियां थोडा लावेला ।

छदामी ? छदामी तो एडो लागतो जाणे काळा भाटा ने कोर कारीगरां मूरती घडी है । थोडोके ई कठे थोयलियो नी, कठे ई सूखियोडो नीं, सरव अंग भरियो पूरियो । केवो तो नंदी री कन्नारियां सूं नीचे डाक पड़े, केवो तो वांस रा भाडां पै चढ टाळ टाळ न डाळियां काट लावे । जो काम केवो जो कर वतावे, यूं ई नीं करे, हुंसियारी रे साथ करे । सँग काम उण साल् सोरा है । लांबा लांबा काळा केसां में तेल घाल न पट्टा पाड़ न कांवा ताई लटकायां राखे । वणियो ठणियो रैवे ।

दूजी दूजी गांम री लुगायां रा रूप निरखवा सूं टाळो तो वो नीं खातो, वां री निजंरा में आप रा रूप ने मंड देवा रो उण रो मन ई घणो करतो ।

पण तोई आपरी मूंध मारुणी रा लाड ई क्यूंक ज्यादा करतो । दोई लडता ई हा पाछा हेत ई वेगा व्हेता । एक सूं दूजो हारतो नीं । एक वात और ही जिसूं यां रो हेत गाढो व्हे जातो । छदामी समभक्तो के चंदा रा डील पै अचपळाई है, एडा माणस माथे घणो भरोसो नीं करणो चावे । चंदा समभक्ती के उण रा खांवदा री आंख लागणी है । उण ने काठो नीं बांधियो तो हाथां बारें निकळ जाय ।

वो राधा वाळो वाकौ व्हियो जिण रे कैई दिन पैलां सूं धणी लुगाई बिचे जोर री खंचातांण चाल री ही । वात या ही के चंदा देखियो उण रो मोटियार काम रो मिस कर कठै ई बारै परो जावे । कदी कदी तो पूरा एक एक दो दो दिन वारे रै घरे आवै । आवे जदी कमाई लारे कांई लायोडी व्हे नीं । लखण ठीक नीं लागिया तो वीं पैतरो बदलियो । वा ई पणघट पै घड़ी घड़ी री जावा लागी, गळी मोहल्ला में फिर फिराय घरे आय ने कासीपरसाद रा बिचलौडा बेटा री चरचावां करती ।

छदामी ने रात में जक पडै न दिन में जक पडै । काम धंधा में एक घड़ी जीव नीं लागे । एक दिन तो वो भौजाई ने ओळंमा देवा लागो, लडवा लागो ।

भौजाई पाछो हाथ लांबो कर कर, चूडियां बजाय बजाय, मरिया बाप रो नाम ले ले कैवा लागी, 'वा रांड तो भतूळिया ज्यूं भागती फिरै । वीं ने म्हूं कियां संभाळूं ? देखजो थां या घराणां री नाक कटाय ।'

ओवरी में चन्दा बेठी ही, बारै आय धीरेकरी बोली, 'भाभीजी, थां क्यूं डरपो हो ?'

वस, पछे कांई कैवणो । दोई अड पड़ी ।

छदामी आंखियां काढ़ न बोलियो, 'अबके जो सुण लीघो के थूं एकली पारणी भरवा परी गी तो हाडकिया भांग न कोथळो कर देवूं, हांSS ।'

चंदा बोली, 'भांगो तो म्हारा जीव ने ई साता व्हे जावे ।' थूं कैवती थकी उणीज वगत चंदा बारै जावा ने त्यार व्हेगी । छदामी रपट न चंदा रो चूंडो पकड़ियो, घींस न धक्को देय मायनें घाल कोठड़ी रो कूंठो जड दीघो । दिन ढळियां रा छदामी घरे आयो तो आगै ओवरी खुली पड़ी र खाली पड़ी । चंदा तो फटकारो दीघो जो तीन गांम उलांघ न नांनांणे जाती बोली । छदामी घणी दीरी मनाय मनूय घरे लायो । अबकाळे छदामी हार गियो । वीं देख लीघो के मुट्टी में पारा ने भींच न राखणो जतरो दोरो वतरो ई दोरो ई लुगाई ने मुट्टी में राखणो है । पारा री नाई पांचूं आंगळियां री संध में सूं या ई छटक छटक जावे । वात ई खरी है बांधियां तो बळद रै मिनख थोड़ाई रे ।



काई न जोर जवरदस्ती नीं कीधी । छदामी री काया कळपती रे । ईं अचपळी जोघ जवान घण रो मोह, वैम में बदल गियो । वो वैम हिवड़ा रो दरद वण रात दिन डसतो रैतो । कदी कदी तो वीं ने अतरो दुःख व्हेतो के वो सोचवा लागतो के या रांड मर वळ जावे तो पापो कटे । मिनख ने मिनख मूं जतरो ईसको व्हे वतरो ईसको तो जमराज सूं ई नीं व्हे ।

चंदा ने छदामी खून माये ओढ लेवा ने कियो तो चंदा री आंखियां फाटी री फाटी रेंगी । वीं री दोई काळी काळी आंखियां बळवळता खीरा री नाई छदामी ने बाळवा लागी । उण रो तन अर मन तड़फवा लागो के ई राखस घणी रा पंजा मायनूं निकळ न भाग जावूं । आतमा अमूज न खिलाफत करवा लागी, मन तो बारोठियो व्हेगियो ।

छदामी घणी खातरी दीधी, मन मनायो के डरपवा री काई वात नीं । पछे वीं ने सिखाई पढाई धाणां में काई कैवणो, कचैड़ी में काई कैवणो । पण चंदा तो वीं री लांडी चौड़ी सीखावण पूरी सुणी ई नीं, भाटो व्हियां बैठी री । दुक्खी तो सगळा कामकाज में छदामी रे भरोसे ई ज रैवतो । छदामी कियो के चन्दा रे माये इलजाम लगाय दीजो तो दुक्खी वोलियो, 'पछे वीनणी रो काई व्हेला ।

'वीं ने तो म्हुं छुड़ाय लूंला ।'

भाई री वात सुण पंच हृत्यो दुक्खी निचंत व्हेगियो ।

[ ३ ]

छदामी लुगाई ने सिखायो 'थूं यूं कैवजे, जेठाणीजी म्हनें मारवाने दांतळी लेय न आई जो म्हुं ई दांतळी उठाय वां ने रोकवा लागी जो कजांगा किण तरे लागी । ये सारी वातां रामलोचन री बतायोड़ो ही । ईं रे सागे सागे जो जो वातां कैवणी जरूरी ही वे सगळी वां छदामी ने वताय दीधी ।

पुलिस तो तैकीकात करवा लागी । आखा गांम रा मन में या वात पक्की जमियोड़ी के जेठाणी रो खून चंदा कीघो । गांमवाळां रा वयाना सूं ई यो ई सावित व्हियो ।

पुलिस चंदा ने पूछियो तो चंदा हंकार लीघो, 'हां, खून म्हें ई ज कीघो ।'

'खून क्यूं कीघो ?'

'म्हनें सुवावती नीं ज्यूं ।'

'कोई लड़ाई झगड़ो व्हियो ?'

'नीं ।'

'वा पैला धने मारवाने आई ?'

‘नीं ।’

‘थनें दुख देवती ?’

‘नीं ।’

जवाब सुणिया तो सब हैराणगत व्हेगिया ।

छदामी रा तो होस उड़गिया बोलियो ‘या सावळ नीं कैय री है पैलां मोटोड़ी ...’

दरोगे डांट लगाय वीं ने चुप कर दीवो । आखिर तक जठे जठे जिरह व्ही सब जगां एक सो जुवाव देवती री मोटोड़ी रो हमलो करियोडो कठे ई चंदा नीं हंकारयो जो नीं हंकारयो ।

एड़ी जिह् री पत्रकी लुगाई कठे ई नीं देखी । फांसी रा तखता कानी पांवडां भरती जाय री, रोकिया रुक नी री । कांई खतरनाक रूसणो कीवो । चंदा कदाच मन में कैय री’, म्हूं थनें छोड ई जोवन ने ले फांसी रा तखता पै चढ जावूं । फांसी रो फंदो गळा में घालूं । म्हारा ईं जनम रो छेल्लो बंध फांसी रो फंदो है ।’

भोळी भाळी वीनणी छोटी सी रंभा लाडी चंदा, कैदी वण न चाली, घूंघटो काढ न आई जि गांम में, मिंदर रे आगे, चौवटा रे वीचे, ठाकरां रा रावळा आगे व्हे, डाकखाना र स्कूल रे भडं व्हे गांम री वा नैन्ही लोड़ी वीनणी, कैदी वण चाली । जाणियां पिछागियां, सेंदा मिनखां रे मूंडागे कळंक सूं काळो मूंढो कर हमेसां वास्ते घर छोड़ न चाली । छोरां रो टोळो रो टोळो लारे चालियो । गांव री लुगायां, साथगियां लुक लुक न वीं ने देख री । कोई घूंघटा रो काणकोलियो कर न झांक री, कोई किवांडां री सेंध मांय नूं देख री, कोई रुंख री आड़ में कभी व्हे नाळ री । वीं ने सिपायां रे वीचे जावती देख कोई लाज सूं मरी जाय री, कोई नफरत री नजर सूं देख री, किरा ई भै सूं रुंगटा ऊभा व्हेयरिया । डिपटी मजिस्ट्रेट रे मूंडागे ई चंदा आप रो कसूर कबूल कर लीवो । वाकी व्हेवा रे पैलां मोटोड़ी री ओर सूं कोई हमलो के ज्यादती के जुलम व्हेवा री बात चंदा रा मूंडा सूं निकळी ई नीं । पण छदामी जि वेळा गवाहीं रा कठेड़ा में हाजर ज्हियो तो रोय दीवो ‘फरियाद है, म्हारी लुगाई बेकसूर है ।’

हाकम घमकाय घमकाय रोवता ने चुपकर सवाल पूछवा लागिया । वीं सारी हकीगत सांची सांची सुणाय दीवो । पण हाकम ने वीं री बात पै भरोसो नीं आयो । क्यूं के खास अर भरोसा रे, शरीफ गवाह रामलोचन कियो ‘खून व्हेवा रे तुरंत पछे म्हूं मौका पै गियो जद छदामी म्हारा पगां में पड़ न रोयो

के लुगाई ने किण तरे वचावूँ, गैलो वतावो । म्हूं काई नीं बोलियो । गवाह छदामी म्हें पूछ्यो के जै म्हूं कैय दूँ के म्हारे वड़े भाई रोटी मांगी, वीं रोटी नीं दीधी । जो रोस में आय मार दीधी । यूँ कियां म्हारी लुगाई वच जाय काई ?' म्हें कियो, खरवरदार । हरामजादा, कचैड़ी में एक हरफ ई भूठ मत बोलजे, ईसूँ वत्तो कोई पाप नीं है ।'

रामलोचन पैलां तो चंदा ने छुड़ावने घणी वातां जोड़ी पण वीं देखियो या तो आगे व्हैय आप रो पग खोड़ा में घाल री है जद सोची, चंदा ने छुड़ावता आंपां मरांला । झूठी गवाही देवा रो जुरम कठै ई म्हारा पे ई ज नीं लाग जावे । ई वास्ते आंपा जांगा जतरो ई कैवां ।

डिपटी मजिस्ट्रेट मामला ने सेशन रे सिपुरद कर दीवो ।

दुनियां रा धंवा तो ज्यूँ चालता आया ज्यूँ ई चालरिया । खेती-वाड़ी, हाट बजार, रोवणा गावणा सब चालरिया हा । पैलां ज्यूँ ई लीलो कच साळ रा खेतां में सावण रो मेह लूँव रियो हो ।

पुलिस, मुलजिम अर गवाहां ने लाय सेशन जज री अदालत में हजर कीधा । अदालत में घणां ई भिनख आय आय ने मुकदमा री पेशी में बैठा हा । रसोवड़ा रे पाछला सूगला पाणी रा नाडा री जमीन रो एक मुकदमो चाल रियो हो । जिरी पैरवी करवा ने कलकत्ता मूँ वकील बुलाया हा । फरियादी रा चालीस गवाह हाजर व्हिया हा । सब जणां आपणां हक रो कौडी कौडी हिसाब लगाय रिया हा । वाळ री खाल काढवा वाळा फैसला करावाने दोड़िया आया हा । वां री धारणा हो के ई वगत इण सूँ वत्तो दुनियां में कोई जरूरी काम नीं ।

छदामी वारी मांयतूँ, सदामत री आगती अगथायोड़ी दुनियां ने एक धार देख रियो, सपना ज्यूँ लागरियो सब उण ने । अदालत रा चौक मांयला बहला पे वंठी कोयल बोल री 'कू...कू' । वां री दुनियां में कोई कानून, अदालत नीं है नीं ज्यूँ ।

चंदा, जज रे मूँडागे अगताय न बोली, 'अरे बापजी, एक ई वात ने घड़ी घड़ी री कतरीक दांण वताऊं ?'

जज, चंदा ने समझाई, 'यूँ जाणे जि कमूर ने यूँ मंजूर कर री है वीं री सजा काई है ?'

'नीं ।'

जज कियो, 'वीं री सजा है फांसी—मौत ।'

चंदा बोली, 'बापजी, थारे पगां पडूँ, म्हें वा ई सजा दो । अरे म्हारा सूँ क्षमणी नीं आवे ।'

छदामी ने अदालत में पेश कीघो तो चंदा वीं री आडी तूं मूंडो फेर लीघो ।

जज बोलियो, 'सुण, उठीने गवाह री आडी मूंडो कर न बता थारे काई लागै ?'

चंदा दोई हाथां सूं मूंडो ढांक न बोली, 'म्हारा घर रो घणी ।'

जज पूछियो, 'थनें यो चावे ?'

चंदा बोली, 'ऊंह, अतरो ज्यादा चावे के.....'

जज पूछियो, 'थूं ने नी चावे ?'

चंदा जबाव दीघो, 'अतरो ज्यादा चावूं के.....'

छदामी ने पूछियो तो वीं कियो 'खून म्हें कीघो है ।'

जज पूछियो, 'क्यूं ?'

छदामी बोलियो, 'रोटी मांगी नीं दीघी ज्यूं ।'

दुक्खी गवाही देवा ने आयो तो भांफ खाय न पड़ गियो । होस आयां जबाव दीघो, 'बापजी, खून म्हें कीघो ।

'क्यूं ?'

'खावा ने रोटी मांगी, नीं दीघी ज्यूं ।'

जिरह कर ने गवाहां रा बयान सुण न जज समझ गियो के घर री बहू री आवरू बचावा ने दोई भाई कसूर आप रे माथे ओढ़ रिया है ।

चंदा तो धाणां सूं लेय सेशन तक एक वात कैवती आयरी कठै ई तो एक हरफ रो फरक नीं ।

दो वकीलां आगे व्हे चंदा ने फांसी सूं बचावा री घणी कोसिसां कीघी पण काई जोर नीं चालियो ।

जिं दिन, चंदा छोटीसीक गोळ मटोळ मूंडा वाळी चंदा हाथ री हूलियां ने फेक, मां बाप रो घर छोड़ सासरे आई, वीं दिन-परगत री सुभ घड़ी में कोई कळपना ई ने कर सकतो आज रा दिन री ? चंदा रो बाप मरती वेळां नचींते व्हे कियो हो, 'चावे जो व्हे, म्हारी छोरी तो ठिकाणोसर लागी ।'

फांसी लागवा रे पैला जेलखाने रा मेरवान डाक्टर चंदा ने पूछियो, 'किसू ई मिलवा री मन में है ?'

'एक दांण म्हारी मां ने मिलाय दो ।'

'था रो घर रो घणी थारा सूं मिलणो चांवे वी ने बुलाय चूं ?'

चंदा बोली, 'हूं, मौत ई नीं आई ।'

## काबली

म्हारे पांच बरसां री टावरी मिनी घगी चरपरी, वीं री जीभ एक धड़ी जक नीं ले । वारा महीना री ही जदी वीं री जवाल उघड़गी । जिं दिन सूं बोलगो आयो, एक पल छानी नीं रेवती । कतर कतर कतरणी री नाई जीभ घालवो ई ज करती । वीं री मां तो घगी चरपर चरपर करती देख घाकल देवती । पण म्हारा सूं घाकलीजतो नीं । मिनी छानी मानी बैठ जावती तो म्हणें अणखांणो लागवा लाग जावतो । म्हारे अर वीं रे ई ज वातां घगी घुटती ।

दिन ज्जां ई ज्यूं म्हें म्हारा उपन्यास रो सत्तरवां परिच्छेद लिखवा ने हाय अड़ायो न मिनी आयगी, 'काका, आपणो रामदयाल है नीं, आपणी डोढी वाळो है नीं जो कागला ने 'कौवो' कैवे । वो काई नीं समझे ।'

म्हूं न्यारी न्यारी भासां सालं काई कैवूं जठा पैलां तो वा दूजा परसंग पै आयगी, 'देखो काका, भोळो कैवे हाथी सूंड सूं पाणी वादळा में फैंके ज्यूं बरखा व्हे है ? भोळो झूठो है नीं ? वो तो बकबक करे नीं ?

म्हारा पडूतर री वाट नीं नाळी वीं । झट देणी री एक अत्रली वात पूछ लीधी, 'काका, मां थारे काई लागे ?'

म्हें क्रियो, 'मिनी घूं जा, भोळा रे साये रम, जा । अवालं म्हूं थोड़ो काम कर लूं, हैं ।'

वा मेज रे कनें, म्हारा पगां नकै बैठ, दोई गोडों ने अर हायां ने हिनाय हिलाय आगती आगती बोलवा लागी, 'आदयो वादयो, दहो में साउयो ।' म्हारा उपन्यास

रा सत्तरवां परिच्छेद में उण वगत परतापिंग कांचनमाळा ने अटक मांय नू काढ़ अंधारी रात में, ऊंचा गोखड़ा सू नीचे बैवती नंदी में कूद रियो हो ।

म्हारो घर गैला रे माथे हो । मिनी 'आटद्या वाटद्या' ने छोड़ न भागी । जोर सू हेला पाड़वा लागी, 'कावली ओ कावली ।' मैलो कुचिलो, ठीलो ढबळक कुड़तो पेरियां, माथा पै साफो बांधियां, कांधा पै मेवा रो झोळो लटकायां, हाथ में दो चारेक अंगूरां री पेठियां लीधां एक लांब तड़ांग कावली धीरे धीरे सड़क पै जाय रिया हो । वीं ने देख मिनी रा मन में कांई आयो जो तो खबर नीं । वा जोर जोर रा हेला पाड़वा लागी । म्हें जाणियो, ई सत्तरवां परिच्छेद रे लिखवा में वो आड अडायो व्हे जाय, वो तो अवारू मेवा रो झोलो कांधा में घालियां आय ऊभो रेवेला ।

मिनी रो हेलो सुण न कावली मुळकते थके वीं रा आडी ने मूंडो फेरियो, घर आडी ने पांवडो भरियो न मिनी तो भागी जो कजांग कठे ई लुकगी । वीं रा मन में वैम बैठियोडो हो के वीं रा भोळा ने हैरे तो, मांयनू दां चारेक जीवती जागती छोरियां निकळ जावे । कावली मुळकते थके आय न सलाम कीधी, ऊभो रैगियो । म्हें सोची तो ही के अवार परतापसींध न कांचनमाळा मोटी आपदा में है पण घरे बुलाय न कांई नीं मोलावणो ई आछो नीं लागे ।

क्यूंक मोलायो । पळे अठीला वठीला गण्पोड़ा मारवा लागिया । अबदर रैहमान री, रूस री, अंगरेजां री, सीमाड़ा रा हिफाजत री वार्ता चालगी ।

ऊठ न जावती वेळां, अधकचरी बोली में कावली पूछियो, 'आप री बाई कठे गिया ?'

म्हें मन रो वैम भांगवा ने मिनी ने बुलाय लीधी । वा म्हारे अड़ न ऊभी, कावली रा मूंडा ने, मेवा रा भोळा ने वैम सू देख री । कावली भोळा मांयनू दाखां र खुरबाण्यां काढ न मिनी ने देवा लागो । मिनी कांई नीं लीधो, म्हारा गोडा रे छेंटगी । पैली आळखांण वां री यूं व्ही ।

थोड़ा दिनां पळे, एक दिन परभात रा, म्हूं कठे ई बारै जाय रियो हो । देखूं कांई, म्हारा वाईजीलाल बारणां कनें बैच पै बैठिया कावली सू चपर चपर कर रिया । कावली वीं रा पगां कनें बैठियो, मुळकतो जाय रियो अर मन लगाय न सुण रियो । बीचै बीचै कावली आपरी वार्ता ई अधकचरी बोली में कैवतो जाय रियो । मिनी ने उण री पांच वरस री ऊमर तक एडो धियान सू सुणावा वाळो स्रोता काका रे सिवाय यो ई ज मिलियो हो । म्हें देखियो, वीं रो छोटोसोक पल्लो बदामां सू दाखां सू भरियो हो । म्हें काबुली ने कियो, 'ये क्यूं दीघा इण ने ?

अब मैं वेदों।' वृं कैय दुनिया मांयतूं अवेनी काठ न वीं ने जेलाई। वो संकियो नीं, अवेनी लेय नोळ्या में न्हाक दीवी।

पाछो धरै आय न देहूं तो वीं अवेनी धर में रडो कर रडियो। मिनी रो मां, हाय न अवेनी लीवां मिनी ने वाकल रो, 'बता, या अवेनी यनें कठे लावी ?'

मिनी केयरी, 'कावली दीवी।'

'ये अवेनी लीवी क्यूं ? बता।'

मिनी रीं रीं कर रोवा रो त्यारी कर रो, 'मिं मांगी कोयनी वीं ज दीवी ही।'

मूं आय, मिनी ने आवा दाळी विपदा सूं वचाई। वीं ने वारै ले आयो।

खबर पडो, कावली रे लारे मिनी रो ओ पैलो मिलाप नीं हो। वो कतरी बाण आयो हो, जिस्ता, बदामां रो सूंक दुवाय खुवाय मिनी रा छोटा सा मन ने आपणो कर लीवो।

मूं देखियो, यां दो ई गोठिया में दो चार बोल तो जमियोडा है। रैमज ने देखतां ई मिनी पूछनी, 'कावली, ओ कावली, याग झोळा में काई ?'

रैमज हां रे माये वूं ई देमतलव अनुस्वार लगाय हंसतो थको कैवतो, 'हांथी।' ई हंसी में कोई झिंगो अरय व्हे जेडो काई नीं। पण ई कौगत में वां बोवां ने ई नको आवतो। सरद खत रा पैला पोहर में म्हेने ई वां रो हांसी मुंवाई एक दो दातां और ही जो वे रोजीना कैवता। रैमज मिनी ने कैवतो, 'कई ई सासरे मत जावजे हैं।'

वूं तो आपणां अठ रो टावरियां जामे जि दिन सूं ई सासरा रो नाम जांणे। पण म्हां नुवा जमाना रा मिनख हा जो मिनी ने सासरा रो न्यान ओझूं म्हां लोगां सूं मिलियो नीं। रैमज रो अरय वीं रे सांगोसांग समझ में नीं आवतो। मिनी सूं कोई बात व्हो जुवाव दीवां बिना नीं रैवणी आवतो। वा साम्हो रैमज ने पूछनी, 'यां सासरे कदो जावोला ?'

रैमज मनमता रा मुसर साहं मुक्को उजय न कैवतो, 'मूं सुसर ने माहंल।'

या सुग मिनी मूव हंसती।

देखतां देखतां मझ्म सरद खत आयणी। पैलां रा जुगां में राजा ई ज खत में दिगविजै करवा ने निकळता। म्हें कलकत्तो छोड़ न पग वारै ई नीं मेजियो हो। कदाच ई ज वास्ते न्हारो भंवरो सातूं दीन में भंमतो रैवतो। देस परदेस रीं दातां जागदा रीं म्हाण मन में हमेसां लागी रैवती। कोई देस रो नाम सांम-

छंता ई म्हारो चित्तडो वठै जाय लागतो । परदेसी माणस ने देखतां ई म्हारो मनडो नंदियां, परबतां अर जंगळा रे बीचै एक छोटीसीक कुटिया रो चित्तर उंतांरवा लागतो । हंसी खुसी, आजादी रे सांगे मुसाफिरी रा सपना देखतो । म्हूं तो ठाण सिएगार हूं । म्हूं भलो ने म्हारा घर रो खुणो भलो । खुणो छोड़ न घर वारे पग देवणो मरणो लागे । परभात रे पोहर, म्हारा छोटासाक कमरा में, मेज कने बैठ वीं काबली सूं गप्पोड़ा मार, देसाटरण रो काम काढ लूं । म्हारी आंखियां आगे काबुली सांगोपांग काबल री तस्वीर उतार दे । दोई आडी ने ऊंचा नीचा, बलियोड़ा राता राता मंगरा । ऊंचा ऊंचा विखम परबतां रा सांकड़ा घाटा । लदियोड़ा ऊंटा री कतारां जाय री है । साफा बांधियोड़ा सीदागर, गेलारथु ऊंटा पै चढिया जाय रिया है, पगां चाल रिया है । किरे ई हाथ में बरछो, किरा ई हाथ में तोड़ादार बंदूकां । वादळा गाजता व्हे जेड़ा गैरा सादमें, अघकचरी बोली में देस री वृतांत करता जाय रिया है ।

मिनी री मां वंमी सुभाव री लुगाई है । रात ने कोई रोळो सुणियो न वीं ने वैम आयो के दारू पीधोड़ा आंपा रा घर साम्हीं आय रिया है । वीं री जांण में तो या दुनियां ईं खूणां सूं वीं खूणां ताई, चोर धाड़ायती, गुंडा, दारूडिया, सांप, बिच्छू, मलैरिया मोतीझड़ा सूं भरी है ।

अतरा बरस व्हेगिया वीं ने ई दुनियां में रैवता ने पण वीं रा मन रो थो भे अर वैम ओजूं नीं मिटचो ।

रैमत काबली री कानी सूं वा नचींती नीं ही । म्हनें घड़ी घड़ी री सावचेत रैवा ने कैवो करती । म्हूं उण रा वैम पै हंसियो तो वा एकणदम कतरा ई सुवाल पूछण ठूकगी ।

‘वयूं, टाबरा री चोरी कोनी व्हे काई ?’ ‘काबल में छोरा छोरी रो वैपार नीं व्हे कै ?’ ‘लांबा झांबा काबली सारूं छोटा साक वाळक री चोरी करणी मोटी वात है काई ?’ एड़ा कतराई सुवाल करणी ।

म्हनें मानणो पड़ियो के ये अणव्हेणी वृतांत तो कोनी पण वैम जेड़ी वात ई कोयनीं । एतवार करणे री सगती भगवान सगळा ने वांटती वेळा एक सरीसी नीं बांटे । म्हारी लुगाई रा मन रो वैम मिटियो नीं । खाली उण रा वैम री वीं सूं ई दोस देखियां बिना रैमत ने घरे आवता ने म्हें बरजियो नीं ।

सालोसाल माह रा म्हीना में रैमत आप रे देस परो जावे । यां दिनां में गराहकां सूं पैसो ऊगावाने करडो काम करणे पड़े । घरें घरे जावणो पड़े पण तो ई दिन री ऊगाळी वो आय न मिनी सूं मिले जरूर । यूं लागतो के जांणे दोवा मांय ने कोई पड़पंच चाल रियो है । जिं दिन परभात री पोहर आवणी



नीं आवती तो साँस रा हाजर लावती । अंधारा मांयने घर रा खूपां में, दीलो वदळक जानो पजामो पैरियां, लांबतडाक, भोळा भोळी वाळा कावली ने देव सांचांनी एकपदम संका आय जावती ।

पण जदी देखतो के निनी, 'कावली, कावली' हेला पावती हँसती हँसती नागी आवती र दो न्यारी न्यारी आँस्या वाळा में वा ईं झुनी, भोळी हँसी व्हेवा लागती तो न्हारो हिवडो हुळसाय जावतो ।

एक दिन सुद्रे न्हं म्हार कमरा में दैठो थको, म्हारी नुवी पोयी रा प्रूफ देख रियो । सिपाळा रो सी, सीख लेवां रे पैलां. आजकाली दो चार दिनां नूं जोर रो पडरियो । जठी ने देखे वठी ने सी रो वात चाल री । एडा सी पाळा में, परभात रो तावडो, बारी मांय नूं आय, मेज रे हेटे, म्हार पगां माये आय गियो जो वीं री तपली सुंवाय री । कोई आठेक बजिया व्हेला । सुद्रे री हवा खोरी करणियां, मायां रे गुळवंद पळेट पळेट पाळा आय रिया हा । सडक माये जोर रो हाको हूलो तुणोज्यो ।

देखूं तो आपगां रैमत ने दो सिपाई बांध न ले जाय रिया । कौतक देखणियां छोरां रो ठोळो रो ठोळो लारे चाल रियो । रैमत रा कुडता माये लोही रा छांटा लाग रिया । एक सिपाई रा हाय में लोहिया नूं लालीज्योडो छुरो हो न्हें वारणा वारै निकळ सिपाई ने पूछियो, 'काई वात है ?'

कीं तो सिपाई तुणाई न कीं रैमत तुणाई । म्हां के एक पाडौती, रैमत सूं रामपुरी चादरो मोलायो । वीं रा थोडाक रिपिया देवणा हा जो देवा ने नट गियो । वस, ईं ज वात माये दोवां में बोलचाली व्हेगी । रैमत छुरो बाह्य दीवो ।

रैमत वीं झूठा, नागा आदमी ने कान रा कीडा भड्डे जेडी गाळियां ठरकावतो जाय रियो हो । अतरक में तो 'कावली ओ कावली' कैवती थकी निनी घर सूं वारै निकळी ।

रैमत रो नूंडो कौतक री हाँसी नूं चमक गियो । वीं रा कांवा पै आज झोळो नीं हो जो दोई गोठ्यां रे बीच हनेसां वाली रोळ नीं व्ही । निनी आवतां ईं पूछियो, 'थां सासरे जावोला ?'

रैमत हँस न बोलियो, 'वठे ईं तो जायरियो हूं ।'

रैमत भांप गियो के आज वीं रा पडूतर सूं निनी रा सूंडा पै हाँसी नीं भाई । मुक्को बताय न वो बोलियो, 'सुसर ने मारतो पण कांई कल हाय बांधियोडा है ।'

छुरो मार देवा रा गुस्ता में रैमत ने नरां ईं बरतां री कैद व्हेगी ।

वगत बीततो गियो कावली रो धियान ईं नीं रियो चित्तां उतर गिया म्हां

बरे बैठ्या रोज रो काम घंघो करता, मुख सूं जिदगी वीताय रिया हा जदी कदे ई मन में ई घियान नीं आयो के वो आजादी सूं परवतां में घूमणियो फिरणियो आदमी, जेल री ओवरी में, वरस पै वरस किया काढरियो व्हेला ।

अचपळा सुभाव री मिनी आपणा मित्तर ने बीसर, नवी साईस रे सागे मित्तरता कीधी । पछे ज्यूं ज्यूं औस्या आवा लागी ज्यूं ज्यूं साथणियां रो साथ करवा लागी । और तो और अवे तो वीं रा बाप रा कमरा में ई घणी नीं आवे । म्हारे सागे ऊठणो बैठणो ई वंद व्हेगियो ।

यूं करतां कतराई वरस पाछे वरस आवता रिया, जावता रिया । पाडी सरद रत आई । मिनी री सगाई रो दसतूर व्हेगियो । पूजा री छुट्टिया में उण रो बियाव है । अचकाळे दुरगा विमरजन रे सागे सागे म्हांका घर रो उजाळो मिनी, मां बाप रा घर ने सूनो कर सुसरा रा घर में उजाळो करेला ।

परभात रो सूरज घणो रूपाळो ऊगियो । चौमासा रे पछे सरद रत रो नुवो नुवो ऊजळो तावडो सोनां री नाई चमक रियो । कलकत्ता री गळियां में ईटा रा मैला मैला घर तावडा री आभा सूं उजळा व्हेरिया ।

म्हां के घरे आज पो फाटियां री सरणाई वाजरी । मिनखां रो आवणो जावणो चालरियो, वरांडा में, कमरां में भाड टांक रिया, जां रो टणटण म्हारा कमरा ताई सुणीजरी । 'चालो, झट करो, वठी ने जावो, घठी ने आवो' रा हेला पड़रिया ।

म्हूं म्हारा लिखवा पढ़वा रा कमरा में बैठियो हिमाव मांड रियो अतराक में रैमत आयो, सलाम कर न ऊभो रैगियो ।

एक दांण तो म्हारा मूं ओलखणी नीं आयो । नीं तो वीं रा कनें शोळो हो, नीं वे लांबा लांबा केस ई हा । मूंडा पै पैला वाळी आव ई कोयनी ही । छेवट में वीं री मुळक देख न ओळख्यो के यो रैमत है ।

‘कद आया, रैमत ?’

‘काले संझचा रो जेळ सूं छूटियो हूं ।’

सुगतां ई वीं रा लफज तो म्हांरा कान में वाजिया खटाक देखी रा । म्हें म्हारी आंखिया सूं कोई हत्यारा ने आज ताई नीं देख्यो । वीं ने देख म्हांरो जीव भेळो व्हेगियो । आज री सुभ वेळा में यो अठा सूं परो जावे तो चोखो ।

म्हें वीं ने कहियो, ‘आज तो उतावळ रो काम है, उण में लागियोडो हूं, अवार थां जावो, पछे आवजो ।’

म्हारी वात सुण वो जावा लागियो पण बारणा रे कनें जाय थोडो अठी ने घठी ने व्हेय न बोलियो, ‘बच्ची ने देख लूं थोडीक ।’ कदाच वो या ई जाणतो

के मिनी ओजू ई पैला जेड़ी टाबरी व्हेला, पैलां री नाई 'कावली ओ कावली' करती दौड़ी आवेला । वां दोवां रे बीच वे ई पैली वाळी कौगत री हांसी री वार्ता व्हेला । वो तो पैलां री मितरता री वात चींतार न एक पेटी अंगूरा री अर एक पुडका में वदाम न दाखां कोई दूजा कावली कना सू मांग तांग न लेवतो आयो हो । पैलां वाळो भोळो वीं रा कने नीं हो ।

म्हें कियो, 'आज तो घर में कांम नरोई है । आज तो किण सू ई मिलणो नीं व्हे ।'

म्हारो पडूतर सुण न वीं रो मूंडो लटक गियो । छानो मानो एकदांण म्हांरा मूंडा साम्हो नाळियो, पछे 'सलाम वावू सा'ब' कैय वारणं निकळ गियो ।

म्हारा काळजा में जाणे पीड़ा ऊठी । म्हूं विचार रियो के वीं ने पाळो हेलो पाडूं जतरे देखूं तो वो पूठो आवतो दिख्यो ।

भडै आय न कियो, 'ये अंगूर न थोड़ीक दाख वदाम, वच्ची साहं लायो हो, वीं ने देय दीजो आप ।'

म्हें वीं रा हाथ में सू सामान लैय पैईसा देवा लागो, परा वीं म्हारो हाथ पकड़ लीधो । कैवा लागो, 'थारी मैरवानी है । हमेसा याद आवोला । पैईसा रेवा दो ।' थोड़ोक ठम न कैवा लागो, 'आपरी वेटी जेड़ी, देस में म्हारे ई वेटी है । म्हूं वीं ने चींतार चींतार आप री वेटी साहं मेवो ले आवो करूं । सोदो वेचवाने थोड़ा ई आवूं ।'

कंवते थके, ढीला ढवळक कुड़ता मांय ने हाथ घाल छाती कनां सू एक मेलो जूनो पातळो कागद काढ्यो न जावता सू वीं रा पड़ खोल. दोई हाथां सू म्हारी मेज माथे छीदो कर दीधो । कागद रा पानड़ा पे एक छोटा नान्हासाक पंजा री छाप ही । वेटी री ई यादगीरी ने छाती रे लगाय रैमत वरसो वरस कलकत्ता रा गळीकूंच्या में सोदो वेचवाने आवतो । यो काजळ सू मांडियोडो पंजो वीं रा काळजा रे अडतो जो वीं ने लागतो के वेटी रो कंवळो कंवळो हाथ वीं री छाती रे अड रियो है । काळजा में जाणे हेमाळो दुळ जावतो ।

पंजो देख न म्हारी आंखिया जळजळायगी । म्हूं भूल गियो के यो कावली मेवा वेचवावाळो है अर म्हूं रईस हूं । म्हें तो लाग रियो है जो वो है वो ई म्हूं हूं । वो ई वाप है । म्हूं ई वाप हूं । वीं परवतां रा वासी री छोटी सी पारवती रो पंजो देख म्हें म्हारी मिनी याद आई । म्हें वीं ने उण ई वगत वारें बुलाई । मांयने रोका रोकौ घणी ई व्ही परा म्हूं मानियो नीं । परणत रो पूरो बेस पेरथां, गैणां गावां सू सजी वीनणी वणी मिनी लाज सू भेळी व्हेती, म्हारा कनें आय ऊभी रेगी ।

पैलां ती काबळी वीं ने देख हडबडाय गियो । पैलां जसी वातां उण सूं करणी नीं आई ।

पछे हंसतो थको बोलियो, 'बाई, सासू रे घरे जाय री है काई ?'

मिनी अबै सासू रो अरथ समझे जो पैलां जेड़ी जुवाव देवणी नीं आयो । रैमत री वृत्त सुण न वा लाज सूं लाल पडगी । वीं मूंडो फेर लीघो । म्हनें वीं दिन री वृत्त याद आयगी जिं दिन पैलां पैल काबली सूं ओळखाण व्ही ही । मन में पीड जागगी । मिनी परी गी तो रैमत लांब्रो सास लेय वठी ज घरती पै बैठ गियो । अबै वीं रा मन में चानणां ज्युं साफ व्हेगी के वीं री बेटी अतरी मोटी व्हेगी व्हेला । वी ने वा ओळखेला ई नीं । यां आठ वरसां में वीं रो कजाणा काई व्हियो व्हेला । परभात रा पोहर में सरद रुत रा, सूरज री किरणां में सरणाई वाजवा लागी । कलकता री गळी में बैठियोडा रैमत री आंखियां में अफगानिस्तान रा सूखा परवत फिर रिया हा ।

म्हें एक नोट काड न'वीं रा हाथ में मेलियो, 'रैमत, देस परो जा बेटी रे कनें । थूं जाय न बेटी सूं मिलेला, थां रा सुख सूं मिनी ने सुख मिलेला ।'

रैमत ने रिपिया देवा सूं व्याव रा उच्छ्रव में एक दो मदा ने काट देवणां पडिया । विचार राखी जेड़ी रोसनी नीं करावणी आई, अंगरेजी वैड ई नीं आयो । घर में लुगायां घणी नाराज व्ही पण म्हारा विचार सूं तो एक सुभ काम सूं यो सुभ दिन और ई सुभ व्हेगियो ।



## बदली

ठाकर मुकंदलाल जी रा पेलावाळा दीवाणजी री पोती र घर अवार वाळा मैनेजरजी री परणी इंद्राणी, ठाकरां रा दोहिता रा व्याव में बहू बनोळो जीमवाने खोटी घडी पुळ में रावळा में पग मेलियो हो ।

इं सूं पेला री वि ई दो चार टप्पां में कैय दूं तो वात समझणो सोरो रवेला ।

इं वगत नीं तो मुकंदवावू ई है नीं वां रा दीवाण गौरीसंकरजी है । काळ रा बुलावा ने दोवां सूं ई नटणी नीं आयो । दोई हा जदी दोवां रे ई आपसरी में खूव गैरा हा । गौरीसंकरजी मरिया मां वाप रो डीकरो हो, जमीं जायदाद कांई नीं ही । ठाकर मुकंदलालजी तो खाली वां रो मूंडो देख, भरोसो कर आप रा जो दो चार गांमडिया हा वां ने भळाय दीघा । पछे आवावाळे जमाने सावत कर दीघी के ठाकरां, गौरीसंकरजी ने काम सूंप खोटो नीं कीयो । उदई ज्युं वियाळो बणावे, मुग चावणियां ज्युं पुत्र भेळो करे, ज्युंई गौरीसंकरजी लोही पसीनो एक कर, राई राई कर ठाकरां री जमीन जायदाद बधावा लागा । घणी चतराई र हुंसियारी सूं पाणी रे भाव वांकागढ़ री जमीन मोल ले ठाकरां री जमींदारी में मिलाय दीघी । वीं ज दिन सूं मुकंदलालजी रो ठिकाणो, घराणो अत्रवल दरजा में मानीजण लागो । घणी री बघोत्तरी रे लारे कामदार री व्ही । घीरे घीरे पक्को घर, खेती बाड़ी बघी । वार तिवार रो खरचो ई बघियो । जो तेसीलदारजी वाजता अबे दीवाणजी कैवावा लागा ।

बस, पैलां री विगत तो या ई ज ही । आजकाले मुकंदलालजी रे खोळां राख्योड़ा बेटा है विनोदबिहारीजी । वां रे मैनेजर है दीवाण गौरीसंकर रा पोता जंमाई अंबिकाचरणजी । भगिया गुणिया । दीवाणजी रो वां रा बेटा रमासंकरजी पै जीव नीं धापियो । बुढापा में वां काम छोड़ियो जदी बेटा ने टाळ पोता जंमाई ने आप रे पाट बैठाय गया ।

काम घाम भली भांत चाल रियो । पैलां जमाना में हो वस्यो ई आज हो पण एक आंतरो जरूर पड़ग्यो । अबै ठाकर चाकर रो व्योवार खाली काम काज रो व्योवार है, मन रो नीं । पैलां जमाना में नाणो सूंधो हो, मन ई सोरो मिल जावतो । अबै सैग जगा मन री फिजूल खरची जावक बंद व्हेगी । खास आपणा घरवाळा सारूं ई मन रो टोटो है तो बारळा सारूं तो आवे ई कठा सूं ?

यां दिनां ठाकरां रे रावळे दायता रो बियाव व्हियो । बहू बनौळा रे दिन दीवाणजी री दायती इंद्राणी रो पधारवो व्हियो । देखी जाय तो या दुनियां वीं विचित्तर लीलाधर रो कौतकघर है । अठे नाना भांत रा मिनखा ने भेळाकर उगे सूरज वां रा संजोग विजोग री अजब अजब कणिया वो मांडवो करे न भांगवो करे ।

ई बहू बनौळा में, उच्छ्रव रा मौका में, दो न्यारी न्यारी धात री लुगायां में टक्कर ऊडगी । देखतां देखतां बणावट रा वीं खाना में एक नूवा रंग रो सूत भिळ गियो, वीं में गांठ पड़गी ।

इंद्राणी रात पड़ियां रावळे पूगी, आगे जीमण चूठण व्हेगियो हो । ठकराणी नैरातारा मोड़ा आवा री वजै पूछी तो इंद्राणी घर रा काम काज रा, डील में आसंग नीं व्हेवा रा, एड़ा घणां आळखा लीघा, सुणवावाळा रो किरो ई जीव नीं धापियो मन मांयली वात इंद्राणी होठां पै नीं लाई पण तोई समझवावाळा सैग समझ रिया हा । वात या ही के यूं तो मुकंदबाबू उणा रा धणी हा, टका पैइसा में ई बत्ता हा पण कुळ री मरजादा गौरीसंकरजी रा खानदान री ऊंची ही । इंद्राणी आप रा कुळ री मैहमा ने कदी नीं बीसरती । ठाकरां रे घरै जीमणो नीं पड़े ई वास्ते इंद्राणी जाण न ताळा लगायन आई । मांयलो मरम समझ न सैग जणां जीमवा री मनवारां करवा लाग़ा । पण इंद्राणी नीं मानी जो नीं मानी । नख नीचो नीं कीघो ।

पैलां ई एक दांण ई कुळ रा कुरव ने लेय मुकंदलालजी वीचै र गौरी-संकरजी वीचै ई सूं ई जबरदस्त भडंत व्हेगी ही । वा विगत ई अठै देवणी ठीक रे ई ।

इंद्राणी फूटरी ही । बंकिमबाबू जगां जगां सुंदरी अर सौदामणी री

ओपमा दीधी है। पण वा ओपमा ज्यादातर जचे कोयनी। ई द्राणी रे मांयने एक तरै रो प्रबळ वेग हो भळपटा लेती झाळ ही पण वा झाळ गंभीरता अर ठिमरास में लुकियोड़ी है। वीं रो नस नस में बीजळी ही पण चमकती नीं ही।

ई रूपाळी टावरी ने देख मुकंदवावू मतो कीधो के वारा भोळयां लियोड़ा टावर सूं परणाय दे। वां गौरीसंकरजी रे वड़ाळो मेलियो। स्यामखोरी में गौरीसंकरजी किणी सूं एक पावंडो पाछे नीं हा, धणी वास्ते लोही बैवावा ने हाजर रैवता। आज वां रो दिन घरे हो, धणिया रा माथे हाथ हा। बराबरियां ज्यूं बरताव धणी करता पण मालिका रों काण कायदो राखवा में एक रती कोर कसर नीं कीधी वां। धणी रे साम्हे मूंडो तो नमता जिमेकैवणो ई कांई। पूठ पाछे ई कठे ई धणी रो नाम आय जावतो तो वठे ई माथो नमाय न वात करता। पण ई वडाळां पै वे कीं भाव राजी नीं व्हिया। लूण पाणी रो फरज अर माथा रो करज, दांणो दांणो चूकावाने आधी रात रा हाजिर रैवता। पण कुळ री मरजादा वारा सूं नीं छोड़णी आई। ठाकरां रा बेटा लारे पोती रो सगपण नीं कीधो।

चाकर रो यो कुळ गरव ठाकरां ने नीं सुंवायो। वां रा तो मन में उलटो यो खयाल हो के यो वड़ाळो भेज वां खिदमतदार पै खावंदी कीधी है। पण गौरीसंकरजी ईं ने आपणी मांण हांण मानी तो ठाकर मूंडे नीं बोलिया।

थोड़ा दिन अणबोलणा रिया जतरे गौरीसंकरजी री काया धणी कस्ट में री। धणियां रो बेराजीपो काळजा में सालतो रैवतो। वां एक मां बाप बायरा, गरीब पण खानदानी लड़का रे लारे पोती रो वियाव कर दीधो। लड़का ने घरे राख आप री गांठ सूं भगावा पढावा लागा।

कुळ रा आंजस सूं छकियोड़ा दादा री पोती इंद्राणी आज आप रे मालकां रे घरे जाय न बनोळा में जीमी नीं। कैणे री कांई वात, ईं व्यौवार पै मालक री बैर ने अमरोस आवणो ई हो। ठाकराणी रा मन में खुणस बैठ गी। नैणतारा ईसका सूं देखवा लागी, वीं ने दीखवा लागिओ इंद्राणी टच्चरां पै टच्चरां करती जाय री है।

पैली पोत तो या टच्चर दीखी के इंद्राणी गंगां गांठा सूं लड़ांझड़ां, बण ठण न रावळे आई। कांई जरूरत ही सा, पण धन रो छक बतावणो।

दूजी वात। इंद्राणी ने आप रा रूप रो घमंड घणो, ठसको घणो। है सा, रूपाळी है सा, पण काम काजी मिनख, चाकरी रा चाकरां रे अतरौ रूप व्हेणो भळी वात नीं, अर चावना ईं नीं। वीं रो यो कैवणो तो सांचो हो। रूपाळी तो वा एड़ी ही के लाखां में जोयोड़ी नीं लाधे। पण रूप रो घमंड अर ठसको

दीखतो जो नैणतारा रा नेणां रो दूसण हो । रूप तो भगवान रो दियोडो व्हे । किरा ई हाथ में लेवणो देवणो नीं । पण जिने दोस काढणा व्हे मन में आवे ज्यूं काढे । तीजो दोस काढियो इंद्राणी रो तो घमंड सूं ई मायो नीचो नीं व्हे । हकीगत या ही के इंद्राणी रा सुभाव में ठावापणो हो । जारे लारे घणी ज ओळखांण व्हे जाती वां री वृता तो न्यारी पण दूजां रे लारे रळणी मिलणी नीं आवतो । मान न मान म्हूं थारो मेमान वाळी परकरती वीं में नीं ही । आगे व्हे न दूजां रा काम में नवरो न्यावटो नीं करती । खरा न खोटा दूसण हेर हेर ठकराणी ताती पडती गी । मौसा मार मार, घडी घडी री, मैनेजर साब रा जनाना, दीवाण साब रा भंवर बाई, कैय सुंणावणां सुंणावा लागी । एक चंट मूंडे लागियोडी डावडी ने सणकार दीधी जो इंद्राणी री देही रे हाथ अडाय अडाय साधण ज्यूं घुळ घुळ वृतां करवा लागी । गणां ने हाथ में ऊंचा नीचा कर देखवा भाळवा लागी । गळा रा कांठला री, बाजू री जोडी रा वखांण कर पूछवा लागी 'क्यूं बाई जी, यां पे सोना रो झोळ चढियोडो है काई ?'

इंद्राणी घणां ठिमरास सूं बोली, 'नीं तो, पीतळ रा है ।'

ठुकराणीजी इंद्राणी ने हेलो मार न बोली 'यां वठे एकला क्यूं ऊभा हो ? यां पातळां ने हाट खोला वाळां री पालकी में दे आवो नीं ।' घर री डावडी भडे ऊभी काम भळायो इंद्राणी ने ।

इंद्राणी गैरी गैरी भोपणियांवाळी पलकां ने उठाय मोटा मन सूं एक पल सारूं नैणतारा ने देखी, दूजे ई पल सीरणी री वाजां उठाय नीचे देवा ने उतरणी ।

जारे वास्ते पातळां ले न गी वां इंद्राणी ने वाजां उठाय आवती देखी तो विचळायगी । बोली, 'अरे आप फोडा क्यूं देख रिया हो, दे देवो नीं वीं छोरी ने ।'

इंद्राणी बोली, 'फोडा किया रा है ।'

'तो लावो, म्हाने ई देय दो ।' हाथ मांडियो लेवा ने ।

'नीं, नीं, म्हूं ई लियां चाल री हूं ।' कंवली थकी घणा अपणायत सूं जाय पालकी में पातळां मेल आई । जाणे अन्नपुरणा राजी व्हे आपरा भगत ने थाळ भेलाय री व्हे । यां दो छिणां रा संजोग में ई हटखोला री वीं सेठाणी रो मन तलफवा लाग्यो के ई मिठवोली इंद्राणी ने म्हारी भायली बणाय लूं ।

लुगायां वाळा ओटा टोटा, बोलणा, मरम रा वांण जतरा नैणतारा मारिया इंद्राणी सगळा झेल लीचा । वीं री देही में एक ई घसियो नीं । वीं रा सुभाव री गैराई अर तेजस्विता री ढाल रे अड़ अड़, दूट दूट न वे तीर कामठा नीचे पड गिया । ज्यूं इंद्राणी वृतां खमती जावे पाछी वोले नीं ज्यूं नैणतारा री रीस



और ई भभके । इंद्राणी सँग समझ री, मौको देख, सगळां री आंख टोळाय, रामराम कीघां बिना ई घरे आयगी । अस्ती टळकी के किने ई खबर नों पड़ी ।

[ २ ]

जो चुपचाप, छानामाना बरदास्त कर जावे, वारे मांयली मार घणी ऊंडी बैठ जावो करे । इंद्राणी आज रा अपमान ने गिट तो गी, पण मांयने ई मांयने काळजा पै करोत चाल री ही ।

इंद्राणी रे विनोदबिहारी के सगपण री बात चाली ही ज्यूं इंद्राणी रा भूवा रा वेटा भाई बामाचरण सागे नैणतारा रा सगपण री चरचा ई चाली ही । वो ई बामाचरण विनोदबिहारी रे अठे मामूली अंलकार रो काम कर रियो । इंद्राणी ने ओजूं खूब आछी तरै याद है नैणतारा रो बाप छोटीसीक नैणतारा ने ले वों रे घरे आयो हो । बामाचरण रे सागे सगपण कराय देवा ने दीवाण गौरीसंकरजी री घणी गरजां कीची । नान्हीक नैणतारा री औस्था सूं ऊंची वातां सुण उण रे आगे लजाळु थोड़बोली इंद्राणी आप ने कमजोर, अजाण मानवा लागी । गौरीसंकर वीं टावरी रो अचपळापणो देख घणां राजी व्हिया । पण लड़की रो खानदान उगणीस बीस व्हेवा सूं ई सगपण ने ठीक नों समझियो । पछे वां ई ज आगे व्हे न कोसिस कर न खानदान में पातळा, विनोदबिहारी रे साथे नैणतारा रो सगपण कराय दीयो ।

यां सँग वातां ने चींतार इंद्राणी रो जीव सोरो नीं व्हियो साम्हो आज जो मांजनो पड़ायो वो और इक्क सालवा लागो । वीं ने महाभारत री कथा सुकराचार-जजी री बेटी देवयानी अर शर्मिष्ठा री याद आई । आप रा मालिक री बेटी शर्मिष्ठा रो घमंड गाळ न देवयानी वीं ने आप री दासी बणाई ज्यूं वा ई नैणतारा ने करे तो बदलो लेवणी आवे । एक जमानो हो जदी मुकंदबाबू रे अठे गौरीसंकरजी रो ई वो पद हो जो दैत्यां रे अठे गुरू सुकराचारजजी रो हो । वीं गत गौरीसंकरजी चावता ज्यूं कान पकड़ न उठाता बैठाता । चावता तो गौरीसंकरजी वांकागढ़ री जमीन आप रे घरे मोल ले लेता । पण वां मालकां री भली चाही, वां ने ऊंचा उठाय आकास तक पूगाय दीघा । वां री पताळ तक जड़ां दीवाणजी रा परताप सूं पूगी है । जदी ज तो आज वां ने याद कुण करे । अबै जस क्यूं मानवा लागो । इंद्राणी सोचवा लागी, 'म्हारा दादा वांकागढ़ रो ठिकपणो मोल लेणो चावता तो डावल्या हाथ रो काम हो । वां में अतरो जोर हो । पण आप नीं मोलाय आपरा घणी जाण यां ने देवायो । देखी जावे तो या तो म्हारा दादा री बगसीस है । आज वां रा वेटा ने जस जाणणो तो कठे रियो

साम्हां टचकां मारं । आज म्हंरा दादा रा दीधा लगा धन रा जोम में फाट रिया है, म्हंरा ई मांजना लेय रिया है ।' इंद्राणी सोचती जावे ज्यूं चित्तडो दुखी व्हेतो जावे ।

घरे आय इंद्राणी देखियो भरतार आरामकुरसी माथे पडिया अखबार बांच रिया है । वे रावळे ई तूंतता में जाय आया हा, कचंडी रो काम काज ई निब्रटाय न वैठिया हा ।

घणां जणां रो यो कैवणो है के लोग लुगाई रो सुभाव घणोंकर एक सरीखो व्हेवो करे । भाग सूं कठै कठई लोग लुगाई रीं आदतां एक सरी सी देख वे समझ लेवे के कदाच सेंग ठोड़ यूं ई व्हेतो व्हेलो । खैर चावे जो व्हे, अंबिकाचरण अर इंद्राणी री एक दो आदतां जरूर मेळ खावे ।

अंबिकाचरण मिजलसियो मिनख तो है नीं । वारे जावे तो कामसर । आपणो काम पूरो कर, दूजां नखूं काम पूरो कराय घर में बळे तो यूं लागे के बारला हमला सूं रत्ना करावाने गढ़ में आय वळियो । वारे व्हे तो वे अर वांरो काम । घर में आवे जदी वे अर वां री इंद्राणी । बस या ही वां री दुनियां, राजी हा आप री ई दुनियां सूं । गैणां में लडालूंब इंद्राणी ओवरा में गी । वळतां ई अंबिकाचरण हंसी में काई कैवणो चावता पर इंद्राणी रो फीको मूंडो देखियो तो होठां पर ली वृत्त होठां पे रैगी । फिकर सूं पूछियो, 'थारे व्हे काई गियो ?'

इंद्राणी मुळकी, जांरो चिंता काई है ई नीं, 'व्हे काई ? अवार तो पान मारू सूं मिलाप व्हेयरियो हे ।' अंबिकाचरण आंगरो अखबार फँकतो बोलियो 'जो तो जांगू हूं पण ईं रे पैलां काई व्हेयो जो बतावो ।'

इंद्राणी गैणा खोलती बोली, 'वीं रे पैलां घणियाणी मोट मरजाद बगसी ।'  
'कसी मोट मरजाद ?'

इंद्राणी परणिया री कुरसी रा हात्था माथे वैठे गळा में बांहां घाल दीधी, बोली 'थां आव इज्जत दो जिंसू बिलकुल उलटी ।'

पळे सारी विगत मांड न सुणाई । पैलां तो मन में विचारयो के खांवद ने काई नीं कैऊं । पण आप री वृत्त नीं राखणी आई । आज काई पैलां ई कदी एड़ी परतिग्या उण सूं निभी नीं । बारळा रे आगे जतरी वा ठावी अर छानी रैवती वतरी सायब कनें आय खुल जावती । सेंग ऊपरळी मोट मरजादां, ने तोड़ वगाय देवती, मन री कोई छोळ ने दाब न राखणी नीं आवती ।

अंबिकाचरण ने सुण न घणी रीस आई, बोल्या, 'आज ई अस्तीफो दे हूं ।' उणी ज ताळ विनोदबाबू ने करडो कागद लिखवा ने बैठिया ।

इंद्राणी कुरसी रा हत्था सूं ऊठ न नीचे ढळियोड़ी जाजम पै परणिया स्यांम रा पगां कर्ने बैठगी, एक हाथ वीं री खोळां में मेल न बोली, 'एड़ी उतावळ कांई है, कागद रेण दो अवाल' । करणो व्हे जो काले करजो ।'

अंबिकाचरण तो ऊकळ रिया, 'नीं एक पळ ईं म्हां सूं अबे रैवणी नीं आवे, इंद्राणी आप रा दादा रा काळजा री कोर ही । दादा रा हिवड़ा रा हेत सूं पोखिजियोड़ी इंद्राणी सुभाव में दादा रै मारथे गी । घणीं आदतां वीं री आप रा दादा जेड़ी है । गौरीसंकरजी जतरि स्यामखोरी इंद्राणी में नीं ही पण वीं रा मन में या भावना जरूर ही के मालकां रे भलां साल' काम पड़े तो जीव ईं देय देणो चावे । वीं रो परणियोड़ो, भणियो. पढियो हो, चावता तो वे उकालत ईं कर लेता के कोई दूजो ओर चोखो घंघो कर लेता पण इंद्राणीं रा एड़ा खियाल देख वे चित्त मन सूं जो मिलतो जिमें राजी बाजी, ठिकाणा रो काम आवेर रिया हा । आज री मांजना पाड़ वात इंद्राणी रे साल री ही पण तो ईं वीं रो मन नीं मान रियो के वीं रो खांद ठिकाणा रो काम छोड़ अळगो व्हे जावे ।

इंद्राणी जुगती सूं, अपणायत सूं बोली, 'विनोदबाबू रो ईं में कांई कसूर वां ने तो कांई खबर ईं नीं । लुगाई री वात पै अतरा उतावळा वयूं व्हे' ।

अंबिका हंसवा लाग गिया, वां ने आपरी अकल पै ईं हंसी आयगी बोलिया, 'वात तो ठीक कैवो । घणी व्हे न घोरी व्हे, आज पछै थां वां रे घरे कदी पग मत दीजो ।'

वायरो आयो न वादळा ने उडाय ने लेगियो । वीं दिन तो अतरीक वात व्ही । घर में सीळसांति व्हेगी । परणिया रो आघ आदर देख इंद्राणी बारळी कड़वी वातां ने भूलगी ।

ठाकरसा तो अंबिकाचरण ने काम काज सूंप नचीता । नचीता ईं ज नी परायो मूंडो चोघे । आंख ऊंची कर काम नीं देखे । कोई कोई आदमी आपरी परणी रो जाबक ईं धियान नीं राखे, बिलकुल बेपरवा व्हे जावे के वा कांई करे न कांई खावे पीवे । वसीज लापरवाई विनोदबाबू आपरा ठिकाणा साम्ही बरत रिया । जमीं, जागीर री आमदनी तो बंधियोड़ी आमदनी व्हे । विनोद ने वा आमदनी घणी थोड़ी लागती । विनोद रो जीव तो करतो के कोई एड़ो गैलो लाघ जावे जो कुबरे रा खजीना में जावतो व्हे । वो मझ्झ रात में छाने छाने जाय मन में आवे जतरो धन पोटां बांध न ले आवे । धन कमावा री वो सोचतो ईं नीं छाने छाने कोसिसां ईं करतो । अणूंत अणूंत रोजगार करवाने छाने सल्ला लेवतो, पछे ठगां रा जाळ में फंस जावतो । कदी तो सोचतो के आखा हिंदवाण रा बंवळिया रा गोडां रो ठेको ले लूं, बंवळिया कटाय गाड़ा रा पैडा बणावा रो कारखानो

खोलदूँ । कदी छाने छाने वीपारिया सूँ मिलतो, आखा सुंदरवन रा भंमरमाळ रो सेंट भेळो कर आखा मुलक में विणज कळूँ । कदै ई आयूँगा इलाका र जंगळा रो ठेको नेवाने मिनख भेजतो के हरडे, वेडा, आवळा रो वीपार आपणो करलां । विनोद मन में जाणतो के म्हारा यां वीपारां री वृतां कोई सुणेला तो दांत काढैला । वो एडा कवाडा मांयने मांयने लुक न करतो, चौडे कदैई नीं करतो । चोज एडो राखतो जाणो कोई जांण जावेला तो चिण्यो चिणायो नो खंडियो म्हेल देह पड़ेला । अंबिकाचरण सूँ तो ओर वत्तो संकतो । वीं ने कठे ई या ठा नीं पड जावे के पैसो खराब कररिया है, ई वृता रो संको रैवतो । अंबिका रे साग एडो बरताव करतो जांणे घर रो घणी अंबिका है, वो जांणे ठिकाणां रो तनखा दार है जो आप रे सालाना गुजारो ले ।

बहू बनोळा रे दूजा दिन सूँ ई नेणतारा आप रे परणियोडा रा कान में फूंक मारवा लागगी, 'थां तो लेखो जोखो पूछो नीं, जो कामदार सांब लाय हथेळी में मेल दे जिने माय चढाय लो । वे घर खाय रिया है । वां री लुगाई जेडा गैणां पैर न आई वेडा गैणा थारे घर में आय न म्हें तो आख सूँ ई देखिया नीं । ये गैणा आवे कठा सूँ है ? आवे तो आपणा घर सूँ ई है । कामदारणीजी रो मिजाज र ठसको म्हूँ तो देखती रंगी ।' घणी वृतां जोड जोड ठकराणीजी ठकरां रे कानां पसाव कीधी । इंद्राणी रावळे आय न चाकर छोरियां ने कांई कांई बोलणा सुणायगो जिनो एडो सबळो वरणन कीघो के ठाकर सा चक्कर में पड गिया ।

विनोद भोळो आदमी, दुबधा में पड गियो । उण री वांग ही एक कानी तो दूजां रो भरोसो करतो नीं, दूजी कानी कानां रो काचो । कोई उण रा कान भर देतो जो मान लेतो । उण रे मन में जमगी के मैनेजर पैसो खावे । अमूजणी वीं ने वत्ती यूँ आई के काम तो उण सूँ व्हे नीं, मैनेजरजी ने पैसो खावतां पकड़े कस्यां । गैलो नीं लावे पकड़वा रो । ऊपर सूँ रोवणो यो के मैनेजर सूँ साफ साफ वृता करवा री वीं में तागत नीं ।

अंबिकाचरण रो सारोवारी देख दूजा मना में बळता । वामाचरण जो दीवानजी रे लागती में भाणजो लागतो, अर दीवाणजी री मेहर सूँ ई आज ईं जोगो वणियो । मन में वो दूजां सूँ सवायो ईसको राखतो । वो मन में आप ने अंबिका रो बरोवरियो समझतो । हां तो एक जात रा, बराबरिया, दो टका व्हेवा सूँ ई कोई मोटो थोडो ई व्हे जावे । उण रा मन में वैम बैठियोडो के लागती रो व्हेवा रे कारण अंबिका जाण कर वीं री तरक्की नीं व्हेवा दे । वामाचरण रा विचार है के गाम कोटवाळी सीखावे । हाथ में काम री लाठी पकड़ाय दो मणो आप काम चलावा जोगो व्हे जावे । खासकर मैनेजरी रो काम तो वीं री

राय में ना कुछ है। उए रो कंबणो है के जूना जमाना में रय पै बजा फरकती बा बजा आज रा जमाना री मनेजरी है। रय ने घोड़ा खैचे, कचैड़ी रो काम कामती करे, बजा अर ननेजरजी देखदा र है, सोभा र है।

ई नूं पैला विनोद कदी काम काज री कोई बात नीं पूछतो, हां आप रे खानगी बेभार साहं अन्नाएचक रकम चावती तो खजांची ने एकमाइले ले पूछतो, 'रोकड़ में रकम कतरीक ई?' खजांची रकम बतावतो जदी वो अठाने वठीने झांक न रिपिया मांगतो जाणे ये पराया र व्हे। खजांची दसगत कराय रिपिया निजर कर देतो। नराई दिनां ताई विनोद रे मूंढा पै लाज चदी रैवती।

विनोद री ईं आदत सूं अंठिका रे आगै अबखायां पड़ जावती। हिस्सा रा रिपिया जर्मादार ने दीवां पछे रोकड़ में कै तो मालगुजारी री अमानती रकम रैवती के तनखादारां ने चूकावा री, कै खरखा खाता री रकम रैवती। वे रिपिया जदी दूजा खाता में खरख व्हे जाता तो इंतजाम में अबखाई पड़ती। विनोद रिपिया ने, चोर री नाई छिपियो छिपियो फिरतो। पूछवा रो मौको ई ज नीं देवतो। कागद रो पाछो जुवाव नीं निखतो। वीं आदमी री आंख में लाज ही और कठै ई नी ही ई वास्त उए नूं, आंख मिलावणी नीं आवती।

धीरे धीरे विनोद रा ये चाळा बयवा लागिया तो अंठिकाचरण ने रीस आयगी। तिजोरी री हूंची आप रे कने लेय लीधी। विनोद रा मनमते रिपिया देना रक गिया। अतरो कमजोर मन रो आदमी हो विनोद के घरबणी व्हेता यकां ई हुकम देय मंगवाणी नीं आया। अंठिका रो यो एहतियात ई अहळो गियो। लिछमी जिए नूं देराजी व्हे जावे तो तिजोरी री हूंची वीं ने जावती ने थोड़ी ढावे। नतीजो ऊंचो ई व्हियो। नतीजा री तो पड़ जाय नांगे पड़ेजा, अदाहं जो बात चाल री है जि में क्यं भांगो पाड़ां।

अंठिका रा करड़ा कायदा नूं विनोद मन में करड़ो व्हेयरियो हो। नैगतारा रा भाटा निडावण नूं वीं रा मन में बंम उठियो। राजी व्हियो वो ईं बंम सूं। छाने छाने गुपचुप छोटा छोटा अलकारां ने बुलाय, अंठिकाचरण री पोलां हेरवा लागो। दामाचरण खास खवरतवीस वण गियो।

मुकंदलालजी रा जमाना में दीवाण गौरीसंकरजी, आड़ा पाड़ा रा छोटा मोटा जर्मादारां री जमीन जोरांमड्डी दवाय देता। नूं नरी जमीन वां पगां नीचे दाट लीधी। पण अंठिकाचरण ऐड़ा कामा रे नेड़ो नीं जावतो। व्हेतो कतरे मुकदमो ई नीं लड़तो, आपस में समजवा सनन्दावा री कोसिस करतो।

दामाचरण ठाकरां रे मगज में बैठई, 'अंठिकाचरण आगला कना नूं सूंक खाय बगियां री हांग करे।' दामाचरण रो जीव ई कंबतो के जिरा हाय

में काम री लाठी व्हे वो पैडसो खावा त्रिनां रैवे ई नीं ।

ज्यूं ज्यूं कानां में भरती व्हेती गी विनोदविहारी रा मन रो वंम ई बघतो गियो । पण चौड़े धाड़े कैवा री वीं री छाती नीं पड़ती । एक तो वीं री आंख में लाज ही, दूजो वो डरपतो के अंबिकाचरण आंट खाय पांगी रे पड़नाळे नीं बैवाय दे कठै ई ।

नैणतारा परणियां रा मोल्यापणां सूं काई व्हेय एक दिन, विनोद रे पूठ पाछे, अंबिका ने बुलाय पड़दा री आड़ मांय तूं कैय दीधो 'अबै थारी चावना नीं । वामाचरण ने काम सूंप दो ।'

अंबिका पैलां ई भांप गियो हो के ठाकर सा री सभा में आपणे खिलाफ पड़पंच चाल रियो है । नैणतारा रा हुकम पै वीं ने अचंभो नीं आयो । वां ई जणां विनोद कर्ने जाय न पूछ्यो, 'आप म्हनें सीख बगस रिया हो ?'

विनोद विचळाय न बोलियो, 'नीं तो ।'

अंबिका फेर पूछ्यो, 'म्हारा पै वंम करवा री कोई वजै है ?' विनोद लजाय गियो, 'नीं, तो काई नी ।'

अंबिकाचरण नैणतारा रो जिकरो ई नीं कीधो, कचैड़ी में आय काम पै बैठ गियो । घरे गियो तो इंद्राणी ने वीं वात रे वारे में अलिफ सूं बे नीं कियो ।

थोड़ाक दिन निकळया न अंबिका ने इन्फलुंजा व्हे गियो । मांदगी एड़ी कोई खास तो नीं ही पर नबळा ई सूं कचैड़ी नीं जावणी आयो । सरकार में मालगुजारी भरवारा दिन हा, दूजा ई सांवठा काम भेळा व्हेय रिया । निवळाई व्हेतां थकाई अंबिका माचो छोड़ कचैड़ी गियो । कोई नीं जाणतो हो के अचाणक रा मैनैजरजी आय जाय । सैग जणां कैवा लागिया 'नबळाई है, घरे पधार जावो । नबळाई है, पाछा पधार जावो ।'

पण अंबिकाचरण काम पै बैठ गियो । वीं ने मेज पै बैठ्यां देख अलकार, गुमास्ता घबराय गिया । जाणे काम में एकचित्त व्हेय रिया व्हे ज्यूं जम जम न बैठ गिया । मेज रो खंड खोले तो मांय ने एक कागद नीं । अंबिका रा मूंडा सूं निकळ गियो, 'थो काई ?'

सगळा ई जणां यूं नाळिया जाणे गैब रो गोळो आय पड़ियो, फाटी आंखियां वाको फाडियां देख रिया ।

वामाचरण ऊठ न बोलियो, 'क्यूं मांढाणी अणजांग बण रिया हो । सगळां रे मूंडागे तो पिडा सूं कागद ले पधारिया है ।'

अंबिका रा मूंडा रो रंग उतर गियो, 'क्यूं'

बापिया में कलम चलावतो वामाचरण बोलियो, 'जो तो म्हां कांडे जाणां सा ।'

वामाचरण री मिसलत मूं पड़कूंकी बगाय, खंड खोल विनोद कागज काट लीवा । जाणियो मौको चोखो है अंविका माचा पै पड़ियो है जतरे यां कागजां री तसल्ली मूं जांच करयां । स्त्राणो वामाचरण ई वात रो चोख नीं राखियो । वीं री या चाल ही के घूं आपणां लौहीन समज अंविका अस्तीफो देय देवेला ।

अंविकाचरण खंड रे ताळो जड़, रीस मूं वृजतो विनोद कर्ने गियो । विनोद नांयने मूं केवाय दीशे के 'म्हांरो तो मायो फाट रियो है ।' अंविका मुको धरे गियो, जाय माचा पै पड़ गियो । इंद्राणी भागी आई, आवती जाणो काळजा मूं परणिया ने हांक लीवा । तसल्ली मूं बणी जो वात विगतदार सुणी । घूं तो वा ठिमरास बाळी ही पण आज तड़फ नीं । छाती हटूका खावा लागो, काळा वाजळां जेड़ा काळा काळा नैणां में बीजळी कड़की । एडा मागस री या वेकदरी, स्यामखोरी रो यो सरोपात्र ।

इंद्राणी रो मसकतो रोस देह अंविका ने लागियो जाणो सगती सयप देवा ने उठी है । इंद्राणी रो हाय पकड़ सीळो छंटो देवतो बोलियो 'विनोद टावर ई ज तो है । संख है, फूंक भर वेरे जूं बोल जावै ।'

इंद्राणी परणिया स्याम रा गळा में दोई बाहूयां धाल, छाती रे लगाय लीयो । बणी देर घूं ई वैंती री । आंखियां मूं तुंडगिया निकळणा ठमिया न धर धर आंभु झरवा लागे । इंद्राणी रो जीव कैय रिया, दुनियां रा जोर जुन्न, मांण अनमांण मूं दूरो खैव म्हांरा हिवड़ा रा जिवड़ा, ने काळजो चीर मांय ने बाप आडो जड़ हूं ।

दोई जगां निरुचै कीचो आज री आज नौकरी छोड़ देगी । जद धर बणी ने ई आंजां पै वैम है जीव नीं बापे तो नौकरी करणां बरया । आपणा हाय मूं ई छोड़ वां जो चोखो वे काहेगा जद मांजतो गनाय धरे जाडां जि में कांई लाभ । या निरुचै करवा मूं अंविका रो मन तो हळको पड़ गियो पण इंद्राणी नांयने ई नांय ने मुलगती री ।

अतराक में चाकर आय इत्तहा दीवी, 'खजांची जी आया है अंविका जाणियो, आंज री लाज री बजै मूं विनोद रा मूंडा मूं तो 'नां निकळे नीं जो खजांची ने भेज धरे टैठवा री कैवाई है । कागद पै अस्तीफो मांड न धारे पोळ में । जाय खजांची रे हाय में कागद झेलायो ।

खजांची बचरायोडो हो । कागद साडं कांई नीं पृछयो । वीं रा मूंडा मूं तो या ई निकळी सत्यानास व्हेगियो, मैनेजर साव सत्यानास व्हेगियो ।

‘काँटि च्छियो ?’

जवाब में मांभलियो उगुगे कस घो है । अंबिकाचरण तिजोगी की कूंची आपरे कमें वेय नीधी, स्वजाना सूं रोकड़ हाथे नीं आता जदी ठाकरसा तो छनि छनि मांय करणो मांभियो । वे भांत भांत रा वेपारां में ठगावना गिया, टोटा पे टोटो खावना गिया । ठाकर जिद् चढ़ना गिया, च्हेता र अगच्हेना गैना पकड़िया कमाई कर टोटो पूरो करवा रा । च्हेतां च्हेतां माथा पे केम है जतरो लेहणो च्हेगियो । जठी ने हाथ घानि वठी ने हाथे भाटो आवे, अंबिकाचरण मात्रा में हो पाछावूं स्वजाना में हों जतरो रीग पैडसो उठावने ले गिया । बांकागढ़ रा परगणा ने एक जमींदार रे अठे गैगे मंदाय दीधो हो । वीं जमींदार अतरा दिनां तो पैडसो मांगियो नीं, व्याज बधावतो रियो, व्याज बधावतो रियो । व्याज खूब बधगियो तो देवियो, ‘हाँ अवे आयो पकड़ में । अवे वो टिगरी लाय रियो है । सत्यानास च्हेगियो की काणी या है ।’

सुगु न अंबिकाचरण थोड़ी ताळ तो गरक च्हेगिया । पछे बोलिया ‘आज तो म्हारी गगज काम नीं दे । काले वात करां ।’

गजांधी जावा लागियो तो अस्तीफा वालो कागज पाछो लेय लीधो ।

मांयने जाय अंबिकाचरण मांडन सारी वारता इंद्राणी ने सुणाय न बोलिया, ‘पड़ी आफत में विनोद ने छोड़, अस्तीफो कस्यां देवां ?’

इंद्राणी घणी ताळ पखाण री पूतळी ज्यूं वेठी री, मांयने भांत भांत रा विपार आयड़ रिया हा । छेवट मन ने मार ऊंडो नीसकारो न्हाकती बोली, ‘नीं, जी पड़ी आफत में करयां छोड़ां ?’

अवे ‘रिपियो, रिपियो’ रिपिया री पुकार च्हेवा लागी । पर रिपियो कठे ? अंबिकाचरण विनोद ने दवायो के रिपियो काढो घर मांयनां सूं । विनोद तो आप रा छाना रा वेपार वेई घणो दांण नैणतारा सूं पैईसो मांगतो हो पण नीं कधी नीं दीगो । अवेकाले विनोद नैणतारा रे हाथा जोड़ी कीधी, पगां पड़ियो, गरजां कीधी, गंगां मांगिया, पाछा पैईसा चुकाय देवां री सोगनां खावी पण नैणतारा तो सोटो गींगलियो नीं काढयो । वीं सोचियो ‘हो जो तो गमाय न नेठिया छे । गने है यो देय दीधो तो बस रामजी रा नाम, बैठिया रेवां ।’ मुट्टी रो माल गाढो कर न ऊंडो भेल दीधो । कठी ने सूं ई पैईसो हाथे नीं आयो । इंद्राणी रा मन में एक वात आई, एक अजब आखंड सूं वीं रो हिवड़ो हुळस गियो नैणतारा सूं बदलो लेण री औसर अवे आयो । धीरे करो अंबिका री हाथ पकड़ न दवायो ‘रेण दो, थां री पूग ही जतरा थां घणां ई दीइणा दोइना । छोडो भाग भरोसे, च्हेणो च्हेला जो च्हेला ।’



## बदलो •

अंबिका मन में मुळकियो, सती रा काळजा में हाल ताई लाय लग री है बुभी नीं । ई विपदा में विनोद तो टावर री नाई अंबिका रो मूंडो चोषतो, अंबिका ने दया आर्यगी । मन कैरियो, ई आपदकाळ में तो छोडणो ठीक नीं और दूजी कोई पूगणां नीं पूगी तो जमीं जायदाद गैरो मेलूं । इंद्राणी सौगन देवाय दीधो, म्हारो गळो काटन लोही पीवो जो जमीं जायदाद रे आंगळी अड़ाई तो ।’


अंबिका रो दो गालियां बीचे माथो फंस गियो । सोचतो रियो ज्यूं इंद्राणी ने समभावे ज्यूं वा बोलता ने रोके । छेवट में थाक न वैठ गियो ।

थोड़ी ताळ वंठी रे, इंद्राणी उठी । तिजोरी खोल आपरो सैंग गैरो गांठो काढियो । थाळ में ढिगलो कर न हाथा में अंचायो थाळ बोझा सूं लचका कर रियो । थाळ ने लाय मुळकती थकी स्याम रा पगां में मेल दीधो ।

दादा एकाएक आपरी लाडली पोती ने जामी जिं दिन सूं ले फेरा खाधा जतरे बरसो बरस घणामोला गैणा देवता रिया । वारे फोट व्हियां पछे इंद्राणी रो घर अवेरणियो कथ जो भेलो करतो ईं ला आलाद लुगाईं सारूं गैणो गड़ावतो गियो । सोना रा अर जड़ाव रा गैणा मूंडागे राख इंद्राणी बोली, ‘दादाजी आखी ऊंमर धणियां सारूं दौड़िया, वारा दियोड़ा गैणा पाझा धणियां रे पेट रे अरथ ईं लागै, दादाजी री आडी तूं ये गैणां म्हूं वां ने बगसीस करणो चावूं ।’ यूं कैय वीं माथो नुवाय । आंखिया मींच धियान कीधो । घोळा केसां वाळा, गौरा रंग रा चौड़ा ललाट वाळा, लांवां झांवां दादा री मूरती आय आंखियां आगे ऊंभी री, सान्त ऊंजळी हंसी सूं मूंडो दमदम कर रियो वा मूरती भड़े आय इंद्राणी रा नुवायोड़ा माथा पै हाथ मेल आसीस देय री ।

वांकागढ़ रा परगणा ने पाझो मोल लेय लीधो । परगणो घरे आयां पछे एक दिन आप री मोट मरजाद ने छोड़ नैणतारा रे घरे इंद्राणी जीमवा ने गी । इंद्राणी रा डील पै सोना रो एक तार नीं हो ।

जिं दिन पछे इंद्राणी रा मन में अपमाण रो अमरोस नीं रियो ।



## उद्धार

गौरी खावता पीवता घर में जनम लीधो हो, लाड़ कोड़ में मोटी व्ही । वीरां परणिया पारस रा घर में नातवानी कदरी पड़गी ही पण वीं आपरी हाथ रो कमाई सूं पाछो घर रो ढाबो ढीबो जमायो हो । आगे घर वाला रो हाथ संकड़ाई में देख न मां बापां गौरी ने सासरे नीं भेजी ही के टावर दुख पाय । ऊमर भीज्यां पछै गौरी सासरे आई ही ।

कदाच ईं ज वजै सूं पारस वीं रो हामकाम लोचणी परणी ने आप रा हाथ मांयली नीं मानतो । वम तो वीं री नस नस मांय ने भरचोड़ो हो ।

पारस पच्छम में एक छोटा सा क शहर में उकालत करतो । घर में कड़ूंवा में और कोई मिनख हो नीं, लुगाई ने घर में एकली देख, नित में भांत भांत रा वम ऊठता । काम छोड़ न वेळा कुवेळा अचाणचको घरे आय जावतो पैलां पैलां तो खांवद रो अचाणचक आवा रो अरथ वा नीं समझी । पछै कांई समझी जो वा ईं जांणै ।

घर में काम लाग्योड़ा नौकर ने वो बीचे बीचे अलायदो कर देवतो । जमियोड़ो नौकर तो वीं ने खटतो ईं नी । काम रा आराम री नजर सूं गौरी जिं नौकर ने राखवा सारू घगो कैवती वीं ने तो वेगो बींटो बंधावतो । गुमानण गौरी ने जतरी रीस आवती वीं रो खावंद वतरो ईं बिचळाय न एड़ा अंड बैड काम करतो के गांठा घुळती जावती ।

वीं सूं रैवणी नीं आवतो, काम करवा वाळी लुगाई ने एकमाड़ी लेय वातां

पूछतो तो गौरी ने ई खबर लाग जाती ।

मजेजण थोड़ बोली गौरी, अपमाग री मार खाय जखमायल न्हारड़ी री नांई मांयने ई मांयने ऊकळवा लागी । घणी लुगाई रे बीच, वैम खाई खोद दीघी । गौरी रे आगे मन रा वैम ने कैवतो पैलां पारस संकतो हो । अरवै वीं री ओलज जावती री । रोज पांवड़ा पांवड़ा पै वैम कर गौरी सूं लड़वा लागो । गौरी जतरी ई खमती जाती, वीं री वैमीली आंखियां रा तीखा तीरां ने वजर री छाती कर न झेलती जावती ज्यूं पारस रो वैम वधतो जावतो ।

यूं पति रो सुख तो मिल्यो नीं, कूख फाटी नीं ही । जो ईं भरी जुवानी में ई गौरी वीं रा मन ने घरम चरचा में लगाय दीघो । हरिभजन रा नुवां परचारक विरमचारी परमानन्दजी स्वामी ने बुलाय गौरी कंठी बंधाई । भगवान री कथा करावती । नारी हिड़दा रो सगळो अहळो नेह, भगती वण न गुरुजी रा चरणा में लौटवा लागो । परमानन्द रा साधुपणां में किने ई कोई वैम नीं हो । सैग जणा वारी सरावणा करता । पारस सूं मूंडो खोल न वां सारूं कोई वैम री वात कैवणी नीं आई । विना कहियां वीं रो मन अमूजाय रियो हो, वीं रो वैम अडीठ रा रोग री नांई, वीं रा ई ज अंतस ने बटका भर भर खाय रियो ।

एक दिन छनीसीक वात माये जेर वारै नीसर ई गियो । परणी रा मूंडा पै वो परमानन्द ने 'वाळखाळो, पाखंडी' कंय न मूंडो बोलतो बोलतो गौरी ने कियो के 'धू धारा साळगरामजी रे हाथ लगाय न कंय दे के वीं बुगला भगत ने धू पाप रीं निजर सूं देखे के नीं ।'

गौरी पूंछड़ी दवियोड़ी नांगण री नांई फुफकारो कीवो, 'हां देखूं, करणो व्हे जो करलो ।

पारस वीं ज वगत घर रे ताळो ठरकाय, परणी ने ताळा में भड़ कचड़ी परो गियो ।

रोस में भरियोड़ी गौरी कियाई आडो खोल घर वारै निकळगी ।

[ २ ]

परमानन्दजी आप रे एकांत ओवरी में बैठिया सास्तर वांच रिया हा । वठे और कोई नीं हो । गौरी तो विना वादळां री अणगाजी अर अणघोरी बीजळी ज्यूं आय पड़ी, विरमचारीजी रा सास्तर हाथ मायने रैगिया । गुरुजी पूछियो, 'यो कांई ?'

चेली बोली, 'गुरुजी, ईं अपमाण भरिया संसार सूं म्हांरो उद्धार करो । म्हें कठे ई ले चालो ।'

परमानंदजी, धाऊन धुकल सभभाय बुभाय गौरी ने पाछो घरे घाली । पण गुरूजी रो वीं दिन सास्तरां सूं धियान टूटियो जो पाछो नीं जुड़ियो ।

पारस घरे आयो तो आडो खुलियो पड़ियो । परणी ने पूछियो, 'कुण आयो अठे ?'

'आयो कोई नी । म्हूं गी गुरूजी रे अठे ।'

पारस रो मूंडो धोळो पड़ गियो, पण दूजे ई पल लाल बूंद व्हेन पूछियो, 'क्यूं गी ?'

'म्हारी मरजी ।'

वींज दिन घर पं बैठाय परणी ने ओवरी में झड़ पारस एड़ा रोळा कीघा के आखा सहर में भूंडाई व्हेवा लागी ।

यां, ओछी, सूगली वातां ने सुण परमानन्दजी रो हरिभजन ठकाणे लाग गियो । ईं सहर ने छोड़ न जावा री धार लीधी वां । पण बापडी गौरी ने इण दसा में छोड़ न वां रो पांवडो बारै नीं पड़ियो । विरमचारीजी दिनडा कियां काट्या जो वो अंतरजामी जाणै । छेवट में ईं अटक में ईं गौरी कने एक पाती आई, जि में लिखियो हो,

'वच्ची, म्हें खूब धियान लगायो यां दिनां । पैलां ईं घणी सतियां देवियां, क्रिस्त रा प्रेम में घर बार ने संसार ने त्यागिया हा । संसार रा माया मोह सूं थारो चित्त हट गियो व्हे, थारो चित्त हरि रा चरणां में लाग गियो व्हेतो म्हनें समीचार दीजे । भगवान री इच्छा व्ही तो वां चरणां री चाकर रो उद्धार कर प्रभु रा अभैकारी चरणारविदा में पूगावा री कोसिस करूंला । फागण सुद तेरस बुधवार रे दिन दुपैरी री दो वज्यां, थारी इच्छा व्हेतो तळाव रे किनारे मिलजे ।'

गौरी पत्तरी वाच केसां री आटी में लुकाय दीघो । तेरस रे दिन न्हाणे सूं पैलां माथो खोले तो कागद रो बड़बड़ो ईं नीं । वैम आयो, सोवती वेळा निकळ न विद्यावणां पै पड़ गियो व्हेला । परणियो वीं पत्तरी ने पड़ बळभळ न राख व्हेय गियो व्हेला ईं विचार सूं गौरी रो मन राजी व्हियो । पण लारे दुब ईं व्हियो के वा पत्तरी, वीं ओछा मिनख रे हाथ रे अड़ अपवित्तर व्हेगी ।

वा भागियोडी घरे गी ।

देखे तो परणियो धरती पै पड़ियो हाथ पण पछांट रियो । मूंडा में झाग आय रिया । आख्यां री कीक्यां ऊंची चढ़गी ।

परणिया रा जीमणां हाथ री भोंच्योडी मुठ्ठी मांयतू पत्तरी काढ़ गौरी डॉक्टर ने बुलायो ।

डॉक्टर आवतां ईं बोलियो, 'मिरगी ।'

रोगी रो प्राण पींजड़ा में नीं हो उणवेळा ।

वीं दिन पारस ने कोई जरूरी मुकदमा री पैरवी करवाने बारै जावणो हो ।

बिरमचारीजी रो भंवरो हाथे नीं हो । वां रो तो अतरो पतन व्हियो के वे ये समीचार सुण गौरी सूं मिलण ने आया । तुरंत री विधवा गौरी वारी मांयनूं क्षांकी तो देखे पछवाड़ा रा तळाव रे किनारे गुरुदेव चोर ज्यूं लुकिया ऊभा हा । गौरी रे माथे जांणो बीजळी पड़ी । वीं आख्यां नमाय लीघो, वीं रा गुरुजी कठा सूं ऊतर न कठै आय पड़्या । दूजे ई पल वां रा पतण री तसत्रीर गौरी री आंख्या आगे खंचगी ।

गुरुजी हेलो पाड़ियो 'गौरी ।'

गौरी बोली, 'आई गुरुदेव ।'

मरवा रा समीचार सुण पारस रा हेतु मुलाकाती घर में बड़्या तो देखे परणियां रे पसवाड़े गौरी पड़ी है ।

वीं जैर खाय लीघो हो । आज रा जमाना में सती व्हेती देख सती ने दुनियां मायो भुकाय दीघो ।



## उलट फेर

विपिन किसोर मोटा घर में जनमियो हो जो वीं ने खरचणी आवतो जतरो कमावणों नीं आवतो । जि घर में जनम लीघो हो वीं घर में वो घणां दिन टिक्यो नीं ।

विपिन फूटरो फर्री जवान हो । गावा बजावा में उस्ताज, काम काज में डफोळ । दुनिया दारी रा धंधा में नाजोगो, जीवणरी मुसाफरी में जगन्नाथ रा रथ री नाई अचळ खैंच्यां विना एक आंगळ आगै नीं सरके । जि अमीरायत में वो खट जावतो वा वात तो अवै री नीं । करम चोखो हो जो राजा चित्तरंजन रे अठै वीं रो डांव लाग गियो ।

राजाजी रा ठिकाणां सूं कोरट ऊठी ज ही । रिपियो पैइसो हाथे लाग्यो हो, नाटक री सौक लागी जो नाटक मंडळी रा फेर में फंसवा री कोसिसां कर रिया हा । विपिनकिसोर रा रूपाळा मूंडा पै, मीठा गळा पै रीझ वीं ने नौकरी देय दीधी ।

राजाजी वी० ए० ताई भणियोडो हा । वां में उछांछळा पणों नीं हो । बड़ा घर रा व्हेतां थका ई नैम में चालता । वगत पै सोवता, वगत पै खावता । पण विपिन तो वांने नसा री नाई पकड़ लीघा । वीं रो गांणो सुणवां में, वीं रा लिख्योडा गीतां ने, नाटकां ने वांचवा में, आळोचना करवा में, वां रो मन एडो रमतो के जीमण पड़ियो पड़ियो ठंडो व्हे जावतो, पाछळी पोहर व्हे जावती ।

दीवारणजी कैवा लागिया, 'मालक री लाख रिपियां री आदत है, दोस है तो यो एक विपिन पै मरजीपो ।

'राणी वसंत कुमारी लड़ पड़ती, 'कजांणा कठा सू' ई सगला मूंडा रा बांदरा ने पकड़ लाया हो, वी रें पूंछड़े डील रो ई धियान नीं राखो । ई रो काळो मूंडो व्हे तो जीव ने जक पड़े ।'

राजा आपरी मूंध मारुणी रा ई ईसका पै मनोमन राजी व्हेता, हँसता । सोचता, 'लुगाई रो सुभाव व्हे के जिने वा हेत करे वीं ने ई ज आपणो जांरो । लुगायां रा सास्तर में कठे ई नीं लिख्यो हैं के संसार में आदर जोगा और ई गुणीजन व्हेवो करे । बियाव रा मंतरा रे लारे यो मंतर ई वे सीख लेवे के, दुनिया रा सैग गुण वीं लुगाई मांयने ई ज है, सैग लाड़ कोड़ री हकदार वा ई ज है । परणियो खावा पीवा में अघ घड़ी मोड़ो कर देवे तो वींने नीं खटे । वा कदै ई नीं सोचे के आपा रा आसरा में पड़िया आसायत ने चाकरी सूं काढ देवेला तो वीं बापड़ा रो कई व्हेला । टुकड़ा टुकड़ा ने रोवतो फिरो ई रो सोच नीं करे ।

लुगायां रो यो विनां सोच्यां विचारयां पन्न लेवारो, सुभाव अगूंतो तो लागतो पण चित्तरंजन कई वत्ता चिड़ता नीं । वे तो विपिन रा सरावणां कर कर राणी ने चरडावो करता, चिरड़वा रो मजो लेवता ।

पण यो राजसी खेल विपिन ने फोड़ा घालतो । रावळा में बेराजीपो व्हेवा सूं पग पग पै खावा पीवा रा फोड़ा पड़ता । मोटा घरां में, पैतावा पड़ियोड़ा भला मिनखा रे लारे वरताव व्हेणो चावे जेड़ो व्हेवो नीं करे । राणीजी रो बेराजीपो देख न तो विपिन ने चाकर छोरी गनारता ई नीं ।

राणी एक चाकर ने धाकलियो, 'थने तो देखूं ई नीं, रैवे कठे है थूं ?'

पूसो बोलियो, म्हनें तो विपिनबावू री चाकरी में चौईस ई घड़ी रैवा रो रावळो हुकम है ।'

राणी बोली, 'अच्छा, विपिनबावू लाटसाव बणगिया है ।' दूजे दिन विपिनबावू री ऐंठी थाळी रे पूसे हाथ नीं अड़ायो, ऐंठी पड़ी री । विपिनबावू ने मांजणो तो आवतो नीं, पण ऐंठिया ठीकरा मांजवा लाग । कदी फाको करणो पड़ जावतो । पण विपिन राजाजी रे कानां ताई कोई व्रात नीं पूगाई । चाकर छोरां सूं लड़ न आगे सिकायत कर आपरो आप ने ओछो करणो है ।

यां व्रातां सूं म्हेला बारणो मिनखां में तो मान बधियो पण रावळा में वां रो अणादर धाप न व्हेतो ।

अठ नें रिहसल व्हे व्हेवायन सुभद्राहरण नाटक त्यार हो । म्हेलां रा चौक में नाटक मंडियो । राजाजी तो वणिया क्लिनजी । उरजण रो सांग लायो

विपिन । उरजणं रो जेड़ो गळो हो वेड़ो ई रंग रूप ई । देखणावाळा 'वा वा' कर रीया ।

रात ने राजा आय वसंतकुमारी ने पूछ्यो, 'नाटक केडोक लागो ।'

राणी बोली, 'उरजण रो सांग विपिन खूब कीयो । चेहरो मोहरो ई आछा घराणांवाळा जस्यो है । गळा रा पियास रो तो कैवणो ई कांई ।' राजा बोलियो, 'म्हांरो चेहरो मोहरो कीं है ई नीं । गळो ई खारो हे क्युं ?'

राणी बोली, 'आप री वार्ता दूजी है ।' पाछी विपिन रा एक्टिंग री चरचा करवा लाग गी ।

राजा ईं सूं वत्ता जोरदार लफजां में विपिन री सरावणा घणी दांण कीधी ही । पण आज राणी री जीभ सूं निकळयोड़ी थोड़ीसीक सरावणां ईं वां ने नीं खटी । वां ने लागियो के विपिन काम करे जिण सूं चौगणी सरावणां कम अकल रा आदमी करे । कां ईं तो वींरा चेहरा में पड़्यो है न कांई गळा में धरियो है ।

आज सूं थोड़ा दिनां पैलां वां री आप री वां कम अकलां में गणती ही पण आज एकादम वां री अकल कस्या बघनी, राम जांणे ।

दूजा दिन सूं ईं विपिन रे खाणा पोणा री साता व्हेगी । वसंतकुमारी राजा सूं बोली, 'विपिन ने बारै उतारा में, कचैडी रा औलकार गुमास्तां रे सांगे राखणो ठीक नीं । चाहे जो व्हे, भला घराणां रो छोरू हैं ।'

राजा वार्ता ने गटतां थका खाली 'हूं' ईं ज कहियो ।

राणी राजा ने वेटा रा दसौटण माथे एकदांण फेरू नाटक करावा ने कहियो । राजा वां री वार्ता सांभळी अणसांभळी कर दीधी ।

एक दिन धोवती दुपट्टो ठीकसर नीं धोवणी आया तो राजा पूसा ने धाकलियो न पूसो कहियो, 'कांई करू, पिरथीनाथ । राणी सा रो हुकम है चौईस घड़ी विपिन बावू री टैल चाकरी में लाग्यो रेवूं ।'

राजाजी ऐंठ गया । बोलिया, 'अच्छा, विपिन तो लाट सा'व व्हेय रियो है । आप रो काम ईं हाथ सूं नीं करणी आवे ।'

विपिन ने पुनमूर्षिका व्हेवणो पड़ियो ।

राणी तो राजा रे केड़े पड़गी, संभया रा बैठक घर रा पसवाड़ावाळा कमरा में पड़दो तणांय दो । गाणो व्हे जो म्हांई सुणां । विपिन रो गांणो आच्छो लागे ।

राजाजी दूजा दिन सूं ईं नैम सूं रेवा लागगिया, वगत पै सोवणो वगत पै खावणो, गाणो बजाणो बंद व्हेगियो ।



दुपैरा रा राजाजी ठिकारणा रो काम काज देखता । एक दिन वे थोड़ा वेगा रावळा में पूग गया । देखे, राणी आगे पढ़े री ही ।

राजा पूछ्यो 'काई पढ़े रिया हो ?'

राणी पैलां तो भेळी भेळी व्ही ! पढ़े बोली विपिनवावू रा गीतां री काँपी है । एक दो गीत सीखवा ने मंगाई ही । अचांगचक रो आप रो सौक तो खतम व्हेयगियो । अबै गाणा सुणवा रो तो आसर ई नीं मिले ।'

घणां दिना पैलां वीं सौक ने जडामूळ सूं खोद फैंकवा री कोसिसां राणी फीवी ही, वे वांने आज चींतां नीं आई ।

दूजे ई दिन विपिन ने घरे जावा री सीख व्हेगी । आसरे पड़िया आसायत री काले काई गत व्हेला ई वात पै वां थोड़ो ई विचार नों कीयो ।

सीख मिलवा रो विपिन ने अतरो दुख नीं व्हियो जतरो राजा रा बेराजीपा रो व्हियो । वीं रो तो राजा में जीव पढ़े गियो हो, तनखा नाम ई वो राजा री मरजी ने अमोलक जाणतो । राजा वीं रा काई कमूर पै बेराजी व्हे दूध रा मावखा री नाई काड न अळगो क्यूं बगायो । घणो ई सोच्यो पण काई समझ में नीं आयो ।

छेवट में एक गैरो निसासो भर, आपरा जूना तंबूरा पै खोळी चढाय, जठे कोई आपणो नीं, वीं लांदी चौड़ी दुनियां में भटका खावा ने निकळ गियो ।

जावती वेळा आप री पूंजी रा दो रिपिया पूसा ने इनाम में देवतो गियो ।



## त्याग

फ्रागण म्हीना री रात है । आंबा रा मीडां री गंध सूं भारी व्हियोडो वसंत रो पवन धीमो मधरो चाल रियो है । तळाव री पाळ परला पुखता लीची रा रूख रा गैरा गैरा पानड़ा मायतू 'पपैया' री पी पी आय री । आखी रात व्हेगी पपैया ने बोलता ने, वठी ने मुकर्जी रा घर में सुरोट री ओवरी में हेमंत ई जागरियो है । हेमंत कदी तो परणी रा माथा रो जूडो खोल न केसां ने आंगळी रे पळेट रियो है । कदी वो वीरी चुडियां ने कड़ा रे टकराय 'टण टण' बजाय रियो है । कदी जूड़ा रे पळेटी लगी फूलां री माळा ने उतार वीं रा मूंडा पै मेल देवे । संझ्या री वेळा छाना माना ऊभा थका फूलां रा पेड़ा ने सावचेत करवा ने वायरो एकदांण अठी तू' एक दांण वठी तू' धीमेक रा हिलाय देवे जो गत हेमंत रा मन री व्हेय री है ।

पण कुसुम चांद री चांदणी में डूब्योडा आभा आडी ने टुकर टुकर देख री ही । परण्या री अचपळाई वीं रे अड़ न टकर खाय ने जांणे पाछी भाग जावे । छेवट में हेमंत आगतो व्हेय न कुसुम रा दोई वांवटया ने पकड़ मचकाय न बोल्यो, 'कुसुम, हे कठे थू' ? थू' तो अतरी छेटी परी गी के दूरबीण लगाय न आंख्यां फाड़ न देखू' तो नींठा नीठ वूंद जतरीक निजर आवे । आज म्हांरा मन में घणी आय री है, थोड़ी म्हांरे नेडे तो माय जा । देख तो खरी कसीक रंगभीनी रातड़ी है ।'

कुसुम आभा कानी सूं आंख्यां फेर न हेमंत कानी चोषती लगी बोली, 'या रूपावरणी रात, या वसंत री रंगभीनी रात एक पलक में उड़ जावे । म्हूं एडो मंतर जाणूं ।'

हेमंत बोल्यो, 'जाणती व्हे तो वीं ने पढ़णो नीं। हां, जो एडो मंतर जाणती व्हे के जिं सूं एक अठवाड़ा में तीन चारेक दीतवार के तातीलां आय पडै, एडो मंतर जाणती व्हे के या रात काले संभया री पांच छ वज्यां ताई लांबी बघ जावे तो वो मंतर पढ़।' यूं कैवते थके वो कुसुम ने और ई सांगणी खँचवा लागो। पण कुसुम बाथ में बंधी नीं।

वा कैवा लागी, 'भरती वेळा म्हूं एक वात कैवणो चावती वा वात अबाळ' ई ज कैवा रो जीव कर रियो है। म्हें चवे जो डंड दीजो म्हूं राजी राजी खम लेवूं ला।'

डंड सारूं जँदेव रो कहचोडो एक स्लोक बोल हेमंत रस री वात करणो चावतो जतरेक वीं मचड मचड करती पगरखीं वाजती सुणी, जांरो कोई रीस में आय चाल रियो व्हे।

हेमंत रा बाप हरिहर मुकजीं रा पग वाज रिया हा, हेमंत भोळखिया। वो घबराय गियो।

हरिहरबाबू बारणा कने आय रीस में भरयोडा हेलो पाडियो, 'हेमंत, वीनणी ने अवार री अवार घर बारे काढ।'

हेमंत परणी साम्हो नाळियो, पण वीं ने तो तिल मात्तर ई अचरज नीं व्हियो। वा तो दोई हाथां सूं मूंडा ने छिपाय न कैय री घरती फाटे तो मांयने परी वळूं।'

दिखणाद रा वायरा लारे पपैया री मीठी मीठी 'पी' ओजू इ पैलां री नाई ओवरी में सुणीज री पण अबै किरा ई कानां में नीं वळी। दुनियां घणी रळियावणी है पण एक पलक में काई रो काई व्हे जावे।

[ २ ]

हेमंत बारणुं आय न परणी ने पूछचो, 'क्यूं, या वात साची है काई?'

'हां, सांची है।'

'तो पछे म्हें अतरा दिन क्यूं नीं कहियो?'

'कैवूं कैवूं करती री, पण म्हांरा सूं कैवणी नीं आयो। घोर पापण हूं म्हूं।'

'तो आज अबे सांच मांड न कै?'

कुसुम ठिमरास सूं, मजवूती सूं सारी विगत कैय सुणाई। सुणाती वेळा वा ठावस सूं पांवडा भरती धीमी धीमी चालती वासदी री भाळां मांयतूं व्हेय न निकळगी। वा कठा सूं कतरी बळ री है, किने ई ठा नीं पडी। सँग हकीगत सुण हेमंत उठो व्हे बारे निकळ गियो।

कुटुम जांगगी जो परायो स्याम लळ न वारे परो गियो अर्ब ई जमारा में पाछो मिलवा ने नीं । वीं ने अचरज ई नीं आयो । वीं ने प्रीत अर संसार, आद मूं लगाय अंत ताई कूड़ ई कूड़ दीखवा लागिया । हेमंत वीं ने प्रीत रो हेत री वार्ता केंवतो वां ने चींतार न वा फीकी, दुख री हांसी हंसी । वां हांसी, तीखी कटार री नाई काळजो चीरती आर पार निकळगी । जीं प्रीतड़ी पै वा अनरो गरब न गुमान करती, जिमें अतरो हेत, लाइकोड़ भरियो हो, एक पल रो विजोग ई काळ ज्यूं लागतो । वीं प्रीतड़ी ने अयाग अणंत जाणती वा, ई लोक में ई नीं परलोक में ई छूटवावाळी नीं जांगती । वा ई प्रीतड़ी रा या निकळी । वस ई ज नींव माये ऊनी ही वा । जात विरादरी एक छल्योक घको दीघो न वा डस न जाय पड़ी वेळू रेत में । अवाहं अवाहं पलक छिन पैलां हेताळु हेमंत गळगळो व्हे, कैय रियो हो, 'कसीक रळियावणी रातड़ी है ।' वा रळियावणी रातड़ी तो ओजू खतम कोनी व्ही है, ओजू वो ई पर्ययो बोल रियो है, वोई ज दिखणाद रो वायरो डोल्या री मच्छरदानी ने हलाय रियो है । वा ई ज चांदणी केळ मूं धाक्योड़ी पदमण री नाई, डोल्या रे पसवाड़े पड़ी है । तो यो सँग कूड़ है ? सँग झूठ है ? सँग माया है ? अर प्रीत ? प्रीत रग मूं भी वत्ती कूड़ है झूठ है ।

[ ३ ]

पौ नीं फाटी जि पैला हेमंत प्यारीसंकर घोपाल री पोळ वारे ऊमो । आखी रात आंन नीं रूपकी जो हेमंत गेला ज्यूं व्हेयरियो हो ।

प्यारीसंकर पूछयो, 'कौ नाई हेम, कांई हाल चाल ?'

वासदी री झाला में वैठियो व्हे ज्यूं लागरियो हेमंत ने । धूजता गळा मूं वोल्यो, 'थै म्हणें जात अस्त कीवो, म्हांरो सत्यानास कीवो ई रो डंड भोगणो पड़ी थानै ।' कैवतां कैवतां हेमंत रो गळो रक्त गियो आगे बोल न निकळयो ।

प्यारीसंकर मुळकतो घको मोसा में वोल्यो, 'थां म्हारी जात री रिजा कीची ही, न्हांरी विरादरी ने वचाई है । म्हांरा मोरां पै थारो हमेसां नडो रियो है । घगो नुख दीघो म्हांने थां । थां लोगां री घणी घणी मेहरां करयोड़ी है म्हांरां पै । है नीं ?'

हेमंत रे असी रीस री झाळ उठी के प्यारीसंकर ने भसम कर डूं परा वीं झाळ मूं वो आप भसम व्हेवा लागो । प्यारीसंकर तो सोरो सांतरो वैठयो देख रियो ।

हेमंत रक्तयोड़ा गळा मूं पूछयो, 'म्हें थारो कांई विगाड़ कीघो हो ? प्यारीसंकर वोल्यो, 'म्हणें थां या कैवो, म्हांरी एकाएक वेदी थारा बाप रो कांई

परण भांका तांका व्हे । कॉलेज में भणवा री वेळा थां गैर हाजरी कराय, दुपेरा में नाळ रा छाजा री छायां में चानणी रा खूणा में वैठ पोथी रा पाना पळटवो करता । एकमाडे धियान लगाय न भणवा में थारो मन घणो लागवा लागगियो हो । विप्रदास जी म्हारा कने सल्लासूत करवाने आया तो म्हें उणां ने कहियो के, काका, थां रो कासीजी जांणे रो मत्तो हो जो थां कासीजी परा जावो, कुसुम ने म्हें सूप जावो ।

विप्रदास जी जातरा परा गिया म्हें कुसुम ने श्रीपति चटर्जी रे घरे राख न वां री बेटी रा नाम सूं जग जाहर कर दीधी । ईं रा पछें जो व्हियो जो थां जांगो ई हो । सांची, सारी हकीगत मांड न कैवा में घणो मजो आयो । मन तो करे के ईं ने विगतवार मांड न पोथी छपावूं । म्हें लिखगो नीं आवे । म्हारो एक भतीजो लिख जांणे वीं ने कैवूं मांडवाने पण थां अर वो दोई जगां रळ न मांडो तो आच्छो रं । पाछली विगत म्हूं नीं जाणूं ।

हेमंत, प्यारीसंकर री यां वृतां पे धियान नीं दीधी । वीं पूछ्यो, 'कुसुम परणवा ने नटी नीं ?'

प्यारीसंकर बोल्या, 'वीं रो नटणो, नटणो हो के नीं, या खबर नीं पड़ी म्हें । बेटा, लुगायां रो मन न्यारो ई व्हे । वे नटे तो जाणणो के हुंकारो भर री है । पैली पोत तो वा नवा घर में आय न कि वैडा ज्यूं व्हेगी । थां सूं नीं मिलणो व्हेती नीं ज्यूं । थां ई कजाणां कियां हेर लीधो वींरा घर ने । घणी दांग हाथ में पोथियां लीघा थां कॉलेज रो गैलो वीसर जावो करता, श्रीपति रा घर आगे कांई हेरवो करता । कॉलेज रो गैलो हेरता व्हो ज्यूं तो नीं लागता । किरा ई घर पाछला वाड़ा में कोई भली मिनख तो आवे जात्रे नीं । वठें कैतो कीडा मकोडा फिरवो करे के चेता चूक जुवान अलवत्तां गैलो काढ ले । म्हें थां लोगां रां ये हाल हवाल देख ने अबखाई आवती, थां रे भणवा में हरजानो व्हेयरियो, कुसुम री दसा कुदसा व्हेती जायरी है ।'

एक दिन कुसुम ने म्हें म्हारे कने बुलाय न कहियो, 'बेटी, म्हूं वूढो मिनख हूं, म्हंसां सरमाणे री वृतां नीं । थारो जीव जीं पै है वीं ने म्हूं जाणूं । वो लडको ई दुख पायरियो है थूं ई दुखी है । म्हें मतो कीधो है के थां दोवां ने ई जोडूं ।'

सुणतां ई कुसुम तो डाड मार न रोई, बारणे भागगी । यूं म्हूं कदी कदी दिन आंथिया रा श्रीपति रे घरे जावतो, कुसुम ने हेलो पाडती, थारी वृतां कर कर वीं री लाज छुड़ावतो । छेवट में वीं री लाज छूटीज । पछे रोज रो रोज वठे जाय न खूब आच्छी तरे वीं ने समभावतो के वियाव करले, और दूजो कांई गैलो नीं है ।

कुसुम कहियो, 'कस्यां व्हेला ।'

म्हें कहियो, 'कस्यां काई व्हेला । आच्छा कुळ री वताय काम काढ लेवूं ।'

घणी देर उत्तर पड्दतर करन वी थारा मन री जाणवा ने कियो । म्हें समझाई, वो तो चेताचूक तो व्हेय ई रियो है फजूल रा रोळा खदा करणे सूं काई । काम सांति सूं व्हे जावे तो चोखो । ई भेद रो चौड़े व्हेवां रो तो भी है ई नीं पछे वीं ने कैय न क्यूं वापड़ा रो जमारो विगाड़ां । आखी ऊमर सोच विचार में पड्डियो रैवेला ।'

कुसुम काई समझी र काई नीं समझी, म्हारे समझवा में नीं आई । कदी तो वा रोवती कदी छानी मानी बेटी रैवती । म्हूं कायो व्हेय न कैवतो के वा तो रैवादे, तो वा विचळाय न रोवा लाग जाती । पछे श्रीपति रा नाम सूं थारे अठे वडाळो भेजायो । थारी आडी नूं हामळ भरवा में काई ज ताल नीं लागी । सगपण पक्को व्हे गियो ।

व्याव रे एक दिन पंलां कुसुम एड़ी वीफरी के हाथां में मावे न बाथां में । वा पगां में आय न पडगी, 'वावा यो मत करो ।'

म्हें कियो, 'केड़ी गैली टींगरी है । सेंग थोक व्हे व्हेवाय गिया न अब काई व्हे ।'

कुसुम कियो 'थां तो हाको कर दो के रात ने कुसुम मरगी, म्हें कठै ई वारे भेज दो ।'

म्हें समझाई 'वीं लडका रो काई हवाल होसी, वो तो राजी व्हेय रियो है जांणे सुरग मिल रियो है । वीं री तो आसा फळ री है । काले म्हूं जाय अचाणचक रां केवूं के वा तो मरगी दूजै दिन पाछो म्हें आय थन खबर देवणी पड़े के वो मरगियो । पछे वीं ज दिन थारा मरवा रा समीचार म्हारा कर्ने पूगे । वूढापा में अस्तरी हत्या अर ब्रमहत्या करावणो चावै काई ?'

पछे सुभ घड़ी पुळ में बियाव व्हे गियो । म्हूं तो म्हारी एक जिम्मेदारी सूं छूटचो ।

हेमंत पूछ्यो, 'म्हारे लारे आंटे कादणो जो तो आप काढ ई लीधो, अबै ई ने चोड़े क्यूं कीवो ।'

प्यारीसंकर बोलियो, 'अबै थारी वैन रो सगपण पक्को व्हियो । म्हें विचारी के एक विरामण री जात तो अस्ट कर ई दीधी । वो तो म्हारो धरम हो, फरज हो । अबै दूजा विरामण री जात क्यूं वगडवा दूं । या विचार म्हें उगां ने कागद घाल दीवो के हेमंत सुद्र री बेटी ने परणियो है, ईं रा सवूत म्हारा कर्ने है ।

हेमंत घणे दौरे मन में धीरप कर न पूछयो 'अवै जो म्हुं उए ने छोड़ हूं तो वीं रो काई हवाल व्हेला । आप राखोला आप कने ।'

प्यारीसंकर बोलियो, 'म्हारा धरम तो म्हुं पूरो कर लीघो । पराया री लुगाई रो पेट भरवा रो धरम म्हारा नीं । अरे कुण है रे, हेमंतवावू साल्ह वरफ रा पाणी री गिलास लावजे । पान ई लेतो आवजे ।'

हेमंत ई खातरदारी री वाट नाळचा पैलां ई ऊठ गियो वठा सूं ।

[ ४ ]

अंधारा पल री पांचम । अंधारी रात । चिड़ां री चूं चूं ई नीं ही । तळाव री पाळ रा लीची रा रुंखड़ा यूं लाग रिया जाणो तसवीर रा पाठा पै काळी स्याई चौपड़ दीघी व्हे । खाली दिखणाद्द वायरो आय रियो, अंधारे वीं ने पकड़ लीघो व्हे ज्यूं गरोळा खाय खाय पाछो आय रियो । आभा रा तारा टम टम करता, सावचेती सूं अंधारा ने चीर न कजांणा काई पड़पंच रचणो चावता हा ।

हेमंत रा सुराँट रा ओवरा में आज संभया सूं ई दीवो नीं वळियो । हेमंत वारी कनला डोल्या पू वैठयो गैरा अंधारा ने देख रियो । कुसुम धरती माये वैठी, दोई हाथा सूं हेमंत रा पग पकड़ राखिया, माथा ने पगां में ढाल राखियो । कोई हालतो न चालतो, थिर समंदर री नाई समै लाग रियो । जांणै मांझल रात माथे कोई चित्तराम मांड दीघो व्हे । चाल्ह पासे प्रळै, वीचे एक न्याव देवगियो, पगां कने गुन्हेगार ।

पाछी वे ईज मचड़ मचड़ करती पगरखियां सुणीजी ।

हरिहरवावू वारणा कने आय न बोलिया, 'घणी ताळ व्हेगी, अवै म्हुं विचारणे रो वगत नीं दूला । वीनणी ने अवार री अवार वारे काड़ दे ।'

कुसुम यां लफजां ने सुरातां ई एक खिण साल्ह हेमंत रा पगां ने काठा वाय में घाल लीघा । छेल्लो मिलणो है, पगां रे आंखां ने लगाय लगाय, पगां रो धूळो माथा ने लगाय लीघो । हेमंत ऊभै व्हे न वाप ने कहियो, 'परणी लुगाई ने म्हुं नीं छोड़ला ।'

हरिहर डक्कर न बोलिया, 'तो काई जात ने छोड़ देय ?'

हेमंत बोलियो, 'जात पांत म्हुं नीं मानू ।'

'वो वा, थूं ई निकळ जा ।'



## दालिया

[ शाह सूजो, वींरा भाई औरंगजेब सूं झगड़ा में हार गियो तो डरपतो धको भाग न अराकान रा धणी रे अठे सरणो लीधो । वीं रे लारे वीं री तीन सरूपवान बेट्यां ही । अराकान रे धणी रे मन में आई के वीं रा बेटां ने यां टावरियां सूं परणाय दूं । ईं वडाळा रो नाम लेवतां ईं शाह सूजो रीस सूं रातो पड़ गियो । ईं रा फळ माड़ा ईं लागिया । अराकान रे धणी सूजा ने दगा सूं मारवा रो मत्तो कीधो । नाव में स्हेल करावा रो मिस कर नंदी में डुवावा लागिया । या कुगत व्हेती देख छोटीड़ी बेटी अमीना ने तो सूजै आपरा हाथ सूं नंदी में फेंक दीधी । वचेट बेटी जुलेखा बाप रा भरोसा पात्तर, खास चाकर रैमत अली रे लारे तिर न पार निकळगी । मोटीड़ी बेटी आपहत्या कर लीधी । शाह सूजो झगड़तो झगड़तो काम आय गियो । ]

छोटीड़ी बेटी अमीना पांणी री धार रे लारे बैयगी जो एक माछळा पकडणियां रे जाळ में जाय फंसगी । वीं माछळीमार वीं ने जाळ बारै काढ लीधी जो वा वीं रे घरे ईं ज मोटी व्ही । अराकान रो वो बूढो धणी तो मर गियो, वां रो बेटो पाट वेठयो । ]

[ १ ]

दिन री ऊगाळी माछळीमार डोकरे अमीना ने धाकली, 'तिन्नी !' वीं री अराकानी बोली में वीं अमीना रो नाम काढयो हो 'तिन्नी' । वीं धाकली,



‘तिन्नी, आज घारे व्हे काई गियो है ? कांइ ज काम नीं कीघो थै ? नवा जाळ रे गूंद ई नी लगायो । आंपणी नांव ’

अमीना डोकरा कने जाय घणां हेत सूं बोली, ‘काका, आज म्हांरी वैन आई है वैन । ज्यूं दो घडी वृात कर री हूं ।’

‘थांरी वैन ? थांरी वैन अठे कठा सूं आई ?’

जुलेखा कजाणां कठा सूं निकळ न आयगी, बोली, ‘म्हूं, हूं, म्हूं ।’ डोकरो हैरानगत रैगियो । जुलेखा रे कने सगणो आय न धार धार ने जुलेखा ने देखवा लागियो । पछे श्ट देणीको पूछियो, ‘थंने काम धंधो ई काई करणो आवे के नीं ?’

अमीना बोली, ‘काका, जीजा री आडी रो काम म्हूं कर दिया करसूं । जीजा ने काम करणो नीं आवे ।’

डोकरे थोड़ी देर विचार कर न पूछियो, ‘थूं रैवेला कठे ?’

जुलेखा बोली, ‘अमीना कने ।’

डोकरे जाणियो यो काई पंपाळ छाती पे आयो । रैवणी नी आयो पूछ ई लीघो, ‘खावेला काई ?’

जुलेखा बोली, ‘वीं रो सोच थां मत करो ।’

थूं कौबती डोकरा कानी एक म्होर फैक दीघी । अमीना म्होर ने उठाय डोकरा रा हाथ में देय दीघी । धीरेकरी बोली, ‘काका, अबै काई मत बोलजो, जावो काम करो, मोडो व्हेय रियो है ।’

जुलेखा भेख बणावती, जगां जगां फिरती फांदती, अमीना ने हेरती, माछळीमार री टपरी में किया आय पूगी, यो तो एक लांबो चोडो दास्तान है । कौवा में घणी वगत लाग जावे, अतरो ई जाणलो अबारू के वी रा बाप रो विस्वास पात्तर चाकर रैमत अली आजकाले वीं रो नाम सेख रैमान राख न अराकान री राजसभा में काम कर रियो है ।

[ २ ]

छोटीक नंदी बैयरी । ऊनाळा रा दिन । परभात रा सीळा सीळा वायरा सूं कैलू रूख री राती राती फूलां री मांजरा भड भड नीचे पड़ री । रूखड़ा हेंटे बैठे जुलेखा अमीना ने कौवा लागी, ‘भगवान आंपा दो वेनां ने मरती रे आडा हाय देय जीवण जीवणी दीघी जो वयूं दीघी । खुदा आपां ने थूं जीवती राखी के आपां आंपणा अब्बाजान रो वर लां । आंपा वर नी लां तो आपणां जीवता रैवा में सार ई काई है ?’

अमीना नंदी रे पैले कनारे घणां दूरा ऊभा गैरी छायावाळा रूखा साम्ही भांकती थकी बोली, ‘जीजा, रैवा दो नीं थां अबै वां वृातां ने । म्हनें सो अबै या

दुनिया छोड़ी लागे । मर बाट कर कर न मड़द मरे तो मरवा दो आया । मूँ  
तो मूँरे वा जगा ई छोटी नीं लागे ।'

जुलेखा बोली, 'हूँ, अमीना, दूँ सायजावा री बेटी है सायजावा री ।  
कठे दो दिल्ली रो तखत न कठे वा माछलीमार री टपरी ।' अमीना हँस न बोली  
'जीजा, जै कोई सड़की ने माछलीमार री टपरी अर केलू न हँस री छया  
दिल्ली रा तखत सँ आछी लागे तो दो दिल्ली रो तखत तो वीं ने याद करे  
कय नीं ।'

जुलेखा क्यूँ क अग्रमणी व्हेंय अमीना ने मुण्णवती बोली, 'हां, थारो ई  
काई दोरु है, दूँ तो जगां दिनां जादक ई टावर ही । पण दूँ सोच तो करी,  
अध्याजान सैगा मूँ बत्तो लाइ थारो राखता जदी ज तो वां वांरा हाय मूँ पांणी  
में धनें न्हाकी । एड़ा दाम रा हाय सँ दिगोड़ी मौत मूँ ई जिदगी ने बत्ती मत  
जांप । हां जो बापको आंठो ले ने तो ग जिदगानी मुपळ व्हे जावे ।'

अमीना छानी मानी बंठी री । वा पने बनार छेटी छेटी ताई भंक्ती रीं ।  
नन वीं रो मूँडो कैयियो वा मन में सोच री जो । 'थारो कैवपो तो सांचो है  
पण.....' । मतलब वो के दो सीलो मवरो बायरो, हँस री छया, चढ़तो जोवन  
अर क्वांणा क्किरी मीठी यव, वीं ने अंडा विचार में उतार दीवी ।

योड़ी देर पछे लांठो सांभ लेय न वा बोली, 'जीजा, वां वेठो ।' घर रो  
ईग वान पड़यो है । मूँ राहुंगा नीं तो बापडो डोकरो मूँतो रैय जाय ।'

### [ ३ ]

अमीना रो यो टाळो देह जुलेखा रो मन कपो ई ज अग्रमणो व्हेंगियो ।  
बपी देर ताई मन नारियां देठी री । अतराक नांयते धन्य देपी रो कि रे ई बूदवा  
रो बमीको सुणीज्यो, पाछा दूँ कोई आवतां ई वीं री आंख्यां मींच लींवी ।

जुलेखा डरप न बोली, 'कुण ?'

नवो साद सुण न आंख्यां पर मूँ हाय छोड़ न एक मोटधारडो मूँडोणे  
आय न जुलेखा रा मूँडा साम्हो जाय न, डरपियो नीं बड़ा मजा सँ बोल्यो, 'अरे  
दूँ तो तिन्नी जाय नीं है ।' एडो बोलियो जाणे जुलेखा आप ने तिन्नी दगाय री  
व्हे अर वो बडो हूँसियार है जो नट ओळख लीगी ।

जुलेखा ओडणी ने सांभती यकी एकावम ऊनी व्हेंगी । उग री आंख्यां में  
वासदी बल री । बीचली री नाई कड़क न बोली, 'कुण है दूँ ?'

मोटधारडो बोलियो, 'दूँ मूँने ओळखे नीं । तिन्नी ओळखे मूँने । कठे  
है तिन्नी ?'

हाकों सुण न तिन्नी बारणो आयगी । जुलेखा री रीस अर वीं जुवान रो अचंभो भरियो मूंडो देख अमीना ठीठी कर हंसवा लागी । बोली, 'जीजा थां नाराज मत व्हो । यो कोई आदमी है काई । ईं काई ढांढापणो कीधो व्हेतो अवार घाकल दूं ईं ने । क्यूं दाळिया, काई कीधो थें?'

जुवानडो बोलियो, 'पाछा नूं आय न खाली आंखियां मींच लीधी ही । म्हें जाणियो तिन्नी है पण या तो तिन्नी नीं.....'

तिन्नी मांटीपरणे मूंडा पे रीस लाय न बोली, 'छोटो मूंडे मोटी वृात ? थें कदी तिन्नी री आंखियां मींची ही काई ? वडो छातीचल्लो व्हेगियो ।'

जुवानडो बोलियो, 'आंखियां मींचवा में काई छाती रो काम है, खाली आदत व्हेंगी चावै । पण तिन्नी, सांच कंवूं आज थोड़ीसीक डरपणी लागी ।'

यूं कैय आंख टोळाय जुलेखा कानी आंगळी वताय अमीना रा मूंडा साम्हो भांक धीरे धीरे मुळकवालागो ।

अमीना बोली, 'थूं बडो बोघो है । सायजादी रे मूंडागे ऊभा रैवा री थांरा में तमीज ईं नीं है । तमीज सीख । देख सलाम कर यूं कर, यूं कैय जोवन रा भार सूं भुक्योड़ी देही बेलड़ी ने बड़ा नखरा सूं लुळाय जुलेखा ने सलाम कीधो । लारे लारे वीं मोटचारडे सलाम करवा री काची पाकी नकल कीधी ।

अमीना बोली, 'यूं पाछ पग्यां तीन पांवडा पाछा मैल ।

जुवानडे पाछा पग दीघा ।

'सलाम करो ।'

वीं सलाम कीधो ।

पाछ पग्या तीन पांवडा चालो । यूं पांवडा मेलाती मेलाती वा वीं ने भूंपड़ी रा वारणा ताईं लेयगी ।

बोली, 'मांय ने वळजा ।'

मोटचारडो मांय ने वळ गियो ।

अमीना ओवरी रो आडो झड वारणूं सांकळ लगाय दीधी, बोली, 'देखो, घर रो काम करो, वासदी नीं वुझ जावे ।'

पछे जुलेखा कनें आय बेटो, 'जीजा, नाराज मत व्हो, अठा रा मिनख ईं अस्या ईं ज है । म्हारो जीव धाप गियो यां सूं ।'

अमीना कैय तो यूं री ही पण वीं रा मूंडा पैकें वरताव में कोई अनांण अस्या नीं दीख्या के वा कैयरी है जो वीं रा मन री वृात है, वीं रा वरताव सूं तो यूं लागतो के वा अठा रा मिनखां रो अणूंता पुखस लेवे ।

जुलेखा वेराजी व्हे न बोली, 'अमीना, थारो ढाळो देख न म्हूं तो अचंभा

गत व्हेगी । बिना जाग रो एक जुवान आदमी आय धारा डील रे आंगळी अड़ाय दे या तो हद्द व्हेगी ।

अमीना ई बिन री हां में हां निलाई । 'हां, देखो तो खरी । जे कोई नवाव के दादला रे बेटे म्हारो देही री आंगळी अड़ाई व्हेती तो न्हूं वीं ने नार थप्यइ वारे काड़ देती ।'

जुवेला मूं हंसी ने रोकयो नीं आई । हंस न बोली, 'अमीना, सांघ कैवजे, थूं कैय री ही नीं के दुनियां थनें चोडी लागे जो कोई ई बोका छोर पूंछड़े चोडी लागवा लागी है कोई ?'

अमीना बोनी, 'सांची सांची कैय हूं । यो म्हनें काम में बजो झेलो देवे । फलफूल तोड़ दे, सिकार कर न लाय दे । कोई काम भट्ठावो दोड़यो आवे । बगी बाग मन में आवे के ईं ने धांकल धूंकल सूबो कर हूं पण ईं रे तो लागे ईं नीं । मूं हूं नाराज व्हे ईं ने बाकलूं, 'दादिया, न्हनें धारा पे रीस आय री है तो आन साव म्हारो मूंढो देखवो करे न मुळकवो करे । ईं देस री हंसी ईं एड़ी व्हेती व्हेला । दो चार धारां नार दो आप साव बणा राजी । बोई कर न देख लीवो म्हें । देखोनी घर में जड़ दीवो । आप बड़ा मजा में है । आडो खोलतां ईं देखजो, मूंढो अर आख्यां लाल चिरनूं व्हेयरी व्हेला; बँठयो झला में फूंकं देय रियो व्हेला । बतावो, अत्रे कोई कवं मूं तो कोई व्हेयगी ।'

जुवेला बोली, 'ठेर मूं गैले घालूं ईं ने ।

अमीना हंसती थकी, लुट्टाई सूं बोली, 'हाय जोइं जीजा, अब ये ईं ने कोई मन कंवजो ।'

अमीना या बात ईंयां कही जाणे वो बोफो मोटधार वीं रो पाठघोड़ो हिरण है, जाणे वीं में जगळी आदतां ओजू है कि दारवा मिनख न देख न चमक न भाग नीं जावे ।

अतराक में माछळीनार आय न बोलियो, 'आन दादियो नीं आयो, नित्री ?'

'आयो है नीं ।'

'कठे गियो ?'

'चाळा कर रियो जो ओदरी में घाल न जड़ दीवो ।'

डोकरो विचार में पड़ गियो, बोलियो, 'निंग करे तो सेहण कर लेवो कर वेदा । ओद्री आस्था में लँग ईं चाळगारा व्हेवो करे । घणो मत कायो करवो कर वीं ने । दादिये काले एक थळूं देय म्हारा मूं तीन माछळा मोलाया, जाणे के ?'

'थळूं रो अरय व्हे न्होर ।

अमीना बोली, 'सोच मत कर काका, आज मूँ दो थळु थांने वसूल कराय हूँला, एक ई माछळो नीं देवणो पड़े ।'

डोकरो आपरी उछेरियोड़ी छोरी री ओछी औस्था में स्याणप न कमाउ वुद्धि देख राजी व्हियो, माथा पे लाड सूं हाथ फेर परो गियो ।

[ ४ ]

अचंभा री वात तो या ही के दाळिया रो आवणो जावणो जुलेखा ने ई सुंवाय गियो । देखी जावे तो एड़ी अचरज री वात ई कांई कोयनी । नंदी रे एक आडी ने तो धारा व्हे दूजी आडी ने कनारो व्हे, जस्यां ई लुगाई रा हिवड़ा में एक कानी तो मन रो वेग व्हे दूजी आडी ने व्हे लोकलाज । पण वीं अराकान रा चौड़ा चपट पड़िया चौगान जेड़ा देस में 'लोक' है कठै जिरी लाज व्हे ।

वठै तो रत रे लारे लारे रूखा विरच्छां रे फूलड़ा लागे न भड़े । मूंडा-गली वा लीली नंदी । चोमासा में ढावा तोड़ती वैवे, आसोजां में पाणी ने निथारती वैवे । सियाळां में भेली भेली व्हे, वसंत रत में लाज्यां मरती मरती उनाळा में तो एड़ी दुवळी पतळी व्हे जावे के देखतां ई रै जावो । चिड़कलियां री चूँ चूँ । कोई रोको न टोको, उच्छाह सूं भरियोड़ी मीठी बोलती । आपणी नांई नीं तो कि रो ई साखावादो करे न नीं कि पे ई मीसा मारै । दखणांद रो वायरो कदी कदी नंदी रा ई कनारा सूं पैला कनारा पे जावतो । कनारा रा गांम रा मिनखा री आणद री ल्हेरां लेतो आवतो पण किरो ई न्यावटो नीं करतो ।

हूंडा व्हियोड़ा घरां में धीरे धीरे दोबड़ो जमतो जावे ज्यूं अठा रां रैवा वाळा रा हिवड़ा सूं ई लोकलाज री नींवण भीता टूटती जावे । अठा री परकरती, मिनख सुभाव ने बदल देवती । रैवतां रैवतां धीरे धीरे लोक लाज रो संको मन सूं निकळ जावे ।

लुगाई ने, दो हिवड़ा ने, दो जोड़ी रा मिनखां ने मिलतां देखवा में घणो रस आवे । अतरो मोटो चोज, अतरो सुख अर अतरो कौतक लुगाई ने और दूजी की वात में नीं दीखे ।

कांकड़ री ई टपरी में, गरीबी री छाया में जुलेखा री कुळरी कांण, घराणां री रजवट्ट री रारड़ियां ढीली पड़वा लागी, अवे वी ने कैलू रा रूख री छाया में अमीना अर दाळिया री मिलण राम्मतां देखवा में रस आवा लागो ।

कदाच वीं रा जोवन छाया हिवड़ा में ई कोई उणायत आवती व्हेला । वीं रो हिवड़ो ई विचळाय जावतो व्हेला । वीं ने यां रो मिलणो देखवा में अतरो रस आवा लाग गियो के कदैई दाळिया के आवा में मोड़ो व्हे जातो तो जुलेखा

वाट नाळती । वां दोई जणां ने रमता खेलतां ने जुलेखा मुळकती जांवती अर हेत सूं अस्यां देखती जांणे चित्तारो आप रा नवा वणाया चित्तराम ने थोडो क दूरो मेल न निरखतो व्हे । कदी कदी लडती ही, कदैई ऊपरला मन सूं वाकला घुकली करती, कदै ई अमीना ने घर में जड वीं रे मिलवा में आडअडायत व्हेती ।

राजा रो अर कांकड रो एक सो चुभाव व्हे । दोई मन रे मत्तो चालणिया व्हे । दोई आप आप रा राज रा घणी व्हे । दोई, दूजा रा वतायोडा नेम हुकम में नीं चालवो करे । दोई जणां में चुभाव सूं ई वडापणो व्हे अर सादी सल्ला रा व्हे । जो आदमी वचेट्या व्हे, नीं घणा मोटा न नीं घणां छोट । वे लोक सास्तर रा आखरां ने गिण गिरा न वां माथे चाले । एडा मिनखां री वांण दूजी तरै री व्हे । वे आप सूं लूंठा ने देख न तो चाकर वण जात्रे । गरीवां माथे ठाकरी जतावे । वारणे मांयने अणसेदी जायगा वां ने अत्त सूजे न गत्त । दोफो दाळियो विलालो जीव है । सायजादियां रे मूंडागे वो संके नीं । सायजादियां ई वीं ने आप रो बरोवरियो समजे । दाळियो मुळकतो रै । सादी सल्ला रो अणंदी जीव है । डर भौ वीं रे अड न ई नीं निकळयो । संकणों वीं सील्यो ई नीं । वीं री चालचलगत्त में दोदापणां रा कोई एनांण ई नीं ।

ये रम्मतां तो व्हेती पण जुलेखा रो हिवडो एकणदम फाटवा लागतो । वा विचारती, 'सायजादी रो जमारो यूं वीतणो चावे ?'

एक दिन परभात रा दाळिया रे आवतां ई जुलेखा वीं रा हाथ मसकाय न बोली । 'दाळिया, अठा रा वादसा ने म्हनें वतावणी आई थारा सूं ?'

'देलाय तो दूं पण क्यूं ?'

'म्हारा कनें एक कटार है, वीं री छाती में मारणी है ।'

पेलां तो दाळियो अचंभा में पड गियो । पछे सूरापणो चढियो जुलेखा रो मूंडो देख, पछे वैर लेवा री खुसी सूं दमकतो मूंडो देख दाळिया रो मूंडो ई हैसी सूं विगत गियो । वीं ने यूं लागी जांणे एडा मजा री वात वीं पैला कदी सुणी ई नीं वस रोळ ई कोई करे तो असी सायजादी ने सोवे जसी । वो कटार मारवा री तसवीर मन में उतारवा लागो । मिलतां ई कोई बोलणो न चालणो, झट देणी री आवीक कटार वादसा री छाती में गरड गप्प । क्रिया वादसा चेता चूक व्हे जाय । वो वात करतो जात्रे न मुळकतो जात्रे । पछे तो हंसतो हंसतो लोट पोट व्हे गियो । दूजे ई दिन जुलेखां कने रैमत रो पोसीदा पत्तर आयो । वीं लिखियो, 'अराकान रा नुंवा घणी ने वेरी पड गियो है के थां दोई वेंनां माळळामार री भूंपडो में हो । वां छानेकरी अमीना ने देख ई लीधी है । वे अमीना पै रीक गिया है ।

वे व्याव करवा री तयारी कर रिया है । वैर लेवा रो अबै औसर आयो है । एड़ो औसर चूकणो नीं ।'

[ ५ ]

जुलेखा, अमीना रा पुणचा ने काठो पकड़ न बोली, 'अमीना, खुदा रो फ़रमांण है यो । थूं थारा घरम ने निभाव अबै । अबै हंसणो रमणो छोड़ तयार व्हेजा ।'

दाळियो वठै ऊभो हो । अमीना वीं रा मूंडा साम्ही चोघो । देखे वो ई हंस रियो जांणे वड़ो मजो आवेला ।

वीं ने यूं मुळकतो देख अमीना रा हिवड़ा पे जांणे हयोड़ो पड़ियो । बोली, 'जांणे दाळिया ? म्हूं बेगम वणवा वाळी हूं ।'

दाळियो हंस न बोलियो, 'थोड़ी देर साखूं ई ज तो ।'

अमीना दूखता मन सूं अर अजरजभरथा चित्त सूं विचारवा लागी, यो तो सांचे ई कांकड़ रो रोफ़ है, ई रे सागे आदमी री नाई बरताव करणो बेंडापणो है ।'

अमीना दाळिया ने चेतावा ने पाछी बोली, 'पण बादसा ने मार न म्हेंनै कोई पाछी आवा देवेला काई ?'

दाळियो ईं वात ने वाजब जाण न बोलियो, 'हां, पाछी तो नीं आवा दे ।'

अमीना री आतमा अणचेत व्हेगी, वीं जुलेखा री आडी ने मूंडो कर न सांवो सांस लेय न कहियो, 'जीजा, म्हूं तयार हूं ।'

पछे दाळिया री आडी ने फिर न, जखमायल मन सूं फीकी हँसी हंस न बोली, 'बेगम वणता ई सब सूं पैलां बादसा री हरामखोरी में थनै डंड दिरावूं । पछे जो करणो वे ई जो करावूं ।' सुण न दाळिया ने घणो मजो आयो । जांणे डंड मिल्यां वीं ने कोई आछो आगंद आय ।

हाथी र घोड़ा, पालकी र पींजस, बाजा र गाजा, एडी जान आई के आगला कीच न पाछला पाणी । जांणे माछळामार री टपरी पियादां रा पगां में ई पीसणी आय जाय । बादसा रा म्हेला सूं दो सोना रा जड़ाव जड़ियोड़ा पींजस आया सायजादियां ने लावा ने ।

अमीना, जुलेखा रा हाथ सूं कटार लेय लीधी । घणी देर ताई तो वा वीं री हाथी दांत री मूठ ने देखती री । पछे कांचली ने ऊंची कर छाती पे एक दांण वीं री धार ने परखी । एक दांण तो काळजा रे कटार ने अड़ाई पछे म्यांन में घाल कांचळी में लुकाय लीधी ।

वीं रा मन में ऊणायत ही के मरवा सूं पैलां एक दांग वा दादिया ने देख लेती । पण वो तो काल सूं ई कोनी आयो । वीं दिन दादियो हंस रियो हो जो कदाच वीं हांसी में रुस जावा रा तुर्ङगिया हा ।

पींजस में बैठवा लागी तो जळजळया नैणां सूं वीं घर ने देख्यो वीं रुंख ने देख्यो, वीं नंदी ने देखी ।

माछळीमार रो हाय पकड़ न घूजते कंड बोली, 'काका, म्हूं तो चाजी, धारी तित्नी तो जायरी है । धारे पळीढे पाणी कुण भरेला ?'

डोकरो, टावर री नाई रोवा लागगियो ।

अमीना बोली, 'काका, दादियो आवे तो या वींटी देय दीजो । कैय दीजो, तित्नी जाती वेळा देयगी है ।

यूं कैय वा चट देणी री पींजस में बैठगी ।

गाजा बाजा सूं पींजस चाल्यो । अमीना, वीं री अर वीं रा काका री टपरी, कैलू रा रुंख नीचलो चूंतरो देखती जाय री । वे अंचारा में छिपता जाय रिया हा ।

दोई पींजस तिरपोळिया में व्हे जनानी डोड़ी में वळ्या । दोई बेनां पींजस सूं नीचे उतरी ।

अमीना रा मूंडा पे कोई मुळक नीं ही, नीं नैणां में आंसू ई हो । जुलेखा रो मूंडो बोळो फट्ट व्हेयरियो । फरज अळगो अळगो हो जतरे तो वीं रा मन में उच्छ्राह हो, छाती बघ री ही । अबै कांपते काळजे, उबकती छाती, घणा हेत सूं अमीना ने छाती रे लगाय लीवो । मन कैयरियो, प्रीत री डाळ सूं ई विगसता फूल ने म्हूं तोड़ न लोह्या में लाळवा ने कठे ले आई हूं ।'

अबै सोचणे री वेळा ई कठे ? डावड़ियां जगमग जगमग करता हजारों दीवा र पीलसोतां लीधां ऊमी । वांरा चानणा में दोई बेनां धीरे धीरे चालवा लागी ।

वादसा रा खास म्हेलां रा बारणा कनें जाय एक खिण सारूं अमीना ठम न बोली, 'जीजा ।'

जुलेखा, अमीना ने काठी बाय में घाल लाड़ कीचा । पछे दोई धीरे धीरे मांयने वळी ।

देख्यो, म्हेलां रे अबदिचै दोल्या पे मोड़ा रो भड़ो लीधां वादसा, साही पोसाक में बैठ्या है ।



अमीना संक गा, वारणा कनें कभी रेगी ।

जुलेखा आगे पांवडा देय वादसा कनें गी, देखे तो वादसा छानो मानो वैठो  
वडा मजा सूं मुळक रियो है ।

जुलेखा एकणदभ वरळाई, 'दाळियो ।'

अमीना भांप खाय हेटे पड़गी ।

दाळियो उठ न जखमायल व्हियोड़ी चिड़ी री नाई अमीना ने गोद में उठाय  
न ढोल्या पे लेयगियो ।

चेतो आयां अमीना कांचळी मांय नूँ कटार काढ जुलेखा रा मूंडा साम्ही  
भांकी, जुलेखा दाळिया रा मूंडा साम्ही भांकी, दाळियो छानो मानो मुळकतो  
थको दोवां रा ई मूंडा साम्ही भांकतो रियो । कटारी, म्यांन वारणे थोड़ोसोके  
मूंडो काढ ई रभमत ने देख, चम चम कर न मुळकवा लागगी ।



## संस्कार

पापां रो लेखो जोखो राखणिया चित्तरगुतजी रा बहीड़ा में घणां एड़ा पाप मोटा मोटा आखरां में मांडियोड़ो है जां पापां रो बेरो वां रा करणियां पापियां ने ई कोय नीं है । अस्यां ई, दुनिया में एड़ा पाप ई है जां ने खाली मूं ई ज पाप मानूं, दूजा कोई पाप नीं माने । आज जो मूं वात कैवूं वा एड़ा ई ज पाप रो है । चित्तरगुतजी रे मूंडागे जुशव देवणो पड़ी जठा पैला ई वीं पाप ने कदूल कर लूं तो, कदाच थोड़ो भार ओछो पड़ जावे ।

काती रो पूनम, थावर रो दिन हो । म्हांका मोहल्ला रो सड़क माये व्हे एक मोटी असवारी निकळ रो ही । मूं म्हारी अल्ली कळिका ने साये ले मोटर में बैठ, म्हारा भायला नैणमोवन रे घरे जाय रियो हो, चाय पीवाने ।

म्हारी अल्ली रो नाम, म्हारा सुसरजी रो काडियोड़ो है, ई रो जुम्मेवार मूं नीं । नाम जेड़ो उण रो सुभाव नीं हो । कळिका वूं तो मन रो वातां मन में छिपायां राखती पण जठे मत मतांतर रो वात आवती वठे उण रा विचार, मत, साफ हा । बड़ा बजार में विलायती कपड़ां पे घरणो देवा ने वा गी तो उण रो मजबूताई देख साय वाळा उण रो नाम काड दीयो 'ध्रुवत्रता ।' म्हारो नाम है गिरींदर । कळिका रा साथी संगी, टोळीवाळा म्हुने कळिका रा खावंद रा नाम मूं ई जाणो म्हारा नाम रो वठे मोल नीं । भगवान रो किरपा सूं, बाप दादां रो कमायोड़ी पूंजी सूं म्हारा नाम रो थोड़ो घणो मोल हो, वीं पे लोणां रो निबर पढ़ती चंदो भेळें करती वेळां ।

वणी रो अर लुगाई रो चुनाव न्यारो न्यारो न्हियां सायद उणां में बणत

ठीक रे, भेळ वैठ जावे, पाणी'र सूखी माटी रो बैठे ज्यूं । म्हारो सुभाव ढीलम-  
ढाळ है, कोई वात व्हे पकड़ न नीं राखणी आवे । म्हारी अखी पकड़वां मिजाज  
री है जि वात ने पकड़ती पाछी छोड़ती नीं । म्हारी तो या पक्की धारणा है  
के म्हांके धरणी लुगाई रे बणत री वा ई उलटा सुभाव रे कारण ई ज री ।

खाली एक जगा म्हारे'र वीरे बीच में विरोध रियो, अर वो विरोध  
जीवती री जतरे नीं मिटियो, चालतो रियो । कळिका रे मन में जमियोड़ी ही के म्हों  
म्हारा देस सूं म्होवत कोय नीं । उण रे या वात ऊंडी जमियोड़ी ही । या ई ज वजै  
ही के ज्यूं ज्यूं म्हारा देस परेम रो सबूत देतो गियो ज्यूं ज्यूं म्हारा देस परेम पे उण रो  
वेम् बधतो गियो । क्यूं के वा देस परेम रा श्रीहनांण बतावती वे म्हारा में नीं हा ।

कीताबां रो कीड़ो तो म्हूं वा पणां सूं ई रियोहूं । कोई नुवी पोथी  
छापा बारं निकळी नीं न म्हें मोलाई नीं । या वात तो म्हारा वैरी मानता के  
वां री पोथियां ई म्हूं पढूं । संगीड़ा साथीड़ा तो खूब जाणता के पोथी बांच न  
म्हूं उण माथे चरचा करूं वादविवाद करूं, आडोचना करियां बिना तो म्हांरी  
रोटी नीं पचे । घणां साथीड़ा तो म्हारी इणी ज बाण सूं डरपता, वैस मुवाहिसा  
सूं बचवाने, म्हारे लारे ठठणो वैठणो छोड दीधो । अब तो वां मांयलो एक ई ज  
साथी वाकी बचियो है जीं ओजूं हार नीं मानी । वन विहारी रे लारे ओजूं ई  
'दीतदार रे दिन मजलिस जुड़े । म्हें उण रो नाम राख दीधो 'खूणां विहारी ।'

कदै ई कदै ई तो म्हां दोई जणां चानणी पै एकमाड़ा वैठ वातां में अतरा  
विलम जावां के रात री दो दो वज जावे । जां दिनां म्हांका पे यो भूत चढियोडो  
'हो वो जमानो म्हां सारूं संवळो नीं हो । जमानो एडो हो के पुलिस किं रा ई  
घर में गीताजी पड़ियोड़ा देख लेती तो राजद्रोह रो सबूत साबित करती ताळनी  
लगावती । वीं जमाना रा देस भगत ई एडा हा के किरे ई घर में विलायत री  
छपियोड़ी पोथी रो फाटियोड़ो पानो ई लाध जावतो तो घर रो चाकर ई ठाकर  
ने देसद्रोही समभवा लागतो ।

म्हने तो वे काला रंग पे धोळी आरास पोतियोडो "श्वेत द्वैपायन"  
मानता । म्हारी वात ने गप्प नीं मानो तो म्हूं तो अठा तांई कैंवूला के देस  
भगतां सुरसती री पूजा करणो छोड़ दीधो क्यूं के सुरसती रो रंग गोरो है । गोरी  
वसत मात्र सूं लोग चिड़वा लाग गिया । वां दिनां तो एक एडो घरो चालग्यो  
लोगां रे मन में तो अठां तांई जमगी के जीं तळाव में सफेद कंवळ रा फूल खुले  
उण तळाव रो पांणी तक त्याज्य है । पांणी सूं तो वासदी बुझे पण वीं तलाव रा  
पाणी ने छिड़किया देस ने भसम करवा वाली वासदी और वत्ती भभके ।

म्हारी सायवण 'आछी आछी नजीरां म्हारे मूंडागे राखती, रोजीना

ताकिदा करती पर म्हें खादी नीं पैरी । ई रो यो कारण नीं के खादी खोटी है के कोई गुण नीं । कै म्हें ओढ़वा पैरवा रो घणो कोड़ है । मैलो जाड़ो कपड़ो ढीलम ढाळ रैवारी म्हारी आदत ही । कळिका ने सुदेसी री धुत्त नीं चढी जि पैला सूं चौड़ा फावा री देसी पगरखिया पैरतो । वां पै रोज रोज काळग चोपड़णी भूल जावतो, मौजा पैरणो तो मरणो लागतो । कमीज कोट नीं पैरतो, कुड़तो गळा में घालणो सोरो लागतो । वीं री एक दो गूंडिया टूट जाती तो पड़ी चालती । ये वातां थारी म्हारी निजर में भलाई छोटी व्हो । भगवान भूँठ नीं बोलावे म्हें तो घर भाग जावा री संका व्हेवा लागती । कळिका जदी देखो जदी कैवा लागती, 'भूँ तो थारे सागै जावती, लाज्यां मरू' । भूँ क्वैवतो, म्हारे लारे मत चाल । थारो जीव करे जठै अकेली परी जा ।'

आज जमानो तो पलट गियो पण म्हारी तकदीर नीं पलटी । आज ई कळिका रा मूंडा सूं ये ई बोल निकळे 'भूँ तो थारे सागै जावती लाज्यां मरू' कळिका पैला जि पालटी में सामिल ही वीं पाळटी री वड़दी म्हें नीं पैरी । आज जि पाळटी री मेम्बर है वीं री वड़दी म्हारा सूं नीं पैरणी आई । म्हारे सारू म्हारी अस्त्री रा विचार यूं रा यूं वणियां रिया । यो म्हारा सुभाव रो ई कसूर हो । कोई पाळटी री पोसाक व्हो, म्हने भेख बदळतां लाज आवे । म्हारा सूं वा लाज कदै ई छोड़णी नीं आई । वठीने कळिका ने म्हारो रैण सैण बरदास्त नीं व्हियो । झरता झारणा रो पांणी चक्कर खाय न धार रे बीचे पड़िया मोटा टोळ रे आय न टकरावे, उलाळवा री एहळी कोसिस करे ज्यूं कळिका री आदत ही दूजी राय राखवा वाळा रा मन में जाय न टक्करां मारवा री । हालतां चालतां, ऊठतां वैठतां रात दिन चूंगट्या भरणो आदत में सुमार हो । 'अलग राय' रो नाम सुणतां ई वा चमकती, डील में कचमची लाग जाती र फां फूं करवा लागती ।

काने चाय रा नूंता में जावा लाग्वा, म्हारे खादी रा गाबा नीं दीखिया तो कळिका एक हजार आठ दांण नांक चढायो, मजो यो के नटा नटी में कठै ई मिठास नीं, अपणायत नीं । म्हारा में ई थोड़ोक अकल रो गरूर है जो बिना वैस कीधां वीं रा हुक्म ने माये चढावणी नीं आयो । आदत री मजबूरी मिनख ने अहळी कोसिसां करावो करे । म्हारा सूं ई नीं रैवणी आयो, भूँ ई उत्तर रा पडुत्तर दैवतो रियो । कस कस न चूंगट्या, भरिया, 'लुगायां भगवान री दीधी आंखियां रे लारे अकल ने ई घूँघटा सूं परी ढांके । रीत रो रायतो घोळती चाले ।' 'विचारणी तो आवे नीं, सुणी सुणाई ने तांणती फिरे ।' 'लुगायां री आदत व्हे जिदगी रा खुलदस्त खेलता खाता वैवार बरता व ने खैच ने जनाना में घाल न घूँघटो नीं कढावे जतरे वां ने जक नीं पड़े ।' 'रीत रिवाजां रा फंदा में फंसियोड़ा

ईं देस में खादी पैरणो ई एक रीत बरणी । माळा फेरो, तिलक छापा करो ज्युं ई खादी पैरो । जो पकड़ले लुगायां वीं रीत ने पूरी करायां जक ले ।' एड़ा घणां ई चूंगटचा बोटिया ।

देवी कळिका तो रीस सूं राती पड़गी । वीं री तीखी बोली सुण न तो पाड़ोसी री डावड़ी अंदाजो लगाय लीधो के जरूर घर घणियाणी री मरजी माफिक गैणां गड़ाय घर घणीं नीं लायो दीखे ।

कळिका बोली, 'जो गंगा सिनान रो महात्तम है वो महात्तम खादी पैरवारो है । आपणो देस रा मिनखां रा हिडदा में जिं दिन या वृतात ऊंडी जम जाय वीं दिन आपणा देस रो निस्तार व्हे जाय । पैला मिनख विचारे, वे विचार आदत बरण जावे, जड़ां पसार दे जदी वे संस्कार वाजे । पछे मिनख वां संस्कारा रे कारण आंख मींच न अभै थियां चाले । थां री नाई दुविधा में पडियो डगमग डगमग नीं करे ।' यो फरमाण दरअसल में मास्टर नैणमोवन रा मूंडा रो है । खाली ऊपरळी मोहर छाप मिटगी ही । कळिका देवी मन में जाणती या वीं री अकल री अपज है ।

'बोबड़ा रे वैरी नीं व्हे' ई कैणावत ने चलावा वाळो जरूर कंवरो हो । म्हें पाछो कांई जुवाव नीं दीधो तो कळिकादेवी दूणीलाल बंब व्हे न बोली, जात रा भेद भाव ने थां खाली कैवणी में नीं मानो । कथणी और है करणी और है । म्हां लोगां खादी पैर भेदभाव पै अखंड घोळो रंग चढाय दीधो । कपड़ा रो भेदभाव उठाय जातरा भेदभाव ने खतम कर दीधो ।

म्हारा मूंडा पै तो आई के कैदू, 'मूंडा रो जाति भेद तो म्हें जद रो ई नीं मानू जिं दिन सूं मुसलमान रा हाथ रा कूकड़ा री अखनी पीवा लागो हूं । मूंडा री म्हारी या कथणी नीं है करणी है । जिरी गति मांयली आड़ी ने जावे । पण थारो कपड़ा सूं जाति भेद ने ढांकरणी तो वाहरळी चीज है । थां खादी सूं ढांक भलां ई लो । थारी करणी तो भेदभाव मिटावा री कोयनी ।' पण मूंडा वारे निकळी नीं । छाती नीं चाली, डरपोक मिनख ठैरियो । म्हें छानो रंगियो । म्हें जाणतो, आपसरी में आपां जां वृतां, जां नुकतां पै वैठ न वहस करां, वां नुकतां ने कळिका आपरा साथियां रे घरे ले जाय, घोवी रा गावा री नाई भट्टी में चढाय पछांट पछांट न धोय न्हाके । भारतीय दर्शन रा सास्तरी नैणमोवन रे अठा मूं पडूतर लाय न म्हें सुणावे । चमकता नैण बिनां दोलिया आपरी बोली में कैवता रे 'अवै आई अकल ठिकाणे ।'

नैणमोवन के घरे जावा रो म्हारो मन जावक नीं हो । म्हने पक्की ठा ही के चाय री मेज पै गरम चाय रा घूवां जेड़ा ई भीणा विषय पै वैहस चालियां बिना

रवा नै नीं के 'हिन्दू संस्कृति में संस्कारां री, स्वाधीन बुद्धि रा आचार विचारां री कतरी ऊंची जगां है ? या वातां आपां रा देस ने दूजा देसां सूं कतरो ऊंचो उठाय दीघो ।' यां वातां सूं वठा रो वातावरण धुंघळाय जाय । म्हारो जीव तो लाग रियो चुनैरी पुट्ठा वाळी नुवीं पोशियां में, जो अवाहू हाटां मायतूं आय म्हारा गींदवा कनें पंडी वाट नाळ री ही । भूरा रग रा पळेटियोडा कागज रो घूँघटो ई हाल नीं उघाड़ियो हो । म्हारा हिवडा में वां रो मोह खिण खिण वधतो जाय रियो हो । तो ई लुगाई रे लारै वारै जावणो ही पड़ियो । ध्रुवव्रता री मरजी रे खिलाफ चालतो तो एड़ी आंधी र भतूळियो आवतो के म्हूँ वीं भतूळिया में गरोळा खांवतो फिरतो ।

घर सूं निकळ न गळी में निकळिया, सदर सड़क पै मोटर पूगी नीं व्हेला के आगे देखां तो कंदोई री हाट आगे मिनख भेळा व्हेयरिया । भीड़ लाग री, हाका हल्ला व्हेयरिया । म्हांका पाड़ोसी मारवाड़ी बौमोला गावा पैर कोई जुलूस में सामिल व्हेवा ने जाय रिया हा । भीड़ देख न गाड़ी ने रोकणी पड़ी । सुणियो, लोग कैयरिया 'मारो, मारो' । म्हें जाणियो कोई जेवकतरो पकड़ियो गियो दीखे ।

मोटर भूँ भूँ करती, धीमी धीमी चालती, रोळा करती भीड़ कने पूगी तो देखां कांई के म्हांकां मोहल्ला का वूढा सरकारी भंगी ने मिनख ठोक रिया है । गळी रा सरकारी नळ सूं बालटी भर, कांख में भाड़ू घाल न जाय रियो जो किस्सू ई भींटाय गियो । लारे ही वीं रो आठैक वरस रो पोतो । पोतो रीराय रियो । दादा ने छोड़ देवा ने हाथाजोड़ी कर रियो । दोई जणा साफ कपड़ा पैर राखिया, दोई देखवा में साजा सांतरा दीख रिया । वूढो कैय रियो 'बापजी म्हारी गलती व्हेगी, माफ करो ।' ज्यूं वो हाथाजोड़ी करतो अहिंसा ध्रम पाल-गियां पुण्यातमा री रीस री झाळ में और पूळो मेलणी आतो । डोकरा री आखियां मांय तूँ भर झर आंसू बैय रिया, डाडी सूं लोही टबक रियो ।

म्हारा सूं नीं देखणी आयो'नीं मिनखां सूं लड़वा ने म्हारा सूं उतरणी आयो । म्हें विचारी डोकरा ने र छोरा ने मोटर में चढाय अळगो लेजाय उतार दूँ । म्हारी अरवांगणी ने बताय दूँ के म्हूँ यां नामधारी घरमातमा मांयलो नीं हूँ । म्हने आगो पाछो व्हेतां देख कळिका म्हारा मन री वात भांपगी । काठो हाय पड़ लीघो म्हारो । बोली, 'कर कांई रिया हो, भंगी है ।'

म्हें कियो, 'भंगी है तो पड़ियो व्हो । अठे मिनख ठोकेला ईं ने ।'

कळिका बोली, 'दोस तो ईं रो ईं ज है । गैला रै वीचे क्यूं चाले ? एक आडी ने व्हे न नीं निकळणी आवे ?'

मैंने कियो, 'या तो मूँ काई जाणूँ । गाडी में बैठाय आगे लेजावूँ ईं ने ।'  
कळिका बोली, 'तो मूँ तो उतरूँ मोटर सूँ । बोळो बळाई व्हे तो  
आघो ईं वळो । छेवट चू'डै है ।'

मैंने कियो, चू'डै व्हे तो काई व्हियो, कपडा तो साफ पेर राखिया है, न्हा गो  
घोयो साफ है । ये ऊभा जां मांयला घणा जणां सूँ साफ है ।'

'तो काई व्हियो है तो भंगी रो भंगी ।' यूँ कैय वीं ड्राइवर ने हुकम  
दीघो, 'गाडी चला ।'

म्हारी हार व्ही, कमजोर हूँ मूँ ।

वीं दिन नैणमोवन गैर गम्भीर दृष्टांत दे दे दर्शन सास्तर री खील खील  
खोल मूँडागे राख दीधी । पण उण री एक ईं वात म्हारा कानां मांयने नीं पड़ी,  
नीं मूँ बोलियो ईं ।

## हारजीत

राजा की कंवरी को नाम ही अपराजिता । राजा उदेनारायण को राज-कवि हा शेखर । वां आंखियां सूं कदैई कंवरी ने देखी नीं । पर वे दरीखाना में बैठ न आपणी कविता बोलता तो कंठ ऊंचो कर न बोलता । वां को ऊंचो साद ऊंचा ऊंचा म्हेलां को भरोखा में बैठयोड़ा रै कानां में पड़तो । वे दीखती तो नीं पण वां को कानां में वां को कविता पाठ रस घोल देतो । वे एक अणजाण तारालोक में रस सूं भिजियोड़ा संगीत को सन्देसा भेजता । जठे को ग्रेह मंडल में जाणो वारी जिदगी को एक सुभग्रेह है । उण ने वे ओळखे तो नीं पण वो अण दीखती मैहमां लीघां विराजियोड़ो है ।

शेखर की कल्पना की राजकंवरी उणां ने दीखती, कदैई छाया में दीखती कदैई घूंघरां की झमक वण न सुणीजती । वे वैठिया वंठिया सोचवो करता, वे पण छेड़ाक व्हेला ? जिणा में सोना को घूघरा बंधियोड़ा है, वे ताळ ताळ पे ठमका करता गीत गाता रै । वे दोई गोरा गोरा, कंधळा कंधळा, राता राता, पगलिया घरती पे अड़े जो कजांणा कतरी वां की महर है, दया है घरती माथे । कवि तो वां चरणारविदां की आपरा हिवड़ा में थरपना थाप लीधी । मौको लाघतां ई उणां को मन वां चरणारविदा में जाय लागतो, वां घूघरां को भ्रमाकां रे लारै गीत गावा लाग जातो ।

उण भगती भरिया हिड़दे में कदी कोई वैम या सवाल ई नीं उठियो के जिण छाया ने म्हें देखी है, वा छाया है किण की ? जां घूघरा को झमाका म्हूं सुणुं हूं वे घूघरा है किण को ?



अपराजिता री डावड़ी मंजरी, पणघट पे पाणी भरवा जावती तो कवि रे घर रे बारे व्हे न निकळती । आवती जावती कवि सूं वातां रा दो टप्पा मारियां बिना नीं रैवती । औसर लाघ जातो तो सांझ सुबै शेखर रे घरे जाय बैठती । जतरी दांण वा पणघट पे जावती वतरी दांण काम व्हे तो ई ज, या वात नीं कैय सकां । पण या वात ई नीं के बिना काम यूं ई जावती व्हे । पण पणघट पे जाती वेळा नखरा सूं सुरंगी ओढणी ओढ, कानां में आंवां री मांजरां टांकवा री कांई जरुरत पड़ जाती, इण री वजै हेरियां ई नीं लाधी । मिनख मूंडा पे हाथ देय न दांत काढता, कानां में वातां करता । इण में मिनखां रो दोस ई कोयनी । मंजरी सूं मिल शेखर रो हिवडो विगसतो, अर वो इण पे पड़दो न्हांकरो री कोसिस ई नीं करतो । डावड़ी रो नाम हो मंजरी । यूं आंपां देखां तो मामूली डावड़ी रो नाम अतरो घणो ई है । पण शेखर इण नाम रे सागै आंपणी कविता जोड़ न कैवतो 'बसंत मंजरी ।' मिनख सुराता र कैवता 'कांई कैवणो ।' अतरी ई ज नीं शेखर बसंत पे कविता बणावतो जिमे जठे देखो जठे 'मंजुल-मंजरी' लगाय देतो । वात व्हेतां व्हेतां राजा रे कानां तक पूगगी । राजाजी आंपणा कवि रा रसीला सुभाव पे घणां राजी व्हेता, रोळां करता । शेखर ई पाछो रोळां रो जुबाब रोळां में देवतो ।

राजा जी हंस न पूछता, 'भंवरो बसंत रा दरबार में खाली गावो ई ज करे ?' कवि जुवाब देतो, 'नीं तो, फूलां री मंजरी रो रस ई चाखे ।' यूं आपसरी में रोळ तमासा कर मन ने राजी करता । अपराजिता ई रावळा में कदै ई मंजरी सूं हंसी मजाक करती ई व्हेला । मंजरी ने ई रीस नीं आती व्हेला ।

मिनख री उमर यूं बीत जावे, थोडो सांच व्हे थोडो भूठ व्हे । थोडो घणो भगवान बणावे, थोडो घणो मिनख आप बणायले, थोडो घणो पांच जणां मिल न बणायले । मिनख री जिदगी तो एक पचरंगो लेहरियो है । थोडो सांच व्हे, थोडो भूठ व्हे । थोडो कल्पना व्हे, थोडो तथ्य व्हे । जिन्दगी तो खोटा अर खरा रो भेळ है पण गीत जो वो कवि गातो हो सांचा अर पूर्ण हा । गीत व्हेता राधका जी रा, क्रसण रा, आदू नर रा आदू नारी रा । अणांदि दुख रा अणंत सुख रा । वां गीतां में जो वातां व्हेती वे अथारथ ही । उण जथारथ री अमरापुर री सारी नगरी रो मिनख पारख्या कर चुक्यो हो । उण रा गीत बच्चा बच्चा री जीभ पे हा । चांद ऊगतां ई, दिखणादी वायरो चालतां ई उण रा गीत आकास में गूँज जाता । कवि रा गीत गोखडां री जाळियां सूं सुरसुर करता वायरा में सुरणीजता, मारग चलतां ने सुणीजता । रोई में गूँजता रैता आंगणां में रमता रैता । कवि रा नाम री अर ख्याति रो कोई चांको नीं हो ।

यूं घणां दिन वीत गिया । कवि कविता बणावतो, राजा सुरातो, दरबारी दाद देता मंजरी पणघट वे जावती । रावळा रा भरोखा री जाळियां सूं कदी कदी छाया आय पड़ती, कदी कदी रमभोळां रा घूघरां री झमक कानां में आय पड़ती ।

( २ )

दक्खरादेस रा एक कवि राजा रा दरबार में आया । ये दिग्विजै करता आय रिया हा । वे आपरे देस सूं निकळ गैला में जतरा राज पड़िया वठा रा सगळा राज कवियां ने हराता अमरापुर आया । आवतां ई सादूळ विक्रीड़ छन्द में राजा री स्तुति कीधी ।

राजा आवकार दीघो, 'मांगो, मांगो ।'

कवि पुण्डरीक बड़ा गरव सूं, बोलिया, 'जुद्ध चावूं ।'

राजा री, राज री इज्जत रो सवाल । जुद्ध तो देवणो ई पड़ैला । पण राजकवि शेखर ने तो या ई ठा नीं के वाक जुद्ध देवे कियां है । शेखर तो सोच रा सागर में डूब गिया । मन में संका बैठगी । आखी रात नींद नीं आई । वे तो जठी ने झांके जठी ने पंच हत्थो पुण्डरीक दीखे । खांडा री धार जेड़ो तीखो नाक, दरप सूं ऊंचो उठियोड़ो माथो ई माथो दीखे ।

दिन ऊगियो कांपते काळजे कवि रणखेत में पूगियो । दिन री ऊगाळी सूं ई मिनखा रो ठाठ लागरियो । दरीखानो ठाठास भरियो । हाकोहूल्लो व्हेरियो । चौवटो बंद हो । शेखर मांढाणी मूंडा पे घणी दोरी मुळक लाय न कवि पुण्डरीक सूं मुजरो कीधो । अणमणांपणां सूं पुण्डरीक धीरेक रा माथो हिलाय मुजरो झेलियो; आपरो सधवाच्या चेला चांटियां, साम्हो झांक न मुळकियो । शेखर रावळा रा झरोखा आड़ी ने छानेकरो भांकियो । जाणगियो हजारां हिरणाक्खियां री प्रागती उतावळी कौतग भरी आंखियां नीचे लाग री है । शेखर रो मन एक ध्यान व्हे दूजा ई लोक में पूग गियो । जागती जोत री वंदणा करवा लागियो । मन ई मन कियो, 'हे देवी अपराजिता, जो आज म्हारी जीत व्हे जावे तो थारो नाम ई ज सारथक व्हेला ।'

बांकियो वाजियो । 'खम्मा खम्मा' करतो सारो दरबार ऊभो व्हेगियो । घोळी पोसाक धारण कीधां राजा उदैनारायण पवारिया, जांणे सरद रूत रो घोळो वादलो आयो । गादी पे बिराजिया ।

पुण्डरीक उठिया, जाय गादी रे आगे ऊभा व्हिया ।

सारो दरबार चतराम री पूतळी ज्यूं ऊभो ।

लंवे चौड़े दाटक पुण्डरीक, छाती चौड़ी कर, गावड़ ऊंची कर गहर गंभीर साद में राजा री स्तुति बोलवा लागियो । कंठ सुर तो म्हेलां में मावै नीं ।

जांगे समंदर गरजना करवा लागो । म्हेलां री भीतां, थांभा, छाजा हालवा लागिया । सुणवावाळा रा काळजा री खिड़कियां थर थर घूजवा लागी । कवि रा कौसळ रो कांई कैवणी कांई तो उणांरी जुगतियां है, कांई कैणे रो ढंग है । कांई कविता में सगती है । उदैनारायण नाम री कतरी तरै री तो वां व्याख्या कर दीधी । राजा रा नाम रा आक्खरां रो कतरी आडी ने सूं, कतरी तरै सूं विन्यास कीवो । छन्दां रो अर यमकां रो तो कोई हिसाब ई नीं ।

पुण्डरीक कविता चुणाय जाय न आपरा आसण पे बैठिया थोड़ी देर तक तो म्हेल वां रा कंठ री प्रतघुनि सूं गूँजतो रियो । घणो देर तांई हजारां हिवड़ां रा, मुखड़ां सूं निकळी वाह वाही गूँजती री । दूरा दूरा देसां सूं आयोड़ा विद्वान, पिंडत, हाय ऊंचा कर कर 'रंग हे, रग है थर्ने,' करवा लागिया ।

राजा, शेखर रा मूंडा साम्हा चोघिया । शेखर ई राजा साम्हा देखियो, नजर में भगती, नेह. अरमान भरियो पण सागे ई संकोच अर गरीबाई ही । धीरे करो उठियो ।

भगवान रामचंद्रजी प्रजा ने राजी राखवा ने सीताजी ने दूजी दांण अगनी परिक्षा देवा ने कियो जदी सीता ई पति रा मूंडा कानी देखती यूं ई ज रामजी रा सिंघासण मूंडागे उभी व्ही ।

. कवि री चोज भरी नजर राजा ने केय रां ही, 'म्हूं थांरो ई ज हूं । थां जे दुनिया आगे ऊभो राख न परीक्षा लेणो चाणो तो लो थांरी मरजी । पग.....' पछे आंखियां नीची कर लीधी ।

पुण्डरीक तो ऊभो हो सोनेरी न्हार री नांई । शेखर ऊभो सिकारियां सूं घिरियोड़ी हिरणी री नांई । शेखर मोट्यारडो छोरो । लुगायां जेड़ी थोड़ी थोड़ी लाज, नेह भरियोड़ी, कंवलो रूपाळो मूंडो । पीळा रंग रा गाल । सरीर रो लळ-वळियो । यूं लागे जांणे भावना रे अड़तां ई इण री देह वीणां रा तारां री नांई कांप न वाजवा लाग जाय ।

शेखर मूंडो ऊंचो कर न घणांई मीठा मीठा वोलवा लागिया । पैलडो स्लोक तो पूरी तरै सगळा सूं सुणिजियो ई नीं । पछे माथो धीरे धीरे ऊंचो कीधो, जठो ने नजर न्हांकी वटा सूं सारा लोगां ने, म्हेलां री भाटां री भींता ने चीरती, छेठी घणी छेठी अतीत में जाय नजर पूर्णी ।

मोटियारडा कवि रो मीठो, साफ, कंठ सुर कांपतो कांपतो वासदी री सुनेरी भांळ नांई ऊंचो जावा लागियो । पैलां तो वां राजा रा चंद वंस रा वडाउवां रा विडद वखाणियां । पछे धीरे धीरे कजाणां कतरां ई जुद्धां रा झगडां रा, सुरता

रा पराक्रम रा, जग्य रा, दान रा, अनुष्ठानां वखाण करता करता यां राजा रा जमाना री वात पे उतरिया । कवि बीतियोड़ा जमाना री जूनी याददास्त में उळजियोड़ी नजर ने अरमी खैंच राजा रा मूंडा पे जमाई । अरवे वे राजा री, समसत प्रजा री भावना रो अर प्रीत रो रूपक वांघवा लागिया । प्रजा री उण प्रीत रो वखांण करवा लागिया जो हिवड़ा में हिलोळा ले अर जीभ सूं समझावणी नीं आवे । उण अणकत्य प्रीत रो सवदां सूं अर छंदा सूं वो ठाठदार वरणन कीधो जांरो वा मूरती व्हेय सभा रे वीचे मूंडागे आय ऊभी रंगी । यूं लागवा लागो जांरो वा लाख लोगां रा हिवड़ा मूं निकळ, दौड़ दौड़, यां जूना म्हेलां सूं बाथां भर भर मिल री है । म्हेलां रा एक एक भाटा ने, एक एक ईंट ने छाती रे लगाय री है, लाड कर री है । ए, वा ऊपरे उडी, रावळा रा झरोखा, गोखड़ा में पूगी । राजलक्ष्मी जसी म्हेलां री लछमियां रा चरणां में नेह भरिया, भगती भाव सूं लोट पोट व्हेगी वा प्रीत पाछी आई, राजा रे, राजा री गादी रे आणंद सूं उछळती परकम्मा देवा लागी । पछे कवि बोलियो 'पिरथीनाथ, वाक्यां में, बोलवा में म्हुं हार सकूं पण भगती में म्हनें कुण हराय सके ?' यूं कैय धूजता लगा आप री जगां आय वैठ गियो ।

परजा रा लोग जळजळी आंखिया सूं, गळगळा गळा सूं 'वाह वाह' करवा लागिया । पुण्डरीक हंसिया, जांरो वे घिरकार रिया व्हे । जनता री भावना री बेकदरी करता पाळा ऊभा व्हिया अर गरब सूं गरजना करता बोलिया 'वाक्य सूं बढकर और है ई कुण ?'

सब जणां छानामाना व्हेगिया ।

पुण्डरीक अनेकानेक छंद बोलवा लागिया, वां री पिडताई बतावा लागिया, वेद वेदांत अर आगम-निगमां सूं परमाण देवा लागिया 'संसार में सब सूं श्रेष्ठ वाक्य है । वाक्य ई ज सत्य है, वाक्य ई ज ब्रह्म है । तीन ई देवता, ब्रह्मा, विष्णु महेस वाक्य रा वस में है ई वास्ते वाक्य वां सूं ई ऊंचो है । ब्रह्माजी रे चार मूंडा है तो ई वांसूं सगळा पूरा वाक्य नीं कैवणी आया । पंचानण के पांच मूंडा व्हेता थकां ई वाक्यां रो अंत नीं पायो जो छानामाना व्हे, ध्यान में लीन व्हेय वाक्य सोध रिया है ।'

ई तरै पिडताई पे पिडताई बताय, साखां पे साखां रो ढिगलो लगाय, वाक्य ने बैठा वाने एक आभा ताई ऊंचो सिंघासण जमाय दीधो । यूं पुण्डरीकजी वाक्य ने मिरत्युलोक अर देवलोक रा माथा पे जाय बैठायो । पछे बीजळी री नाई कड़क न पूछियो—'वाक्य सूं वत्तो कुण है, बताओ ?'

पुण्डरीकजी गरब सूं चारूं पासे देखियो । सगळा चुप । कोई जवाब नीं ।

वे धीरे धीरे जाय आपरा आसण पे बैठ गिया । पिंडत लोग 'घन्न घन्न' केवा लागिया । राजा अचंभा सूं देखता रैगिया । कवि शेखर, इण ग्यान रा सागर आगे आपने नाइलियो समझ लीवो । दरीखानो बरखास्त व्हियो ।

[ ३ ]

दूजे दिन कवि शेखर आय कविता गावा लाग । विंदरावन में पैल परथम बंसी बाजी तो गोपियां ने खबर ई नीं पड़ी के कुण वजाय रियो है, कठे बाज री है । एकदांण लागियो जांणे दिखणांद रा वायरा में बाज री है, दूजे निमख लागियो जांणे उत्तराद रा वायरा में गोरधन परवत पे बंसी री धुन आय री है । यूं लागियो जांणे उदयाचळ पे ऊभो कोई मिलवाने बुलाय रियो है, पछे लागियो अस्ताचळ रा खूणा पे बैठियो कोई विजोग रा दुख सूं रोय रियो है । पछे यूं लागवा लागियो जमना री ल्हेर ल्हेर सूं बंसी री धुन आय री है । आकास रो एक एक तारो बंसी रो बेजको है । कुंज कुंज में, गैला घाटा में, फूल फूल में, जळ थळ में, ऊंचे नीचे, मांयने वारणे, रज रज में बांसरी बाजवा लागी । बंसी कांई कैय री है या ई कोई नीं समझियो, बंसी रे पडूतरं में हिवडो कांई कैवणो चावे जो ई किए सूं ई तं नीं करणी आयो । खाली दोई आंखियां में आंसू भर आया अर अलोक श्याममुन्दर रा मिलण री वांछा सूं हिडदा हलसाय गिया ।

कवि शेखर सभा ने भूल गियो, राजा ने भूल गियो, आप ने भूल गियो, अगला ने भूल गियो । जस अपजस, हार जीत, उत्तर पडूतर, सब ने भूल आपणी निरजण हिवडा री बाड़ी में अकेलो ऊभो ऊभो वीं बंसी रो गीत गावतो ई गियो । उणां ने तो याद री वस एक जागती जोत मनडा में बसियोडी मूर्ति, उणां रा काना में खाली उण रा चरणारविदा रा रमझोळा रा घूघरां री भ्रमक बाज री ही ।

कवि शेखर जद आप रा गीत ने संपूरण कर वारळा ग्यान सूं सूना व्हे आप री जायगां बैठा तो एक एडा मीठास सूं आकास भरगियो के कैवणी नीं आवे । विरह री व्याकुळता सूं म्हेल, दरीखानो एडा भरीज गिया के किणि रा मूंडा सूं 'वाह वाह' तक नीं निकळियो ।

भावां रो जोर सीळो पडियां पछे पुण्डरीक जाय राजा री गादी आगे ऊभा व्हिया । पूछियो 'कुण राधा है अर कुण ऋण हैं ?' कैय न चारू आडी ने नाळिया, चेला चांटियो साम्हा झांक न मुळकिया । मुळक न पाछो पूछियो 'कुण राधा है अर कुण ऋण है ?' अर अवे आप री जबरजस्त पिंडताई बताता लगा आप ई पडूतर देवा लाग ।

## ● हार चीत

केवा लागा, 'राधा प्रणव है, ओंकार है; कृष्ण धियान है, जोग है; ब्रंदावन दोई भूं'वारा बीचलो बिंदु है । पछे तो इड़ा सुसमना पिंगळा, नाभिपदम, हृदपदम, ब्रह्मरंध्र सगळां ने लायां पटकिया । 'र' रो अरथ काई र 'घा' रो काई, क्रस्ण सव्द रा 'क' सूं'लगाय 'ण' तक आखरां रा जतरी तरं रा न्यारा न्यारा अरथ निकळता, वां सगळां री मीमांसा कर न मेल दीधी । एक दांण समभाया, क्रस्ण वेद है अर राधा खट दरसण, दूजी दांण समभाया, कृष्ण जग्य है राधा अगनी है; तीजी दांण अरथायो क्रस्ण शिक्षा है राधा दीक्षा है, राधा तरक है तो कृष्ण मीमांसा है; राधा उत्तर पड्तर है अर क्रस्ण जय लाभ है ।

यूं अरथाय पुण्डरीक राजा साम्हा झांकिया, पिंडता साम्हां झांकियां, जोर रो ठठो लगाय शेखर साम्हा झांक न गरब रे साथे आप री जायगा जाय न बँठ गया ।

पुण्डरीक री इण गजब री सगती पै राजा भूम गया पिंडतां रे अचरज रो चांको नीं रियो । राधा क्रस्ण री नुवी, नुवी व्याख्या, बंसी री धुन, जमना री ल्हेरां अर प्रीत रा मोह ने अळगा काट न फँक दीधा, जांणे वसंत रा रंग सूं रंगियोडी पिरथी परळा हरिया रंग ने पूंछ न कोई गाय रा पवित्तर गोवर सूं लीप दीधो व्हे । अतरा दिनां रा अवेर अवेर न राखियोडा गीतां ने शेखर अवरथा समझवा लागिया । ईंरा पछे तो वां में गीत गावा री सामरथ ईं नीं री । उण दिन री सभा समापत व्ही ।

[ ४ ]

दूजे दिन पुण्डरीकजी पाछी व्यस्त, समस्त, द्विव्यस्त, द्विसमस्त, वृत्त, तांथ्यं, सौम्य, चक्र, पदम, काकपद आद्युत्तर, मध्योत्तर, अंतोत्तर, वाक्योत्तर, स्लोकोत्तर वचनगुप्त, मात्राच्युतक, च्युतदत्ताक्षर, अर्थगूढ, स्तुतिनिदा, अपहृति, घुद्धापभ्रंश, शाब्दी, काळसार, प्रहेलिका, वगैरा वगैरा सव्दां रा नाम ले ले ऐडी अदभुत चतराई वताई के सभा रा मिचखां अचंभा सूं दांते आंगळी देय दीधी ।

शेखर री कवितां तो घणी सरळ, समभवा में कोरी व्हेती । वीं री कविता ने तो मिनख, राजी व्हेता तो गावता, बेराजी व्हेता तो गावता । खुसी रा मौकां पै गावता, आणंद उच्छवां में गावता । आज मिनखां परतख देख लीधो के शेखर री कविता में एडी काई खास सिफ्त नीं, एडी तो वे चात्रे तो वे ईं वणायले । कविता बणाणे री कोसिस नीं कीधी वां अभ्यास कोनी ज्यू, मौको मिले तो वे ईं वणायले एडी तो । काई दोरी थोड़ी है, कोई नुवी वातां ईं उणां में नीं । शेखर री कविता सूं नीं तो लोगां ने कोई नुवी सीख ईं मिले नीं काई फायदो ईं है । पण आज जो पुण्डरीकजी सूं सुणियो वो तो अलभ है, कदी सुणियो ईं नीं । काले जो वातां

सुणी उणां में घणी सीख मिले, नरी वातां तो सोचवा विचारवा री है । दूरा देस रा पुण्डीरक री पिंडताई अर ग्यान रे आगे वां ने घर रो कवि शेखर बिलकुल टावर अर फोरो पातळो लागवा लागियो । घर रा जोगी जोगड़ा, बार गांमरा सिद्ध ।

मांछळी री पूंछ हालवा सूं पाणी रे मांयने जो हिलोळ पैदा व्हे उणां री टक्करां री सरोवर मांयला कंवळ रा फूलां ने बेरो पड़े ज्यूं शेखर ई मांयला मन में समझ रियो के एडेमेडे बैठियो लोगबाग उण रे वास्ते कांई सोच रियो है ।

आज आखरी दिन है । आज ई हारजीत रो फैसेलो व्हेला । राजा कवि रे मूंडा साम्हा भांकिया । जिण रो मतलब यो हो के, 'आज चुप बैठियां काम नीं चालवा ने है, जीतवाने पूरो जोर लगा ।'

शेखर सभा रा एक खूणां सूं ऊभा व्हिया । खाली ये ई बोल निकळिया, 'ऐ वीणापांणि सुरसती, कमळ वन ने सूनो कर जै थूं ई मल्लजुद्ध रा अखाड़ा में आय ऊभी रे ई तो हे देवि, थारा चरणां रा चाकरां री, भगतां री जो अमरत रा तिरसाया है उणां री कांई गत व्हेला ?

शेखर यां लफजां ने मूंडो थोड़ो ऊंचो कर घणां ई ज कशणा सूं बोलियो । बोलरो रे लेहजो एड़ो हो जांरो वीणांपाणी सुरसती रावळा रा भरोखा में साख्यात ऊभी व्हे ।

सुणतां ई पैला तो पुण्डीरक खूब हंसिया । पछे 'शेखर' लफज रा पाळलां दो आखरां पै धड़ाधड़ स्लोक बोलता गया । कैवा लाग, कंवळ वन रे लारे 'खर' रो कांई मेळ ? संगीत री अतरी महैमा गाई पण वीं मिनख लाभ कांई उठायो । सुरसती रो वासो तो पुण्डीरक ( घोळा कंवळ ) में ई ज व्हे । रावळा राज में सुरसती एड़ो कांई कसूर कीधो जो खर रो वाहण देय उण रो अपमाण करियो ? या जुगती सुण सगळा ई पिंडत हंसवा लाग गया । सारो दरवार ई इण हंसी में सामिळ व्हे गियो । वां री देखा देखी, सगळो लोग ई हंसवा लाग गियो । समझिया वे ई हंसवा लाग, नीं समझिया वे ई हंसवा लाग ।

इण कटाक्ष रो मौजूं पडूत्तर देवा ने राजा आप रा कवि रे आंख री आंगछ कतरी दांण चुभाई पण शेखर रे तो अड़ी ई नीं । वो कजांणां कांई धियान में डूवियोडो, उण ने खबर ई नीं पड़ी, पखाण ज्यूं बैठियो रियो । राजा मन में घणा बेराजी व्हिया । वे गादी सूं उठिया, गळा मांयने सूं मोतियां री माळा खोल पुण्डीरकजी रे कांठ में पैराय दीधी । सभा रो लोग 'धन्न है धन्न' बोल उठियो । रावळा मांयने एक साथे कतरी चूडियां रो खणकारो र नेवरियां रो भणकारो सुणीजियो । सुण न शेखर उठिया, धीरे धीरे दरीखाना वारै निकळ गया ।

[ ५ ]

काळी चंद्रस री रात । चारू कांनी अंबारी । फूलां री खसवोई सूं भीनो  
दिवखाद रो पवन, समहस्टी दातार री नाई गोखडां सूं नगर रा घर घर में  
बळ रियो ।

शेखर पांटा परळी सैंग पोथियां नीचे उतार मेल दीघी । मूंडागे उणां रो  
ढिगलो कर दीघो टाळ टाळ आपरी मांडियोडी पोथियां ने न्यारी कीघी । नराई  
दिनां पैलां री मांडियोडी घणी सारी पोथियां ही, वां मांयली घणी खरी कवितां  
ने तो वे भूल ई गिया हा । वां ने उळट पुळट, अठो नूं वठी नूं वांच न देखवा  
लागिया । आज उणां ने वे सारी कविता, गीत, विलकुल तुच्छ लागिया । एक लांबो  
नीसासो भर न वोलिया, 'आखी उमर री या ई ज कमाई है । थोड़ाक छंद, र  
नफज, थोड़ीक वेणसगाई, बस ।'

आज उणां ने आपरी रचना में नों तो रूप निजर आयो नों रस निजर  
आयो । नों हिवड़ा हूळसावणियो आणंद ई दीस्यो । मांदा मिनख ने धान नी भावे  
मूंडा में कूवो मैलतां ई उवकाई आवे ज्यूं ई आज शेखर रे हाथ कर्ने जो बसत  
आई अळगी बगाता रिया । राजा रो मितरता, नामवरी, हिवड़ा रो हुलास,  
कल्पना रा सुरंग रंग, सब कुळ आज री इण काळी रात में विना सार रा लाग-  
रिया, जाणो हंसी कर उणां ने चिड़ाय रिया है । एक एक कर आपरी सारी पोथियां  
ने मूंडागे बळती सिगड़ी में न्हाकवा लागिया ।

अचाणचक उणां ने एक कोगत री बात याद आयगी । हंसता हंसता  
बोलिया, 'बड़ा बड़ा राजा माराजा अस्वमेव रो जग्य करवो करता, आज म्हारो  
यो काव्यमेव रो जग्य है ।' तुरंत विचार आयो, या श्रोपमा ठीक नी वैठी ।  
अस्वमेव रो घोड़ो तो सब जगां मूं जीत न आवतो जदी अस्वमेव व्हेतो, अरं  
मूं तो जिण दिन म्हारो कविपणो हारियो उणी दिन काव्यमेव करवा ने वैठियो  
हूं । इण सूं पैलां कर न्हाकतो तो चोखो रेवतो ।'

शेखर तो एक एक कर आपरी सगळी पोथियां अगनदेव रे चढाय दीघी ।  
वासदी री ऊंची ऊंची आळां निकलवा लागी तो कवि रीता हायां ने पटकता  
बोलियो 'देय दीघो देय दीघो । देय दीघो थनें देय दीघो थनें । रुपाळी भाळ, सब  
कुळ थारे अरपण कर दीघो । अतरा वरसां सूं थनें ई ज म्हारा सर्वस्व री  
आहुती देतो रियो, आज विलकुल खतम व्हेगियो हूं । घणां दिनां सूं थूं म्हारे  
काळजा में मुलग री ही । मोवनी, जो मूं सोनो व्हेतो तो तप न कुंदन व्हेगियो  
व्हेतो पण मूं तो तुरकलियो हूं तुरकलियो जो बळ न भसम व्हेरियो हूं ।'

आधी रात ढळ री ही । मांझल रात रा सणणाटां में शेखर उठिया ।



घर री सैंग खिड़कियां, वारियां चौपट खोल दीधी । सौक रा फूल सांभ रा ईं  
वाड़ी सूं चूंट न ले आया हा । सैंग घोळा फूल हा, भोगरो, जूही, चांदणी ।  
मुट्टियां भर न फूलां ने ऊजळा घोळा झक्क विछावणां पूं बिखेर दीधा । घर में  
चौपासे दीवा जोय दीधा । बिख री गांदळ ने सहद में मिलाय गिट गिया । मूंडा  
पे चिता फिकर री कोई रेखड़ी नीं । धीरे धीरे जाय उण ढोलिया माथे सोयगिया ।  
डील ठंडो पड़वा लागियो, आंखियां मींचवा लागी ।

अतराक में घूघरा बाजिया । वायरा रे लारे केसगंध आई ।

आंखियां मींचिया मींचिया ईं कवि बड़वड़ायो 'देवी, चाकर पे दया कीधी  
काई । अतरा वरसां सूं आज दरसण देवा आई हो ।' एक मीठो सो साद कानां में  
पड़ियो, 'कवि, भूं आयगी ।' शेखर चमक न आंख खोली, निजरिया रे आगे  
रंभा जेड़ा रूपवाळी अस्तरी ऊभी ।'

काळ छायोड़ी, आंखियां सूं सावळ सूझियो नीं । जाणियो मन में बसियोड़ी  
भूरती री छाया है । वा वारे निकळ आई है जो अंत रे वगत आंख गडाय उणने  
देख री है ।

पदमण बोली 'भूं अपराजिता हूं, राजकंवरी ।'

शेखर घणो दोरो किया ईं ऊठ न बैठो न्हियो ।

कंवरी कियो "राजा सूं थारी जीत हार रो अदल न्याव नीं करणी आयो ।  
जीत थारी व्ही है । इस सालू थाने जैमाळा पैरावने आई हूं ।

यूं कैतां ईं अपराजिता, आपरे हाथ री गूंथियोड़ी माळा आपरा गळा सूं  
उतार शेखर रा गळा में पैराय दीधी ।

कवि रे दोळूं तो काळ फिरगियो हो ढोलिया माथे ढळगियो ।

## भूखा पाखाण

मूं म्हाय एक लागतीका रे लारे दुखातूना री जातीलां में देसादण कर न पाछो कलकरो आयरियो हो । खेज में एक जणां मूं मिलणो व्हेगियो अर बांसू बाजां रा फटकाय लागवा लागिया । बां रो पैखवो देख न पैलां तो म्हे वैम व्हियो के वे गिल्ली रा नुसलनाम होलां । पड्ये बां रीं बाजां सुण मुन न तो भरमबाळ में फंस्तो ई गियो । दुनिया रा एक एक नामला में वे मूं वाज करता जाणे दुनियां ने चलावनियो बरनाजी यां ने पूछ पूछ नीं जे काम करतो व्हे । वे केवा लाग, जगत में मांयने ई मांयने असी असी नेदरी बातां व्हेयरी है जो आपां नां तो देवां हां नीं सुनां हा । ह्य रा नितवां क्तरा तरकी कर लीची है, अंगरेज छाने छाने कांई पुस्त कर रिया है । देसी रजवाड़ा में कजांणां कांई कांई व्हेयरिया है । आनां ने कांई ठा है न ठकानो, नर्तीता पडिया घोर खैचरियां हां । पद्ये मुळकता लगा बोलिया । There happen more things in heaven and earth, Horatio, than are reported in newspapers.' मतलब यो के 'हारेचिओ, थारं यां अखवार में छपनवाळी खबरां मूं मोकळा बत्ता वाका ई बरती पे र आकास में व्हेवो करे ।'

वाज या ही के म्हां पर मूं पैली बांग अक्काळे बारें निकळ्या हा । म्हां तो बांरो वातां मुन न बांरो वाळो देख न चकलनाम व्हेगिया । वे तो पिरयीनाय छनीक छनीक वाज पे कदी विम्यान री कदी देवां री अर कदी फारसी रा वेतां री अनी नवीरुं देवता के म्हारो अकल चकरायणी । वेद, विम्यान अर फारसी बोली में म्हे तो कांई समझता तो हा नीं म्हांरी अद्दा बां पे बवती गी । म्हाय बेली जो

थियोसोफी जांगवावाळा हा वां रा तो मन में ठुकगी के यो कोई न कोई करामात जरूर जांरो । भलाई मेगनेटिजम जाणो भलाई देव माया, योग विद्या के भूतपरेत विद्या जांणतो व्हो, पण कांई न कांई एड़ी कोई विद्या जांरो जरूर है । वे वीं गजब रा मिनख री वात ने एड़ा एकचित्त व्हेन सुगरिया हा के वारळो वां ने कांई चेतो ई नीं हो । सागे ई म्हारी आंख टोळाय न वारी कोई कोई वात ने मांडता ई जाय रिया हा । वीं गजबी ने ई ठा पड़गी ही अर वो मनोमन राजी व्हेयरियो हो ।

रेल आय न जंकसन पे ऊभी री, म्हां दूजी गाड़ी री वाट नाळता वेंटिंग ह्म में आय ने बैठ्या । रात रा कोई साढाक दस वज्या होसी । ठा लागी के गैला में खोड्माळी व्हेगी जो गाड़ी मोड़ी पूगेला । म्हें मेज माथे विछाणो ऊरळो कर न सोवा री कररियो हो जतराक में वीं गजबी आदमी एक सुंवावणो दासतान छेड़ दीघो के सैंग रात किनें ई नींद ई नीं आई ।

वे कैवा लागा,

राज काज रा काम में कि मत्तो मेळ नीं खाधो जो म्हूं जूनागढ़ रो काम छोड़ न हैदराबाद राज में परोगियो । वां म्हेने जुवान अर जोरदार आदमी देख भडौच में रूई री डांग पै डांगी वणाय दीवो ।

भडौच घणी रळियावणी जायगा । निरजण मंगरिया रे हेटे कांकड़ में सुस्ता नंदी बैवे । संस्कृत रा 'स्वच्छतोया' नाम बगड़ ने सुस्ता व्हेगियो । वा सुस्ता मंगरिया मांयतू खळ खळ करती, चक्कर खाती, पैड पैड पै बांकी तिरछी व्हेती, चतर नाचवा वाळी ज्यूं नाचती गी है । वीं नंदी रे कनारे मकराणा रा भाटा रो एक मोटो म्हेल वाणयोडो हो । कोई डोढसोक पैडियां ऊंचो चढणो पड़ै । ऊपरे नाय न वो म्हेल अकेलो ऊभो हो, आड़े पाड़े कोर मनख रो जायो नीं, घर रो नाम नीं । भडौच री रूई री मंडी वठा सूं नरी दूरी ही ।

कोई अढाई सौ वरसां पैलां दूजे मैमूद साह आपरे रंग राग, सुख बिलसवा ने, एकमाड़ी जायगा देख ई म्हेल ने वणायो हो । कोई जुग में ईं रां सिनानघरां में गुलावजल रा फूंवारा चालता हा । सिनान घरां में मकराणां रीं सूंवाळी सिलाडियां माथे, ईरान देस री, जोवन छाई गुललंजा वेठी रैवती । वठा रा निरमल पांणी में कंवळा पगां ने उघाड़ पसार न बैठती । सिनान करवा सूं पैलां काळा वाळा लांबा लांबा घूंघराळा केसां ने विखेर, गोद मांय ने सितार मेल न दाखां री वेलडियां नाई भूम भूम न गजलां गावती ।

अवै वे फूंवारा नीं चाले, गजलां ईं नीं गवीजे, नीं पैलां री नाई घोळा, ऊजळा मकराणा पै जोवन छाई गौरडियां रा गौरा गौरा कंवळा पग ई मेलीजे । अवै तो वो म्हेल म्हां जस्या चूंगी कलकटरां रे रैवा सारूं लावो चौडो, रीतो डीवो

पड़ियो है। दफतर रे वूहै अन्नकार करीमखां म्हने वठै रेवा न वरजियो। वीं कियो, आपरी मरजी है तो दिने दिने भले ई रेवो पण रात पड़ियां वठै कदी मत रेवजो' वीं री वात ने म्हें रोळ में उड़ाय दीत्री। दूजा नौकर चाकर तो साफ नन्नो भण गया संभां ताई' वठै काम कर लेवां पण रात ने तो रेवां ई ज नीं। म्हें कियो ठीक। वात या ही के वीं म्हेल री अतरी हवा उड़गी ही के रात ने तो चोर ई पग नी देवता।

पैलपोत जद वीं म्हेल में पग मेल्यो तो बठा रो सणगाटो अजगर सांप री नाई म्हारी छाती पै जम न बैठगियो। म्हूं तो घरणो खरो बारै ई ज रेवतो। काम सूं थाक न आवतो। आवतो ई सोय जावतो।

एक अठवाड़ो व्हीयो व्हेला न वीं म्हेल रो एक अजब नसो घीरे घीरे म्हारा मन पै चढ़वा लागो। म्हारा मन री जो गत व्ही वीं ने कैवणो ई दौरो है, वीं वात पै किण ने भरोसो करावणो तो और ई दौरो है।

ऊनाळा री रूत ही। रूई रो वैपार मंदो हो, म्हारा कनें कोई एड़ो काम ई नीं हो। दिन आंधियां री वेळा, नंदी रे कनारे घाट माथे नीचे पगथ्या पै म्हूं आराम कुरसी पे बैठयो, विसराम कर रियो हो। जां दिनां नंदी में पांणी घणो नीं हो। परलो कनारो, नंदी रो सूखो रेतर्ड़ो आंधमता सूरज भगवान री किरणां सूं रंगीज गियो हो। अठीले कनारे घाट रा पगथ्यां गीचे निथरियोड़ो ओछो पांणी हो जीं में गोळ गोळ लोडियां चमक री ही। वायरा रो नाम नीं पानड़ो तक नीं हालरियो हो। मंगरिया परळा जंगल मांयनू अड़क तुळसां री, वरीयाळी री खसबोई आपरी ही। खसबोई सूं तरावट आय गी ही।

सूरज मंगरा रा दूंचका रे लारे छिपगियो तो जांरो दिन री रंगसाळा में पड़दो पड़ गियो। वीं जायगा मंगरा बीचै आयगिया जो सूरज आंधती वेळा ऊजाळो व्हे जो अर अंधारा रो मेळ घणी देर ताई नीं ठेरे। घोड़ा पे चढ़ न स्हेल करवा ने जावा सारूं ऊठ ई ज रियो हो। अतराक में तो म्हने घणां जणां रा एक लारै पग वाजता सुणीज्या। पाछो फिर न नांळू तो कोई नी दीख्यो।

कानां ने भरम व्हेगियो दीखे। पाछो फिर न बैठो तो पाछा वे ई ज पग वाजता सुणीज्या। यूं लागियो जांणी सेहलियां रो भूमको भमभम करतो नीचे उतर रियो व्हे। कि तो मन में संका व्ही पण एक अनोखा आरांंद री ल्हेर म्हारी रग रग में भरगी। म्हने आंधियां सूं तो कोई दीख नीं रियो हो पण म्हने साफ साफ लागरियो के ऊनाळा री वीं संझया वेळा में अचपळी कामणियां रो भूलरो नंदी रा पांणी में न्हावा ने जाय रियो है। वीं वगत डूंगरा रे नीचे, नंदी रे कनारा माथे, वां सूना म्हेल में कोई पान खड़कवा तक री आवाज नीं ही कठै

ई । पण व्हें सागेसाग सुणियो के भरणां रा मधरा मधरा खळखळाटा री नांई कौतक भरी हंसती थकी, सिनान करवा वाळियां, एक दूजी रे लारे भागती थकी विलकुल म्हारे पसवाड़े, व्हेन निकळगी । म्हारा आडी ने कोई चोधी तक नीं । जांणे वे म्हने नीं दीखे पण म्हूं वां ने दीखूं । नंदी पैलां री नांई सांत ही । पण म्हूं सागेसाग म्हारी आंखियां रे आगे देखवा लाग्यो के सुस्ता नंदी री ओछा पांणी री धार एकणदम घणी सारी चूडियां बाजती बांहियां सूं हिलावणी आयगी । वे साथणियां हंस हंस न एक दूजी पै पांणी उछाळ री । तिरवा वाळियां रा पगां सूं उछळ उछळ न पांणी री बूंद मोतियां री नांई आकस में बिखर री ।

म्हारो हिवडो हाल गियो राम जांणे डरपता थकां रो के आणंद सूं । म्हारो मांयलो मन कर रियो के यांने भली भांत देखूं । पण देखवा ने कांई हो ई नीं । पळ्ळें मन में आई कान देय न सुगूं तो यां री वृतातां सुणीजेला । चित्त एक जगा कर घणो ई कान दीधो पण खाली भींभरी रो भणकारो सुणीज्यो । म्हने लागवा लागियो अढाई सौ बरसां पैलां रो काळो पड्डो म्हारे आगे ई ज लटक रियो है ।

म्हें डरपते डरपते वीं रो थोडोक खूंणो पकड़ न मांयने झांकियो । कदाच मांयने मैफिल जम री व्हेला । पण वीं घोर अंधारा में कांई नीं सूझचो ।

अतराक में अमूजा ने मेटतो खूब जोर रो वायरो वाज्यो । सुस्ता रो थिर पांणी अपछरां रा घूंघराळा केसां री नांई भेळो व्हे गियो । संभ्रचा री छाया सूं छायोड़ी सारी वनराजि जांणे, सपनो देखती जागगी । सांच मानो भलां ई सपनो जांगो, म्हारा मूंडागे अढाई सौ बरसां पैलां रा चित्तराम सीकोट ज्यूं मंडगिया हा वे एक पल में मटगिया । वे मायावणी गौरडियां जाबक म्हारे भडें व्हे न निकळी ही, जांरे देही तो नीं ही पण सांतरी सांतरी चाल री ही । सबद तो नीं हो पण खलखलाय न हंसती, दौडती भागती सुस्ता नंदी में जळकेळ कर री ही वे पाछी गावा निचोय न म्हारे कने व्हेय न नीं निकळी । वायरो खसबोई ने उडायन परी ले जावे ज्यूं वे ई बसंत रा एक नीसासा सागे उड न कजांगा कठे ई परी गी । अबे म्हारा मन में संका आई के कठे ई म्हने एकलो देख न कविता देवी तो आपरो वाहण नीं वणाय री है । म्हूं वापडो रूई रो डांण वसूल कर न आपरो गुदरांण करूं । कठे ई वा सत्यानासणी म्हारो नास करवा तो नीं आयंगी है ।

विचारचो खाली पेट अस्या उदमाद उठवो करे । खूब पेट भर न खाय न सोय जांवरणो आपारे । वीं ज वगत म्हें म्हारा खानसामा ने बुलाय न खूब घीं मंसाला न्हाक 'मुगली खागो' वणावा रो हुकम दीधो ।

दूजे दिन, रात री वृतातां हांसाखेल री लाग री ही । खाय पीय राजी राजी

## भूखो पाखाण •

साँव री नाई टोप, कोट पैर न, टम टम चलावतो काम पै परो गियो । वीं दिन म्हें तिमाही रिपोट लिखणी ही, जो मोड़ा घरे आवा री ही । दिन ढळतां ढळतां तो जांणे म्हें कोई घर कानी खँचत्रा लागो । कूण खँचरियो ठा नीं पड़ी पण जीव त्राडातोड़ी करवा लागो के घरे परा चालां, वे सगळी वैठी व्हेला । रिपोट ने आवी ने ई छोड़ म्हूं तो टोप उठाय न हूँखारी छाया सूं छायोड़ा गैला पे, टमटम रो घोड़ो हाक दीवो । कवेळी वगत ही, मंगरा वाळा, अंधारा, सुनसान ढीवो पड़िया म्हेलां रो गैलो लीवो ।

पगथ्या चढताई साम्हलो दीवाणखानो मोटो सारो हो । वीं में मोटामोटा हीगाडीगा थांवा री तीन ओळां ही । वां रा कवाणा पे लदाव री छत ही । छत माथे चित्तराम हा जो देखवा जोग हा । वो लांवो चौड़े दिवाणखानो रीतो पड़ियो जो दिन में ई खांऊखांऊ करतो । उण दिन संभ्रया रा दीवो नीं वाळ्यो हो । आडा ने घवको देय खोल न ज्यूं म्हूं मांयने वळियो वठे तो एकणदम भागा दौड़ी माचगी । यूं लाग्यो जांणे मँफिल भांग ने सगळी भाग री है । वारणो दीख्यो तो वारणो, वारी दीखी तो वारी जठी ने गैलो दीख्यो वठी ने ई दौड़गी । दूजे ई पल वो रो वो सुनसान । वठे किने ई नीं देख न म्हूं चकतमान व्हेगियो । म्हारो हूँ हूँ ऊभो व्हेगियो । जूना तेल फुलेल अर वीमोला अतर री मधरी मधरी वासना म्हारा नाक में वळवा लागी । वीं अंधारा सूना म्हेल में, घोळा भाटा रा थांवां वीचे म्हूं ऊभो ऊभो सुणरियो भर झर करता फूँवारा रो पाणी घोळा भाटां पै पड़रियो है । कठी ने ई घूघरा वाजरिया, कदी सोना रा गैणां रो झणकार वाजतो, कदे ई जड़ाव रा गैणां री चमक दीखती । कदी राज दरवार री घडियाळ रा टकोरा सुणीजता, कदी दूरी नौबतखाना रो भणकारो सुणीजतो, वायरा सूं हालता, बल्लोरी कांच रा भाड़ फानूसां री टणटण सुणीजती । वारणो तिवारा पे बुलबुल गावती सुणीजती तो कदी वाग मांयने पाळचोड़ा सारसां रा दोल सुणीजती । जांणै एड़े मेड़े चारू-फानी भूतावळी जाग गी व्हे ।

म्हें तो चित्तभरम व्हेगियो । यूं दीखवा लागो जांणै जो म्हें दीख नीं रियो है वो ई ज सांच है, वाकी रो जगत कूड़ है । म्हूं तो भूल गियो म्हें ई जे, म्हें यो ई चेतो नीं रियो के कांई म्हारो नाम है, म्हूं किरो वेतो हूं, साढा चार सौ रिपिया री तनखा वाळो डांण रो दरोगो हूं, रोजीना टमटम में चढ न कचैड़ी काम करवाने जावूं । म्हें तो ये व्रातां वना हाथां पगां री झूठी लागवा लागी, जांणे हँसी री व्रातां व्हे । म्हूं तो वीं अंधारा सूना दरवार भवन में ऊभो यां व्रातां पे ठ्ठो मार न जोर सूं हँस्यो ।

अतरक में म्हारो मुसलमान चपड़ासी घासलेट रो दीवो हाथ में लीघां

वृळियो । वीं म्हणें चित्तभरम सोच्यो के नी पण वीं ज वगत म्हारो चित्त ठकारो आयो के म्हूं कुण हूं किरो बेटो हूं । अबै म्हूं सोचवा लागो दुनियां में कठै ई आंख सूं नीं दीखणिया फूंवारा चाले है के नीं, आंगळियां दीखे तो नीं पण वां रा तणकारा सूं सितार रा तार वाजे है के नीं, ये वातां सांची है के भूठी वो तो भगवान ई जाणै पण म्हूं भडौचरी मंडी में रूई रो डांण वसूल करणियो हाकम हूं ई में तो कोई फरक ई नीं, चौड़े घाड़े रो सांच है । दीवा आगे अखवार वांचतो जाय रियो न वीं मोहमाया री वातां ने चींतार चींतार हंसतो जाया रियो ।

अखवार पढ़ मुगळीखाणो खाय न खूंणां मांयला छोटासाक कमरा मांयने दीवो बुभाय न सोयगियो । म्हारे आगे वारी खुली ही, अंधारा कांकड़ मांयली मंगरी मथारे एक दपदप करतो तारो, करोड़ा जोजना परै बैठ्यो, एक डांण रा डांणी ने खाट पै पड़्या ने देखिरियो हो । म्हूं वीं ने देखतो देखतो सोयगियो खबर नीं । कतरी देर सूतो रियो जो ई खबर नीं ।

एकणदम ओझक न म्हूं जाग गियो । कमरा में कोई आयो व्हे ज्यूं पग वाज्या । अंधारा में मंगरी रे माथे तारो दमक रियो हो वो आंध गियो हो, अंधारा पख री फीकी चांदणी वारी मांयने व्हेय न आय री पण विना हुकम आय री जो डरपन भेळी भेळी व्हेती जाय री ।

म्हणें म्हारा कमरा में कोई दीख्यो तो नीं पण साख्यात म्हणें लाग्यो के कोई आय न कंवळो कंवळो हाथ अडायन म्हणें जगाय री है । म्हूं जाग गियो । दीख्यो मूंंडा सूं वा कांई नीं बोली पण वींठीया सूं चमकती पांचू आंगळियां हिलाय म्हणें वीरे लारे लारे सावचेती सूं आवा ने कैयरी है ।

म्हूं ई धीरेक रो उठ्यो, वीं मोटा म्हेल में जिमें सैकड़ा ओवरा ओवरी हा, कोई मिनख रो जायो नीं हो पण एक एक पग मेलतां म्हणें संको व्हेय रियो के कठै ई कोई जाग नी जावे । म्हेलां रा घणाखरा कमरा तो जड्या पड़िया हा, म्हें कदी वां में पग ई नीं दीधो हो ।

रात रा वीं अंधारा गुप्प में घीमा घीमा, पगलिया मेलतो, सांस ने रोक्यां, वीं अणदीखती बुलावावाळी रे लारे लारे म्हूं जाय रियो हो । कतरी अंधारी संकड़ी नाळां र सुरंगां में व्हेतो थको, कतरा ई लांवा चौड़ा तिवारा चौवारा में व्हेतो, कतरा ई सुनसान दरीखानां में व्हेतो थको, कतरी छोटी मोटी जड़ी पड़ी ओवरिया में व्हेतो थको कजांणा कठे कठे जाय रियो हो ।

वा अणदीखती दूती आख्या सूं तो नीं दीख री ही पण वीं री शकल मन ने अणदीखती नीं ही । ईरान देस री गुलनंजो ही । कपड़ा री ढीली ढीली बाहियां में वीं रा दूधिया रंग रा घोळा मकराणां जेड़ा करड़ा कंवळा, गोळ गोळ हाय

दीख रिया हा । माथा पे लाल रंग रा मुखमल री टोपी ही वीं रा नीचे भीणां कपड़ा री नकाव ही जो वीं रा गोळ, गुलाबी मूंडा पे घगी ओप री ही । कमर पे एक रेसम रो फॅटो वंधिवोडो हो जि में एक वांकडो कटारो खसोल राख्यो हो ।

म्हें जांण्यो, 'अलिफ लैला' री हजार रातां मांयली एक रातडी परीलोक मूं उड न आयगी दीखे । मांभल रात रा अंधारा में मूती वगदाद रा विना दीवा री सांकडी गळियां में म्हें जांण्यो अभिसार करवा ने निकळ्यो हूं ।

लेजातां लेजातां म्हारी वा दूती एक गैरा लीला रंग रा पडदा कर्ने जाय न एकणदम ऊभी रैगी, आंगळी ने नीची कर म्हने भांकवा रो इसारो कीवो । नीचे हो तो कांई नीं पण म्हारा काळजा रो लोही धीज गियो । म्हने साख्यात दीखवा लागो के पडदा रे मूंडागे धरती माथे खीणखात्र री पोसाक पैरयां, खोळा में नांगी तरवार लीचां, दोई पगां ने पसारयां एक डाकी रो डाकी काळोकट्ट हवसो खोजो वैठ्यो । म्हारी दूती अघर पग मेलती वीं रा पगां ने ऊलांग पडदा कर्ने गी, धीरेकरो पडदा रा एक खूणां ने अरमो कीवो ।

मांयलो थोडोक म्हें भांको पडियो । म्हने दीख्यो, आंगणे फरस माथे फारस देस रो नामी दलीचो विछ्योडो हे । तखत पे कुण वैठ्यो जो म्हें सावळ नीं दीख्यो । खाली केसरियां रंग रो ढीलो ढालो पायजामो न पगां में जरी री मोचडियां दीखी । गोरा गोरा गुलाबी पग लाल मुखमल रा आसण माथे टक रिया हा । फरस पे एक पसवाडे लीला रंग रा विल्लोरी कांच री तासळी में सेवां, नासपाती र अंगूरां रा भूमका पडिया हा । कर्ने ई एक नान्होंसोक पियालो र सोनेरी रंग रो दाखां रो दाहू चुसकी में भरयो हो । मांयतूं उदमाद कर देण्यो तरे तरे रा घुपां रो घुंवो आय रियो । उण री खसवोई म्हने उदमादो कर दीवो ।

म्हें कांपते काळजे वीं खोजा रा पगां ने उलांघ न मांयने वळणो ई ज चावतो हो के वो ठालोभूलो जाग गियो । वीं रा खोळां पे धरयोडी तरवार झणण करती धोळा भाटां रा आंगणां पे जाय पडो ।

सुणियो कोई जोर सूं कूकायो व्हे, एकणदम चमक न जाग्यो देखूं तो म्हें म्हारा माचा माथे पड्यो हूं । पसीना सूं जाण्यो सांपडियो व्हे । पोह फाटवा वाळी हे, अंधारा पख रो चांद, आखी रात जाग्योडा मांदा भिनख री नांई पीळो पडरियो हो । वारे वो वैडो मेहरअळी रोजीना री नांई गैला में कूकावतो जायरियो हो । दूरा रो, दूरा रो । सैंग कूड है सैंग कूड है । वो कूकावतो जाय रियो न म्हेलां रे चारूं पासे दौडतो जाय रियो । यूं अलिफ लैला री एक रात तो देखतां देखतां कटगी, ओजूं तो हजार रातां और है ।

म्हारो दिन और हो रात और ही । दिन में म्हें लातरियोडो काम माथे



जावतो आखो दिन वठे वां सूना सपना री रातां ने गाळचां काढवो करतो । सूरज आंथतां ई दिन रा जो म्हूं काम करतो वो नाकुच्छ लागतो, वे वार्तां अतरी मामूली तुच्छ लागती के वां पै हांसो आवंतो । म्हारा पै एक अजब नसो चढ जावतो, म्हूं म्हने आपने सैंकडां वरसां पैलां रो एक खास आदमी समझवा लागतो । म्हने वो अंगरेजी काठो कोट र पतलून अभूनां लागवा लागतो । म्हूं लाल मुखमल री टोपी, ढीलो पायजामो, फूलांवाळो कबो र रेसमी लांबो चुगो पैर न रेसमी रूमाल में अतर लगाय न सौरधोरां व्हे जातो । सिगरेट ने परमो फैंक न लांबी नेज रा हुक्का ने गुलाबजळ सूं भर न गादी मोडो लगाय न यूं बैठतो जांणो कोई खांतीलो आसक सूंधी माळ्गी सूं नीठा नीठ मिलवा ने उमगायो बैठो व्हे ।

पळे ज्यूं ज्यूं अंधारो गैरो व्हेतो जातो ज्यूं ज्यूं अणव्हेणां अनोखा अनोखा वाका व्हेवो करता । यूं लागतो जांणो अजब गजब रा दासतान रा फाटचोडा पान्ना, वसंत रा वायरा सूं ऊड न वीं म्हेल रा ओवरा ओवरी में उडता फिर रिया । थोडा घगां पान्नां रो तो सिलसिलो जुंड़े पण पाछला पान्ना नीं लावे । म्हूं वां पान्नां ने हेरतो हेरतो वां रे पाळे सैग रात ओवरा ओवरिया में रूळतो फिरतो ।

सपनां रा न्यारा न्यारा खंडा में कदी हिना रा अतर री सुगंध कदी सितार रा तारां रो भणकारो आतो । कदी कदी खसबोदार पांणी रा सीळा सीळा छांटा रे लारे आवंता वायरा रा भोला में म्हने खिण खिण में बीजळी रा पळाका री नाई वा दीख जावती । म्हारी वा मन सूं दीखण वाळी अभसारका केसरिया रंग रो पायजामो पैरयां, गुलाबी पगां में जरी री मोचडियां पैरयां, कठण पयोधरां पै जरी रा काम री कांचळी कस्यां, माथा पै सोनेरी झालरीवाळी संदूरी रंगरी बांकी टोपी लगायां अंधारा में बीजळी रा झवाका री नाई दीखती न पाछी लुक जावती ।

म्हने तो वीं उदमादो कर दीधो । म्हूं वीं री वाट नाळतो, वठा री माया-नगरी में ओवरी ओवरी में वीं ने हेरतो फरतो । कदी कदी दिन आंधियां रा म्हूं वठा रा मोटा दरपण रे दोई आडी ने मैणवत्तियां बाळ न सायजादा जैडी पोसाक पैरतो । वीं दरपण में म्हारा परतबंब रे विलकुल सांगणो वीं ईरानी अपछरा री छाया रो भबको पड़ जावतो । वीं ज पल वा वीं री सुराईदार गाबड़ ने हलाय, मोटा मोटा काळा काळा नैणां ने मटकाय कटाक्ष, करती, नांचती व्हे ज्यूं जोबन छाई देही वेलड़ी ने लचकाय न वीं दरपण री दरपण में गायब व्हे जाती ।

पळे मंगरा री, वन री गंध ने लूटतो थको वायरा रो एक उछांछळो झोलो आवतो म्हारी मैणवत्तियां ने बुझाय परो जावतो ।

म्हूं ई म्हारा सिणगार धिणगार छोड़ खूणा में पड़्या माचा पे जाय पड़तो ।

विद्यावणां पे पड़तां ई म्हारो तन मन हरियो व्हे जावतो, म्हूं आंख्यां मींच न सोय जावा री करतो । वीं वगंत पवन वागां वात्रडिया, घाटां वाटां री सौरभ लातो, भूखी प्रीत रा घणां घणां सनेसा, घणां घणां लाडकोड, मीठा मीठा परस सूं वीं निरजण अंधारा ने भर देवतो । वो वठे रो वठे गरौळा खावो करतो । म्हारा कानां रे कनें मन भावणी भणक सुणीजती, म्हारा ललाट पं सुंवावणी सांस आय अडतो घडी घडी रो सुगंध सूं भीब्योडो रेसमी दुपट्टो आय म्हारा गालां रे अड अड जावतो । उण रा सरसराटा सूं वीभळाय जातो । घीरे घीरे वा मोवनी म्हारी नडी नडी ने कस न वांव लेवती । म्हूं गैरा गैरा सांस लेवतो गैरी नींदा में अचेत व्हे जातो ।

एक दिन म्हें विचारचो के दिन आंधवां सूं पैलां ई घोडा पे चढ़न वारे व्हेल करवा ने परो जावूं पण पाळूं म्हने कोई वरजवा लागी । पण म्हूं नीं मानियो । एक खूंटी पे टोप न कोट टांक राख्या हा । म्हूं वां ने उठाय न पेरवा लाग्यो जतराक में सुस्ता नंदी री रेत ने अर सूखा पानडा ने उडतो भतूळचो आयो म्हारा कोट ने अर टोप ने उडाय न लेय गियो । लारे री लारे मीठी भीणी हंसी सुणीजी जो भतूळचा रे लारे ऊंची उडती सूरज आंये वठे जाय न गायव व्हेनी ।

वीं दिन म्हारा सूं घोडा पं सवार व्हे वारे नीं जावणी आयो । दूजा दिन सूं तो म्हें कोट पॅट पेरणो ई छोड दीवो ।

वीं दिन मभयान आधी रात रा म्हूं ओन्नक ने जाग गियो । म्हे सुणियो, कोई छाती कूट कूट न डिडाय डिडाय न रोय री है । म्हारा माचा रे हेटे, घरती रे मांयने, वीं म्हेल री भाटा री भींत री नींव हेटे, अंधारी केमाईं लगी कवर मांयने, कोई रोय रोय न कैयरी हो 'म्हने ईं माया वारें काढ, यां भूडा झंभाळा ने तोड न थारा घोडा पे चढाय, छाती सूं चपटाय म्हने लेय जा, यां हूंगरियां में व्हे कांकड में व्हे. नंदी रे पार थारा सूरज वाळा देस में ले चाल । म्हने उबार ।'

म्हूं कुण हूं, कस्यां थने उवाड ? थूं कदी व्ही, कठे ही ? कस्या सीळा पाणी रा भरणा कनारे, कस्या खजूरां रा वन में किए घरवायरी रेंती में रैवा वाळी री कूंख में थूं जनमी ? कुण वट्टमार वेलडी भायूं कळी री नाई, थनें मां री गोद मांयहूं चूट लीवी ? नीलखा अरवी घोडा पे बैठाय न, वासदी री नाई वळता रेगिस्ताना ने चीर न, अमीरां रा सैहर में गुलामां रा वजार में थनें वेचवाने कुण लायो ? तुरत रा खुलियोडा फूल ने, लाज सूं लाल पड़ता जोवन री छटा ने देख न सोना रा सिक्का देय कुण मोल लीवी थनें ? वांका गैला घाटा डकातो, समंदय ने पार करतो सोना री पालकी में बैठाय साही म्हेलां में कस्या वादसा रो मरजीदान खिदमतदार नजर कर गियो थनें ? वां म्हेलां री छटा कसीक ही जां दिनां ? वडा

री सारंगियां रा तणणाटा, रमभोळा रा धूघरां रा झणणाटा, सुनरी सीराजी रा प्यालां रा छळछळाटा, बीच बीच चमकती कटारां रा चळचळाटा, जैर री भाळां, तीखा नैगां री चोटां । वे स्हेल सौक री चीजां के जां रो चांको नीं लारै वा कैद के ऊमर भर छूटवा रो काम नीं । मांयने दोई आडी ने दो गोलियां हीरा री चूाडपां दमकावती चंवर झल री है, सांहसाह वादसा सलामत, मोती मांणक जडी मोचडिया वाळा गोरा गोरा पगां पं लोट रिया है । वारणै, वारणा रे माथे जम रा दूतां जेड़ा हबसी देव दूतां जेड़ी पोसाकां पैरचां, हाथां में नांगी तरवारां लीवा ऊभा है । अर थूं ? लोह्यां सूं लाल व्ही, खार ईसका रा भागां चढी पडपंच पाप री वैवती धारा में थूं कठा सूं आयगी । थूं ? मळ्थळ रा फूला री मांजर थूं अठे अतलोक में कठा सूं आय फसगी ? कुण जल्लाद, कुण पापी, कुण हत्यारो थारी बळि चढाय गिये अठे ? हे देवी, थूं कदी ही, कठे हो, कठे है ? म्हूं थारो उद्धार कस्यां करूं ?

अतराक में अचांगचक वीं वावळा मेहरअली रो रोळो सुणीज्यो, 'अळगा रैवो अळगा रैवो, सब कूड है कूड है ।'

आंख खोलूं तो दिन ऊग आयो । चपरासी म्हारा हाथ में लाय न डाक झेलाई । खानसामे पूछयो 'आज काई वणावूं जीमण में ?' म्है कहियो, 'बस आज सूं ई घर में रेवणो ई नीं ।'

वीं ज वगत सारो सामान उठाय दफतर आय गियो । दफतर रो जूनो डोकरो कामैती करीमखां म्हने देख मुळक्यो । वीं रा मुळकवा पै म्हनें रीस ई आई पण म्हूं काई बोल्यो नीं । काम में लागगियो ।

ज्यूं ज्यूं संभच्या पडवा लागी ज्यूं ज्यूं म्हारो जीव अणमणो व्हेवा लाग्यो । यूं लागण लाग्यो जांरो म्हनें कठे ई अवार रो अवार जावणो है । रूई रा लेखा जोखा री जांच करणी म्हनें फजूल लागी के ईं में सार काई है । आखो ई परगणो रो परगणो म्हने नाकुछ दीखवा लाग्यो । जो चारूं कानी दीखरियो हो वो सब नाकुछ लागवा लाग्यो । चालता फिरता मिनख, काम काज, खावणो पीवणो सब बेकार दीखवा लाग्यो ।

म्हूं कलम ने फैंक मोटा मोटा वहीड़ा ने समेट एक दम ऊभो व्हेगियो । टमटम माथे चढ स्हेल करवाने निकळ गियो । देखूं काई के गघूळी वेळा व्हेतां ई वा टमटम मन रे मरो वीं पखांण रा म्हैलां रा वारणा आगे जाय न ऊभी रेगी । म्हूं उतरतो ई अट झट पगथ्या चढ आगतो थको मांयने वऱगियो ।

आज चारूं कानी सूनो सूनो लाग्यो । यूं लाग्यो जांरो म्हैलां री सँग री सँग सुरंगा ओवरियां म्हारा सूं नाराज व्हेय री व्हे, मूंडो चढायां वेठी व्हे ।

दुख अर पछतावा सूं म्हारो जांणे काळजो फाटवो लागे । अबै म्हूं गुना बगसवा ने किण ने केवूं, माफी मांगूं तो किण सूं मांगूं, कोई है ई तो नीं । म्हूं म्हारा पीड़ भरधा हिवड़ा ने लीयां अठी ने वठीने फरवा लागो । म्हारो जीव करवा लागो के अवार सितार लेन किणने ई सुणावा ने गांवूं अर केवूं, 'बळती वाती रा दिवला, जो पतंगो थने छोड़ न भागणो चावतो वो पाछो आय थारा पैतावा में पड़यो है । बळवा ने आयो है । अबकाळे यूं गुनो बगसदे, माफ करदे । वीं री दोई पाखां ने वाळ भसम करदे ।'

अतराक में दो आंसूवां रा टोपा म्हारा ललाट माये आय पड़िया । वीं दिन मंगरा माथै घटा टोप वादळा छायरिया हा, अंवारो जंगळ अर नंदी रो स्याई छेड़ो स्याह पांणी विलकुल थिर व्हेयरियो हो । एकएदम, जळ थळ, आभो एकए सागै खळबळाय गिया, जवरदस्त आंधी बीजळी रा दांत कड़कड़ पीसती, मस्त हाथी री नाई, चरळावती लगी दौड़ती आई । म्हेलां रा मोटा मोटा वारणां में सूंसाटा करती वा बळी, यूं लागरियो जांणे माया फोड़ फोड़ दरद रा मारचा वे कमरा रोय रिया व्हे ।

म्हारा सैग हालीनवाली आज दफतर वाळा घर में हा । म्हेलां में दीवो वाळणियो ई कोई नीं हो । वादळा सूं छायोड़ी अमावस री रात में म्हेला रे मांयने काजळ वरणा अंधारा में म्हने परतख दीव्यो के एक मोटचार जुवान कांमणी, ढोल्या रे हेटे दलीचा पै ऊंधी पड़ी माथा रा विखरयोड़ा भींटा ने खँच री । वीं रा गोरा सुंवाळा ललाट सूं लाल लाल लोही टवक रियो । कदी तो वा जोर जोर सूं 'हाय हाय' कर न कूकावती कदी डिडाय डिडाय न रोवा लागती । दोई हाथां सूं कांचळी रा कसगां तोड़ न छाती में घमेड़ा मार मार न रोवती । आंधीं रा झाटकां लारे वारियां मांयनूं आय आय वरखा री पछांट सूं वीं रो तपियो सरीर भींजरियो ।

वीं दिन आखी रात नीं तो वरखा ई रुकी नीं वा रोवती रुकी । म्हूं आखी रात पछतातो लगो वठा री सुरंगा में, औवरिया में भागतो फिरयो । कठे ई कोई दीखै ई नीं दिलासा देवूं तो किण ने देवूं । यो जखमायल व्हियोड़ो किण रो गहर है ? यो दुख, या मन री पीड़ा किण री है ? कठा सूं निकळरी है ? कांई ज समझ में नीं आई ।

अतराक में तो वो वेंडो मेहरअली कजाणा कठा सूं वरळायो, 'अळगा रेवो, अळगा रेवो, सब कूड़ है, सब कूड़ है ।'

देखूं कांई पौ फाटणी । मेहरअली एड़ी जवरजस्त आंधी मूसळधार वरखा में ई नित्त रा नैम ज्यूं वीं पखाण रा म्हेल रे परकम्मा देवतो, हाका करतो दौड़

रियो हो । एकणदम मन में आई कठै ई मेहरअली म्हारी नाई, करमां रो मारचो, ईं म्हेल में आय न तो नीं रियो हो । वैंडो व्हेय न ईं म्हेल वारें भाग्यो व्हेला पण या भाटां रो मोह वीं ने ओजूं बुलावे जो यो रोज सुबं परकम्मा देवा ने आवे ।

म्हूं वीं ज वगत वीं आंधी मेह में भाग्यो भाग्यो मेहरअली कने गियो । पूछवा लाग्यो, 'भाई मेहरअली, कूड़ काई है म्हेने ई तो वता ।'

म्हारी वृता रो तो वीं काई जुवाव नीं दीधो । धक्को देय नीचे पटक दीधो । वो तो मोह में फंस्योड़ा पंछी री नाई वीं भूखा पखांण रा म्हेलां रा चक्कर काटवा लागो । बरळावतो जायरियो न दौड़तो जाय रियो । रूक रूक ने हाका करतो जाय रियो, अळगा रैवो, अळगा रैवो, सब कूड़ है कूड़ है ।

म्हूं वींज वगत, वींज दसा में, आंधी मेह में भीज्योड़ी, घबरायोड़ी दफतर में गियो । डोकरा करीम ने बुलाय पूछयो "ईं रो अरथ काई है म्हेने अरथाय न कै । डोकरे कह्यो उणरो कस यो हो के एक जमाना में वीं पखांण रा म्हेल में हजारं भूखी, मन री वांछा ने दबावणी आतमांवां रैवती । वे काळजा पे भाटा मेल, रती रती कर न मन री हूंस, ऊणायत अर इच्छावां ने दबावती । वे जीवती री जतरे मन री भूख सूं हाय हाय करती री मरी तो मन री भूख लीवां मरी । वारो हायकूटो, ईं पखांण रा म्हेल रा रज रज में समाय रियो है । ईं वास्ते पखांण रो एक एक खंड भूखो तिसायो हाय हाय करे । वे कोई जीवता मिनख ने कने देख ने भूखा भूत री नाई वीं ने खावा ने दोड़े । तीन दिन जो वीं म्हेल मांयनें रियगिया वां मांय नूं कोई ज जीवतो नीं रियो एक मेहरअली जीवतो रियो जो ईं बेंडो व्हेन वारें निकळयो ।

म्हें पूछयो, 'म्हारा उद्धार रो ईं कोई गैलो है के नीं ?'

डोकरो बोल्यो, 'खाली एक गैलो है । वो ईं घणो दोरो है । म्हूं बतावूं हूं पण वीं गुलवाग री मोल लीधी ईरानी वांदी री कैणी आप पैलां सुणलो । एड़ी अचरज भरचोड़ी वृता अर काळजो हलाय देवणियो वाको आज पैलां कदी सुणियोईं नीं व्हेला ।'


अतराक में तो टेसण रे कुलियां आय न खबर दीधी 'गाड़ी आयगी है हजर ।'

अतरी भट । चटपट विछावणां वांघवा लाग्या जतरेक तो गाडी आय ऊभी रंगी । वीं गाडी रा फस्ट क्लास डिब्बा री वारी मांयनूं एक अंगरेज मूंडो काढ़ न टेसण रो नाम पढ़वा री कोसिस कर रियो हो । वीं री नजर म्हांका वां बावू सांब पे पड़ी । वां ने देखतां ई वीं अंगरेज हैल्लो कैय न हेलो पाड़ियो, वां ने डिब्बा में आवा रो समची कीधो । वे वीं रा कने परा गिया । म्हां एक सेकिन्ड क्लास रा

## भूखी पावारा •

डिब्बा में बढगिया । पद्ये तो वां बावू साव रो आज दिन ताई काई ठा ठकाणो नीं लाग्यो । मन में दुख ई रियो के एड़ा बढिया दासतान रो पादलो हाल हवाल म्हाने सुणवा ने ई नीं मिल्यो ।

म्हें म्हारा साय बाळा मित्तर ने क्रियो, 'देह्या नीं, आंपां ने कस्याक बावळा बराय नाठ गियो । अलल टप्पू वात जोड़ न आंपां ने सुगाई जीं में कोई कोर न कसर । सैग मन री जोड़योही भूखी वात ही ।' या वात सुण न म्हारा मित्तर बड़ा बेराजी दिह्या । म्हां के बीचै एड़ी जोर री रुड़प व्ही के म्हां को रुमर भर साहं बीनयो चालयो बंद रहेगियो ।



## दुरासा

घणां दिनां री जूनी वात है । म्हूं दारजिलिंग गयो हो । वठे वरखा बरस री ही वादळा घटाटोप छायरिया हा । बारणै निकळवा रो जीव ई नीं करतो । घर मांयने धस्यां घस्यां जीव घबराय गियो । एक दिन म्हूं होटल में जीमचूठ, पगां में मोटा मोटा बूट पैर, माथा सूं लगाय पगां ताई बरसाती कपड़ा पैर वारं स्हेल करवाने निकळियो । झरमर भरमर भेवलो बरस रियो हो । चारूं मेरे काळा वादळा धरती ने ढांक्या जायरिया हा । यूं लागरियो जाणै हैमाळा सूधी ई दुनिया री तसवीर ने भगवान खबड़ लेय ने रगड़ न मटाय देवारी कर रियो है । कलकत्ता रोड सूनी पड़ी ही, कोई ज मिनख नीं हो । म्हूं अकेलो टैलतो जाय रियो र सौचतो जाय रियो, जठी ने देखो जठी ने वादळो और कांई ज नीं दीखे, यो इंदर रो एक छत्र राज तो आछो नीं लागे । आंपा रे तो आपणी वा ई ज रूप, रस, गंध अर वरुं वाळी, अजब अनोखी धरती माता ई ज चोखी । वीं ने आपणी पांचू इद्रियां सूं पांच कानी सूं पकड़ लेवां तो आछो ।

अतराक मे कनै ई, बिलख बिलख न रोवती लुगाई रो साद म्हारे कान पड़ियो । ई अतलोक में रोग अर दुखां सूं रोवा वाळां रो कोई घाटो थोड़ो ई है, रोवणो सुणतां ई रेवा हां । किं दूजी जायगा व्हेतो के कोई दूजी वेळा व्ही व्हेती तो म्हूं मूंडो फेर न निकळ जावतो । पण वीं अथाग इंदर झड़ी में म्हनें वीं रो रोवणों यूं लाग्यो के आखी दुनिया तो पांणी में डूबगी है संसार में एक मिनख बच्यो है वो रोयरियो है । ई वास्ते वो रोवणो म्हने नाकुछ नीं लागियो ।

रोवा री अवाज आयरी जठीने म्हूं चाल्यो । थोड़ाक पांवडा दीघा न देखूं भगमा गावा पैरघोड़ी एक लुगाई बैठी है । माथा पै सौनेरी रंग रा सूखा केसां री जटा रो जूड़ो बांध्योड़ो व्हे जो ज्यूं लागरियो हो । गैला रे भड़ै एक छोटीसी सिलाड़ी माथे बैठी धीरे धीरे रोयरी । वीं रो रोवणो ताता घावां रो रोवणो नीं लाग्यो । यूं लाग्यो के दुखां सूं भरी थकी है, सैपीड़ी व्हेयरी है जो वादळां रा अंधारा में, भाखरां रा नाळचा में, अकली पड़ी रो वो दुख छाती फाड़ न आज निकळ जाय ।

म्हूं मनोमन केवा लागो, या ई चोखी व्ही घरे वैठां रे एक कैणी रो मसालो हाये लागियो । म्हें कदैई विचारियो ई नीं हो के काकर पै वैठी संघांसण रोयरी है अर म्हूं देख रियो हूं ।

काई जात री लुगाई व्हेला, अटकळिज्यो कोयनीं । म्हें घणी कंवळी कर म्हांरी बोली ने बोलियो 'कुण हे ? काई व्हियो ? रोवे क्यूं है ?'

एकर तो वीं काई पडूतर नीं दीघो । पांणी भरचोड़ां नैणां सूं म्हां कानी चोघ मात्तर लीघो ।

म्हूं पाछो बोलियो, 'डरप मती, म्हूं भलो मिनख हूं ।'

सुणतां ई वा हंसी साद में घणो ईज थकैलो पर कंठ घणो मीठो । बोली, किसू ई नीं डरपूं । डरपणो छोड़ियां ने तो घणां बरस व्हेगिया । लाज सरम ने ई लात मार न काढ दीघी । वावूजी, वे ई दिन हा जद म्हूं जनानखाना रा सात परकोटा मांयने रैवती जठे सगो भाई वैन ने पूछाया विना मांयने पग नीं देवण पावतो । आज ? आज सकळ जगत रे आगे विना पड़दा री व्हेयगी हूं ।'

एकर तो म्हने छतीसीक रीस आई । म्हूं तो कपड़ा लत्ता सूं बिलकुल सांव वादर बणियोड़ो हो, वीं खोड़ीली खटाक देणी रो म्हने बावूजी कैय न बतळाय लीघो । मन में तो आई के ई वात ने अठे ई घरी रैवा हूं । सिगरेट रो घूंवो उड़ातो, फकफक करती सांवी फैसन री रेलगाडी ज्यूं रवाना व्हे जावूं । मन मांयने वात जाणवा री लाग री जो ही देखां काई मांयनू भेद निकळे । ई विचार म्हनें जावता ने रोकियो । म्हें क्यूंक मन में मोटोपणो लाय, गाबड़ वांकी कर न पूछियो, 'म्हूं काई झेलो देवूं थने ? बता काई म्हां सू करणी आवे तो ।'

वीं आंख जमाय न म्हारो मूंडो देखियो । पछे दो टप्पा रो पडूतर दीघो 'म्हूं बदायूं रा नबाव गुलामकादर री डीकरी हूं ।'

यो वदाळूं कठै है, नबाव गुलामकादर कुणसो नबाव है, वां री धीवड़ काई दुख सूं जोगण वण दारजिलिंग री कलकता रोड़ पै बंठ न रोवे, म्हने यां रो काई ठा ठीड़ नीं हो । नीं म्हनें यां वातां पै काई अरोसो ई है पर म्हें जांणयो कठे ई रंग में भंग नीं पड़ जावे । वात चालवा दां, कैणी चोखी जमती जाय री है ।



हां, तो नवाबजादी साहवा री तारीफ री पैली ओळ सुणता ई, म्हें खटाक देणी रो भुक न सलाम कीघो । सलाम कर न बोलियो, 'नवाबजादी सायबा, म्हारा गुन्ना बगसो । म्हें सरकार ने ओळखिया नीं ।'

नीं ओळखवा री वजै तो घणी ई ही । पैली वृात अर मोटी वृात तो के म्हें पैली कदी देखिया ई नीं, दूजी वृात या ही के वादळा री घंवर एड़ी गैरी पड़ री ही के वां रा हाय पग ई सावळ कोनी दीख रिया हां ।

नवाबजादी, जीमणां हाथ सूं एक भाटो बताय न हुकम बगसियो, 'बैठ जावो ।' देखियो, ई जोगण रा भेख में ई हुकम देवा री तागत नवाबजादी में है । घंवर सूं आलो व्हियोड़ा, कांजी सूं भरयोड़ा टोळ माथै बैठवारी, वंठक री इज्जत म्हने मिली तो एड़ी खुसी व्ही के वा इज्जत मिलगी है जिं रो सपनो ई म्हें नीं देखियो हो । बरसाती ओढ न म्हूं वारै निकळियो हो जदी म्हने कांई खबर ही के आज म्हारो भाग खुलेला । बदाऊं रा नबाब गुलाम कादरखां री नवाबजादी, जेबुन्निसा के मेहरुन्निसा के नूरउल्मुत्क सायबा खुद म्हने, वां रे नजीक, बराबरी री वैठक बगसेला ।

हिमाले री छाती पै, सुनसान भाखरां में, सिलाड़ी पै बैठियां दो गैले चालणियां नर अर नारी री घरबीती, सुणवा वाळा ने, गरमा गरम दूवा भरी कैणी जेड़ी लागेला । सुणवाळा ने दूरा परवतां में झरता लगा झरणां रा झरराटा जेड़ी राग ई वृात में सुणीजेला, काळिदासजी रा बणायोड़ा मेघदूत र कुमारसंभव जेड़ा अजब अनोखा लेहरा रो भणणाटो सुणवा वाळा रा कानां में पड़ेला । पण म्हारा जेड़ा कोट वूट बरसाती सूं लैस व्हियोड़ा सां'ब बादर ने आपरी सान ने रोबदाव ने निभावणो कोई सोरो काम नीं हो । वा सिलाड़ी जिं पे म्हूं बैठ्यो हो कांजी सूं सूगली व्हेय री, पांणी सूं भींज री ही, म्हूं सां'ब बादर री पोसाक में वां सूगली सिलाडियां पै वैठो हो, भड़े जोगण रा भेख में एक अणजांण सायजादी बैठी । म्हूं वीं रे लारे वृातां कर रियो हो । सां'ब बादर री सान एड़ी दसा में निभावणो सोरो काम थोड़ो ई है ? पण भाग भलो हो, घंवर सूं चारूं कानी अंधारो व्हेय रियो हो; लाजां मरवा जेड़ी कोई वृात ही नीं । वीं इंदर झडी कांठळ छड़ी में गहां दो जणां ई हा । एक तो बदाऊं रा नबाब गुलाम कादरखां री घीवड़ी, दूजो म्हूं नवो नवो ई ज बणियोड़ो हिंदुस्तानी सां'ब । एक सां'ब बादर न एक जोगण रो थो अजब सम्मेलण देखणियो और कोई नीं हो । नीं तो हंसतो ।

म्हें कहियो, 'नवाबजादी सायबा, आपरा ये हवाल कुण कीषा ?

बदाऊं री नवाबजादी करंम ठोक न बोली, 'ये सब करण हाळा कुण है ?

बड़ा मोटा मोटा भाखरां वाळा हिमाळे परवत ने ईं वापड़ी घंवर सूं टांकगियो कुण है ?'

मूँ वाद नीं कीवो, वीं री व्रात मान लीयी । बोलियो, 'सांची कैवो, भाग ने कुण खोल न देखियो है, आंना तो हां ईं काई, मांछर धांछर ज्यूं हां ।'

वाद करण जो मूँ दूक जावतो तो नवावजादी ने सोरे सांस नीं छूटवा देवतो, परण मन री व्रात म्हांसूं वीं बोली में केवणी नीं आई । उड़दू तो म्हने माड़ी आवती । कलकत्ता रोड रे भड़े बैठ न नवावजादी रे लारे अदृष्टवाद अर ईच्छावाद माथे बैहस करूं अतरी उड़दू आवती नीं ही ।


नवावजादी बोली, 'म्हारी जिदगानी री व्रात आज ईं खतम व्ही है, हुकम व्हे तो सुणावूं ?'

मूँ आगतो व्हेय बोलियो, 'आप ईं काई फरमाय रिया हो । आपने र मूँ हुकम दूं । हाँ, आप फुरमाणेरी म्हेरवानी फरमावो तो म्हां माथे म्हेरवानी व्हे ।'

या मत जाणजो के मूँ ये सागीणा आत्रर किया हा । मन में कैवारी जहर ही पण सामरय कोय ही नीं । नवावजादी बोल री ही जद यूं लागरियो है के ओस सूं बुपियोड़ा चीकणां सलफ सांबळा रंग रा धान रा खेतां में सौनेरी साळू मांये परमाते रा पौहर रो धीमो धीमो मीठो मीठो वायरो झाला देतो जाय रियो है । बोल बोल पै वा लुळती झुकती, एक एक हरफ, एक एक बोल में रूप ल्हेराय रियो हो । मूँ तो दो टप्पा रा एडा सूवा पडूत्तर देखरियो जांरो कोई बोफो बोलरियो । म्हने तो बोलवा में अदब कायदो आवतो ईं नीं हो, नीं लुळताई सूं ईं व्रात करणी आवती । नवावजादी रे सागै वार्त करतां पैली पोत म्हने आज बोल बोल पै ठा पड़ री ही के म्हने बोलणो नीं आवे ।

नवावजादी कैवा लागी, 'म्हारा वाप रा वंस में दिल्ली रा तखत रो राजसी खून हो । वीं खून री इज्जत राखवा सारूं म्हारो कठै ईं सगपण नीं व्हीयो । म्हारे जोग कोई सायजादो लावियो ईं नीं । म्हारे साये सगपण रो वड़ाळो लखनऊ रा नवाब रो आयो परण म्हारा वाप टाळा टोळी कररिया ईं ज हा के षतराक में गदर फेंलगियो । कारतूसों रे दांता सूं बटका भरवा रा शोड़ में सरकार रे खिलाफ फौजां भंडो उठाय लीवो । तोपां रो घूंवो आसा हिंदवाण में घटाटोप छाय गियो ।

कोई लुगाईं रा मूंडा सूं अर वा ईं नवावजादी रा मूंडा सूं मूँ ओजूं ताई उड़दू नीं सुणी ही । आज सुण न समझ गियो के उड़दू मोटा मिनहां री अमीर उमरां री बोली है । जाने सुख त्रिलसवा रे सिवा काई काम नीं करणो पड़तो हो । वा जणां री बोली है वां रो जुग अवं नीं रहियो । मूँ उणां री काई



## दुःसा

घणां दिनां री जूनी वात है। म्हूं दारजिलिंग गयो हो। वठे वरखा बरस री ही वादळा घटाटोप छापरिया हा। बारणै निकळवा रो जीव ई नीं करतो। घर मांयने धस्यां घस्यां जीव घबराय गियो। एक दिन म्हूं होटल में जीमचूठ, पगां में मोटा मोटा बूट पैर, माथा सूं लगाय पगां तांई वरसाती कपड़ा पैर बारं स्हेल करवाने निकळियो। झरमर भरमर मेवलो बरस रियो हो। चालूं मेरे काळा वादळा घरती ने ढांक्या जायरिया हा। यूं लागरियो जाणै हैमाळा सूधी ई दुनिया री तसबीर ने भगवान रबड़ लेय ने रगड़ न मटाय देवारी कर रियो है। कलकत्ता रोड सूनी पड़ी ही, कोई ज मिनख नीं हो। म्हूं अकेलो टैलतो जाय रियो र सीचतो जाय रियो, जठी ने देखो जठी ने वादळो और कांई ज नीं दीखे, यो इंदर रो एक छत्र राज तो आछो नीं लागे। आंपा रे तो आपणी वा ई ज रूप, रस, गंध अर वर्ण वाळी, अजब अनोखी धरती माता ई ज चोखी। वीं ने आंपणी पांचू इद्रियां सूं पांच कानी सूं पकड़ लेवां तो आछो।

अतराक में कनै ई, विलख विलख न रोवती लुगाई रो साद म्हारे कानै पड़ियो। ईं अतलोक में रोग अर दुखां सूं रोवा वाळां रो कोई घाटो थोड़ो ई है, रोवणो सुणतां ई रेवा हां। कि दूजी जायगा व्हेतो के कोई दूजी वेळा व्ही व्हेती तो म्हूं मूंडो फेर न निकळ जावतो। पण वीं अथाग इंदर झड़ी में म्हनें वीं रो रोवणों यूं लाग्यो के आखी दुनिया तो पांणी में डूबगी है संसार में एक मिनख बच्यो है वो रोयरियो है। ई वास्ते वो रोवणो म्हने नाकुछ नीं लागियो।

रोवा से अवाज आयसें जडीने न्हूं चाल्यो । थोड़ाक पांवडा दीवा न देखूं  
मगला गावा पैरघोड़ी एक लुगाई बैठी है । माया पे सौनेरी रंग रा मूला क्लेसां से  
जवा से जूड़ो बांयोड़ो व्हेंजो ज्युं लागरियो हो । गैला रे भई एक छोटीसी सिद्धाड़ी  
माये बैठी बीरे बीरे रोयरी । बीं से रोवगो ताजा घावां से रोवणो नीं लाग्यो ।  
सूं लायो के दुस्तां सूं मरी यकी है, सैपीड़ी व्हेंयरी है जो वादळां रा अंधारा में,  
मादरं रा नाळचा में, अकली पड़ी से दो दुल छाती फाड़ न आज निकळ जाय ।

न्हूं मनोमन केवा लागो, या ई चोखी व्हें घरे बैठां रे एक कैणां से मसानो  
हाये लागियो । न्हूं कदैई विचारियो ई नीं हो के काकर पे बैठी संघांसण रोयरी  
है अर न्हूं वेळ रियो हूं ।

काई जात से लुगाई व्हेंना, अटकळियो कोयनीं । न्हूं घनी कंवळी कर  
म्हारी बोली ने बोलियो 'कुण हें ? काई न्हियो ? रोवे क्यूं है ?'

एकर तो बीं काई पडतर नीं दीवो । पांणी नरघोड़ां नैसां सूं म्हां कानी  
चोव मातर तीवो ।

न्हूं पाछो बोलियो, 'डरप मती, न्हूं मलो निदळ हूं ।'

मुण्ठां ई वा हेंलो साद में घगो ईज यकलो पर कंठ घणो नीवो । बोली,  
किहू ई नीं डरूं । डरपणो छोड़ियां ने तो घगां बरस व्हेंगिया । लाज सरन ने ई  
मात नार न बाह दीवी । बाहुजी, वे ई दिन हा जद न्हूं जनानखाना रा सात  
परकोश मांयने रैवनी कंठे सांगे नाई बैन ने पृच्छाया जिना मांयने पग नीं वेवन  
पावतो । आज ? आज सकळ जगत रे अगे जिना पडवा से व्हेंगो हूं ।'

एकर तो न्हने छतीसीक सेस आई । न्हूं तो कपड़ा लता सूं विलकुल  
सांव बादर बगियोड़ो हो, बीं छोड़ीसी लयक देनी से न्हने बाहुजी केव न  
बतळाय लीवो । मन में तो आई के ई वात ने अठे ई वरी रेवा हूं । मिगरेट से  
हूंवे उड़ावो, फकळक करनी सांवी फेसन से रेलगाडी ज्युं खाना व्हें जावूं ।  
मन मांयने वात जाववा से लाग से जो ही वेळां काई मांयतू भेद निकळे । ई  
विचार न्हने जावजा ने रोकियो । न्हूं क्यूंक मन में मोदोणो लाय, गावड़ बांवी  
कर न पृच्छियो, 'न्हूं काई केवो देवें' यने ? वता काई म्हां नु करणी आवे तो ।'

बीं आंठ जमाय न म्हारो मूंडो वेकियो । पछे दो टप्पा से पडतर दीवो  
'न्हूं बघावूं रा नवाव गुनानकावर से डीकरी हूं ।'

यो बघाळं कठे है, नवाव गुनानकावर कुणसो नवाव है, वां से बावड़  
काई दुल न्हूं जांगण वग वारजिसिंग से कलकता रोड़ पे बैठ न रोवे, न्हने वां से  
काई ठा टोड़ नीं हो । नीं न्हने वां वाजां पे काई मरोसो ई है पय न्हूं जांययो  
कठे ई रंग में रंग नीं पड़ जावे । वात जाववा वां, कैणी चोखी जमनी जाय से है ।

हां, तो नवाबजादी साहबां री तारीफ री पैली ओळ सुणता ई, म्हें खटाक देणो रो भुक न सलाम कीवो । सलाम कर न बोलियो, 'नवाबजादी सायबा, म्हारा गुन्ना बगसो । म्हें सरकार ने ओळखिया नीं ।'

नीं ओळखवा री वजै तो घणो ई ही । पैली वृतात अर मोटी वृतात तो के म्हें पैली कदी देखिया ई नीं, दूजो वृतात या ही के वादळा री घंवर एडी गैरी पड री ही के वां रा हाथ पग ई सावंळ कोनी दीख रिया हा ।

नवाबजादी, जीमणां हाथ सूं एक भाटो बताय न हुकम बगसियो, 'बैठ जावो ।' देखियो, ई जोगण रा भेख में ई हुकम देवा री तागत नवाबजादी में है । घंवर सूं आलो व्हियोडा, कांजी सूं भरचोडा टोळ मायें बैठवारी, बैठक री इज्जत म्हने मिली तो एडी खुसी व्ही के वा इज्जत मिलगी है जि रो सपनो ई म्हें नीं देखियो हो । बरसाती ओढ न म्हूं वारै निकळियो हो जदी म्हने कांई खबर ही के आज म्हारो भाग खुलेला । बदाऊं रा नवाब गुलाम कादरखां री नवाबजादी, जेबुन्निसा के मेहन्निसा के नूरउल्मुल्क सायबा खुद म्हने, वां रे नजीक, बराबरी री बैठक बगसेला ।

हिमालै री छाती पै, सुनसान भाखरां में, सिलाड़ी पै वैठियां दो गैले चालणियां नर अर नारी री घरबीती, सुणवा वाळा ने, गरमा गरम दूवा भरी कैगी जेडी लागेला । सुणवाळा ने दूरा परबतां में झरता लगा झरणां रा झरराटा जेडी राग ई वृतात में सुणीजेला, काळिदासजी रा वणायोडा मेघदूत र कुमारसंभव जेडा अजब अनोखा लेहरा रो भणणाटो सुणवा वाळा रा कानां में पड़ेला । पण म्हारा जेडा कोट वूट बरसाती सूं लैस व्हियोडा सांव वादर ने आपरी सान ने रोबदाब ने निभावणो कोई सीरो काम नीं हो । वा सिलाड़ी जि पे म्हूं वैठयो हो कांजी सूं सूगली व्हेय री, पांणी सूं भीज री ही, म्हूं सांव वादर री पोसाक में वां सूगली सिलाड़ियां पै वैठो हो, भड़े जोगण रा भेख में एक अणजाण सायजादी वैठी । म्हूं वीं रे लारे वृतातं कर रियो हो । सांव वादर री सान एडी दसा में निभावणो सोरो काम थोडो ई है ? पण भाग भलो हो, घंवर सूं चारूं कानी अंवारो व्हेय रियो हो, लाजां मरवा जेडी कोई वृतात ही नीं । वीं इंदर झडी कांठळ छडी में ग्हां दो जणां ई हा । एक तो बदाऊं रा नवाब गुलाम कादरखां री घीवडी, दूजो म्हूं नवो नवो ई ज बणियोडो हिंदुस्तानी सांव । एक सांव वादर न एक जोगण रो यो अजब सम्मेलण देखणियो और कोई नीं हो । नीं तो हंसतो ।

म्हें कहियो, 'नवाबजादी सायबा, आपरा ये हवाल कुण कीवा ?

बदाऊं री नवाबजादी करंम ठोक न बोली, 'ये सब करण हाळा कुण है ?

शुद्ध मोटा मोटा भाइयों वाला हिमाळी परबत ने ई बापड़ी घंवर सूं ढांकगियो कुण है ?'

मूँ बाद नीं कीवो, वीं री व्रात मान लीवी । बोलियो, 'सांची कैवो, भाग ने कुण खोल न देखियो है, आंचा तो हां ई काई, मांघर छांघर ज्यूं हां ।'

बाद करण जो मूँ दूक जावतो तो नवावजादी ने सोरे सांस नीं छूटवा देवतो, पण मन री व्रात म्हांसूं वीं बोली में केवणी नीं आई । उड़दू तो म्हने माड़ी आवती । कलकत्ता रोड रे भड़े बैठे न नवावजादी रे लारे अदृष्टवाद अर ईच्छावाद मायै वैहस कलं अतरी उड़दू आवती नीं ही ।

नवावजादी बोली, 'म्हारी जिदगानी री व्रात आज ई खतम व्ही है, हुकम व्हे तो मुगावूं ?'

मूँ आगतो व्हेय बोलियो, 'आन ई काई फरमाय रिया हो । आपने र मूँ हुकम हूं । हां, आप फुरमाणेरी म्हेरवानी फरमावो तो म्हां मायै म्हेरवानी व्हे ।'

या मत जाणजो के मूँ ये सागीया आवर किया हा । मन में कैवारी जहर ही पन सानरय कोय ही नीं । नवावजादी बोल री ही जद यूं लागरियो है के ओससूं बुपियोड़ा चौकणां सलफ सांवळा रंग रा वान र खेतां में सौनेरी साळू माये परमाते रा पीहर रो वीमो वीमो मीठो मीठो वायरो जाला देतो जाय रियो है । बोल बोल पै वा लुळती मुकती, एक एक हरफ, एक एक बोल में रूप ल्हेराय रियो हो । मूँ तो दो टप्पा र एडा सूवा पडुत्तर देखरियो जांये कोई बोफो बोलरियो । म्हने तो बोलवा में अदब कायदो आवतो ई नीं हां, नीं लुळताई सूं ई व्रात करणी आवती । नवावजादी रे सागै व्रातं करतां पैली पोत म्हने आज बोल बोल पै ठा पड री ही के म्हने बोलणो नीं आवे ।

नवावजादी कैवा लागी, 'म्हारा बाप रा वंस में दिल्ली रा तख्त रो राजसी दून हो । वीं दून री इज्जत राखवा साळू म्हारो कठै ई सगण नी व्हीयो । म्हारे जोग कोई सायजादो लावियो ई नीं । म्हारे साये सगण रो बड़ाळो नखनऊ रा नवाव रो आयो पण म्हारा बाप टाळा टोळीं कररिया ई ज हा के बतराक में गदर फँलगियो । कारतूसां रे दांता सूं बटका भरवा रा झोड़ में सरकार रे खिलाफ फौजां भंडो उठाय लीवो । तोपां रो घुंवे आखा हिंदवाण में घटापेप छाप गियो ।

कोई लुगाई रा मूंडा सूं अर वा ई नवावजादी रा मूंडा सूं मूँ ओजूं ताई उड़दू नीं मुगी ही । आज सुग न समक गियो के उड़दू मोटा मिनकां री अनीर उमरां री बोली है । जाने सुख विलसवा रे सिवा कोई काम नीं करणो पड़तो हो । वा जणां री बोली है वां रो जुग अरु नीं रहियो । मूँ उगां री काई

बरोबरी करूं ? आज तो रेल न तार व्हे जावा सूं मिनख रे माथे काम रो भारो बधतो जावा सूं मोटा-मोटा अमीर-उमरां रा घराणां रूळ जावा सूं सब कुछ फीको फीको रंग बायरो व्हेगियो । वे मोट मरजादां ज़ावती री, ओछापणो सो घायगियो । नबाबजादी री खाली बोली सुण नीं ज म्हारी आख्यां रे आगे जूना जमाना री तसवीर खंचगी । बैठथो तो म्हूं अंगरेजां रा बसायोड़ा नुवानगर दारजिलिंग में हो, वठै गैरी धंवर रा अंधारा में ई म्हारा मन री आंखिया आगे मुगल बादसां री पुरी बसगी । घोळा-घोळा मकराणां रा भाटा रा आसमान रे अड़ता घुम्मटा । मुखमल पै जरी रा काम रा जीण कस्योड़ा घोड़ा । सोनेरी रूपैरी भूलां, सोना चांदी रा होदा वाळा हाथी चालता थका । मूंडागे सुरंगी मोहर गजवाळी पागां बांधियोड़ा, रेसम तनजेब रा जामा पायजामा पैरचोड़ा अमीरजादा चालरिया । जां रे कड़ियां में बांकडा कटारा लटकरिया, खड़ाखूं च मोचड़ियां मचड़-मचड़ कर री । ढीली ढीली नीची नीची पोसाकां । बोल बोल में अदब, पांवडा पांवडा में कायदो, मान मुलाहिजो अदब र आदाब ।

नबाबजादी कैवा लागी, 'हां तो म्हा लोगां रो किलो जमनाजी रे कनारे रा माथे हो । म्हांकी फौजां रा मुसायब हा एक हिंदू बिरामण, नाम हो केसरलालजी ।'

नबाबजादी पाछलो हुरफ 'केसरलालजी' बोली तो कंठ रो सेंग मिठास ईं नाम में घोळ दीघो । म्हूं हाथ री कामड़ी ने धरती पै न्हाक कान खोल न वृात सुणवाने जम न बैठगियो ।

नबाबजादी कैवा लागी, केसरलालजी पक्का हिंदू हा । म्हूं रोज वेगी ऊठ न गोखड़ा मांय नू झांकवो करती जो देखती के केसरलालजी जमनाजी में छाती छातीवाणां ऊंडा पागी में ऊतर न सूरज रे हाथ जोड़ न, गरण गरण फरता जावता न पाणी री अंजळी देवो करता । पछै आला गावा पैरचां घाट माथे बैठ न एक चित्त व्हेय न जप करता । पछै मीठा, पियास भरिया गळा सूं भैरवी में भजन गावता घरे जावता ।

यूं तो म्हूं मुलसमान री बेटी ही पण म्हूं म्हारा धरम री वृतांत कांई ज नीं जाणती । धरम कांई कै, कुरान कांई कै, इबादत कांई है म्हूं जाणती ही नीं ही । ज्ञात या ही के वां दिनां सुख बिलसवा सिवा म्हांका घर रा आदमी कांई जाणता ई नीं हा । सराब कबाव अर मैखाना में एड़ा गरक व्हेयरिया हा के एक ऊपरळो मजहब रो देखावो देखावो हो । ईं ज वास्ते म्हांका हरम में रंग-म्हेलां में ई धरम-करम जीवतो जागतो नीं हो । कोरो नाम नाम हो ।

वेमाता म्हारे जनम रे लारै ई धरम करम सीखवा रा आंक मांड दीघा

हा के काँई और कारण हो । मूँ ऊगे सूरज, वीं पीळोड़ा परभात में, जमनाजी रा लीला पांणी पै घोळी पैड़्यां माये केसरलालजी ने पूजा करती देखती । वां ने पूजा पाठ करता देख नींद सूँ तुरत जागियोड़ो म्हारो मन खट्टा, भगती सूँ भर जावतो ।

नैम घरम सूँ रैवणिया केसरलालजी रो उघाड़ो गोरो डील जगमग करता दीवला रो जोत रो नाँई दमकतो । वं रा पुत्र परताव रे आगे म्हारो, एक मुसलमान रो डीकरी रो मूरख मन ई उणां रा पगां में भुक जावतो । कैवती केवती एक खिण साहं वा लकगी । म्हेने यूँ लागियो वीं रा मूँडा पै केसरलालजी रा तेज परताप रो चानणो छायगियो अर वा एक भटको देय वीं चानणां ने अळगो कर पाछी वात जमावणी चावती व्हे । केसरलाल रो वात करतां वा ऊंचा संस्कृत रा सबद बोल रो । म्हेँ देखतो रैगियो या सायजादी बोल रो है के साधुणी ।

संन्यासण कैवा लागी, 'म्हारे एक हिंदू दासी ही, वा रोजीना धोक देय केसरलालजी रा पगां रो रज लावो करती । वीं ने देख म्हारो मन हरखीजतो ई हो अर ईसको ई आवतो । वरत बड़लियो करती जद वा म्हारी दासी विरामण भोजन करावती दक्षणा ई देवती । म्हेँ ई उण ने पैइसा टका रो झेलो देय देवती न कैवती 'यूँ केसरलालजी ने नीं बुलावेना काँई ?' वा होठां ने दांता सूँ दवाय न कैवती, 'त त त त, केसरलालजी बापजी घरम पुत्र रो पैइसो थोड़ो ई भैले ।'

केसरलालजी ने म्हांमूँ मारी भगती जतावणी नीं आई । नीं चौड़े जतावणी आई नीं छाने ई वां साहं काँई करणी आयो जो म्हारो भूखो मन लळचावतो रैवतो । म्हारा बडाडवा मांयलां कोई वामण कन्या माडाणी परण ले आया हा । म्हेँ म्हेलां में एकमाड़ी वैठी देखती के म्हारा हाड़ मांस वीं विरामण दादी पड़दादी रा अंस सूँ बणियोड़ा है, म्हारा मन में क्यूँक संतोस आवतो के म्हारा अर केसरलालजी रा लोही में क्यूँक तो मेळ है ।

उण हिंदू दासी सूँ म्हेँ हिंदूवा रा घरम रो वातां पूछती, देवी देवतां रो अजब अनोखी वातां सुणती, रामायण र महाभारत रो कथावां ने संका र समावानां सागे सुणती । सुणतां सुणतां म्हारा अंतस में हिंदूवां रो केई चीजां रा चित्तराम उत्तर जावता । देवी देवतां रो मूरतियां, धू धू कर न वाजता संख, टणणाट करता घंटा, सोना रा कळस चडियोड़ा सिखरवंद मिंदर, घूप रो घूँवो, अगर, चंदण, फूलां रो खसवोई । योग रा चमतकार, साधु जोगियां रो सिद्धियां, विरामणां रा देवी महात्म, मिनखां रा भेख में देवी देवतां रो लीला । म्हारा मन रो आंखियां आगे एक मायालोक बस जावतो । म्हारो चित्त त्रिना घूँसाळा रा पंथी नाँई उडियो चडियो फिरतो ।



अतराक में फिरंगियां री सरकार सूं भगड़ो माच गियो। म्हाका नान्हासाक बदाऊं रा किला मांयने ई गदर रा एहनांण दीखिया। केसरलाखजी बोलिया, 'अवै तो यां गौ हत्यारा गोरों ने हिंदवांण सूं बारै काढ न, हिंदू मुसलमानां ने राज ने पाछो पगां नीचे करवा ने एक मत्ते व्हेणो पड़ैला।'

म्हारा बाप घणां चतर र स्याणां हा। वे बोलिया, 'ये फिरंगी ओछी माया नीं है। हिंदवाण रो लोग यां सूं भगड़ो जीतवाने नीं। म्हुं पेट मांयला री आसा में गोद वाळा ने नीं फेकूँ। कंपनी सरकार सूं झगड़ियां म्हारी है जो धरती पगां नीचे सूं परी जावै।'

उण वेळा आखा हिंदवांण रा हिंदू मुसलमाना रो लोई ऊकळ रियो हो। म्हारा बाप री यां बाणियां जसी वातां पै म्हारो सगळां रो मन उणांने धरकार रियो हो। म्हारी बैगम मांवां ई कैवा लागी के झगड़ो झेल लेणो चावे।

केसरलालजी तो कमरां बंधी फौज सागै आय न म्हारा बाप सूं बोलिया, 'नबाब सा'ब, जै आप म्हांके भेळो नीं भली तो आप ने म्हां नजरवंदी में लां। झगड़ो चाले जतरे नजरवंद राखां। ई किला रो भारतोड़ म्हुं झेलूँ।'

नबाब साब बोलिया, 'अतरो फसाद क्यूं करो, म्हुं थारे भेळो हूँ।'

केसरलालजी बोलिया, 'खजाना मांयतूँ क्यूंक रिपिया काढो।'

नबाबसाब अतरोक ई ज कहियो 'चावता जाय ज्यूं देवतो रैवूँ।'

एडी सूं लगाय न चोटी तांई म्हारे जतरा गैणां हा सगळा री गांठडी बांध म्हें उण हिंदू दासी सागै केसरलालजी कनें भेज दीधा। वां म्हारी ई नजर ने कबूल कर लीधी। म्हारो आभरण बायरो अंग अंग हरख सूं फूल गियो, रूम रूम ऊभो व्हे गियो।

केसरलालजी का'ट चढियोडी बंदूकां री नाळां सुधरावा लागो, जूनी तरवारां रे वाढ देवावा लागो। अतराक में अचांणचकां रा कंपनी रो गौरो साब, लाल वडदीवाळी गोरी पळटन रे लारे, आभा तांई घूळो उडावता, किला में आय बळियो।

नबाबसाब छानेकरा गदर व्हे जावा रा समीचार भेज दीधा हा।

बंदाऊं री फौजां केसरलालजी रा एडा कैणां में ही के वां री आंगळी ऊंची करतां ई जूनी बंदूकां का'ट झाल, चढियोडी तरवारांसूंत न गोरों माथै आय पड़िया।

दगाबाज बाप रो म्हेल म्हेने नरक जेडो दीखवा लागियो। ओलज सूं, दुख सूं अर नफरत सूं म्हारो काळजो कडकवा लागियो। पण नैण सूं एक टोपो आंसू रो नीं पड़ियो। म्हारा कायर भाई रा मरदाना गाबा पैर, भेख बदल म्हेलां बारै निकळगी। वठे देखवा चोघवा री वगत कीने ही। उण वेळा गोळा गोळियां

रो धूँवो मिट गियो हो, घायलां रो बरळाणो ई थम गियो हो । जळ में, थळ में चारूंपासे मौत रो तो सणगाटो छांय रियो हो । जमना रा पांणी ने राता रंग सूं रंग न सूरज ई आंय गियो हो । निरमळ आभा में चांनणा पख रो चांद चमक रियो हो । रणखेत लोहियां सूं लयड़ पघड़ व्हे रियो हो । दूजी कोई वेळा व्ही व्हेती तो दया सूं म्हारो हिवड़ो फाट जावतो । पण वीं दिन तो म्हूं वां लोथां मांयने फिर फिर केसरलालजी ने हेर री ही । हेरतां हेरतां आयो रात रा जाय न चांद रा उजाळा में रणखेत रे कने, जमना रे तट पे, आंवा रा गोड रे नीचे म्हें केसरलालजी री लोय दीखी । पसवाड़े ई ज वां रो स्यामखोर चाकर देवकी-नंदण पड़ियो हो । म्हूं समझ गी के घायल व्हियां पछे कैतो चाकर ठाकर ने अठै लाय हिफाजत री जगा सुवाया है कै ठाकर चाकर ने लाय सुवायो है । दोई जणां चड़ी तसल्ली सूं कजा री खोळ मांयने मायो देय सोय गिया है ।

पेलां तो म्हें म्हारी घणां दिनां री भगती री भूख ने बुझाई । गोडां गोडां तांई लटकता माथा रा केसां ने खोल, केसां सूं कतरी दांण वां रा पगां री रज ने पूंछी, म्हारा माथा पै वां रा ठंडा पगां ने राखिया । पछे वां रा चरणारविंदा रे होठ अड़ावतां अड़ावतां तो म्हारा नेणां सूं गंगा जमना बैवा लागी ।

अतराक में केसरलालजी री देही हाली, सेंपीड़िया कुरणाया । म्हें चमक न वां रा पगां ने छोड़ दीघा । मींच्योड़ी आंख्या सूं, सूख्योडा कंठ सूं घीमेकरो साद निकळियो, 'पांणी ।' म्हूं भागी जमना पै । जमना रा पांणी में म्हारी ओढणी आली कर न लाई । ओढणी निचोय वां रा मूंडा में पांणी चेवियो । वां री डावली आंख न माथा पै गैहरो घाव लागियोड़ो हो वठे ओढणी फाड़ पाटी बांधी ।

यूं कतरा ई गरड़का जमना बीचे न वारा बीचे लगाया । पाणी चेवती री, आंख्यां पे पांणी न्हाकती री । धीरे-धीरे चेतो आयो । म्हें पूछियो, 'पाणी लावूं ?'

केसरलालजी बोलिया, 'कुण है थूं ?'

म्हानूं रेवणी नी आयो । म्हे केय दीधो 'आपरा चरणां री चाकर, नवाव गुलाम कादरखां री बेटी हूं ।'

म्हें तो सोची के मरता मरता केसरलालजी वारी भगत ने चाकर ने ओळखता जाय । यो पैलो मिलणो ई है अर छेल्लो मिलणो ई है । ई सुख सूं अबै म्हेने अळगो करणियो कोई नीं ।

पण हाय, म्हारो नाम सुणता ई केसरलालजी तो न्हार री नांई गरजन बोलिया, 'दगावाज बेईमान री बेटी । तुरकड़ी, मरता लगा ने हाथ रो पांणी पाय म्हारो घरम भस्ट कर दीघो ।' यूं केवतांई वां तो म्हारा जीमणा गालड़ा पै खैच न एक चणगट री मारी । आंख्यां आगे काळा पीळा आयगिया, भांप लाय हेटे पड़नी ।

जंद म्हूं सोला वरसां री कुंवारी कन्या ही, म्हेलां वारै वींज दिन पग वारै काढियो हो । जठा तक तो लोभी सूरज री किरणां ई म्हारा गालां री ललाई अर कंवला ई ने नीं चोरी ही । वीं दिन दुनिया में वारै पग देतां ई, ई संसार अर म्हारी पूजा रे देवता म्हारो यो लाइ कीधो । पैलीड़ी आसीस म्हने म्हारा देवता सूं या मिली ।

यूं केय नवावजादी छानी रेगी ।

ओजूं ताई म्हूं हाय में सिगरेट लीवा मंतरियोड़ो व्हे ज्यूं छानोमानो कैणी सुणरियो हो । काई तो बोली सुणरियो हो, काई धुन सुणरियो हो । काई नी कैवणी आयो, मूंडां में जाणै जीभ ई नीं ही ।

अवे म्हासूं नी रैवणी आयो, मूंडा वारे अचांणचको निकल गियो,  
'ढांडो हो ।'

नवावजादो बोली, 'कुण ढांडो हो ? पिराण निकलती वेळा काई ढांडो मूंडा कने आया पाणी ने छोड़ दे ?'

म्हूं लजाय न बोलियो, 'सांची केवो, देवता हो '

वा चटाकदेणी री बोली, 'देवता कस्यो । देवता, चरणा में आयोड़ा भगत रे लात मारे काई ?'

म्हूं बोलियो, 'आप सांची फरमायरिया हो ।' यूं कैयन छानो रैगियो ।

नवावजादी कैवा लागी,

'पेला तो म्हने घणो ई ज दुख व्हियो । यूं लागियो जांणे सारी दुनियां ई काई तारामंडल ई टूक टूक व्हेन म्हारे माथै आय पड़ियो । थोड़ी देर पछै म्हारो चेतो ठकाणे आयो । म्हें वीं पवित्तर पण कठण हड़दा रा विरामण ने दूरा सूं नमसकार कीधो । मनोमन बोली. 'हे विरामण देवता, थां परायो धन नीं लो, परायो अन्न नीं लो । पराई लुगाई रा नेह, जोवन ने थां अड़ो तक नी, हीण मिनखां री सेवा नीं लो । थां धिन्न हो, थां ने वांघणियो कुण ? म्हूं ई जोगी कठै के थांरा पैतावां में आय पड़ूं ।'

नवावजादी ने धरती पे पड़ न सास्टांग डंडवत करतां देख न केसरलालजी काई जाणियो व्हेला, म्हनें खबर नीं । पण वांरा मूंडां पै म्हने अचंभो नी लागियो । वां रा मूंडा रो रंग बदलियो नी । थिर नजर सूं म्हारी कानी भांकिया, पछै उठवा ने कुरणावता ऊंचा नीचा व्हिया । म्हूं विचलाय न वांने झेलो देवा ने म्हारा हाय आघा कीधा, पण वां छाना रैय म्हारा झेला ने नामंजूर कर दीधो । घणा दोरा टेंकता थका उठिया, धीरे-धीरे थागा लेता जमना रा घाट पै पूग्या । वठै एक हूंडो बंधियो हो । नीं तो कोई नाव चलावणियो हो नीं कोई पार करणियो

ई हो १ वां नाव नाव में बैठे न नाव ने चलाय दीवी । देखतां-देखतां नाव धार में उतरणी, धीरे-धीरे आंखियां सूं अळगीं व्हेगी । म्हारा मन में आई के दुखां रा बोभा ने क्यूं खैन्न । अण आदरिया भगती भाव लींवां, इव महं आवी । नाव गी जीं दिता कानी हाय जोड़, ई मंऊघान रात में, डाळी सूं हूट पड़ी काची कूपल व्यूं म्हूं देही ने भांग दूं, रज-रज कर न उडाय हूं । आभा में चमकते चांद ई म्हने मरजावा री सल्ला दीवी । जमना रे पैला पार रा जांवू रा लखड़ा ई कियो के मरजा । काळंदी रे काळे पाणी, आंवा री आंवादाड़ी चांदणी में चमकता किला रा घुमटा, सैग जरां केवा लागिवा, जीवा में कांई सार नीं, मरजा । जळ, थळ, नम, सगळां ई राय खप जावा री दीवी । पण खळखळ वैवती जमना री वार में वंय न परीणी ही, वीं जूनी नाव म्हने मरवा नी दीवी । कडा री खोळां मांयतूं म्हने खैव न ले आई । म्हूं मोह मांयने उळझी लगी जमना रे कनारे किनारे चाल पड़ी । कठे ई लांबो लांबो कमखाणो चारो, कठे ई रेतरेडो, कठेई ऊंची नीची घरती तो कठेई खाळा । गैरा जंगळा ने अंबळा परवतां ने डाकती चाली ।

अतरी वात कैय नवावजादी पाछी छानी रैयगी । म्हूं कांई नी बोलियो । नरी देर पछे वा बोली ।

ई रा पछे वीती जो तो ओर ही खोटी ही । न्यारी न्यारी कर न थां ने कस्या अरयावूं । एक गैरा जंगल में व्हेयन निकळी । कठी ने व्हेयन निकळी, अवं हेर न बतावणो चावूं तो नी बतावणी आवै । कठूं तो सह कळं कठे खतम कळं । कांई कांई वाता तो कैवूं न कांई कांई छोड़ दूं । थां ने किय तरे वा कैणी कैवूं के थां ने वा अणव्हेणी अणूती नीं लागै ।

पण हां, अतराक दिना में ई ज म्हूं समझी के दुनिया में अणव्हेणी वात तो कांई है ई ज नीं । नवाव री हरम रा सात ताला में रेवणी नवावजादी सहं बारली दुनिया दुरगम व्हेवो करे । पण म्हूं जांगगी के या मन री कोरी भरमना है । एक दांग वारै पण काड लो तो चालवान गैलो आपणें आप लावतो जावे । हां, नवावी गैलो तो व्हे नी पर गैलो जहर व्हेतो जावे । वीं गैला में मानवी आप अनाद सूं चालियो आय रियो है, गैलो अंबळो संकडो, भलां ई व्हो वीं गैला में हृद्वंदी भला ई मत व्हो । गैला पड़गैला घणांई फंटिया है वी में, दुख सुख घणांई है पण है वो गैलो ई ज ।

वीं गैला में अकेली भटकती नवावजादी री कैणी मुगवा में कोई भिनख ने आणद नीं आवेला सांचो तो या है के म्हने ई मुणावा में कांई रस नीं आवै । लाख वात री एक वात, दुख, सुख, सूख, तिस, आदर, अगादर घणां ई भोग्या हा

पण काल तांई पिराण रा बोझा ने खैच्यां जाय री ही । काल सूं म्हूं हीमत हारगी, पापी पिराणां रो बोझो अबे म्हां सूं नीं घोंसणी आवै । अतरा वरस तो आतसवाजी री नांई म्हूं सुलगी ही तो चक्कर ई आतसवाजी री नांई तेजी सूं काटिया । काल तांई तो म्हूं चक्कर काटती री म्हने ठा ई नीं पड़ी के म्हूं बळरी हूं । पण म्हारा दीवा री ली एकणदम वायरा रा एक भोला सूं बुझगी । म्हारा जीवन री जातरा, म्हारी जिदगाणी री मूंची मुसाफरी खतम व्हेगी । लारै म्हारी कैणी खतम व्हेगी ।

अठे आय न नवाबजादी छानी रैयगी । म्हें मनोमन मायो हलायो ऊंहूं अठे आय न कस्यां खतम व्हे । थोड़ी देर छानो रैय अवकचरी उड्डू में बोलियो 'कसूर माफ करो; पाछली वात रो क्यूं खुलासा करो तो म्हारो मन सोरो व्हे जावे ।'

नवाबजादी हेंसी । समझ गियो म्हारी अवकचरी उड्डू काम काढ लीघो । जो म्हूं उड्डू धड़ाकावद बोलतो व्हेतो तो म्हां आगे वीरी लाज अळगी नीं व्हेती । म्हूं वीरी बोली थोड़ी समझूं हूं नीं जो वीं बीचै म्हां बीचै पड़दा रो काम कर गियो, या ई ज आबरू ही ।

वा पाछी कैवा लागी ।

केसरलालजी री खबरां तो म्हने लाग जावो करती । पण मेळो कोनी व्हियो । वे तांत्या टोपी रे सागे रळगिया । गदर रा दिनां में कदी अगूणां तो कदी आंथूणा, कदी दिखणांद में कदी उत्तराव में अणगाजी र अणघोरी बीजळी री नांई कडकडाट करता पड़ता व्हे अर छिण में विलाय जावता पाछा ।

म्हूं जोगण वण कासी में सिवानंद स्वामी ने गुरू बणाय संस्कृत रा सास्तर भणवा लागी । समसत हिंदवाण री खबरां वारां चरणां में आय पूगवो करती । म्हूं पूरण भगती सूं सास्तर पढ़ती, संका भरियोडा चित्त सूं, अकुळायोड़ी गदर री खबरां ही जांगवो करती ।

धीरे धीरे कंपनी री सरकार, गदर री लाय ने पगां सूं मसळ न बुझाय दीवी । पछे केसरलालजी री खबरां मिलणी रूकगी । गदर री वेळा जो नामी नामी व्हादरां री भूरतियां खिणखिण में दीखती वे सेंग विलाय गी ।

अबै तो म्हारा सूं नीं रैवणी आयो । म्हूं तो गुरू रो आश्रम छोड़ भेरवी रा भेख में निकळगी । तीरथ जातरा मिंदर मठ, सिनान धियान करती फिरती री । कठे ई केसरलालजी रो पतो नीं लागियो । एक दो जणां रा मूंडा सूं, जो वां ने जाणता हा, सुणियो के, कै तो वे रणखेत में काम आय गिया कै वां ने फिरगियां फांसी पै चढाय दीधा । म्हारो मांयलो मन ई वात ने मानतो ई ज नीं, वो कैवतो, 'या कदै ई नीं व्हे । केसरलालजी मरिया तो नीं, वा पवित्तर भळझळ

करती अगनी सिखा बुझी नीं । म्हारा आतमा री आहुति लेवा ने, कठे ई न कठे जग्य री वेदी माथै भळभळ करती वा सिखा वळ री व्हेला ।'

हिंदू सास्तर में लिखियोडो है के तप सूं र ग्यान सूं, सूद्र ई बिरामण व्हेगिया पण या कठे ई नीं लिखी के तप कर न कोई मुसलमान, बिरामण व्हियो के नीं । वीं वगत मुसलमान हा ई नी, लिखता कठा सूं सांस्तरां में । म्हूं जाणती के म्हारो केसरलालजी सूं मेळो व्हेवा में घणी जेज है, मेळा व्हे जीं सूं पैलां म्हने बिरामण व्हेणो है । म्हूं मांयतूं कांई ने बारणूं कांई बिरामण व्हेयगी । आचार विचार सूं मन वचन करम सूं बिरामण बणगी । म्हारी वां बिरामण दादी रो खून, निसपाप तप तेज सूं म्हारी देही में दौडवा लागियो ।

गदर रे वगत, केसरलालजी री व्हादरी री वातां में कतरी सुणी ही पण म्हारा हिवडा मांयने वे मंडी कोयनीं । वीं आधी रात रा, चांद री चांदणी में, जमना री मंझधारा में छोटीसीक नाव माथै अकेला केसरलालजी ने जावता देख्या हा । वा तसबीर म्हारे काळजा में मंडगी ही । म्हूं तो रात दिन देखवो करती के वो तपस्वी बरोबर आगे महारहस्य कानी बघतो जायरियो है । वां रो नीं तो कोई संगी है नीं साथी है । उणां ने कीं री चावना ई कोयनी । वो तो निरमळ आतमा में मंगन पुरस अपणे आप में पूरण है । आभा रा सूरज, चांद र तारा ई छाना माना वां ने देखरिया है ।

वां दिनां ई ज खबर लागी के, राजदंड सूं केसरलालजी निकळ भागिया, नेपाल कानी गिया है । म्हूं नेपाल जाय पूगी । वठे घणां दिन री । खबर लागी केसरलालजी नेपाल सूं ई कजाणां कठी ने ई परा गिया ।

पछे म्हे परवत परवत हेर लीवो, कठे ई पतो नीं लागियो । वो हिंदूवां रो देस नीं है । भूटानी मलेच्छ मिनख रै वे । यां ने आचार विचार रो कांई ज घियान नीं । बठा रा देवतां री पूजा पाठ री सैंग विधि जुदी है । म्हें अतरा वरसां तांई साधना कर सुद्धि परापत कीधी ही वीं में कठे ई दागो नी लाग जावे । म्हूं डरपी, कठे ई म्हूं यां लोगा सूं भिंटाय नीं जावूं जो बचती बचती चालवा लागी । म्हूं जाणती ही के म्हारी नाव कनारे लागवा वाळी है, म्हारो जमारो सुघरवा वाळो है ।

पछे ? कांई कैवूं थाने । पाछली वात तो घणीज थोड़ी है । दीवो बुभुण लागे जद खाली एक फूंक सूं बुभु जावे । अबे लांबी चौड़ी बघाय ने कांई कैवूं । अडतीस वरसां पछे दारजिलिंग में आय न आज सुबे म्हें केसरलालजी ने अठे देखिया । बोलवा वाळी ने अठे ई ज रुकती देख न म्हें पूछियो 'कांई देखियो ?'

नवाबजादी बोली, देख्यो, भूटानी वस्ती में भूटानी लुगाई रे लारे अर

भूटानी लुगाई रा पेट रा पोता पोतियां रे साथै मैला कुचैला गाबा पैर्यां खेत में काम कर रिया हा ।'

कैणी खतम व्ही । म्हें सोची, कोई दिलासा री वात कैवणी चावै । वोलियो, अड़तीस वरसां तांई बरोबर जीं ने रात दिन पिराणां रा डर भौ सूं दूजी जात वाळा सागं रैवणो पड़े, वो आचार विचार कस्यां निभावै ?'

नबाबजादी बोलीं, 'म्हूं कांई नीं समभूं हूं ई वात ने ? पण म्हूं अतरा दिन किण मोह में उळभी भटक री ही । जी आदमी रे धरम करम म्हारा जुवान मनड़ा ने विलमाय लीघो हो, म्हने कांई खबर ही के वा तो एक आदत ही । खाली संस्कार मात्तर हा । म्हूं तो जाणती ही के वो धरम है आद है अनाद है, सदा मद एक सरीसो रैवेला । अस्यो म्हूं नीं जाणती तो वीं सोळवां वरस में, नवो उघड़िया फूल जस्या म्हारा तन मन ने क्यूं चढावती ? तन मन ने अरपण करती वगत वीं धरम करम जाणगिया बिरामण रा जीमणां हाथ रा परसाद ने माथै क्यूं चढावती ? वीं चंरगट ने गुरू रा हाथ री दीक्षा जाण माथो भुकाय दूणां भगती भाव सूं माथै क्यूं झेलती ? हाय, धरमातमा, थै तो थारी एक आदत री जायगा दूजी आदत धारण कर लीघी । पण म्हने वीं एक जोबन अर जिदगानी री जायगा दूजो जोबन र जिदगानी कठै लावैला ?'

यूं केवतांई वा चट देगी री ऊभी व्हेगी । बोली 'नमस्कार' । बोलतां ई वीं आपणी गलती ने दुरस्त कीधी ।

'सलाम, बाबू साब ।'

ई मुसलमानी ढंग री रामासामी रे सागै वीं, रैता में छळता बोदा हिंदू धरम सूं सीख लीघो । म्हूं वीं ने कांई कौवूं जठा पैलां तो वा हिमाळे री भूरा रंग री धंवर वादळी री नांई विलायगी ।

म्हूं थोड़ीक देर आखियां मींच्यां नबाबजादी री कैणी ने मन रा पाठा पे उतारवा लागो । जमना री तट पै वणियोड़ा किला रा झरोखा कने मोड़ो लगायां गुललंजा नबाबजादी ने मांडी, तीरथां रा मिंदरा में संझचा री आरती री वेळा भगती भाव सूं, गळगळी व्हेती तपसण ने उतारी । दारजिलिंग रा पहाड़ा में कलकत्ता रोड रे कने एक चतरं अथकड़ लुगाई री मूरती मांडी जीरो हिवडो टूक टूक व्हियोड़ो हो, जो निरासा री मूरती लाग री ही ।

आंध्यां खोली तो देखूं वादळा फाट गिया है, सूरज री सुंवावणी किरणां निरमळ आभा में चमचम कर री है । रिकसां में बैठ न अंगरेज लुगायां न घोड़ां पे

## दुरासा ●

घड न अंगरेज आदमी स्हेल करवा ने निकळ रिया है । एक हिंदुस्तानी गळा में गुळबंद बांधिया, म्हारी आडी ने मुळकतो जाय रिया हो ।

म्हें झटपट उठियो । सूरज रा चानणां में चमचम करती दुनिया में म्हने वा कैणी सांची नीं लागी । म्हने घूं लागियो, धंवर रे लारे सिगरेट रो घूंवो मिलाय न म्हें एक कैणी जोड़ लीधी ही । वा मुसलमान बिरामणी, वो बिरामण व्हादर, जमना तट रो किनारो, कोई ज सांचो नीं है ।



## देज लेज

पांच बेटीं माथे बेटीं जनम लीघो तो मां बापां घणां कोड सूं नाम काढियो निरूपमा । ईं घराणां में ओजू ताई एडो सौक रो नाम कोई टावर रो नीं पाड़ियो हो । नाम आज ताई देवी देवतां माथे गुणोस, रामू, सीता, पारवती जेड़ा नाम चालता आया हा ।

निरूपमा रा सगपण री वृतातां चाल री ही । बाप रामसुंदर घणोई हेरियो, जोइयो पण मन माफग वर कोई दीख्यो नीं । छेवट में फिरतां फिरतां एक रायबादर रे बेटा री खबर लागी, लूंठो घर, एकाएक बेटो । रायबादर रा घर में पैलां बाप दादा री धन दौलत, तो ठिकांणे लागगी ही, खेत कूड़ा ई पगां नीचे नीं रिया हा । पण घर रो नामून मोटो हो ।

रायबादर दस हजार रिपिया टीका में मांगिया, दायजा में ई गैरां गांठा, सोनो चांदी गैरो मांगियो । रामसुंदर आगली पाछली तो विचारी नीं देवणो हंकार लीघो । वां सोचियो के व्हेणो व्हे ई जो व्हेई, एडा लड़का ने हाथां बारै निकळवा नीं देणो ।

रिपिया रो परबंध करवाने वे घणां ई भागिया पण रिपिया हाथे नीं लागा जो नीं लागा घर री आठापूंजी गैरो मेल दीधी तोई सातेक हजार रो तोडो तो रैय ई गियो, उवारा पायो ई कीधो पण काम नी सरियो । अठीने फेरा रो दिन आय गियो । करड़ा व्याज माथे एक जणो रिपिया देवा ने राजी ई व्हे गियो पण एन वगत माथे वो कजांणा कठे जाय छिपियो । व्याव रा मांडपा में हाय हूय माचगी, लोग नाराज व्हेगिया, रूसणां रूसणी व्हेवा लागा । रामसुंदर,

रायबादर रे घणी हाया जोड़ी कीधी 'सुभ वेळा टळ जाय, आप फेरा तो फिरवा दो। आपरी पाई पाई म्हूं आपने देवूं कौल कर बदलूं नीं।' रायबादर रो टका जस्थो जुवाव दीघो, 'रिपिया म्हारे हाथ में नीं' मेलो जतरे वींद रो गंठजोड़ो वंधणो नीं।'

मांयने लुगायां रोवा झींकवा लागी। जीं रे पूंछड़े यो कळेस व्हेय रियो वा परणैतू छापल ओढियां, गैणो गाबो पैरचां, ललाट पै चंदण री खोळ काढियां, छानी मानी वैठी। सासरा वाळा सारूं वीं रा मन में कतरोक मोह अर इजत वध री व्हेला ?

अतराक में एक नयो गूंपो फूटियो। वींद अचाणचका रो बाप रो कहियो मानवाने नट गियो। बाप ने उपडताई जुवाव दीघो 'मोल तोल, लेज देज म्हूं नीं जाणूं। म्हूं तो परणवाने आयो हूं जो परण न मांडो छोडूंला।'

बाप कांई करै सुणावा लागी, 'देख्यो जमानो ?' सागै एक दो स्यांणा समभणां हा वां ई सुर में सुर मिलायो, 'भणायलो और। धरम नीति री पढायां तो अत्रै करावे नीं जीं रा फळ है ये।'

नवी पढाई रो यो जैरीलो फळ, घर में ई फळतां देख रायबादरजी ढीला पडगिया। व्याव तो खैर कियां ई दिह्यो ई ज पण रस नीं रियो। गरण गटोळिया खुवाय दीघा। सासरे सीख देवता बाप री छाती फाटवा लागी। लाडली बेटी ने छाती रे लगाय लीधी, आंखियां सूं चौसरा छूट रिया।

बेटी बाप री छाती में माथो घाल न पूछियो 'अबै वठा वाळा म्हणें पाछी अठै नीं आव देवेला ?'

बाप रूझ्या गळा सूं बोलियो, 'आवा क्यूं नीं देय वेटा। म्हूं आय न थनं ले जावूं।'

[ २ ]

रामसुंदर घणी बिरियां बेटी सूं मिलवाने जावता। पण बियाईजी रे घरे कोई वां रो आव आदर नीं। चाकर छोरी तकात वां ने गनारता नीं। रावळा सूं वारै, नियारी ओवरी में चार पांच मिनट सारूं बेटी सूं मिलाय देवता, कदी कदी तो मेळो व्हेतो ई नीं, पगरखियां रगडता पाछा फिरता।

बियाई सगा में एडो अणादर तो अबै बरदास नीं व्हे। रामसुंदर विचार लीधी के चावे जो व्हो रिपिया तो वां ने देय ई देणा पण देवे कठा सूं माथै तो केस है जतरो लैहणो व्हेय रियो। वो ई चूकावणी नीं आय रियो हो। दाळ रोटी रो खरचो ई दौरा निभ रियो हो। रोज नित नूवा आळखा लेय लैणार बोहरा सूं नीठानीठ पिंड छुड़ावता।

सासरा में निरूपमा ने रोज ओ'टा टो'टा सुणणा पड़ता । सासरा वाळा तो मां वापां ने कंवळा आगै ई ज ऊभा राखता । सुणावगां सुगतो सुणती गळा ताई भर जावती तो बापड़ी आडो जड़ रोय रोय छाती उरळी करती । सुणावणां सुणणो न रोवणो नित्तनैम हो । सासू तो गाळियां री वरखा ई ज करती रैवती । कोई पाड़ पाड़ीसण आवती न कंवती 'वींदणी रो मूंडो तो देखावो ।' सासू झडाकदेणी रो मौसां रो भड्डाको लगाय देवती 'देखे मूंडो, जेडो घर घरांणो है वेडो ई मूंडो व्हेला ।'

सासू तो वीनणी ने खावा पैरवारी ई नीं पूछती । जै कोई भली मांणस पाडीसण, वीनणी रे खावा पैरवा री पूछती तो सासू कड़कन केवती 'घणो ई है । और कांई दे फेर ।' ई रो अरथ तो यो ङ्हियो के जै बाप पूरा रोकड़ा चूकावतो तो खातर ई पूरी व्हेती । सैग जणां यूं रैवता जाणै वीनणी रो तो ई घर में लेवणो देवणो ई कांई, या तो जांणै मनमत्ते आय घर में वळी व्हे । छानी कस्यां रैवती, बेटी रा अणादर री, फोड़ा री वृतात बाप जागियो ई । वां तो घर ने बेच देवा रो धारी ।

अठीने वठीने बेचवा री वृतात चलाई पण वेटां सूं छानै । मन में नक्की कीधी के छाने रो छाने घर ने बेचं वीं ज घर न भाड़े लेय रैवांला एड़ी तरकीब करूं के कानो कान किनेई ठा ई ज नीं पड़े ।

वेटां ने भणकारो पड़गियो । सैग वेटा मिल न बाप कने रोवा लागिया । वां मांयने ई तीन वेटा तो पराणिया थका हा, छोरा छापरा ई हा वारे । वां तो राडो कीधो ई ज । छेवट में घर बेचवा नीं दीधो । अबै रामसुंदरजी मूंडे मांगिया व्याज पै, थोड़ा थोड़ा रिपिया उधारा लाय भेळा करवा लागिया । फळ यो व्हियो के टोटा फासी चालवा लागी ।

निरूपमा बाप रो मूंडो देख न समझगी । बूढा बाप रा धोळा केसां, अर उतरियोड़े मूंडे बताय दीधो के वे करज में कळ रिया है, जीव में यांरे जक नीं है । चित्ता, चित्ता री नांई वाळ री है । बेटी रो गुनेगार बाप व्हे जद वी गुने रो पिद्धतावो छिपावणी थोडो ई आवै । रामसुंदर बियाई रे घरै जावतो, इजाजत मिलियां ऊभां ऊभां बेटी सूं वृतात कर न पाछो निकळतो जीं वेळा वीं री छाती वरड़ाटा मेलवा लागती जाणै अबै वड़की । वां रा मूंडा सूं ई मन री दसा जाणणी आय जावती ।

बाप रा खजमायल जीवड़ा ने हिमळास देवा सारूं वा पीयर जावा ने आगती उतावळी व्हेगी । बाप रो मुरभायोडो मुखडो वीं ने सालवा लागो । दो दिन भेळी रैवूं तो बाप ने हिमळास तो दूं । एक दिन वीं बाप ने कहियो 'म्हने घरे ले चालो ।'

नीं चूकावूँ जतरी वेटी म्हारी नीं । दिवाई रे बेळी पै पग नीं नेलूँ ।

३

घणां दिन व्हय गिया । निल्पमा बाप ने बुलावा ने आदमी भेजती री, पण वे कदी घरे नाविया ई नीं । बाप मूँ मिलियां ने घणां दिन व्हेगिया तो वा पींगळियां पडवा लागी । काई व्हय न आदमी भेजणो ई रोक दीवो तो बाप रा काळजा पै करीतां वेवा लागी । पग वां वेटी रे घरे पग नीं दीवो ।

आसोज रो म्हानो आयो । रामनुंदर बोलियो, अब्रकाळे पूजा में वेटी ने बुलायन रैवूँ । नीं लावूँ तो म्हूँ ..... करडी आखडी लेयलीवी ।

नौरता री पांचम रे दिन, पछेवडा में नोट पळोट न चालिया । अतरक में पांचक बरस रे पोती आय न दादा रे लडूँदियो, दादाजी, म्हारे सालूँ गाडी लाय रिया हो काई ?

वीं ने खडू रा पंडा री ठेला गाडीं मायें चडू न स्थल करवा रो कोडू चडूरियो हो, पण सौकं पुरी ज नीं व्हां ही । छै बरसां री पोती आय न रोवा लागी, 'दादा, पूजा रे दिन म्हूँ काई ओडूँ ? म्हारे ओडवा ने ओडणी कोय नीं ।'

रामनुंदर ने ठा ही, वां ने पैलांई सोच लागरियो हो के रायवावर रा घर नूँ पूजा में जावरो बुलावो आय गियो तो वे वां री वीनणिया ने ई दत्ता में भेजेला काई, मंगतियां री नाई जावती आछी लागेलां काई । वे सोचता अर गैरा गैरा नीसासा गैरता । नीसासा गैरियां व्हेतो काई ललाट रा सळ गैरा पडवा सिवाय । नातवानी रा रोवणां कानां में गूँजरिया हा, रामनुंदर दिवाई री पोळ में पग दीवो । आज वीं रा मन में काई संको नीं हो । पैलां तो चाकर छोरां साम्हा झांकता वां ने ओलज सी आवती पण आज वीं रा पग ई और दव नूँ पडू रिया । वे आज घर में वूँ वळियो जाणे नुद रा घर में वळ रिया है । मांयने गियां छे लागी के रायवावरजी वारे गियोडा है, थोडीक वाट नाळणी पडैला । रामनुंदर नूँ मन री छौळ दवावणी नीं आई, वेटी नूँ मिलिया । आणद रा आंनूवां री रुडी लागणी, बाप ई रोया, वेटी रोई । फिरा ई मूंडा नूँ बोल नीं निकळियो, हेत नूँ छाली उवकती री । पछै रामनुंदर बोलियो 'वेटा, अब्रकाळे म्हूँ धने लेय न जावूँ । अब्र कोई आड अडावण नीं ।'

अतरक में तो रामनुंदर रो वडो वेटो हरमोवन, वीं रा दीई टावरां सार्ग हरड देणी रो घर में आय वळियो । आवतां ई बोलियो 'म्हाने मंगता कर जावां रो ई ज मत्तो कर लीवो के ?'

रामनुंदर एकणदम रीस नूँ रतो पडू न बोलियो, 'तो थां सालूँ म्हूँ नरकां रो गामी वणूँ के ? म्हारा करचोडा कौल नूँ फिर जावूँ काई ?'

रामसुंदर आप रा घर ने वेच न्हाखियो । सावचैती तों घणी वरती के छोरं ने ठा नीं पड़ै पण कजाणां किण तरं वां ने बेरो पड़गियो । वीं ने असी भाळ छूटी के आपा वारै व्हेगियो । सागै पोतो ई हो, वो वां रा दोई गोडां रे लट्ठं व न ऊंचो मूंडो कर न बोलियो 'दादाजी, म्हारे गाडी ?'

रामसुंदर माथो भुकायां ऊभो । दादो कांई बोलियो नीं तो निरूपमा रे जाय लट्ठं वियो, 'भुवा, म्हने एक गाडी लाय दे ।' निरूपमा अटकळ लगाय लीधी । बोली, 'थां एक काणी कौडी म्हारा सुसरा ने मत दीजो । जो थां एक धींगलियो ई देय दीयो है तो म्हूं माथो फोड़ न मर जावूं, थांरा सोगन नीं मरूं तो ।'

'नीं वेटा, यूं कैवे कदी । जो म्हें रिपिया नीं चुकाया तो ई थारा वाप रो मांजंनो जावै, थारो ई जावै ।'

'मांजंनो तो जावै रिपिया चुकायां । थां री वेटी री कोई इज्जत कोयनी है कांई ? म्हारी वकत रिपिया पूंछड़ै ई ज है कांई ? रिपिया नीं तो म्हारी कीमत ई नीं ? नीं, वापजी, रिपिया देय म्हारी वेइज्जत मत करो । थां रा जमाई तो रिपिया चावै ई नीं पछै थां क्यूं दो ।'

'तो वेटा थनै ले जावा नीं देय म्हें ।'

'नीं ले जावा दे तो रैवा दो, थांई लेवाने मत आवजो ।'

रामसुंदर घूजता हाथां सूं नोटां ने पछेवड़ा रे पल्ले बांध न पाछा चोर री नाई घर सूं वारै निकळिया ।

ये व्रातां छारी रेवा री थोड़ी व्हे । कोई चाकर छोरी कान लगाय न सुण लीघो वीं जाय सासु ने सुणाई रामसुंदरजी तो रिपिया लाया हा पण वेटा आड़ा फिर गया, वेटी नटगी । कांई पूछणी व्रात । सासु रा हिया में होळी तो बळ ही री मायने पूळो कांई भारो न्हांखणी आय गियो ।

निरूपमा रे तो सासरो सूळां री सेज वणगियो । वीं रो परणियो तो डिपटी मजिस्ट्रेट वण गियो जो वारै चाकरी पै परो गियो ।

निरूपमा तो माचो पकड़ लीघो । ईं में कोरी सास रो ई कसूर नीं हो, निरूपमा डील रो धियान नीं राखती । काती म्हीना में, ओस पड़ती रैवती न वा सिरांत्या री वारी खोल न सोवती रैवती, उवाड़ी पड़ी रैवती कांई ओढती ई नीं । खावा पीवा रो धियान राखती नीं । डावडियां कदी कलेवो लावणो भूल जावती तो वा मूंडा सूं कैवती नीं के लावो । वीं रा मन में जचगी के वा तो ई घर में चाकर छोरी ज्यूं पड़ी है, सासु सुसरा दो टुकड़ा न्हांखे जो वां री किरपा है । सासु ने वींनणी रो यूं रैवणो ई तो नीं सुंवावतो । खावती पीवती नी तो चटाक देणी

रा सुणावा सुणावा लाग जावती 'ब्यू' जीमे । राजा री बेटी है । गरीबां रा घर री रोटी यांने थोड़ी भावै ।

सासू जी रा जींकारा बहूजी रा मरण ।

एक दिन निरूपमा सासू रे हाथ जोड़ न बोली, 'बूजीसा, एकर बाप अर भायां ने बुलाय म्हने मेळो कराय दो ।'

सासु बोली, 'ये पीयर जावा रा चरित्तर है ।'

कहियां तो कोई भरोसो नीं करेला पण वीं ज संझ्या रा निरूपमा ने उल्टो सांस चालवा लागगियो । वीं ज दिन डॉक्टर वीं ने पैलीपोत देखियो न वो ई ज छेल्लो देखणो हो ।

घर री बड़ी वीनणी मरी, चाल चलावो ई जोरदार व्हियो । रायबादर रे घरै नीरता में दुरगा री मूरती बोळावो घणां ठाठ सूं व्हेता । मिनखां में नाम हो वां री मूरती बोळावारो । वस्या ई ठाठ सूं बेटा री वीनणी ने, घर री गणगौर ने वां बोळाई । चंदण काठ री चिता चुणगी । लारै करिया करम, मौसर ई वस्यो ई व्हियो जस्यो रायबादर रा घर में व्हेणो चावै । मनख कंठे के झूंक माथे ई कढावणो पड़ियो रायबादर ने ।

गांम रा मिनख रामसुन्दर रे घरे बैठवा ने जावता दिलासा देवता तो लारे री लारे चरचा करता के वारी बेटी रो चलावो कस्योक धूमधाम रो व्हियो ।

अठी ने डिपटी मैजिस्ट्रेट रो कागद आयो 'म्हें अठे घर लेय लीधो है वीनणी ने भेजो ।'

रायबादरणी पड्डतार दीधो, बेटा, थारी सगाई दूजी जायगा ते व्हेगी है । सीख ले घरै श्रट आय जा ।

अब काळे टीका में रोकड़ा बीस हजार हाथे लागिया । रायबादरजी पैला वाळी भूल नी कीधी । पैला रोकड़ा गिण पछे परणायो ।



## राजतिलक

नवेन्दुसेखर, अहणलेखा रे गंठजोड़ो बांध न चंवरी में बैठयो जदी वमाता थोड़ीक मुळकी । वधाता ने जां रम्मता में मजो आवै वे रम्मतां मानवी ने हमेसां हंसावो नीं करै । नवेन्दुसेखर रा वाप पूरणेन्दुसेखर रो अंगरेजी राज में पासो हो । 'बड़ा हुकम में फायदो' रो फायदो वे जांणता हा, ईं नुसखा ने अजमाय न वे 'रायवादर' बणगिया हा । उगां रै कनें एड़ा नुसखा घणां ईं हां, परण व्हेणार री वात के पचपन वरस री औस्था में ईं वे वीं लोक में सिधार गिया जठै खिताब नीं व्हे । विग्यान वाळा कैवो करे के सगती रो नास कदै ईं नीं व्हे, वा रूप भलाई बदल ले, जायगा बदल ले परण वा खतम नीं व्हेवो करे । 'बडो हुकम रा फायदा' रा नुसखां सूं, अचपळी लिछमी वाप परा गिया तो वेटा रा माथा पे खावंदी रो हाथ मेल दीधो । नवेन्दुसेखर रो माथो अंगरेजा रा चरणां री रज ने चढावा लागो ।

नवेन्दु री पैलां री परणी, कुंख फाटियां बिना ईं मरगी । अबै जो लौड़ी परण न आईं वीं रा पीयर वाळां रो ढाळो ईं दूजो हो । वीं रा मोटा भाई प्रमथनाथ री आंपणां पराया में इज्जत ही, वां रो नामून हो । छोटा मोटा वारा चालियोड़ा गैला पे चालता हा । प्रमथनाथ बी ए. ताई भणियोड़ा हा । अकल रा तो उंजीर हा । पण वां री तनखा मोटी नीं ही, कुरसी र कलम री ताकत वां कनें नीं ही । व्हेती कठा सूं ? अंगरेज वां सूं दूरा रैवता तो वे ईं अंगरेजां सूं दूरा रैवता । 'तुम हमसें करड़े तो हम भी करड़े लट्ट' वाळी वात राखता । ओळख

पिछांण वाळा, घर वाळा, तो वां ने घणां ऊंचा, जोगा समझता । पण दुनिया ने वां में कोई बडापणो नीं दीखतो ।

ये ई प्रमथनाथ एक र तीन बरसां साहू विलायत परा गया । वठे अंगरेजां रो भलापणां वां ने अतरा मोय लीधा के देस रा टळकता आंमूडा ने वे भूल गया । पाछा देस आया अंगरेजी पोसाक पैरियोडा । सा'वां री पोसाक मांयने देख भाई वेन अर कहू'वा रा मिनख एकर तो भेळा भेळा व्हिया । पछे पांच दस दिनां पछे कैवा लागिया, 'अंगरेजी पोसाक यांने ओपे कतरी है, केडा फूटरा लागै ।' पछे धीरे धीरे अंगरेजी पोसाक माये वे आजसवा लाग गया ।

प्रमथनाथ विलायत सूं ई ज घर न आया हा के, अंगरेजां रे लारै कत्यां बरोबरिया रो बरताव राख्यो जावे, या म्हूं देस वाळा ने परतख वताय दू'ला । मिनख कैवे के बिना लुळियां अंगरेजां सूं मिलणी नीं आवे । या तो वां री आप री कमजोरी है वे हकनाक ई अंगरेजां ने हूसण दे । प्रमथनाथ विलायत रा ठावा ठावा सा'व वादरां रा सारटीफकेट सागै ले आया हा । वां रा जोर पै हिंदवांण में रैवणियां अंगरेज ई आदरवा लागणिया । और तो और अंगरेजां रे अर वां री लुयायां रे सागै वां ने चाय पागी पीवा रा, खाणा खावा रा, खेल तमासा देखणे रा और ई मिल जावता । यां कुरव कायदा सूं वां रो माथो सूजवा लागो ।

यां दिनां ई ज हिंदुस्तान में नुवी नुवी रेल री लैण चलू व्ही । रेल कंपनी; छोटा लाटसा'व री पधरावणी कीची । सागै सागै राज में पासी राखणिया, ठावा ठावा ने ई बुलाया । रेल में चढिया, वां में प्रमथनाथजी हा ।

रेल में पाछा आवतां, वां ठावा मानीजता सिरदारां ने एक अंगरेज दरोगे, सैलून मांयनू मांजनो पाड़ नीचे उतार दीवा । सा'व वादर बणियोडा प्रमथनाथजी मांजनो जावतो देख पैलां ई ज नीचे उतर जावा ने आघा पाछा व्हिया तो दरोगे वां ने कहियो, 'आप वयू उतरो, विराजिया रैवो आप तो ।' आपणो अतरा मान देख एकदांण तो वे फूल गया । गाडी छूटी । प्रमथनाथ एकला वैठिया रेल री वारी मांयनू गुर दांय न वंगाळा री भीम ने जोय रिया अर सोचरिया । विचारतां विचारतां वां री आंखियां सूं ऊना ऊना आंमूवां रा चौसरा छूट गया । वां ने एक जूनी कंणी चीतां आई । एक गवेडे रथ खेंचिया जाय रियो हो वीं रथ में ठाकुरजी री मूरती ही । दरसन करगिया गैला में पड़ पड़ वा रज उठाय माथा रे लगाय रिया हा, गैला चीचे पड़ सास्टांग डण्डवत कर रिया हा । वी मूरख गवेडे चाणियो के ये तो म्हारी नमना कर रिया है । प्रमथनाथ कैवा लागिया वीं गवेडा मे अर म्हारा में अतरोक ई ज आंतरो है के वो समझियो नीं अर म्हूं



मरम समझ गियो हूं के यो मान म्हारो नीं, मान वीं बोझा रो है जो म्हारे माथे लदियोड़ी है ।

प्रमथनाथ घरे आय न कडूव रा छोटा मोटा सगळा ने बुलाय एक होम कीधो । वीं होम मांयने विलायती गावां री आहूत्यां देवा लागिया । वासदी री झाळ ज्यूं ऊंची जाय री ज्यूं टावर हुलस हुलस न फदक रिया हा । उण दिन सूं प्रमथनाथ अंगरेजां री चाय अर रोटी रा टुकड़ा छोड़ दीधा । आप रे घरे बैठ गिया । दूजा खितावां रा मौताज पैलां जूँ ई अंगरेजां री पीळ माथे पागड़ियां भुकाया भुकाय लटका करता रिया ।

भाग री वात नवेन्दुसेखर वीं ज घरांणा री वेटी ने वीनगी वणाय घरे ले आया । प्रमथनाथ री वचेट वेन रे लारे व्याव कर लीधो । ई घर री टावरियां जेड़ी रुड़ी रूपाली ही वैड़ी भणियोड़ी गुणियोड़ी ही । नवेन्दु जाण्यो 'जीत्यो ।' पण वीं घर री वेटी आय न वटके ई वताय दीधो के 'म्हने परण न जीत्या कोय नी थां ।'

वांतां करतां करतां नवेन्दु जेव मांय नूँ काढ न कागद यूँ मेलदेतो जांणो पड़िया हा जो भोळप में निकळ गिया । वे कागद व्हेता हा सांवांरा मांडचोड़ा वाप रे नाम । साळियां रा राता पातला होठां में तीखी हंसी री धार चमकती जांणो मुखमल रा म्यांन में तरवार चमकी । जद नवेन्दु चमकतो के गजब व्ही, कुठोड़ कागद काढिया ।

साळियां में सैगा सूं मोटोड़ी लावण्यलेखा जो रूप गुणां में ई मोटी ही, एक दिन आछो भलो दिन देख विलायती वूँटा ने नवेन्दु रा सुणैट रा श्रोवरा री ताक मांयने जमाया न वूँटा रे संदूर चरचियो, माळीपनां लगाय, फूल चढाय, दीधो जगाय, घूप बाळधो । नवेन्दु ज्यूं ई घर में वळियो के दो साळिया नवेन्दु रा दोई कानी सूं कानड़ा पकड़ न बोली, 'थांरी कुल देवी रे धोक दो । यां री मानता करो जो थां मोटा ओहदा पै चढो ।' तीजी साळी किरणलेखा घरां दिनां तांई फोड़ा देख एक चादरो वणायो जीं पे राता डोरा सूं सांवां रा नाम कसीदा में काढिया, जोन्स स्मिथ, टामसन, पूरा अठोत्तर नाम । पूरो जलसो जोड़ न वारी वंसावळी रा नाम वाने सुणाय चादरो नजर कीधो । चौथोड़ी ससांक लेखा । जीं री गणती तो खासा मांयने कोयनी ही तो ई आय न बोली, 'जीजाजी म्हूं थारे एक माळा लाय हूँला जो थां अंगरेजां रा नाम जपवो करजो ।' मोटोड़ी वेनां धाकल दीधी 'जा जा, थूँ या ई वादरी वतावा ने आई है ।'

वापड़ा नवेन्दु ने मन में रीस ई आई न ओलज ई आई पण साळिया सूं अलगो ई तो नीं रेवणी आवे । खास कर न मोटोड़ी साळी सूं जो अपछर रे

उणियार ही । वीं रा मूंडा मांयतूँ अमरत ई झरे तो सूळां ई थोड़ी कोय ही नी । वा वोलती जद नसो ई चढनो न कांटा ई गड़ता जावता । दीवा री लीं री लपट सूँ रीयासन फड़को भणण भणण ई करे अर एड़े मेड़े चक्कर खावतो ई नीं रुके । फड़का वाली दसा नवेन्दु री ही । साळियां रे मोह में पड़ नवेन्दु अंगरेजां री वातां करतो लजावा लागो । जींदिन बड़ा सा'व रे मुजरे जावतो तो साळियां ने केवतो 'सुरेन्द्र वनर्जी रो भापण सुणवा जाय रियो हूँ । दारजिलिग सूँ वचला सा'व पाझा आवता न वो साम्हो टेसण पै जावतो तो साळिया ने केय न जावतो, 'विचनऱा मामाजी सूँ मिलण ने जायरियो हूँ ।'

सा'व अर साळी । यां दो नावां में पग दैय न वापड़ो अवखाई में पड़ गियो । साळिया मन में हूँसी 'थां री दूजी नाव रे पीदा में छेकलो कीवां विना रेवणी म्हां नी ।'

रागी विकटोरिया रा आवता बरस गांठ पै नवेन्दु खितावां रा सुरगलोक रो पैलो पगथियो 'रायवादर' रो खिताव धारण करेला । एड़ीक सुळसुळी सुणीजी । वीं मिलण वाळा कुरव री वधाई साळियां ने देवा री छाती नवेन्दु री नीं पडी । पग एक दिन, सरद रात रा चानणा पख री ऊजळी, खोड़ीली रात में, मन री छोळ मांय ने परणी पातळी आगे वा वात मूंडा वारै निकळगी । दिन ऊगतां ई वा तो पालकी में वैठ वैन रे घरे पूगी, आंखियां जळजळी कर न साद गळगळो कर न वैन ने मन री विथा सुणाई । लावण्य बोली, 'खोटी वात कांई है तो । रायवादर रो खिताव लेवा मूँ थारा बालम रे कोई सींगड़ा पूंछड़ा थोड़ो ई ऊग जाय जो थूँ लाजां मरे ।'

अरुणलेखा बोली, 'जीजी, चावै जो व्हो, म्हुँ रायवादरणी तो मरियां ई नीं वरूँ ।'

मांयली वात या ही के अरुणा री जाण पिछांग रा भूतनायवावू राय वादर हा ज्यूं वा नीं जावती । छेवट में लावण्य भळावण लीवी थूँ कांई ज सोच मत कर । म्हुँ थारो मनचींत्यो कर देवूँ ।'

लावण्य रो परिणयो नीलरतन वक्सर में रेवजो । सरद हत उतरतां उतरतां नवेन्दु रे वठा सूँ बुलावो आयो । वे राजी राजी वक्सर चालिया । रेल पै चढती वेळा नीं तो वां री डावली आंख फड़की नी डावल्यो भुज ई फड़कियो ।

लावण्य सरद हत री नदी कनारा रा कांस रा गोड़ ज्यूँ भोला खाय री । वीं झोला लेणी पै नवेन्दु री आंखिया अटक गी । पीळोड़ा परभात में, झोला लेती मालती रे वेलड़ी में नुवा विगसियोड़ा फूलां सूँ जांणै सीळो सीळो ओस भर रियो जीं ने देख नवेन्दु री आंख ठरगी । मन रा हुलास सूँ, वठारा हवा पाणी सूँ

नवेन्दु रो अण्पचो रोग कट गियो । रूप निरखतो जद वीं ने लागतो के वी रे प्राखड़ा आयगिया है जो आभा में उड़तो फिर रियो है । साळी रा हाय री सेवा चाकरी करावा रा विचार मूं ई वीं रो हूंम हूंम नाचवा लागतो । वाड़ी रे मूंङगे गंगा वेय री जो नवेन्दु ने लागती के वींरा मन री छोळ सूं वा ह ड ड करती वैयरी है । सुत्रै सुत्रै नदी कनारा पं टैल न पाछो आवतो जदी सीयांळा रा परनात रो मीठो मीठो तावडो यूं लागतो जांणे पियारी घण साये मिलाप व्हियो । पछे सौक मूं साळी रे सागे रसोवड़ा में जाय वळतो । घड़ी घड़ी रो काम वगाड़तो, बोळाफोळा करतो । साळी चिरडती, वारा कीवा कामा में वखोणां काढती, वो हंसतो वा मुलकती, वो ऊंवो सूंढो करतो वा चिडती घणो आखंड आवतो । साळी केवती, मसाला मिलावो, कड़ाई में खुरपो फेरो, केलड़ी उतारो । वीं सूं आटा में पांणी घणो कूड्यां आय जावतो के मसालो वळ जावतो । ई फूडपणां पं साळी बाकलती, हंसती । रोजीना चिरडवा चिरडवा रो मजो लेवतो ।

दुपैर व्हेंतां व्हेंतां पेट में भूख ई लागती, ऊरै साली री मनवारां चाव मूं रांभियोड़ा तेरा तीवग व्हेंता । पछे तेरा तीवग रांभवा वाली मनवारां कर कर न जीमावती जो नवेन्दु ने पेट री खवर नीं रेवती, रंज न जीमतो ।

जीम चूठ न तास रमवा बैठता तो तास ई नवेन्दु सूं आछी नी रमगी आवती । पल पल पं खाटी खावतो । दूजां रा पत्ता झांकतो, खोसा खोसी करतो, जोर सूं हाका करवा लागतो । हारतो तो ई आय री हार नीं मानतो । साळी सत्तर वातां सुणावती वो ठी ठी कर न हंस न रैय जावतो ।

एक आंतरो अठे आयां पछे जलर पड़ियो वीं में । अंगरेजां रा पैतावा री पूजा ने बरन करन मान राखियो हो जो अवाहं वो पूजा पाठ बंद हो । अठे एक वात आंर ई ही । लावप्य रो खावंद नीलरतन अठा री कचैड़ी में नामी उकील हो पण अंगरेजां रा देव दरसणां ने नीं जावतो । कदै ई वात चाल जावती तो कैवतो, 'आंयां क्यूं जावां ? आंयां रे सागै वे आछो बरताव नीं राखे तो आंया रो जीव कळपै ई ज । मख्यळ री धरती दीखण में घणी ई घोळी वप्य फूटरी है पण बीज बायां साखां तो नीपजे नीं ।' बोळा रंग ने कांई चाटां । फळ नीपजे तो काळी माटी उण मूं सिरै ।'

वात या ही के नवेन्दु देखा देखी वां भेळो रळ गियो, फळ री चित्ता नीं कीची । वां रा वास दौरा व्हे न जो धरती जोती ही, संवारी सुवारी ही वीं में 'रायबादरीं' रो फळ लागवा रो आसा लाग री ही पण पांणी तो सींचणो पड़े ई ज । अंगरेजां री स्तेव री एक नगरी में नवेन्दु घणा टका खरच कर एक घुडदौड़ रो चौगान बगाय दीवो हो ।

अबै कांगरेस रो अधिवेशन नजीक आयो । चंदा रा पाना फिरवा लागा । नवेन्दु बड़ा मजा सूं लावण्य सागे तास रम रिया हा । अतराक में नीलरतन चंदा रो पानो लैय न घर में वळियो । बोलियो, 'ई पै दसगत कर दो, भाई ।'

नवेन्दु रो मूंडो फीको पड़ गियो ।

लावण्य चटाक देणी री बोली, 'है हैं, दसगत मत करो । नीं तो थांरो धो घुड़दीड़ रो चौगान घूळा में मिल जाय ।'

नवेन्दु अंचो व्हेय बोलियो, 'ए हे हे, जांरो म्हुं डरपतो व्हेवूं ।'

नीलरतन भरोसो देवावतो बोलियो 'थां खातर जमा राखो । थां रो नाम कीं अखवार में नीं छपेला ।'

लावण्य मूंडो ठावो कर न घणी चित्ता सूं बोली, 'कजांगा भाई कीं ने ठा, कोई छाप ई देवे तो ।'

नवेन्दु तेज व्हे न बोलियो 'रैवा दो, अखवार में छपियां म्हारो नाम घस थोडो ई जाय ।' नीलरतन रा हाथ मांयनू चंदा रो पानो लेय एक हजार रिपिया मांड दीवा । मन में भरोसो हो के नाम नीं छपेला ।

लावण्य मायो पकड़ न बोली, 'यो कांई कर दीधो थां ।'

नवेन्दु गरब कर न बोलियो, 'क्यूं, कांई व्हेगियो ?'

लावण्य बोली 'सियालदा टेसण रो गार्ड, ह्वाइट वे दुकान रो नायब, हाट्टे ब्रदर्स रा साइस अंगरेज थां पै नारज व्हे गिया तो ? थां रे अठे पूजा में आय न सैम्पेन नीं पीधो तो ? थां री डाली नीं झेली तो ?'

नवेन्दु कळप न बोलियो, 'हां, जांरो म्हुं मर ई जावूं ?'

थोडाक दिनां पछे, एक दिन चाय पीवतो जाय रियो न नवेन्दु अंगरेजी रो अखवार वांचतो जाय रियो । चिड्डी पत्तरी रा रवाना पै नजर पड़ी । गुमनाम रे एक कागद लिखणिये घणां घणां धिनवाद, वां ने कांगरेस में चंदो देवा साहू दीधा । पाछी नूं जावतां यो ई मांड दीधो के एडा आदमी रो भडो मिलियां कांगरेस ने घणो झेलो मिलियो । कांगरेस ने झेलो मिलियो ? हाय रे सुरगां रा वासी पिता पुण्डुसेखरजी, कांगरेस ने झेलो देवा ने थां ई कपूत ने जनम दीधो हो कांई ।

दुख सुख रो जोडो व्हे ! नवेन्दु ने एक तरै रो आजस ई आयो । नवेन्दु कोई छोटो मोटो मिनख नीं है । एक आडी ने तो कांगरेस वां ने झाला दे न बुलाय री है दूजी आडी ने अंगरेज बांवट्यो पकड़ न खांच रिया है । या वात छानै छिपाय न राखवा री ही कांई ? नवेन्दुजी तो मुळकता मुळकता पधार न अखवार रो पानो लावण्य ने झेलायो । लावण्य अखवार ने यूं बांच्यो जांरो कांई ठा ई नीं है । अंचभो जताय न बोली 'है, यो लो । यो भांडो कुण फोड़ियो ?'

जहर थां रो कोई बैरी है । भगवान वीं री कळम में कीड़ा पटके, वीं री स्याई में घूळो पड़े, वीं रा अखवार रे उदई लागे ।’

दो दिनां पछै ई ज अंगरेजां रो एक अखवार नवेन्दुजी कने आबो । यो अखवार कांगरेस रे उलटो बोलतो । वीं अखवार में, पैला बाळा अखवार री वात रो काट कीयो । वीं में मंडियोड़ो हो ‘नवेन्दुजी पे कांगरेस में चंदो देवा रो कूड़ो दोस लगायो है । नवेन्दुजी कदै ई, कांगरेस ने चंदो नीं दे । न्हार आप री खाल रा रंग नें बदल दे तो बदल दे पण नवेन्दुजी कदी कांगरेस में नीं भळै । वे कोई ठाला मिनख नीं है । वे बिना मुक्कलां रा उकील थोड़ा ई है जो कांगरेस में रळे । वे वां मिनखां मांयला कोयनी जो दो दिन बलायत में फिर न खाली कोट पैट परणो सीख न, कठै ई थाग नीं लागियो जो लपलप करता मूंड़ो लैय न पाछा आय गया । वे तो वां मिनजां मांयला है जो.....’ बगैरा बगैरा ।

हाय, म्हारा बाप, थां तो वैकुंठ में वासो कीयो । थां तो अंगरेजां में अतरो नामून कमायो, कुड्ड कायदो लीघो । आज ?’

वो अखवार ई, विद्याय न साळी ने वंचावा जोग हो । ई सूं साफ है के नवेन्दु कोई ईंगजी धींगजी आदमी नीं है, वां रो आप रो एक नियरो हतबो है ।

वांचता ई लावप्य अचरज भरयोड़ी बोली ‘यो कागज थां रे कुण से सैण छपायो ? कुण है यो ? टिकट कलकटर है के चामड़ा रो दलाल है ?’

नीलरतन सल्ला दीवी ‘ई अखवार रो थां ने पडूतर देवणो चावै ।’

नवेन्दु मोटा वण न बोलिया ‘क्यूं दां ? मिनख लिखवो ई करे । कीरो कीरो जुवाव हूं ।’

लावप्य ठट्टो लगायो ।

नवेन्दु लजाय गियो । बोलियो ‘क्यूं हंसी ?’

लावप्य तो हंसे रे हंसे रे । जोवन फूलड़ा रा भार सूं लुळियोड़ी देही वळडी झोला खाय री । नवेन्दु हैरान व्हे गियो । मसखरी री पिचकारियां सूं नवेन्दु झगावोळ व्हेगियो तो चिरइन बोलियो ‘थां जांणता व्होला जुवाव देवतो मूं डरपूं ?’

लावप्य बोली, ‘डरपवा क्यूं लागा । म्हेने तो सोच लागियो के आसा रा आघार वीं घुडवोड़ रा चांगान रो कांई व्हेला । खैर व्हेला जो दीवी जावेला । सांसा जव लग आसा ।’

नवेन्दु बोलियो ‘जाणूं । थां जांगो के मूं ज्यूं ई ज जुवाव नीं लिख रियो हूं ।’ रीस में आय न वीं ज ताळ मांडवा ने वैठियो । पण लिखावट में रीस रा राता डोरा नीं पड़िया । लावप्य अर नीलरतन पाछो सावळ मांडवा री भळ्वावण शेली । पछै तो जाणै चूल्हा माये कड़ाई मेलणी आयगी । नवेन्दु तो पांगी में मसकाय

न घी लगाय न, सीळी सीळी नरम नरम पूड़ियां बंटतो, ये दो दो सुधारणियां ।  
 या जुगल जोड़ी चट देणी री कळकळती कड़ाई में पूड़ी न्हाक वीं ने करड़ी कर  
 फुलाय देवती, गरमा गरम पसता जाता । छेवट में लिख्यो के 'घर रा मिनख ई  
 जंद वैरी बण जावे तो बारळा वैरियां सूं बत्ती हांण करे । आज सरकार रा  
 दुसमण पठाण र हूसियां सूं बत्ता ऐंगलो ईंडियन है । वे जनता ने अर सरकार ने  
 एक रस नीं व्हेवा दे । सरकार बीचे अर लोगां रे वीवै यां रा अखबार भीत व्हे न  
 आडा ऊभा है ।'

नवेन्दु मांयने ई मांयने डरप रियो हो पण या जाण न के लेख घणो आछो  
 लिखणी आयो, मन राजी व्हेतो जाय रियो हो । माथो पटक देवतो तो वीं सूं  
 एंडो नीं लिखणी आवतो ।

दोई कानी सूं अखबारां में उत्तर पडूतर चालता रिया । नवेन्दु रे चंदो  
 देवा रे अर कांगरेस में मिलणे रो हाको फूट गियो । नवेन्दुजी यूं वातां करवा  
 लागा जांणे साळियां री सभा में वे एक अडर देस भगत व्हेगिया है ।

लावण्य मन में हँस न कैवती 'ठैरो तो, थां री अगनी परीक्षा तो ओजूं  
 वाकी है ।'

एक दिन सुबै री वगत, सांपड़वा सूं पैला नवेन्दु तेल री मालस कर  
 रिया हा, चाकर आय न हाथ में एक कारड झेलायो । वीं रा पै खुदो खुद  
 मजिस्ट्रेट रो नाम छपियोडो हो । लावण्य जीं वेळा कौगत री नजर सूं वां  
 कानी झांक री ही ।

तेल चौपड़ियां तो सा'ब सूं मिलणी आवै नीं । नवेन्दु कटियोड़ी माछळी  
 री नाई फड़फड़ावा लागियो । झट देणी रो माथे पांणी कूढतां ई हाथे पड़ियो जो ई  
 गावो पैर न बारै भागियो । नौकर बोलियो 'सा'ब अठै बैठा हा अबारू अबारू'  
 बारै निकळिया ई ज है ।'

यो झूठ आघो पड़घो नौकर रो हो आघो पड़घो लावण्य रो हो । विसूंबरा  
 री कटियोड़ी पूछ तड़फड़ावे ज्यूं नवेन्दु रो मन मांयने ई मांयने पछाड़ां खावा  
 लागो । आखो दिन अमूजतो रियो, रोटी पांणी गळा हेटे सावळ नीं उतरिया, कीं  
 में ई ज जीव नीं लागियो ।

लावण्य हांसी ने रोक न, फिकर जतावती घड़ी घड़ी रो पूछती री,  
 'आज थारे व्हे कांई गियो है । जीव सोरो तो है ?'

नवेन्दु माढाणी मूंडा पै हांसी लाय न मौकासर जुबाब देतो रियो,  
 'थां रे घरे आय न म्हने तकलीफ व्हे ? थां तो म्हारी धनवन्तरणी हो ।'

मांढाणी लायोड़ी हँसी वीं ज ताळ मूंडा मूंडा उडगी । विचारवां लागियो,

एक तो मैंने कांग्रेस ने चंदो दीधो, अखवार में एक करडो कागद छपाय दीधो । उपरयां मंजिसस्ट्रेट आगे व्हेय न म्हारा सूँ मिलण ने आया तो वां ने बैठायां राखिया । वां काँई विचारियो व्हेला । पछै कँवा लागो, म्हारा बाप, थारा कपूत ने माफ करजे । म्हूँ एडो खोडीलो हूँ नीं पण म्हने व्हेणो पडरियो है ।’

दूजे दिन सोरखोरां व्हेन घड़ी रो चैन लटकाय न माथा पे एक मोटी पागड़ी बांध न चालिया । लावण्य पूछ ही तो लीधो,

‘कठे चालिया ?’

‘एक जरूरो काम है ।’

लावण्य काँई नी बोली ।

मजिस्ट्रेट साव रे बारणे जांय कारड काढियो । कारड काढतां ई अरदली बोलियो ‘अत्रारूँ मुलाकात नीं व्हेला ।’

नवेन्दु भट देणो रा दो रिपिया काढ न अरदली रा हाथ में पकड़ाया । अरदली सलाम कर न बोलियो ‘म्हां पांच आदमी हां ।’ नवेन्दु चट देगी रो दस रो नोट काढ न हाथ में दीधो । साँव रा कमरा में बुलावो आय गियो । साँव स्लीपर पैर राखिया मोरनिंग गाउन पेरवाने हो । बैठा लिख रिया हा । नवेन्दु मांयने जाय सलाम कीधी । साँव आंगली रो इसारो कर न बैठवाने कहियो । साँवहा नाळियां त्रिना ई पूछियो. ‘क्या कैना मांगटा है बाबू ?’

नवेन्दु घड़ी रो चैन ने हिलावतां, घणां अदव सूँ बोलियो, ‘काले आप म्हेरवानी कर म्हारे अठे मिलवाने पधारिया पण—’ साव एकरा दम ललाट में त्रिसळ घालिया, आँख रो गुर बांध न बोलिया, ‘हम दुम से मिलने गया था ? क्या बक । है ?’

नवेन्दु ने गरळगप्प पसीनो आय गियो ‘माफ करो साँव केतो थको किया ई ऊठ न कमरा बारे निकळियो । पाछां वळतां गैला में बांने लागरियो के घरती फाटे तो मांयने वळ जावूँ । पण धरती फाटी नीं, सेम कुसळां घरे आय गिया । वीं दिन आखी रात बिछावणां पै पडिया पडिया सपना में सुणता रिया, ‘क्या बकटा है ।’ लावण्य ने कँवा लागिया ‘देस भेजवा ने गुलाबजल लेवा ने गियो हो ।’

अतरारु में तो लारे रा लारे मजिस्ट्रेट रा पांच छेक पियादा आय ऊभा रिया, सलाम कर न नवेन्दु रा मूँडा साँवहा चोघवा लागिया । लावण्य मुळकती थकी बोली, ‘थां कांग्रेस ने चंदो दीधो हो जो कठे ई गिरफ्तार करवा ने तो नीं आया है ?’

पियादा दांत चीरावता बोलिया ‘बगसीस बाबू साँव ।’ पसवाड़ा वाळा कमरा मायनूँ निकल नीलरतन बोलियो ‘बगसीस काँई वात री ?’

पियादां पैलां री नां ई ज दांत चीरायन बोलिया, 'बाबू सा'ब हजूर सूं मिलवा गिया जीं री.....'

लावण्य हेंसती थकी बोली, 'मजिस्ट्रेट सा'ब आजकालां गुलाबजल घेचवा लागगिया है काई । पैलां तो उणां रो रुजगार एडो सीळो नीं हो ।'

नीलरतन बोलियो, 'बगसीस रो काई काम नीं व्हियो । जावो, बगसीस चीं मिले ।'

नवेन्दु घणीज ओलज सूं भेळा व्हेतां, जेव मांयतूँ एक नोट काडियो 'गरीब मिनख है, देवा में काई हरज है ।' नीलरतन, नवेन्दु रा हाथ मांयतूँ नोट खोस लीघो 'यां सूं ई बत्ता गरीब मिनख दुनिया में है । वांने देय दूँला ।' व्हठियोडा महादेव रा गणां रो बळबाकळ खुसतो देख नवेन्दु घवराय गियो । पियादा करडी निजर सूं भांकता पाछा फिरया तो नवेन्दु गळगळो व्हे देखतो रियो, जांणै केय रियो व्हे, भाईयां म्हारो काई कसूर है ये देवा नी दे ।

कलकत्ता में कांगरेस रो अधिवेशन व्हेवा वाळो हो । नीलरतन बहू सूघां अधिवेशन में आया, सागे नवेन्दु ई आय गियो । कलकत्ता आवतां ई कांगरेस वाला नवेन्दु ने चाळू कानी सूं घेर लीघो, बघायां देवा लाग, स्तुतियां करवा लाग । जो देखो जो ई केवे, 'आप जेडा मातबर सरदार देस रा काम में सरीक नीं व्हे जतरे देस रो उद्धार नीं व्हे ।' वृतांत री असलियत सूं नटणी नीं आयो नवेन्दु बाबू सूं । ई हाका हूला में वे कजाणां किस तरै नेता बणगिया । ई री ठा वां ने नीं पडी । ज्यूं ई वां पांडाल में पग दीघो न सेंग जणां ऊभा व्हे गिया । सेंग जणां वां ने बघाया, हिप हिप हुरें रा हुराटया सूं पांडाल गूँज गियो । विदेसी डंग रो बघावणो सुण हिंदवाण रो मूंडो लाज्यां, मरतां रातो पडगियो ।

मलका री जनमगांठ आई । नवेन्दु रो राय बहादर रो खिताब म्रिगतिसणां री नाई विलाय गियो ।

वीं दिन सांझ रा लावण्यलेखा एकं जलसो कीघो, नवेन्दु ने नूंत न बुलायो । वां ने नवी पोसाक पैराई, ललाट पै लाल चंदण रो टीको काडियो । सगळी साळियां आप आप रा हाथ री गूथियोडी फूल माळा पैराई । कसूमल पोसाक पैरयां श्रळणलेखा गैणां में चमचम चमक री, लाज सूं राती पडियां जाय री ही । पसीना सूं आला-अर लाज सूं सीळा पडियां हाथां में चौसर पकडाय न वीं री वेंनां वींने घणी खैची पण वा मानी नीं । वा जैमाळा नवेन्दु रा कंठा में पडवा री वाट नाळ री ही आवो रात री ।



साळियां नवेन्दु सूं बोली 'आज म्हां थांने रायबादर री जायगा राजतिलक कर राजा बणाय दीघा ।'

नवेन्दु ने ईं सूं दिलासा मिली के नीं जो तो वांरी आत्मा जाणै के अन्तर जामी जाणै । म्हां ने तो क्यूं वंम ईं है । म्हांने तो पूरो भरोसो है के वै मरवा सूं पैला एकर रायबादर तो बण न रैवला । वे मरेला जदी 'ईंग्लिस मैन' अर 'पायोनियर' मांतम जरूर मनाय ।

खैर, आपणी आडी तू ईं नवेन्दु ने तीन हुर्राटा, हिप हिप हुर्रें, हिप हिप हुर्रें, हिप हिप हुर्रें ।

## सुभ द्रस्टि

बाबू कांतिचंदर ओछी उमर रा ई ज है पण दूजो बियाव नीं कीधो । लुगाई मरगी तो लौड़ी लावा रा फेर में नीं पड़िया । वां तो सिकार में जीव रमाय दीधो । लांबा एकोनडा हाड़ां रा है वे । नजर घणी तेज, बंदूक असी बावे के निसाणो चूकै ई ज नीं । कपड़ा लत्ता विलायती काट रा पँरे । जावे जठं लारै रँ पेलवान हीरासिध, छक्कणलाल, अर गावा बजावा रा उसताद खां साव । नवरा चाकरां रो ई टोटो नीं ।

दो चारेक सिकार रा सोक राखगियां मित्तरा ने सागँ ले, बाबूजी नंदी रे कनारे सिकार रमवा गया । काती रो म्हीनो हो । दो मोटा मोटा बोटों में बैठ न आया हा । वां बोटों ने नदी में ऊभा कर दीधा । वे ई वां ई ज बोटों मांयने रात ने आय रैवता । तीन चारेक लारे नावां ई, वां में नौकर चाकर हजूरी हा । वे गांम रा घाट पै बैठा रैवता । गाम री नान्हीं लौड़ियां रों घाट पै जाय न पांगी भरणो सांपड़णो धुपणो एक तरीयां रूकगियो । रात पड़ती न उसतादां रा गळा रा झणकारा र तंबूरा रा तणकारा गांम वाळा री नौंद ने उछटाय देवता ।

एक दिन परभात री पौर रा बोट पे बैठियां कांतिचंदर बंदूक री नळी साफ कर रिया हा । नजीक ई बत्तख री बोली सुण न माथो फेरियो तो देखे एक छोरी, बत्तखां री जोड़ी ने छाती रे लगाय घाट री पैड़ियां उतर री है । वठै नंदी घणी चौड़ी नीं है, कठैई धार बैयरी है तो कठै ई पांगी जम रियो है । छोरी बत्तखां रा जोड़ा ने पांगी में छोड़ दीधो । कठै ई बत्तखां दूरी परी नीं जावे, वा धियान लगायां बैठी देख री । घणां लाड सूं वा बत्तखां ने घेर री । यूं लागतो के सदामद तो या बत्तखां ने खुली छोड़ देवती व्हेलां पण आज सिकारियां

रा डर भो सूं वां ने संभाळू री है। छोरी रो रूप विलकुन नुवो नुवो, तुरत रो ताजां हो, यूं लागरियो विरमाजी अवाळं अवाळं ढाळ न सांचा वारे काडी ज. है। औस्था रो अटकल लगावणो ई सीरो नीं, देही तो विगसियोडा फून ज्यूं ही पण मूंडो तो काची कली ज्यूं लाग रियो, मूंडा पं अतरो काचावणो हो के जांणें दुनिया रे वायरे श्रोजू ईं ने भीटी नीं व्हे। वा आप नीं जांणती के वीं में जीवन भोला लेवा लागगियो है।

कांतिचंदर रा नळी साफ करता हाथ हा जठै थम गिया। वे देवता रेगिया, आंख्यां वीं रा मूंडा पं अडी नीं गड गो। वा सपना में ई नीं सोच्यो हो के एडी जगा एडो रूप देखग ने मिलेला। राजा रां रणवासा वीचै ई वो मुत्रडो अठै ईं जगा घणो मनहर लाग रियो। यूं लाग रियो के चाळं पासे जो कुदरत रो कारीगरी दीख री है वा सब ईं मुखडा रा रूप ने चौगणी करवाने ईं ज सिरजी गो है। सोना रा गुलदस्ता वीचै गोडू माथे फूनडा वत्ता सूंणा लागे।

छोरी रे पाछे सरद रत री ओस सूं भीजियोडी, लांबी लांबी सैवण माथे परभात री सीनेरी सीनेरी किरणा पडरी। सैवण वायरा मूं भोला लेव री. तात्रडा सूं चमक री। मूंडागे धीमा धीमा पवन मूं नंदा रो पांगो ल्हेराय रियो। वां दोवां रे ई वीचे ऊभी वीं नाहकडी नाजु ने कांतिचंदर मंतरियोडा नाग री नाई ऊभा देख रिया। कालिदासजी वांरी पोथियां में लिखणो भून गिया दीखता हा के गंगा रे कनारे नाहकडी पारवती ईं या ईं ज हंस वचां ने छाती रे लगायां फिरती ही।

अतराक में वा छोरी एकगदम चमक न डरपी, कांपण लागी, रोवणो आयगियो व्हे ज्यूं व्हेगी। दाई वतखां ने छाती रे चमटाव, भींच्या गळा सूं चीरळी मारती घाट पर सूं भाग गो। कांतिचंदर वात काई हे जांगवा ने वारे निकळिया। देखे तो वां रो छैलो हजुरी हाथ में रीती वंदूक लेव वतखां पे निसाणो ताकियां ऊभो है। कांतिचंदर पाछी नूं आय मूंडापै कस एक रैपट री मारी, हाथ मांयनूं वंदूक खोस लीधी। रंग में भंग पडगियो हजुरीजी भागिया। कांतिचंदर मांयने जाय पाछी वंदूक साफ करवा लाग।

कांतिचंदर रा मन में कुतूळ आयो। किनारो पार कर न, रूखां झाडां में ब्हेता एक घर कने आय रुकिया। मोटो आंगगो हो जिमें ओळाभोळ घान रा कोठा केयरिया हा के खावता पीवता मिनख रो घर है। वरडा रा रूख रे नीचे परभात वाळी वा छोरी, जवमायल पखेळ ने छाती रे लगाय रात्रियो हो, बसूका भर भर न रोय री ही। गारा रा कूंडा मांयनूं पांगो में वीं रो पल्लो आलो कर कर वीं री चांच में बुवाय री ही। कने हेजियोडी मिनखी वीरी

पालगयी पै दोई आगला पगां ने मेल वीं पंखेः ने दुगर दुगर देख री ही । छोरी आंगळी ने नाक पै मेल वीं लुवची मित्रो ने समझाय री ही के छानी मानो बैठी रे ।

गांमडिया गांम रा दौपैरा में चुनसघो रैवे । वीं आछा घोलचा लीप्या; मूंडचा चूँड्यां घर रा आंगणा री सोभा, सांति देख कांतिचंदर आपो भूल गया । कल्या सूं भरी रळियावणी छत्र री छाप दांरा हिवड़ा वै छपनी । छोदा पानड़ा वाळा लूँख री छाया अंर तावड़ो दोई वीं नानकड़ी नाजु पै पड़ रिया जांगे एक हूँजा ने पकड़णो चात्रे पण हाथे नी आवता व्हे ज्यूं लाग रियो । कनै ई घापियोड़ी गायो वागोल कर री ही । पड़ी ही मस्त व्हियां । पूँछां सूं माखियां उडाय रीं ही । उत्तराद रो वायरा रो भोलो आवतो जद दांस रा झाड़ यूँ खड़खड़ाट करतां पांणें कानां में वृतां कर रिया है । आज सुत्रे नंदी रे कनारे जंगळ में वन कन्या दीख री वा अत्राळ आंगणा में बैठी साव्यात लिछमी सी दीखी ।

कांतिचंदर बंदूक हाथ में लीधा वीं कन्या रे आगे ओलज में पड़रिया हां । जाणै माल सूची चोर पकड़ाईज गियो व्हे । मांयलो जीव कंवा लागो के किए तरै ई ने जताय दूँ के म्हारी गोळी सूं थारी वतख घायल कोनी व्ही है । दांत चलात्रे किए तरै या सोत्र ई रिया हा के कोई हेलो पाड़ियो, 'सुधा !' छोरी चमकी । लारे रो लारे पाछो हेलो सुणजियो 'सुधा ।' वा झट देगी री जखमायल पंखेः ने लीचां घर में वळगी । कांतिचंदर केवा लागिया 'जेड़ा लखण है वेड़ो ई नाम टाळ न राखियो है सुधा ।'

कांतिवावू पाछा फिरिया । बंदूक चाकर ने भळाय थोड़ीक देर पाछे अगवाड़ा सूं आय पीळ रे वारे ऊभा । मांयने एक अयकड़ आदमी बैठो हड्डमान चाळीसा रो पाठ कर रियो । विरामग लागियो । लोडमोड़ मायो, मूंडा पे सांति, साधुपणो दीखियो । वां रा मन में दीखवा लागो के छोरी रा कल्या भरिया मूंडा सूं ई गैर गंभीर आदमी रो उणियारो मिले ।

कांतिवावू जैरामजी री कर न कहियो, 'तिस लागी है पिडतजी म्हाराज । पांणी रो लोटो.... '

पिडतजी झट देणी रा उठिया, आव आदर कर बैठया । मांयने जाय कांसी री वाटकी में थोड़ाक पतासा लाया, पांणी रो लोटियो लाया । वटाउ रे मूंडागै राखिया । पांणी पीधां पछे वां कांतिचंदरजी ने पूछ्यो, 'आम रो विराजवो कठै ?'

कांतिचंदर आपरो नाम ठाम वताय बोलिया, 'म्हाराज, म्हां लायक कांई काम चाकरी व्हेतो वतावो ।'

नवीनचंदर बंदोपाव्याय बोलिया, 'बेटा, म्हारे काम कांई है जो वताजं । ब्यावण जोग एक टावरी है सुधा । वीं रा पीळा हाथ कर दूँ तो संसार रा

सेग रिणां सूं उरिण व्हे जावूं । नजीक नेडो तो कोई टावर लाधियो नीं, म्हारा में अतरी आसंग नीं के वारे जाय हेऊं । घर में श्रीगोपीनाथजी रो मूरती विराज्योडो है वां ने छोड़ वारै जावा रो जीव नीं करै ।’

कांतिचंदर कहियो ‘आप नाव पे आय न मिलजो । आपां वात करांला ।’ अठी ने कांतिचंदरजी जिण किण ने ई पूछ्यताड्यो कोथो, वीं या ई कही के वां रे जेड़ी सुलखणी वेटी दूजा घर में दीवो ले हेरियां नीं लावे ।’

दूजे दिन पिंडतजी वोट पै गिया तो कांतिचंदरजी वां रा पगां रे हाथ लगाय मिलिया । वां कहियो के वारी टावरी ने वे खुद परण लेय । अगचैत्या आंगद सूं विरामग रा नैणां में पांणी भर आयो, गळो रुझ गियो, घणी देर तई तो बोल ई नीं फूटियो । वां ने वां रा कानां पं भरोसो नी आयो खरायन पूछियो ‘म्हारी वेटी रे लारै आप व्याव करोला ?’

‘आप री मन्सा व्हे तो म्हूं राजी हूं ।’

‘सुघा रे लारै ?’

‘हां ।’

‘पैलां वीं ने देख तो लो……’

कांतिचंदर भोळा वण न बोलिया जाणै वां पैलां कदी देखी ई नीं व्हे । बोलिया, ‘अवाडूं काई देखूं । सुभदृष्टि री वेळा ई देख लेवूं ।’

नवीनचंदर भरियोडा गळा मूं बोलिया ‘सुघा म्हारी वेटी घणी रयाणी समझणी है । घर रा काम काज में तो वीं री जोड़ री दूजी नीं लावे । थां वीं ने बिना देखियां परण रिया हो तो म्हारो ई अंतस सूं थाने आसीरवाद है के सुघा सती, सीता अर लिछमी री नाई थां री चाकरी करती रे । एक खिण साहूं ई थूं ने ऊनो वायरो नीं दे ।

कांतीदावू केय दीवो के अवे लांवो वगत खंचवा सूं काई पायदो । माह रा म्हीना में सावा थिरप गिया । मजूमदारां री जूनी हवेली में व्याव मंडियो । जान आई, वींद हाथी रे हौदे, मसालां रा चानणा, वाजते ढोलां परणवा ने पोळ पै आय ऊमो रियो ।

सुभदृष्टि री वेळां वीनणी रो मूंडो वींद देखियो । वीनणी तो परणतू पोसाक में ढांकी हूंकी ही । चंदण सूं चरचियोडो मूंडो सावळ देखणी नीं आयो । प्रण हिवड़ा रा उळ्ळता आणंद सूं वींद री आंखियां चूंधीजगी ।

सुवागरात आई । मोहल्ला री दानी वूढी वींद रा हाथ सूं वींदणी रो नटानटी करतां घूंघटो उघड़ायो, कांतिचंदर मूंडो देखियो तो पगां हेटली खिसक गी । या तो वा नीं जीं ने वां देखी ही । अणगाजी र अणघोरी बीजळी माये पड़ी ।

सुवागरात री सुखसेज रा फूलड़ा सूळां री चुभवा लागिया । सुवाग मिंदर रा गैरा दीवला वुभू गिया, अंधारो छाय गियो । वीं अंधारा रा काजळ सूं नुवी वींनणी रा मुखड़ा पे ई सांवळी झांई छायगी ।

पैलां वाळी वीनणी मरियां पछै कांतिचंदरजी तो मन में आखड़ी लेय लीधी ही के कदी दूजो व्याव नीं कहला पण भाग वां री वीं आखड़ी ने तोड़ाय एड़ी मसखरी वां रे लारे करेला सपनां में ई वां या नीं जाणी ही ! कतरा आझा सगपण आया पण वां धियान ई नीं दीयो । मित्तरा घणां घणां न्होरा खावा, गरजां कीधी मनवारां कीधी, पण मानिया नीं । मोटा मोटा ठिकाणां सूं सगपण व्हे जावा रा लोभ ने वां दावियो, घन साम्हा वे नीं भांकिया, रूप रा मोह फंसियोड़ा मन ने ई वां समभायो । छेवट में जावता परणिया एक राखड़िया गांम में, कांजी र कादा सूं भरी नैहर रे किनारे, एक गरीव विरामण रे घर जीं ने कोई ओळखे पिछांणो ई नीं । वाह रे करम ! लागती विलगती रा नें, मित्तरां ने, पांच वरोवरिया ने मूंडो कांई वतांय अबै ।

पैलां तो रीस चढी सुसरा पै, 'आछी वीयाडोई कीधी म्हारे सागे । वताई दूजी छोरी परणाई दूजी छोरी ।' पण पाछा आपो आप ई कैवा लागा, 'व्याव रे पैलां तो वां लडकी देख लेवा ने आगे व्हे न कहियो हो, म्हूं ई ज नट गियो तो पछै वां में कांई दूसण । हाथां कीवा कामड़ा कीं ने दीजे दोस । अबै कैवणो न सुणणो कहियां मिनख आपा रो ई हांसो करेला ।'

कड़वी ओखद ने गल तो गिया पण मूंडा रो सुवाद विगड़ गियो । सुवाग रात री हूसी मसखरियां अणखावणी लागवा लागी, वींदणी री स्हेलियां री रोळा ई सुंवाई नीं, साळियां अर साळाहेलियां रा झूलरा ई अलुणा लागिया । आप रे माथे अर दूजां रे माथे एड़ी रीस आय री ही के डील मांयने झाळां उठ री ही ।

अतराक में, वां रे कनें वैठी वींदणीं, डरप, भीच्योड़ा गळा सूं ईं ईं कर न चमकी । कजागां कठा सूं सूंसिया रो वचो फदकतो थको वीं री खोळा मांयने व्हेतो भाज गियो । लारे री लारे वीं दिन वाळी छोरी, सूंसिया रा वच्चा लारे भाजती थकी आई । सूंसिया ने खोळा में लेय न गालड़ा रे लगाय लगाय, गरण गटोळी खावती, प्यारिया लेवा लागी । अरे वेंडाळ आई, अरे वेंडाळ आई' कैवती थकी सारी जण्यां वीं ने परी जावा ने हाथां सूं समझावा लागी । पण वीं पट्टी ने कांई ज परवा नीं, वींद वींदणो रे ऐन मूंडांगे जाय जम न वैठगी, हावरां री नाई जोवा लागी जांगे या कांई रम्मत व्हेयरी है । एक लुगाई वांवटचो पकड़ न उठावा लागी तो वींदराजा नट गिया, 'रैवा दो, वैठी रैवा दो ।'

पछे वीं ने पूछियो, 'बांरो नाम काई है ?'

वा तो क्यूँ ई बोली नीं, साली हालवा लागी । सैंग कामणियां ही ही कर हंस दीयो ।

कांतिकंदर फेरुं पूछियो, 'बांरी बत्तवां अत्रै कतरीक मोटी व्हेगी ?' छोरी रे आंख में संको को हो नीं, छानी मानी वींद रो मूंडो देखे री ही ।

हैरानगत व्हे कांतिकंदर अबकाळे छाती कर पूछियो, 'बां री वा बतस्र मूल व्हेगी काई ?

क्यूँ न काई । वठै भेळी म्हियोड़ी नान्हकड़ी नारां यूँ हंस री जांणे वींद री आच्छी मसस्ररी व्हेयरी है, आप री कौगत आप रे हाथां कराय रिया है । छेवट में पूछियां ठा पड़ी के छोरी जनम री बोवड़ी अर बैरी है । पमु पंछी ज ई रा संगीड़ा सायीड़ा है । वीं दिन 'सुत्रा' नाम रा हेला सागे मांयने परीगी जो तो इतफाक हो ।

सुगतां ई कांतिकंदरजी रा हिवड़ा पै फूँवा मेलणी आया । जीं रे विना संसार वां ने नूनो दीवरियो हो अत्रै वीं नूँ पिंड छुटियो जांग लागियो के गंगा न्हायो । जो ई छोरी रा बाप कनें पूग गियो व्हेतो तो वो जवर ई छोरी ने म्हारे गळे बांध नीहाल म्हियो व्हेतो । भगवान भली कीधी ।

ओहूँ ताई तो कांतिकंदर रो मन मनचींती छोरी रा मोह में आंथो व्हे रियो, वीनणी साम्हा भली भांत झांकिया ई नीं हा । ज्यूँ ई वां ने नंगे पड़ी के वा छोरी तो बोवड़ी र बैरी है, वां ने यूँ लागियो के काळो पड़दो एकगुदम अळगो व्हेगियो । साता री सांस लेख लाज नूँ लुळी जायरी धीनपी रा मूंडा साम्हा जुगती नूँ झांकिया । सांचैली सुमद्रस्ती तो अत्रै व्ही । हिधा में चानणों सो छिटक गियो । मन रा सैंग दुजियोड़ा दीवला एकण साथै जग गिया । वां दीवलां रो उजालो एकण ठौड़ भेळो व्हे गियो, वीं चानणा में दमकवा लागियो सीळ सांति छायोड़ो फूल गुलाबी मुखड़ी । वे टनर टनर झांकता ई रैगिया । मन कैवा लागो, वीं पिंडत री आसीस जवर फळेला ।

## संपूरण

अपूर्वकुमार बी० ए० पास कर न कलकत्ता सूं घरे आपरे गांम जाय रियो हो ।

गैला में छोटीक नंदी पड़ती ! चौमासो निकळघां या सूखी पड़ी रैवती । अवारूं तो सांवण रो म्हीनो हो । नंदी ढाबा पूर चढ़ियोड़ी ही, गांम रा गौरमां में व्हेती बांस रा भाड़ां री जड़ां ने चाटती बैयरी ही उफणती थकी ।

नराई दिनां सूं झड़ी लागरी ही, आज ई ज थोड़ोक उघाड़ दीघो हो । तावड़ो निकळियो हो ।

नाव पे चढ़ियोड़ा अपूर्वकुमार रा मन मांयली तसवीर जे देखणी आय जावे तो वीं तसवीर में दीखतो के वीं जुवान री मंनसा नंदी तुरंत री वरखा सूं ढावापूर बैय री है । नंदी मांयली ल्हेरां चानणां सूं भलमल भलमल कर री है । वायरा सूं छपछप छपछप कर री है ।

वगत पे नाव आय न घाटा पे रुकी । नंदी रा घाटा ऊपर-सूं, रूखां री झामां मांयने, अपूर्व रा घर रो डागळो दीख रियो हो । घरे किण ने ई ठा नीं हो के अपूर्व आज आयरियो है नीं तो कोई न कोई घाटा पे लेवाने साम्हो आयो व्हेतो । नावड़ियो अपूर्व रो बैग उठावा लागियो तो अपूर्व मना कर दीघो । हाथ में बैग ने तोक न राजी राजी भटापट नाव नीचे उतरियो ।

कनारा पै कांजी व्हेयरी, उतरतां ई पग रगस्यो जो धड़ाक देणी रो कादा में जाय पड़ियो । ज्यूं ई वो नीचे पड़ियो कजाणां कठा सूं एक मीठा गळा री जोर री हांसी, पीपळी पे बैठी चड़कल्यां ने चमकाय दीघी ।



अपूर्व लाजां मरगियो । गावा झड़कातो भूट उठियो ! चाहं आडी ने भांकवा लागियो । वीं देख्यो के कनारा माथै जठै नाव पर सूं बाणिया री ईटा ऊतार ऊतार न एक जगा भेळी कीची है, 'वां ईटा माथै एक छोरी हंसती हंसती ऊंधी न्हियां जाय री है ।

अपूर्व ओळख लीची वा वीं री नुवीं पाड़ोसण री वेटी मृण्मयी है । पैलां तो यां रो घर अठा सूं घणो दूरो मोटी नंदी रे तटां पे हो । पण दो तीन बरस न्हिया नंदी री वाढ़ रे दुखां यां ने वो घर छोड़ अठै आवणो पड़ियो ।

ई छोरी री वातां चोखी सुणवा में नीं आवे । गांम रा मोटचार तो ई ने लाड सूं वावळी कैवे पण लुगायां वीं रा फटौळ सुभाव सूं मन में चमकती रे अर घणां वैम राखे । वा रमे तो गांम रा छोरां रे लारे ई ज, हमउमर छोरियां लारे तो वीं री पटे ई ज नीं । टावरां रा राज में तो या छोरी दुसमणां रा हल्ला ज्यूं लागती ।

वांप री लाडली वेटी री जो किण रो ई डर भौ तो उण ने रियो नीं । मृण्मयी री मां आपरी सायणियां में वैठती जदी वा आपरा घणी री सिकायत करवो ई ज करती के वां वेटी ने लड़ वावळी कर राखी है, माथै चढ़ाय राखी है । पण वेटी ने वा ई घणो कांई केवती काजती नीं । वा जाणती के वेटी री आंख्यां में आंसू देख न वाप रा काळजा पे कतरणियां चालवा लागै । घणी परदेस गयोड़ो है, वेटी ने धाकलती तो परदेस गयोड़ा घणी री याद आय जावती के वे अवार अठे व्हेता तो कांई कैवा थोड़ा ई देवता । ई री आंख्यां रा आंसू वां ने वठै वैठिया ने पीड़ा पूगावेला ।

मृण्मयी री रंग सांवळो है । छोटा छोटा घूंघरवाळा केस कड़ियां पे पड़िया रे । मूंडा पे त्रिलकुल ई टावर पणो । मोटीमोटी काळीकाळी आंख्या में नीं तो लाज सरम, नीं डर भौ, हाव भाव रो कोई नाम ई नीं । डील लांवी रास रो, दौलडां हाडां री, सवळी देही । उण री उमर बत्ती है के ओछी, यो सुवाल तो किरा ई मन में आवे ई ज नीं । जै यो सुवाल किरा ई मन मे आवतो तो मिनख वातां कीधां बिना थोड़ा ई रैवता के 'मोटी न्ह्यगी, व्याव रो अत्तो पत्तो ई नीं ।' गांव रा जमींदार री, जद कदी नंदी रा घाटा पै आय नाव लागती तो आखो गांम जमींदार री सरभरा में लाग जावतो । लुगायां मूंडा पै लांवा लांवा घूंघटा खैच लेती । पण मृण्मयी ने कांई परवा नीं, वा तो कोई उघाड़ा पुघाड़ा छोरा छोरी ने कांख में घाल्यां, कड़ियां तांई घूंघरिया केसां ने विखेरियां आव ऊभी रैवती । जीं मुलक में कोई सिकारी नीं व्हे, कोई डर भौ नीं व्हे, वठा रा बाखोटिया किण सूं ई चमके नीं, डरपै नीं । मृण्मयी वस्या देस री मोडियाण री

नाई निरभै थकी मोटी मोटी आंख्यां में कुतूळ भरियां टमर टमर देखवो करती । वठा सूं भागी जाय आपरा बाळ गोठियां बीचे बैठ वीं नुवा मिनख री हाली चाली री वृतां मठाय मठाय वां ने सुणावती ।

अपूर्वकुमार छुट्टियों में घरे आयो जद दो चार दांण ई छूटपल्ला छोरी ने पैलां ई देखी ही । ठाले बैठां ई वीं देखी ही, काम रे वगत ई वीं देखी ही । कोरी देखी ज नीं ही वीं विचार ई कोधो हो । यूं तो धरती माथै अनेकानेक उणियारा देखवो करां पण कोईक उणियारो एड़ो व्हे है के देख्यो नीं के काळजा में ऊंडो गडचो नीं, काढ्यां बारै कढै नीं । रूप रे पूंछड़े यूं व्हेतो व्हे जो वृता नीं, वा तो कांई सिफत ई ज अलेदा व्हे । कदाचत वा सिफत सुच्छताइ व्हेणी चावै । घणां खरा उणियारा माथै परकरती री आभा पूरी झलके कोयनी । हिवड़ा री सुच्छताई अर परकरती री आभा सूं जो उणियारो पळका करे वो लाखां उणियारा में छिपियो नीं रे, आंख्यां आगं आवतां ई हिवड़ा में कोरणी आय जावै । ई छोरी रा उणियारा पे आंख्यां में अचपळी ढेठी परकरती नारी री आभा पळकती रै । वा बन रा अगलां री नाई खुली भागती रे, रमती फिरती रे ज्यूं ई ज एकर वीं रो पांणीदार अचपळो उणियारो देखिया पछे सोरे ई नीं भूलणी आवे ।

मृण्मयी हँसी जो मीठी भलां ई घणी व्हो पण बापड़ा अपूर्व रा जीव ने तो दुखायो ई ज । लाजां मरतां रो वीं रो मूंडो लाल बूंद व्हेगियो । हाथ मायलो बैग नावड़िया रा हाथ में झेलावतो ई वी तो सुधो घर रो गैलो पकड़ियो ।

मौसम ई रळियावणो हो । नदी रो तट, रूखा री छायां, चड़कलिया रा मोठा मोठा गीत, परभात रो सुंवावतो सुंवावतो तावड़ो सगळां ऊपर बीस साल री औस्था । ईंटा रो ढगलो अलबत्तां वखांण करां जेड़ो नीं हो पण वीं माथे मागस कन्या जो बैठी ही । ईंटा रा करड़ा आसण पै ई वीं रा रूप रो उजाळो छाया रियो हो । एड़ी रळियावणी वेळा में पग देवतां ई अपूर्व रा कविपणां री रोळ उडगी ।

[ २ ]

ईंटा रे ढेर ऊपर सूं हँसी सुणतो सुणतो, कादा सूं भरिया गावा ने अवेरतो, बैग लीधां अपूर्व घरे पूगयो । अचांणचको वेटा ने देख विधवा मां घणी राजी व्ही । वीं ज वगत आदमी दौड़ाया, मावो, दूध, दही, माछळा लैन आवा ने । आड़ा पाडा में हालोमेलो लागगियो ।

जोम्यां चूंट्या पछे मां वेटा रे आगे सगपण री चरचा चलाई । अपूर्व जाणतो हो के या चरचा चालेला । वडाळा तो पैलां रा ई आयोड़ा हा पण वेटा ने नुवा जमाना रो वायरो लागगियो जो वो अड़चो बैठयो के बी० ए० पास

कर न व्याव कहूँला । अरु वी० ए० पास कर न आयगियो हो जो अरु आगे पाछे व्हेवा री गुंजाइस ई नी, जै व्हेतो साफ आळखा लेणां है ।

अपूर्व बोलियो, 'पैलां लड़की तो देखो, पछे देखी जाय ।'

मां बोली 'लड़की तो देख राखी है, थूं सोच मत कर ।'

अपूर्व बोलियो, 'लड़की देख्यां विना म्हुं तो व्याव नीं कहूं ।'

मां विचारवा लागी, 'एड़ी अणव्हेणी वात आज ताई नीं तो देखी नीं सुणी ।' पण राजी व्हेगी ।

रात रा, दीवो बडो कर न अपूर्व विद्याणां माथै जाय पड़ियो । पडतां ई मीठा गळा री हंसी री ऊंची अवाज वीं रा कानां में भणकवा लागी ।

दूजे दिन अपूर्व ने लड़की देखवा ने जावणो हो । कोई घणो दूरो नीं, वास में ई ज लड़की वाळां रो घर हो । चतराई सूं गागा पैरया । धोवती दुपट्टो नीं पैरयो । रेसम री अचकण अर पतलून पैरयो । माया में रईसाना तरज री गोळ पागड़ी बांधी । पगां में रोगन कीघां पळका करता वूंट पैरया । रेसमी कपडा री मूंधा मोल री छतरा हाथ में लेय, चाल्यो । व्हेवा वाळा सासरा में पवारतां ई आव भगत, मान मनवार री धज बंधगी । लाडी रो काळजो घगधग कर रियो पण सिणगार सिणगूर, पैराय ओढाय, माथा में गोटे गूंध गूंधाय, झींणी ओढणी में पळेट न लाडी ने लाडा रे मूंडागे लाया । वापड़ी लड़की एक खूंगा में गोडां वीचै माथो घाल काठ रा कुंवाड़िया ज्यू वैठी री । वीं रे पाछै हीमत देवावा ने एक अचकड़ दासी ऊभी ही । लड़की रो एक भाई जो टावर ई हो, घर में आयोडा ई आदमी री पागड़ी ने घड़ी री चैन ने टुगर टुगर देख रियो हो ।

अपूर्व थोड़ी देर मूंधा पे हाथ फेर न बडो ठावो व्हे न पूछ्यो 'काई पडो हो ?'

गेणां कपडा सूं लदियोड़ी लाज री गांठड़ी मांयनूं सवाल रो कोई जवाव नीं निकळ्यो । वा अचकड़ डावड़ी पाछे ऊभी मोर थपेड़ बोलवा री हीमत देवावती जायरी ही । दो चार दांण पूछ्यां पछै धीरेकरो साद निकळ्यो, 'कन्या बोधिनी दूजो भाग, व्याकरण सार, भूगोल, अंक गणित, भारत वर्ष रो इतिहास ।' एक ई सांस में बोल न साता री सांस लीवी ।

अतराक में तो वारणो किरा ई आगता आगता आवा रा पण सुणीज्या । दूजे ई पल भागती थकी, मोरां पे केस विखेरचां मृगमयी आय ऊभी री । आंख ऊंची कर न अपूर्व साम्ही भांकी तक नीं । वा तो सूधी व्हेणवाळी लाडी रा भाई राखाल कर्ने पूगी, वीं रो हाथ पकड़ न खैचवा लागी । राखाल वीं वगत व्हेणवाळा लाडा लाडी ने देखवा रो मजो लेयरियो हो । वा हाथ खैचे अर वो सरके नीं । दासी आपरा गळा ने भींच, साद मुवरो कर मृगमयी ने धाकलवा

लागी । अपूर्व बड़ा ठिमरास सू पागड़ी सूधी माथा ने ऊंचो कर बैठयो रियो, पतलून ताई लटकती घड़ी री चैन ने हिलावती रियो ।

छेवट में मृण्मयी देख्यो के राखाल तो हालवा रो नाम नीं लेवे तो वीं रां मोरां पे एक घमोड़ो मार, लाडी रो घूँघटो उघाड़तां ई ज्यूं आई ज्यूं भतूळ्या री नाई पाछी भागगी । बैन रो घूँघटो उघड़तो देख राखाल ही ही कर न हँसवा लाग गियो । ई आणंद में मोरां पे पड़्या मुक्का ने ई वो भूल गियो । एड़ा खेल तो व्हेवो ई करता । वां री रम्मतां री एक नजीर ई देणी घणी ।

एक दिन काई व्ही, मृण्मयी रा केस कड़ियां कड़ियां ताई लटक रिया हा, राखाल पाछा तूँ आवतां ई ले कतरणी वीं रा केस काट दीघा । मृण्मयी ने आई रीस जो राखाल रा हाथ सूँ कतरणी खोसतां ई हाथां सूँ माथा रा केसां ने कतर कतर राखाल रा मूँडा पे मारवा लागी । घूँघरया घूँघरया केसां रा लच्छा रा लच्छा, डाळी पर सूँ दाखां रा भूमकां री नाई धरती पे लटालट पड़वा लागी । यां दोवां रे ई आपस री में घूँ ई राड़ झगड़ी चालवो करतो ।

पछे वा मून परीक्षा री मैफिल जमी नीं । गाँठड़ी बणी लगी लाडी डील ने घणो दोरो लांबो कर दासी रे सागै मांयने वळगी । अपूर्व घणां ठिमरास सूँ मूळ्यां पे हाथ फेरतो ऊभो व्हियो । वारणा कने जाय न देखे तो नुवा, रोगन सूँ पलका करता बूँटा रो पतो नीं । अठी ने वठी ने घणां ई हेरया पण लाघा ई नीं । घरवाळा घणां हैरान व्हिया, चोर रे माथै कड़का करवा लागी, गाळ्यां रो रीठ लगाय दीघी । घणां हेरया, बूँट नीं लाघा तो छेवट में घरघणी री फाटी चट्टियां पैर पतलून, अचकण पागड़ी सूँ सजिया घजिया अपूर्वजी, कादा में चतराई सूँ चालता घर गो गैलो लीवो ।

तळाव री पाल पे सूना गैला पै पूगतां ई एकादम वीं ने वा जोर री हँसी सुणीजी । जाणो झाड़ां रा पानां री आड़ में बैठी वनदेवी, अपूर्व री वां कुजोड़ पगरख्यां ने देख न हँसवा लागगी व्हे ।

अपूर्व लाजा मर न ऊभो रैगियो, अठी ने वठी ने भांकवा लागियो । अतराक मांयने गैरा वन मांयनूँ निकळ मृण्मयी वीं रा मूँडागे नुवो जोड़ो मेल भागवा लागी । भागती रा अपूर्व दोई हाथां ने पकड़ लीघा । मृण्मयी वांकी डोढी व्हेय हाथ छुडावाने घणां ई ताफड़ा तोड़िया पण एक नीं चाली । घूँघरवाळा केस वीं रा गोलमटोल मूँडा पे बिखर रिया, रुंखा रा पत्ता मायनूँ छणछण सूरज री किरणां पड़ै ज्यूँ केसां मांयनूँ व्हेय वीं रा गोलमटोल मुळकता मूँडां पे किरणां पड़ री ही । गैले चालतो पंथी सूरज किरणां सूँ भळमळ करता नंदी रा निरमळ नीर में भुक न पींदो देखतो रै ज्यूँ रो ज्यूँ अपूर्व मृण्मयी रां

मूंडा पे भुक, वीं री अचपळी आंख्यां में आंख्यां धाल आंखो । पछे धीरेकरी मुठी ढीली कर न बंधण में बंधी मृण्मयी ने छोड़ दीधी । अपूर्व रीस में आय न ठोकतो तो मृण्मयी ने कांई ज अर्चभो नी आवतो । पण ई सुणसाण गैला में ई अजब डंड रो अरथ वा कांई ज नीं समझी ।

नाचती थकी परकरती रा रमझोळां री भूमक जेडी वा हांसी एकर पाछी आभा में गूजगी । चिंता में हूवियोडो अपूर्व धीमा धीमा पगलिया भरतो घरे वळियो ।

अपूर्व वीं दिन भांत भांत रा आळखा लेय नीं तो घर रे मांयने गियो, नीं मां सूं ई मिलियो । कठा रो ई दूंतो हो जो वठै ई ज जीम आयो । अपूर्व जेडो भणियो गुणियो, ठावा सुभाव रो जुवान एक मामूली अणभणी छोरी रे मूंडागै आपरी गयोडी इजत ने पाछी जमावाने अर आपरो बड़ापणो बतावाने अतरो आगतो क्यूं व्हेगियो, समझ में नीं आवे । रांखडिया गांम री एक अचपळी छोरी वीं ने मामूली मिनख समझ लीचो तो व्हे कांई गियो ? पैलां तो एक पल साहू वीं अपूर्व री कौगत कीची पछे अपूर्व री हस्ती ने ई भूल राखाल जेडा अण समझ टावर रे लारे खेलवा में लागगी तो ई में अपूर्व रो बिगड्यो कांई ? यां टावरां रे आगे वीं ने बतावा री जहरत ई कांई ही के 'विश्वदीप' जेडा म्हीनावार अखवार में वो समालोचना लिखे है । वीं री पेटी रे मांयने ऐसंस, वूंट, पाती लिखवा रा रंगदार कागज पडिया है । 'हारमोनियम शिक्षा' पोथी रे लारे एक पुरी त्यार कीचोडी प्रेस कापी पडी है जो आत्री रात रा आवान में भांभरका री नाई, छपवा री वाट नाळ री है । मन ने समझावणो दोरो व्हे । ई गांमडैल, अचपळी छोरी रे आगे श्री अपूर्वकुमार राय वी० ए० हार मानवा न्हेत्यार नीं ।

सांझ रा अपूर्व घर रे मांयने गियो तो मां पूछ्यो, 'लड़की देख आयो कांई ? कसीक है, दाय आई के नीं ?'

अपूर्व थोडोसोक सरमावतो बोलियो, 'हां, देख आयो । वां मांयली एक लड़की म्हारे दाय आयगी ।'

मां क्यूंक अर्चभो कर न बोली, 'कतरीक लड़कियां देखी थै वठै ? दो चार उत्तर पडूतरां पछे मां ने ठा पडी के वीं रां वेटा रे, पडोसण सारदा री वेटी मृण्मयी दाय आई है । अतरो भणगुण न या पसंद ।

पैलां तो वो सरमावतो रियो पण मां वीं री पसंद ने बिसरावा लागी तो वीं री सरम अळगी व्हेनी । जिद् में आय वीं तो अठा नाई केय दीचो के मृण्मयी रे सिवा हूजी ने तो म्हूं परगुं ई ज नीं । वीं ने बतायोडी काठ री कुंवाडियां

जेड़ी लड़की रो ज्यूं ज्यूं खयाल आवतो ज्यूं ज्यूं परणावा सूं मन फाटवा लागतो ।

दो तीन दिनां ताई मां बेटा एक दूजा सूं अणमणां रिया । मां खावणो, पीवणो, सोवणो तक बंद कर दीधो पण जीत बेटा री ज व्ही । मां आपरा मन ने भोळायो के मृण्मयी ओजूं टावरी है, वीं री मां री आसंग नीं है । वीं ने भणावा पढावा री । परण घरे आयां पछे वा वीं ने सुधार लेय । धीरे धीरे वीं ने दीखवा लाग गियो के मृण्मयी रो मूंडो ई फूटरो है । पण वीं रा कोजां केसां री याद आवतां ई मन अणमणो व्हेगियो पण पाछो मन ने समझायो के ठीक तरै सूं जूड़ो बांधिया, आछीं तरै तेल घालियां या कसर ई सुधारणी आय जावेला ।

आड़ापाड़ा रा सैंग मिनख अपूर्व री इण पसंद ने 'अपूर्व पसंद' कैवा लागा । बावळी मृण्मयी रा लाड तो घणां जणां करता पण वीं ने आपरा बेटां ने परणावा जोग नीं समझता । मृण्मयी रा बाप ईशानचंद्र मजूमदार ने समीचार घाल दीधा । वे एक स्टीमर कंपनी रा अलकार हा । वे एक नंदी रे किनारे छोटाक टेसण पे टिगट बेचता । पत्तरड़ा छाई लगी ओवरी में माल लदावा रो उतरावा रो काम करता । देस सूं बेटी रा सगपण रा समाचार मिलिया तो दो ई आंख्यां सूं धरधर पांगी पड़वा लागियो । वां आंसूवां में कतरां दुख हो अर कतरो आणंद हो उण रो अंदाजो लगाणो दोरो है ।

बेटी ने परणावा ने ईशानचंद्र बड़ा दफतर में सा'ब कने सीख री अरजी भेजी । सा'ब ई काम ने मामूली समझ सीख नामंजूर कर दीधी । वां घरे समीचार भेज्या के दसरावा पे एक अठवाड़ा री छुट्टी मिलेला जद व्याव मांडाला ।

अपूर्व री मां पाछो लिखियो, 'ई म्हीना रो सावो आछो है आगे व्याव नीं डिगावूँ ।'

दोई कानी सूं अरजियां ना मंजूर व्हेगी तो दुखी बाप काई नीं बोलियो, हमेसां री नाई माल तोलवा लाग गियो, टिगट बेचवा लाग गियो । बठी ने मृण्मयी री मां अर आखा गांम रा दाना वूढा सब जणां मिल मृण्मयी ने नसीतां देवा लागिया आवावाळा दिनां में काई करणो है । रात दिन सीख लागती रेती । वीं ने अकल देवता के बोलणो नीं रमणां नीं, छोरां रे सागे खेलणो नीं । सांतरो सांतरो नीं चालणो । ही ही करन हंसणो नीं । भूख लाग तो खावा ने नीं मांगणो । जो देखो जो ई अकल देवतो रैवतो, यो ई मतकर, वो ई मतकर । यूं ई मत चाल । मनमांनी अंट संट नसीतां कर कर मृण्मयी आगे तो व्याव रो भूत ऊभो कर दीधो ।

खुली फिरियोड़ी मृण्मयी तो जाणियो के बस जलम कैद री सजा देय रिया

है पछे फांसी पै टांक देय । वा तो खोड़ीली मूंडा जोर रोड री नाई अड़ न ऊभी रैगी के मूंड तो नीं पररू, जावो ।

[ ४ ]

परणयो ई पड़ियो । अब सिक्षावां लागवा लागी । अपूर्व री मां रे घरे आवतां ई पैलोड़ी रात में ई मृण्मयी री सारी दुनियां जांरो कैद में बंद व्हेगी । सासूजी वींदणी ने आंखन में राजवा लागी । वां घणां करड़ा व्हेय न वींनणी ने कियो 'देखो लाडी, थां कोई वोबो चूघता टावर नीं हो । म्हारा घर में यो फटोळ पणो चालवा ने नीं है ।'

सासू जीं भाव सूं वे वातां कही ही मृण्मयी वीं रो असली अरथ नीं समझी । वीं जांगियो यां रा घर में नीं चालै तो कोई दूजी जायगा जावणों पड़ेला ।

दुपैरां में वींनणी घर में दीखी नीं । 'वींनणी कठै परी गी, वींनणी कठै परी गी' हेरो पड़ गियो । छेवट में राखाल विस्वासघात कर न छिपवा री जायगा बताय वीं ने पकड़ाय दीधी । वा तो बड़ला रे नीचे पड़िया राधाकांतजी स हटोड़ा रथ रे नीचे जाय न छिपगी ही ।

सासू, मां, पाड़ पाड़ोसणियां, भली चावणियां घाकलवा लागी । वां कतरी घाकली व्हेला, मांजनों पाड़ियो व्हेला जो तो आप ई अंदाजो लगाय लो ।

रात ने वादळा खूब चढ़ गिया । झरमर भरमर मेहूलो बरसवा लागियो । अपूर्व धीरे धीरे मृण्मणी रा ढोल्या कनें जाय वीं रा कान नके मूडो ले जाय न बोलियो 'मृण्मयी, मूंड थनें साऊ नीं लागू कांई ?'

मृण्मयी बीजळी री नाई कड़की, 'नीं नीं, म्हनें त्रिलकुल साऊ नीं लागो ।' वीं तो आपरी सगळी भेळी व्हियोड़ी रीस अपूर्व रे माथै काढी ।

अपूर्व घणो दुखी व्हेन बोलियो, 'क्यूं, म्हें धारो कांई कसूर कीघो ?' कसूर री वजै वा कांई बतावती । अपूर्व मनोमन धार लीधो के ई बारोठिया व्हियोड़ा मन ने चावे ज्यूं व्हो तात्रे करणो है ।

दूजे दिन सासू, वींनणी ने वीफरी लगी देख साळ में घाल ताळो जड़ दीधो । 'पींजड़ा में फंसियोड़ी चिड़कली री नाई घणी देर तांई वा पांखड़ा फड़फड़ाती री । भागवा ने कठै ई गैलो नीं लाघो तो बिद्धाणां पे रीस काढी । दांतां सूं फाड़ फाड़ चादर रो चींथड़ो चींथड़ो कर फांक दीधो । ऊंघे मूंडे घरती पे पड़ वाप री याद कर कर रोवा लागी ।

धीरेकरो अपूर्व वीं रे कनें आय न बैठ गियो, घणां हेत सूं घूळ में भरवा केसां ने गालां पर सूं दूरा करवा लागो । मृण्मयी तो माथा ने झंभोड़ वीं

रो हाथ ने परमो कर दीधो ।

अपूर्व धीरेकरो वीं रा कान कने सूंडो ले जाय न घणा ई ज मिठास सूं बोलियो, 'म्हें छानेकरो आडो खोल दीधो है । चाल, आंपा पछोकड़े बाड़ी में भाग जावां ।'

मृगमयी जोर सूं रोवती थकी गावड़ भंसेड़ी, 'नीं ।'

अपूर्व वीं री ठोडी ने ऊंची कर न बोलियो, 'देख तो खरी, यो कुण आयो है ।' राखाल मृगमयी ने धरती पे पड़ी देख चकरायो थको बारणा री डेळी पै ऊभो हो । मृगमयी तो सूंडो ऊचो ई नीं कीधो, भाटको देय अपूर्व रा हाथ ने झटगो कर दीधो ।

अपूर्व पाछो बोलियो, 'देख तो खरी, राखाल थारे सागै रमवाने आयो है । खेलवा ने नीं जावेला ?'

'नीं ।' मृगमयी रीस में ई ज बोली ।

राखाल देखियो या तो कांई गड़बड़ है, भाग गियो घर बारण । अपूर्व छानो मानो बैठियो रियो । मृगमयी रोवती रोवती थाक न सोयगी तो अपूर्व उठियो आडो जड़ बारणे सांकळ लगाय वठा सूं परो गियो ।

दूजे ई दिन मृगमयी ने बाप रो कागद मिलियो । बाप आपरी काळजा री कोर वेटी रे व्याव में नीं आवा रा घणां घणां विलाप लिख न वेटी जंमाई ने घणी आसीसां लिखी ।

मृगमयी सासू कने जाय न बोली, 'म्हूं तो बापूजी कने जावूंला ।'

सासू वींनणी री अच्चाणचकां री अणव्हेणी अरज सुण न धाकल दीधी, 'बाप रो कठ ई ठोड़ ठकाणो ई है के यूं ई बापूजी कने परी जाय । थारी तो तीन लोक सूं ई मुथरा न्यारी है । म्हें नीं सुंवावे ये अणूंता लाड ।'

वींनणी कांई बोली नीं । ओवरा में जाय मांयतूं आडो जड लीधो अर हीमतहार मिनख री नाई रोवा लागी, भगवान रे हाथ जोड़वा लागी । रोवा लागी बाप ने कर कर याद, 'ओ बापूजी, म्हें आय न ले जावो रे, अठे म्हारो कोई नीं है रे, म्हूं मर जावूंला रे ।'

घणी रात परी गी, जांणियो के अबै तो परणियो सोयगियो धेला । वा उठी छानेकरो आडो खोलियो, वारै निकळगी । यूं तो दादळियां आभा पे छाय री ही पण तो ई गैलो दीखे जतरी चांदणी परी ही । बापूजी कने जावा रो गैलो कस्यो जो वा जाणे नी । वा तो अतरोक जांणती ही के जी गैने डाक ले जावणियां हाकिया जावे है वीं गैला सूं दुनियां में कठ ई परा जावो । मृगमयी तो डाकदाळां रो गैलो पकड़ लीधो । कांकड़ में एक दो पंखेरू पांखड़ा फड़फड़ाय न बोलवा



वाळा हा पण वगत री पक्की ठा नीं पडवा सूं बोलिया नीं दीखता हा । वीं वेळा म मृण्मयी गँलो खतम व्हेतो हो वठे नंदी रे किनारे जाय पूगी । चौवटो सो दीखियो । वा मन में सोच रो ही के अवे कठी ने जावूँ अतराक में तो जांणी पिडाणी 'भूमज्जम' री अवाज सुणी । थोड़ी देर में तो कांवा पे डाक रो थँलो लटक्यायां हांकतो लगे डाक रो हलकारो आय गियो ।

मृण्मयी आगती थकी वीं रे कने जाय न दया आय जावे एडा साद में बोली, 'म्हनें म्हारा वावू कने कुसीगंज जावणो है, थां म्हने साथे लेता जावो नीं ?' हलकारो बोलियो, 'म्हूँ नीं जागूँ कुसीगंज कठै है ।' दो टप्पा जुदाव देतां ई वो तो घाटा पे परोगियो । घाटा पे बांधियोड़ी डाक रो नाव पे बैठ न नावडिया ने जगाय नाव खोलाई । वीं वेळा वीं ने पूछवा लाडवा री के कीं पे ई दया बतावा री फुरसत थोड़ी ही ।

देखतां देखतां जगेरो व्हेगियो, चौवटा में बजार में मिनखां रो हेरो फेरो व्हेगियो । मृण्मयी घाटां पे जाय न एक नावडिया ने पूछियो, 'म्हनें कुसीगंज ले चालोना ।

नावडियो कांई दोने जठां पैलां तो पासे पडियोड़ी नाव में वैठिये थके कोई पूछियो, 'अरे, कुण ? मीठूँ बेटी, थूँ अठै कस्यां आई ?'

मृण्मयी घणी ज आगती व्हे न बोली, 'बनमाळी, म्हूँ बापूजी कने कुसीगंज जावूँला, थूँ म्हनें थारी नाव पे ले चाल ।'

बनमाळी वीं रा ई ज गांम रो नावडियो हो । वो ई उछांछळा सुभाव री छोरी ने भली भांत ओळखतो हो । वीं कहियो 'बापू कने जावेला के ? चाल म्हूँ थनें पूगाय हूँ ।

मृण्मयी नाव पे चढ गी । नावडिये नाव छोड दीधी । वादळा चढ रिया वरखा री रटुक पडवा लागी । सावण भादवा री नांई ढावापूर चढियोडीं नंदी उछाळा खाय खाय नावडा ने भंझेडवा लागी । मृण्मयी रो आखो डील थकेला सूं अर नींद सूं भांगवा लागो, आंख्यां नींद रा बोभा सूं नमगो । वा तो पल्लो विछाय नाव में पडगो । पडतांई वा उछांछळी चाळागारी छोरी, सोयगी । नंदी हींङा देयरी ही अर वा परकरती री गोद में लाड सूं उछेरिया थका स्यांगा टावर री नांई निसंक व्हेय सोयगी ।

आंख्यां उघड़ी तो देखे सासरा रा घर में माचा पे पडी है । वीं ने जागती देखी तो डावडी वडवड करवा लागी । वीं रो वडवडावणो सुणातांई सामू ई आय ऊभी री अर लपूका जीमावा लागी । मृण्मयी आंख्यां फाडियां छानी मानी सामू रो मूंडो देखती री । सामू तो सुणावा सुणावती मृण्मयी री पीढियां भांडवा

लागी, बाप पे जाय पूगी तो मृण्मयी तो भट देणी री ओवरी में जाय मांयनू सांकाळ जड़ दीधी । अपूर्व लाज सरम ने अळगी कर मां कने जाय कहियो, 'मां दो चार दिनां साळू वीनणीं ने पीयर भेजे दे नीं आधी ।'

सुणताईं मां अपूर्व पे मोहरो कर दीधो । काळजा लूवा लागी, 'लायो है कजाणा कस्या ई ओदबायरा घर री । म्हारी छाती छोलावा ने, लोही पावा ने ये हेर सोध न लाडीजी ने न पधारिया है । म्हारे घर साळू ई ज या कठे बैठी बळी ही । एड़ी लुगाईं विना रंडवो ई चोखो रे ।'

[ ५ ]

वीं दिन आखो दिन घर रे वारे वादळा टवुकता रिया, घर रे मांयने आंखियां टवुकती री ।

दूजे दिन भरआधी रात रा अपूर्व धीरेकरी मृण्मयी ने जगाय बोलियो, 'मृण्मयी, बापूजी कने जावे ?'

मृण्मयी चमक न झट देणी रो अपूर्व रो हाथ दबाय न ऐसान भरिया साद सूं बोली, 'हाँ, जावू ।'

अपूर्व धीरेकरो बोलियो, 'तो चाल, आंपा दोई जणां छानेकरा भाग जावां । घाटा पे नाव त्यार कर न आयो हूं ।'

मृण्मयी घणी ज ऐसानभरी निजर सूं परणिया कानी चोधी, पछे झट देणी रा गाबा पैर चालवा ने त्यार व्हेगी । अपूर्व जाणियो पाछी तूं मां सोच करेला एक कागद मांड न मेल दीधो । दोई जणां चाल पड़िया ।

मृण्मयी वीं अंधारी रात में गांम रा सूना पड़िया गैला में पैली दांण मन सूं, अंतस सूं अर भरोसा सूं परणिया रो हाथ पकड़ियो । हीवड़ा रा वेग भरिया प्रस सूं परणिया री नसां में ई भणभणाटो फूट गियो ।

नाव वीं वगत चालगी, मृण्मयी ने नींद ई झट आयगी ।

दूजे दिन कस्यो आणंद हो, कसी आजादी ही । दोई आडी ने कतरा ई ब्रजार गैला में दीखिया, घणां ई खेत दीखिया । दोई आडी ने नावां आयरी ही जायरी ही, । मृण्मयी गैला में छोटी छोटी वातां परणियां ने पूछती जाय री । 'वीं नाव पे कांई है' ये कठा सूं आयरिया है' ई 'जगां रो कांई नाम है ।' एड़ा एड़ा सवाल कर री ही के अपूर्व ने आज तांई कॉलेज री पोथियां में कदै ई पढणे रो काम ई नीं पड़ियो । अपूर्व ई एक एक सवाल रो एक एक जवाब दीधो, जाणता र अणजाणता पडूत्तर वो देवतो गियो । तिल री नाव ने सरसू री बताय रियो, पांच वेड़ा गांम रो नाम रायनगर बताय रियो । मुंसफी री कचैड़ी ने ठाकरां री कचैड़ी बतावतां झझकियो ई नीं । मजो यो के ये गोळमोळ पडूत्तर सवाल करवा

बाळा रा मन में जमता जाय रिया ।

दूजे दिन संभया रा नाव कुसीगंज पूगी ।

पत्तरड़ा छायोड़ी एक सुगली लालटेण वाळ नान्हीक डेस्क माथे चामड़ा  
री जिल्द वाळो चौपन्योमेल, उवाड़ा पुघाड़ा वैठया ईशानचंद्रजी हिसाव मांड रिया ।

सुंवा परणिया वींद वींदणी झूपड़ा में पवारिया ।

मृण्मयी हेलो पाड़ियो, 'वापूजी ।'

वीं झूपड़ा में आज ताई गळा रो एडो साद कदैई नीं सुगवा में आयो हो ।

आरांद अर मोहू सुं ईसान री आंख्यां सुं टव टव आंमुडा टवकए  
लागिया । वेटी जंमाई जाणे मुलक रा कंवर कंवराणी है अवे यां पटसए री गांठां  
बीचे वारे गादी कठे लगावे, यो विचार करतां करतां वीं री भटकियोड़ी अकल  
ओर वत्ती भटक गी । जीमावा चूठावा रो कांई करे, ई री चिंता ओर सिवाय  
लागगी । वापड़ो गरीव कामेती हाथ सुं रोटी ठेक खाय लेवतो । पए आज  
सूंघा पांवणा री मनवार कांई करे ।

मृण्मयी बोली, 'वापूजी, आज आपां सैंग जणां मिल न रसोई वणावां ।'  
या व्रात अपूर्व ने घणी ज दाय आई । वीं छोटाक भूंपड़ा में जगा रो टोटो नीं  
हो । टोटो हो मिनखां रो, अन्नदेव रो । छोटा वेचका मांयतू पांणी रो फुंवारी  
घीगणा वेग सुं छूटे ज्यूं ईशान री गरीबी रा सांकड़ा वेचका मांयतू आंएद रा  
फुंवारा जोर सुं छूटवा लागा ।

यूं करता तीन दिन निकळ गिया । दिन में दो दांण वगत पे जहाज आय  
न किनारे लागतो, पंथी आवता जावता, हाको हल्लो व्हेतो । सांझ व्हेतां व्हेतां  
मेंदी किनारा रो हाको हड़वड़ सव भिट जावतो तो अपूर्व ने घणो खुलो खुलो  
लागतो, आजादी दीखती । तीनूं जणा मिल न रसोई करता, भूलता चूकता जावता  
कांई तो वणावता न कांई वए जावतो । खणखण करती चूड़ियांवाळा हाथां सुं  
मृण्मयी जीमण पल्सती, सुसरा जमाई साथे वैठ न जीमता । मृण्मयी ने काम  
करणो नीं आवतो जो वीं री हूंसी करता जावता । वा पाछो टावरां री नांई  
लेडती झगडती आपरा काम रा वखाण करती । सगळां ने घणो मजो आवतो ।

अपूर्व जावा री सीख मांगी । मृण्मयी गळगळी व्हेय थोड़ाक दिन ओर  
रैवा री अरदास करवा लागी पए ईशान बोलियो के नीं, अवे घरे जावणो चाव ।

सीख देवती वेळा ईशान वेटी ने छाती रे लगाय माथा पै हाथ फेर, आंख्यां  
में आंसू भरिया थंकां वेटी ने आसीस दीधी, सीखामए दीधी, 'वेटा, सासरा में  
जाय चानणो करजे, लिछमी वए न रैवजे । कोई काम एडो मत करजे के म्हारा  
मीतू वेटा में कोई वांक काढे ।'

मृण्मयी रोवती रोवती परणिया रे लारे व्हेगी । ईशान वीज टेंण पड़ियोडी झूंपडी में पाछो घागी रा बळद री नाई काम में लाग गियो ।

[ ६ ]

दोई कसूरवारां री जुगलजोडी पाछी घरे आई तो मां किण सूं ई बोली वीं । मूंडो चढायां बैठी री । मां दोवां मायतूं कीं रे ई माथे कोई दोस नीं लगायो, कीं रो ई कोई बांक नीं काड़ियो जो वां ने सफाई देवा री जरूरत ई नीं पड़ी । दोई आडी ने मून चाल रियो, मन में करड़ा व्हेयरिया ।

• छेवट में अपूर्व ने मून तोड़णो पड़ियो, 'मां कालेज खुल गियो । अत्रे म्हनें कानून भणवा ने जावणो है ।'

चित्त भंग त्रियां थकी मां बोली, 'वीनणी रो कांई करेला ?'

'अठे ई रेवां दे ।'

'नीं, बेटा, म्हारे नीं राखणी । थां थांके लारे ई लियां जावो ।'

यूं मां हमेसा अपूर्व ने 'थू' कैय न बतळावती ।

अपूर्व ई ऐकार भरियो वोलियो, 'अच्छा ।'

कलकत्ता जावा री त्रारियां व्हेवा लागी । जवा रे एक दिन पैलां रात रा अपूर्व सोवा ने साळं में गियो तो देखे मृण्मयी बिछाणां पे पड़ी रोय री है ।

अपूर्व ने अब्बाई आई, दुखी व्हेन बोलियो, 'मृण्मयी म्हारे लारे कलकत्ता भावा रो थारो जीव नीं करे ?'

'नीं ।'

'म्हूं थने आच्छो नीं लागूं ?'

ई सवाल रो कांई जुवाव नीं मिलियो । यूं देखो तो एडा सवाल रो जवाव देणो घणो सोरो व्हेवो करे । पण कदी कदी मन री गुत्थी एडी उळझियोडी व्हे के छोरियां सूं ई रो वाजिन्न जवाव देवणो दोरो व्हे जावे । अपूर्व पूछियो, 'राखाल ने छोड़ न थारो जीव अठासूं जावा रो नीं करे ?'

मृण्मयी घणी सोरी बोलगी, 'हां ।'

ई बी. ए. तांई भणियोडा विदवान जुवान रा मन में टाबर राखाल सांरूं ईसको जाग गियो । बोलियो, 'म्हूं घणां दिनां तांई पाछो घरे नीं आवूंला ।' मृण्मयी ने ई वारे में कांई कैवणो ई नीं हो । अपूर्व पाछो बोलियो, 'दो ढाई वरस सूं वत्ता लाग जाय म्हनें वटै ।'

मृण्मयी हुक्म दीघो, 'पाछा आवो जदी राखाल सांरूं तीन फळांवाळो चकू लेता आवणो ।'

अपूर्व डोडो व्हेयरियो हो, बंठो व्हेन बोलियो, 'तो अठे ई रेवेला ?'

मृगमयी बोली, 'हां, मां कने रेवूंला ।'

अपूर्व धीरेकरो एक लांबी सांस ले बोलियो, 'आच्छी वात, वठे ई रेवजे । पण तुण, जठा ताई आगे व्हेन म्हणें आवा ने कागद नी भेजेला जतरे म्हूं नीं आवूंला । अवे तो राजी व्हेगी के ?'

मृगमयी ई वात रो जुवाव देवगो फिजूल समझ न सोवा लागी । पण अपूर्व ने नोंद नीं आई । तकियो ऊंचो कर वीं रे भडो लगायां वंठियो रियो ।

सुर्व वेगा अपूर्व मृगमयी ने जगाय दीवी । कहियो, 'म्हारे जावा रो वगत व्हेयगी । चाल, म्हूं थने धारी मां रे अठे पूगाय दूं ।'

मृगमयी विद्धाणा सूं ठठ भट देगी री जानवा ने त्यार व्हेगी । अपूर्व वीं रा दोई हाय पकड़ न बोलियो, 'म्हारी एक वात मानेला । देख, म्हूं धारे कतरी दांग आडो आयो हूं । आज परदेस जावती वेळा थूं म्हणें एक ईनाम देवेला ?'

मृगमयी अचरज सूं पूछियो, 'काई ?'

'थूं धारा चित मन सूं म्हणे एक प्यारियो दे ।'

अपूर्व री ई अजब अरज ने सुग, वीं रो ठावो मूंडो देख मृगमयी हंसवा लागी । पछे घणी दोरी हंसी रोक न प्यारियो देवा ने आगे पांवडो भरियो । अपूर्व रा मूंडा कने मूंडो लेजावतां लेजावतां वो वीं सूं नीं रेवणी आयो ही ही करन हंसवा लागी । अपूर्व काई करतो, धाकलवा रे मिस वीं रा कान री लोळ ने पकड़ न हिलाय दीवी ।

अपूर्व वींरा मन में करडी आखडीं लेय राखी ही के वो लूट न के घाटो पाड़ न काई नीं लेवेला । खोस न खावा में आपरी हेटी समझतो । वो तो चावतो हो के देवता री नाई भाव भगती सूं भेंट करियोडी वसत ने अंगीकारे हाय उठाय न तो वो लेवणो नीं चावतो ।

मृगमयी पछे नी हंसी । परभात रा पांहर में, अपूर्व सुना गैला सूं वीं ने वीं री मां कने पूगाय आयो । पाद्यो घरे आय मां ने कहियो, 'मां, म्हें खूब सोची विचारी वीनणी ने सागे कलकत्ते लेगियां म्हारी पढाई में हरजानो व्हे । धां धारा कने राखणो चावो नीं जो वीं ने वीं री मां कने छोड़ आयो हूं ।

मन में ऐंकार भरिया मां वेटा थूं विच्छड़िया ।

[ ७ ]

पीयर आयां मृगमयी ने लागवा लागियो के अठे तो वीं रो अवे जीव ई नीं लागे । जाणूं वो घर ई आबो और व्हेगियो, पैलावाळी काई वात ई ज नीं री । वगत काटियां नीं कटतो । काई करे, कठे जावे, किसूं वात करे, देठी

अगताय जावती ।

मृण्मयी ने यूं लागवा लागियो जांणे घर में, गांम में कोई भिनख ई नीं है, भरी दुपैरी में सूरजग्रेण व्हेगियो व्हे । वीं रा सूं समझणी ज नीं आयो के आज वीं रो मन कलकत्ता जावा ने अंतरो फड़फड़ाय रियो है,, काले वीं रे कांई व्हेगियो हो । काल तांई वीं ने खबर नीं है के जां चीजां ने छोड़ न कलकत्ते जावणो वीं ने अंतरो अबखो लाग रियो हो, वां चीजां में आज कांई सुवाद ई नीं रैवेला । डाळी पर सूं पाकियोड़ा पानां ने रूख आप सूं डाळ हेटे फँक देवे ज्युं पैलांवाली रैवणी ने मृण्मयी आज आपरा मन सूं दूरी फँक दीधी ।

जूनी कैणियां में सुणवो करता हा के पैलां रा चतर कारीगर एड़ी पतळी तरवार वणावता के कोई आदमी रे झाटको मारियां दो ढोल व्हे जाता पण खबर नीं पड़ती के कट गियो है । वीं ने हिलावता जदी दोई वटका न्यारा जाय पड़ता । वैमाता री तरवार ई एड़ीज पातळी अर धारवाळी है । वीं कजांणा कि वगत मृण्मयी रे टाबरपणां रे अर जवानी रे बीचे वार कीधो । वीं ने ठा नीं पड़ी । आज थोड़ोसो टंल्लो लागतां ई वीं रो टाबर पणो, जुवानी सूं खिरं ने अळगो जाय पड़ियो । वा अचंभागत देखती रैयगी ।

पीयर री वा पैलांवाळी ओवरी वीं ने अबै वीं री नीं लागती । जो मृण्मयी वठै रैवती अबै खबर पड़ी के वा वठै नीं री । अबै तो हिवडो एक दूजा घर में, दूजा ओवरा में, कोई दूजा ढोलिया रे आड़ेपाड़े ई ज भमतो रैवतो । मृण्मयी अबै वारे निजर नीं आवती । अबै वीं री हँसवा री आवाज ई वारे सुणवा में नी आवती । राखाल वीं ने देख न भौ मानवा लागगियो । रमवा कूदवा रीं वात तो अबै वीं रा मन में ई नीं आवती ।

मृण्मयी, मां ने कहियो 'मां, म्हें सासरे ले चाल ।'

वठी ने कलकत्ता जावती वेळा बेटा रो उतरियो थको मूंडो चींतार चींतार मां री छाती में होळधां ऊठ री ही । रीस में आय वो वींनणी ने पीयर मेल आयो हो जो वीं री छाती में साल रियो हो ।

एक दिन घूँघटो काढ न, वींनणी वण न मृण्मयी घरे आय ऊभी री । मूंडो उतर रियो हो, आय सासू रे पगां लागी । सासू री आख्या जळजळी व्हेगी, वींनणी ने छाती रे लगाय लीधी ।

एक छिन में दोवां रे ई हेत व्हेगिया । बहू रो मूंडो देख न तो सासू अचंभा में ई रैयगी । अबै वा पैलांवाळी मृण्मयी री ज नीं । थोड़ाक भिनख ई ज एकएदम यूं बदलिया व्हेला । सासू मन में सोच री ही के धीरे धीरे वींनणी ने गैले घाल चुंला । पण वींनणी तो एकएदम गैले घली लगी घरे आई, जांणे नुवो जमारो

लीधो व्हे ।

अब्रै सामू वीनगी ने समझगी, वीनगी सामू ने समझगी । गोड़ रे लारे लारे डाळा पानड़ा जुड़ियोड़ा व्हे ज्यूं सामू वीनगी मिल घर ने एक अखंड बणाय लीधो ।

मृगमयी री सारी देही में, हिंडुदा में, आतमा में, नस नस में लुगाईपणो छायगियो । वो नारीपणो अब्रै वीं ने पीड़ा देवा लागो । आसाढ रा काळा अर पांणी सूं भरिया वादळा री नाई हिवडो भरियो रे । वीं री केरी री फांक जेड़ी आखियां में हिवडा में छाया वादळां री छाया और ई गेरी गैरी दीखवा लागी । वा मनोमन, आपरा मन वसिया ने ओळभा देवती, म्हूं तो नादान ही पण थां तो नादान नीं हा । थां म्हंनें म्हारी गलतियां पे डंड क्यूं नीं दीधो ? थां थारी मरजी पे म्हंनें क्यूं नीं चलाई ? म्हूं पांपण थारे सागे कलकत्ता जावा ने नटगी तो थां मांडाणी क्यूं नीं म्हंनें साये ले गया ? थां म्हारी वाता मानीज क्यूं ? क्यूं म्हारी जिद्दां पूरी करता गया ?'

पछे वीं ने वो दिन बीतां आयो पैलापेल सुनसान गैला में अपूर्व वीं ने पकड़ केंद्र कर राखी पण मूंडा सूं कांई कहियो नीं, खाली मूंडो देखतो रियो । वीं ने वीं दिन री तळाव री, गैला री, रुंख रे नीचे छाया री, परभात रा सोनेरी तावड़ा रो याद आई । लारे री लारे याद आई अपूर्व कसो निजर सूं वीं कानी झाकियो हों, आज अचांगक रा वीं निजर रो अरथ वा समझगी । पछे रवानगी रे दिन वीं रा मूंडा तांई मूंडो ले जायन पाओ मूंडो कर लीधो जो याद आयो अब्रै वो अब्रै प्यारियो, तिरसाया हिरण री नांई अगतिसणा रे लारे भागवा लागो पण तिरस नी मिटी । अब्रै वा यां ई ज वातां में हूबी रे, वीं वगत यूं कर लीधो व्हेतो, यूं जुवाव देय दीधो व्हेतो ।

अपूर्व रा मन में घगो दुख हो के मृगमयी वीं ने समझी नीं । आज मृगमयी सोच री ही के वां म्हंनें कांई जाणी व्हेला, कांई सोचता व्हेला । वां जाणी व्हेला के उछांछळी, चरपरी, गंवार छोरी है, वां रा थलाथल हेत सूं भरिया सरोवर सूं प्रेम प्यास बुझावावाळी लुगाई वां म्हंनें नीं समझी । वीं ने पछतावो आयरियो, लाज सूं घरती में गड़ी जाय री है । अपूर्व लाड करतो वो रिण वीं रा तकिया रा लाड कर कर न उतरवा लागी । यूं घणां दिन बीत गया ।

अपूर्व जावती वेळा कैय गियो हो के, 'जठा तांई आगे व्हे नीं लिखेला जतरे म्हूं घरे नीं आवूंला ।' मृगमयी वीं वात ने याद कर एक दिन साळ रो झाडो जड़ कागद मांडवा लागी । अपूर्व वीं ने सुनैरी किनारा रा कागद देय गियो हो, वां ने काढिया । अब्रै सोचवा लागी कांई लिख । घणी चतराई सूं

जमाय कागद मांडवा लागी । वांकी डोडी ओळां मांडी, आंगलियां स्याईं सूं लीं गायगी, नान्हा नान्हा आखर मांडिया, ऊपरे वतळावण रो कांई नाम नीं लिखियो । मांडता ई यूं मांडियो, 'थां कागद क्यूं नीं लिखो ? थां किस तरें हो ? घरे झट आय जावो ।' अबै और कांई लिखे जो सार वृतांत ही वे तो सगळी मांड दीधी । मिनत्र चुभाव री आदत व्हे असल में वृतात व्हे जिने वघाय न कैवा री । मृमयी ने ई कागद फीको लागियो । वीं सोच विचार दो चार ओळां और वघाय दीधी, 'अबै म्हणें कागद देवजो, थां किस तरें रेवो जो लिखजो । घरे घावजो । मां राजी है, विसू पुत्ती राजी है । काले आंपा री गाय रे केरडो व्हियो ।'

अतरो लिख कागद खतम कीघो । कागद ने खाम कीवो, एक एक आत्रर पे हिवडा रा हेत ने ऊंवावती लिखियो 'श्री अपूर्वकुमार वावू ।' प्रेम भजां ई आखा ई हिवडा रो ऊंधो कर दीघो पण ओळां वांकी ज री, आखर रूपाळा नीं आया, काना मात री गलतियां रैयगी । लिफाफा पे नाम रे सिवा कांई नीं लिखियो । वा जाणती नीं ही के और ई कांई मांडणो पडै । कठे सासू के और कोई वृजी जणी देख नीं ले डरपती थकी भरोसा री डावडी सागे डाक में न्हाकय दीयो । वीं कागद रो जदाव आवणो ई नीं हो, नीं अपूर्व घरे आयो ।

मां देखियो कानेज ई बंद व्हेगियो अपूर्व घरे नीं आयो । ओजूं ईं रीस सीळी नीं पडो दीखे मृमयी जाणगी के परणियो वेराजी है । अबै कागद मांडियो, जीं ने याद कर न लाजां मरवा लागी । वीं कागद में तो वीं सूं कांई लिखणी नीं आयो, मनडा री कांई वृतात कैवगी नीं आई । कागद ने वांच न साम्हा वे वीं री हँसी करता व्हेला । वा तो तीर सूं विधियोडा पराणी री नाई मन में तडफदा लागी ।

डावडी ने कतरो दांग पूछ लीधो, 'थै वीं लिफाफा ने डाक में न्हाक तो दीघो हो ?'

वा घडी घडी रो भरोसा देवावती, 'हाँ, लाडीसा, ग्हाय हाथ सूं बंबा में घालियो ।' वावूजी कनें पूग गियो व्हेला ।'

अपूर्व री मां एक दिन वींनगी ने कहियो, 'लाडी अपू घरे नीं आयो । जीव करे कजकते जाय न वीं सूं मिल आवूँ । थै ई साये चाजोला ?' मृमयी मायो हिलाय हूंकारो भरियो । आपरी साळ में आय आडो अडकाय विछारणा पे पडगी । तकिया ने छाती रे लगाय, लोट लोट, हँस हँस मन रा वोभा ने हळको करवा लागी । पछे ठिमरास सूं बैठगी, उदास व्हेगी, भांत भांत री संका कर रोवा लागी ।

अपूर्व ने समीचार दीघां विना ई दोई तपता काळजा सूं कलकते चाली



अपूर्व ने राजी करवाने मनावा ने ।

कलकत्ते जाय अ व री मां आपरा जंमाई रे घरे उत्तरी ।

वीं ज दिन संमथा रा मृगमयी रा कागद आवा रो भरोसो छोड़ अपूर्व कागद मांडवा वैठियो । कोई तो लफज वीं ने जच नीं रियो हो । वो एड़ो संबोधन हेर रियो हो के जीं में प्रीत तो भरी व्हे पण सागे अभेमान ई पूरो झलके । एड़ो लफज नीं लात्रो तो वीं ने आपरी मातृभासा पे रीस आई । अतराक में तो वैनोईजी रो लक्को आयो के 'थांरी मां आया, झट आय न मिलजो । सांझ रा अठे ई ज जीमजो ।' जमीचार भलां व्हेतां ई वीं रा मन में खोटा वैम उठिया, झट देणी रो वैनोईजी रे घरे चालियो ।

मिलतां ई माने पूढियो, 'मां, घरे सब राजी खुसी है ?'

'हां, वेटा, सब राजी खुसी है । छुट्टिया में थूं घरे नीं आयो जो म्हारो मन मानियो नीं । धनें लेवाने आई हूं ।'

'यें फिजूल क्यूं फोड़ा देखिया । म्हनें कानून रो इमतिहान देवणो हो.....' प्रसी घणी वातां कैय दीवी ।

जीमती वेळा वैन पूढियो, 'दादा, थां आया जदी भाभी ने साये क्यूं नीं लाया ? वठे ई ज क्यूं छोड़ आया ?'

भाई वड़ा ठिमरास सूं बोलियो, 'कानून री पढाई ही.....' वगेरा वगेरा ।

वैनोई हंस न बोलियो, 'ये सैंग वातां झूठी । असल में म्हारा सूं डरपता चां ने नीं लाया ।

वैन बोली, 'होई ज अस्या के डरपणी आवे । छोटा मोटा टावर देख ले तो डरप न ताव चढ जावे ।'

थूं रोळ मसखरी करवा लागा । अपूर्व उदास ई वैठियो रियो । कोई वात वीं ने सुंवाय नीं री ही । वो सोच रियो हो के मां अठे आई तो मृगमयी ने लार ले आवती तो कांई व्हे जातो । कदाच वीं कहियो ई व्हेला लारे आवा ने तो वा वावळी छोरी नटगी व्हेला । कांग मुनाहिजा मूं मां ने पूढगी नीं आयो । संसार री अर मिनख री रचना वीं ने फिजूल लागवा लागी ।

वैन बोली, 'दादा अठे ई सोय जावो ।'

'नीं म्हारे काम है, म्हनें जावा दे ।'

वैनोई बोलिया, 'रात ने एड़ो कांई काम है थांरे । एक रात रय जावो तो व्हे कांई ? थां ने अवार जाय न कठे ई हाजरी थोड़ी मंडावणी है ।'

घणो कहियो काजियो तो मन नीं व्हेतां ई अपूर्व वठे सोवा ने राजी

व्हे गियो । वैन बोली, 'दादा, थां थाकिया थाकिया लागो, जावो सोय जावो ।'

अपूर्व या ई ज चावतो के अंधारा में अकेलो जाय पड़ रैवे । वीं ने बोलणो ई नीं सुंवाय रियो हो ।

सोवा ने जीं कमरा में गियो वीं में अंधारो व्हेय रियो हो । वैन बोली, 'दीवो वायरा सूं बुझ गियो दीखे, दूजो लेय आवूं ।'

अपूर्व नट गियो, 'रेवादे, दीवो बळतो राख न म्हारी सोवा री वांण कोयनीं ।' वैन परीगी । अपूर्व डोलिया कानी पग दीधा । डोलिया पे बैठवा वाळो ई ज हो के चूडियां बाजी, सागे ई कंवळी कंवळी वांहिया वीं ने बाथ में भर लीघो । फूलां जेडा नाजक होठ वीं रे मूंडा रे आय लागिया । अपूर्व एकर तो चर्मकियो पछे समझियो के घणां दिनां पेलां जो काम हंस देवा सूं अधूरो रैगियो वो आज संपुरण व्हेय रियो है ।

